



Durtmann, Oct. 70

#3287



R d IV 7

KAIATONSERA
IONTERENNAIENTAKWA

NE

TEIEIASONTHA ONKWE ONWE

NE ROTIIATONSERISONHONNE
THARONHIAKANERE

nok

TEKARONHIANEKEN,

KAHNAWAKEHRONON RONWATINI OKON KENHA.

Shokwatakwen nok
Oia sonha wahororoke
TEHONIKONHRATHE.



KAHNAWAKE, P.Q.

1903

IMPRIMATUR :

Montréal, le 2 février 1903.

† PAUL, Arch. de Montréal.

TSINIKON AIERIWAIERITE NIAKO- RIWIIOSTON NE SEWENNISE- RATSON.

Sasehiarann, sariwiioston, tsi ioteriwison
nonwa wenniserate:

*Atsescennaïen ne Niïo,
Atsenonwene ne hiaiatison,
Atsenakeren ne Iesos,
Asatsennonniatakwe tsi hianekwensahrise,
Aseniahesenhake Wari ioiatatokenti,
Ashciennite nakoiatatokentison,
Asatsennonniaten ne satonnhetston,
Askenrenseronni ne tsieronke,
Asatennikonhrisake:
Taonsaserizwaserako tsi sarizwaneren,
Asaskanekseke ne kariwiiose okonha,
Tasatentsa ne karonhiaké,
Asetsaniseke noneshon,
Asennontonnion iatekakonte:
Tosa asatenniseratiesate,
Asherihorenten nonkwe ne kariwiios,
Tosa ashenakeren niahte iakoriwiioston,
Ashetsaniseke nonatkonseraksen,
Tosa asatatenikonhraierite,
Tokat nonzwa ensiheie,
Nok tenhiaiatorete ne Rawenniiio,
Ienwatkontakwe tsinenhiaierase,
Tokat ensatsennonni,
Tokat ken ensatkaronni.
TETSIATORET, SARIWIIOSTON.*

TIOTIERENTON NATEIOTIAKON NE KAIATONSERA.

ETHONON IEIOTERORON
TSINIKON AIEIRIWAIERITE NOKTIKAWEN-
NIIO NIAKORIWIHSTON,

IKEN :

Orhonkehne Ionterennaientakwa,
Satkonwanoronkwanion naewistaheke,
Tsinateiontskahonne nok tsinaekwen-
tane,

Okarasneha Ionterennaientakwa,
Ionterennaientakwa sonha tsi Iakohasen,
Ionterennaientakwa sonha Sewenniserat-
son tsini Ioiaiakseres,

Tsiontateronkwennitha Ionterennaientakwa
sonha,

Ieiatarastha Ionterennaientakwa sonha.

ORHONKEHNE IONTERENNAIENTAKWA.

Tsinaehie, aiairon:

† Rasennakon Roniha, nok Roienha, nok Rotkon Roiatatokenti, ethonaiawen. Sewenniio, wakonwenniioste tsi konnhe; Iesos, wakhonhion nakweriasa; Wari, takwaterennaienha.

Eniontketsko, iosnore eniontseronni, nok iokontatie teniontontsoten, eniairon:

† Rasennakon... Niawen, Sewenniio, sonkerhene, sonhatsiwa wakonwenniioste tsi konnhe. Wakaterientason niahtaonsakonnihonhraksate nonwa, kenwentatie enkonwennarakwake, enkonnikonhraieritseke. Iesos, Wari, Sose, sewawatsiratokenti kowa, takwaienawas nisa, nakatatewennaierite tsi nonwa nakiere, rirharatstenni ne Rawenniio, ethonaiawen.

Sewenniio tsi iakionnhe, Ashenseratokenti, Iesaniha, Iesaienha, nok Satkon Saiata-

tokenti, sesewaiatat Niio, karonhiakwekon, onwentsiakwekon oni tsiatananon, tewa-kehtakon ken tsiteron, satontetsihon tsi katerennaiens; takitenr kati, takienawas nisa, enskat ok akenikonhrarake, nonwa iawet tetenihtarha, akwa aontakennikonhrasahate. Tekonnonweratons tsini kkwenies, aseken sonhatsiwa tsiatanoron, ise takiatison, takonnhetonhatie, takiatanonstatonhatie tsini wakiatawensersons. Tewakehtakon kati naonkeriwiiostonhake nonwentsiake, nakonhienterhane karonhiake.

Ronwasennaientakwa Niio:

Tewakehtakon, Niio, tiotkon tsi senakere, iatekakonte oni ensenakereke, iah othenon tesianoronse; Sewenniio ne ken kiteron, iah kaneka niahtasiterontake; ise sonhaa konwenniiostha, konsennaiens oni akenikonhrakwekon. Wakeriwanerahaks-kon sane, sekon ki wakerhare nenskitenre tsini satanitenraskon, aseken takwarharats-tenni. Konnonwes akweriasakwekon, tsini iahtiaiehewe tsini saianere; khenonwes oni akwekon nonkwe, tsi nii nikatatenonwes, aseken ethoniskwatenientense.

Askenikonhrahnrirate, Sewenniio, tsi wake-riwiioston, tiotkon etho naonkenikonhroten-

hake, akwa akatontatseke tsinikon tisawen-ninekenhon, ne nonwa ionkwarihonniennis Sentiohkwatokenti. Akwa tokenske tewakehtakon tsi enskat ok ne Niio, iah taonton tohka nahatihake. Tewakehtakon ashen nihati raonhakon ne Niio, Roniha, Roienha, nok Rotkon Roiatatokenti; Niio ne Roniha, Niio ne Roienha, Niio ne Rotkon Roiatatokenti; iah sane ashen Niio teken, sahaiatat Niio nashen nihati. Tewakehtakon Niio Roienha onkwe rotatonni, kaiatakon ne kaiatanoron kowa, Wari iahte kanakwaienteri, Iesos Kristos ronwanatonkon. Ne aoriwa onkwe rotiatotenston, naharonhiaken, naonsasakoskontakwate nonkwe noneshon, ne rawenheiaton tekaiasantne.

Tehonwanonweratontha Niio:

Niio, satanitenraskon kowa, sarihonweskwani tsi shetenranions nonkwe, tekononweratons, niawen takiatison nok seskwaskontakwen noneshon; akwa takkonnienson tsi kiatare niakoriwiioston teieiasontha. Kentiohkowanen iakotkaronniaton tsi iahte iesaienterhaon; senha onte aiakote-weientonke tsi nii niiot, naiesaienterhaon. Niawen kati tsini skiatanonstaton, iahteskrewaton tsini wakeriwanerahakhon; nia-

wen oni nonwa skennen sonkerhene, tosa akatenniseratiesate nonwa sekon takwenniserawi.

Aionterientasa:

Sewenniio Iesos, onwentsiake tsiseskwe, sewennake, seweiennake oni takwarihorentenni tsinaiakwaierhake naontaionkwariwaierite, wakaterientasa nonwa, tsinenkweni, akonnakeren, tsi nise niiot, aonkenikonhriiohake, aonkwennitenton akenikonhrakon, akswenseke ne kanakwaiesatsera, aonkenikonkatsteke nothenon, aonkwatantenraskonhake, nok taonkwennikonhriakon nahotèn enskwatenientense; enkakwisron tosa aonsakeriwanerake, aseken kaskaneks naonkiatatokentonhake.

Ahonwennitentase Niio:

Sewenniio, saterientare tsi iah othenon teksta, iah othenon takeriwakweni ne ioianere, niahtaskienawasere; askitenre kati, ok tsi nateiotonwentsioni nakwatonnhetston, ethonatsier. Askenikonhrahnnirate nakkweni tosa etho nakiere tsinikon niahte senonwes; akwekon tenhnon etho naonkierenhatie tsinikon senonwes, nok akwekon aonk-

watakatstaton tsiinikon nenskon naonkeni-
konhraksen nok nakeronhiaken nonwa.
Ethonaiawen.

PATER, Iesos roterennaientakserison:

Takwaienha ne karonhiake tesiteron, aie-
sasennaen, aiesawenniiostake, aiesawen-
narakwake nonwentsiake tsiniiot ne karon-
hiake tiesawennarakwa. — Takwanont ne
kenwente iakionnhekon niate wenniserake;
sasanikonhren nionkwariwaneren, tsiniiot
nii tsionkwanikonhrens othenon ionkini-
konhraksaton nonkwe; tosa aionkwasenni
ne kariwaneren, akwekon eren shawit nio-
taksens, ethonaiawen.

AVE, Raronhiakehronon raowenna:

Wari, tekonnoronkwaniens, ise tsiati ioia-
nerenstakwa, Rawenniiio senikwekon, son-
haa nakonnhetien tsini hiakonnienstha ne
Niio, Iesos oni hetsienha, raonhaa tsini
honwasennaiens. — Wari saiatatokenti,
Niio hetsienha, takwaterennaenhas ionk-
wariwanerahakskon, nonwa nok oni tsi nen-
tiakwenheionsere, ethonaiawen.

CREDO, Ratikwekonne raotiwenna:

Tewakehtakon Niio Roniha, iah othenon tehonoronse, roteweiennonni karonhia onwentsia oni. Tewakehtakon Iesos Kristos, raonhatsiwa Niio Roienha Sonkwawenniio, onkwe rotonhon, roiatison Rotkon Roiatatokenti, Wari roteweton, iahte kana-kwaienteri; ethone tsi hoterihontakwe Konskwirat ronwaiatskwe, roroniakenhon ne Iesos, ronwaiatanentakton tekaientannhareke, rawenheion, ronwaiataten, onwentsiakon iehohton, nok ashen watontha niwenniserake shotonnheton; karonhiake ieshawenonton, etho kati nonwa ieshenteron, tsi raweientehtakon ne Roniha iah othenon tehonoronse, tentesakoiatoretane nenia-konnheke nok oni niakowentaon. — Tewakehtakon oni ne Rotkon Roiatatokenti, kentiohkwaien otiohkwatokenti, onwentsiakwekon sakentiohkwat, iken teiontatseronnienis akoiatatokentison, sewaterakewas iakoriwaneren, entsiontonnhete niakowentaon, nok iatekakonte ientsiakonnheke, ethonaiawen.

CONFITEOR, Tsiontateronkwennitha:

Niio, ise Sewenniio tsi iakionnhe, iah othenon tesanoronse, satontek; ise oni Wa-

ri saiatatokenti, iahte senakwaienteri, Wishe satkon seronhiakehronon, Sawatis saiatatokenti, Tier, Kor oni, Iesos hetsiseni-wennenhawakwe, sewakwekon sewaiatatokentison, karonhiake tisewanakere; ise oni hetseriwawase ne Sonkwawenniio Iesos, sewakwekon tsiatontek: onen wakeriwaienterene tsini wakeriwaneren, kennontonniontserake, kewennake, kweiennake oni, ii akeriwa, ii akeriwa, ii akeriwa kowa. — Onen kati Wari saiatatokenti, iahte senakwaienteri, Wishe satkon seronhiakehronon, Sawatis saiatatokenti, Tier, Kor oni, Iesos hetsiseni-wennenhawakwe, sewakwekon sewaiatatokentison, karonhiake tisewanakere, ise oni hetseriwawase ne Sonkwawenniio Iesos, sewakwekon kwennitentase, askwaterennaienhase, naonsonterakewe tsini wakeriwaneren, ethonaiawen.

Oieri nihawennake ne Niio:

Saiatat ok Niio hetsewenniiostak, raonhatsiwa Rawenniio tsi sonnhe;

Tosa satiesat ne Rawenniio raosenna;

Satsterist niawentatokenton Niio rawennisera;

Shekonniienstak icsaienha, naionnise asonnheke;

Tosa sheiaset nonkwe ;
 Tosa satenakwaiesat ;
 Tosa senensko ;
 Tosa sheiennowenten ;
 Tosa saskaneksek kanakwaiesatsera ;
 Tosa saskanaksek akoren akowenk, na-
 serheke akenensko.

**Tsiatak nikawennake ne Kentiohkwa-
 tokenti :**

Tsiatarak ohaseratokentonke, Niio ra-
 wenniserake, nok oni tsi iawentatokenta-
 serons ;

Satsterist iawentatokenton okonha ;

Aonsaiesaronkwase arahonne enskat tsi-
 ni ioseres ;

Ahiatienhase Iesos arahonne tsinonsaha-
 tonnhete ;

Satsterist niakawentontietha, kaieri niok-
 wenhraron konwaiats, entakta ne wentano-
 ronson, nok oni ne kaieri niwasontashen,
 karoha tsinonsahatonnhete ;

Tosa sewarak ronwaiatanentaktonne
 wenniserate ;

Aontascriwaierite othenon tatsenonwe-
 ronmiontake ne Rawenniio nensatonnisa-
 hase,

Iakoriwiiostakon: (1)

Sewenniio, tewakehtakon akwa oriwiiio tsinikon ionkwarihonniennis ne Sentioli-kwatokenti, aseken ise tisawenninekenhon. niahtaonton asennowente.

Iakorharekon:

Sewenniio, akwa wakerhare nenskienawase tsinakiere ne karonhiake akatsennonni; ne enskitenrate tsini sonkwatsennonniatenni Iesos Sonkwawenniio, aseken ethoni skwarharatstenni.

(1) Ne aontakarilionniate naiotkateke aierihoktake niakoriwiioston ne *iakorizwiiostakon*, *iakorharekon*, *nok ronwanonwestha Niio*, nene akwa teiotonwentsiohon naieriwaierite ne karonhiake aiontsennonni, ken nasakotitenre luiriwawakon kowa Benoît XIII (15 senvie 1728), nok Benoît XIV (25 senvie 1756):

1) Tewateriwaserakwatha kowa, enskat ne sewennitat teniontentsa tsiniakon ne sewenniseratson tsini weunites tiakonikonhrasahaton eniakorihoktaon, kawenniio tsiontateronkwenni, iakoiataraon, iakoterennaian tsini haskanekseroten n'Ariwawakon kowa; 2) Tewateriwaserakwatha kowa teniontensa, ne iaiheionsere nenierihokten nethone; 3) Tsiatak nioserake nok tsiatak nioriwake ne kaieri niwasontashen ne tewateriwaserakwatha sonha, ka ok nonwe enierikokten nakonikonhrakwekon.

Ronwanonwestha Niio:

Sewenniio, sonhatsiwa konnonwes ake-nikonhrakwekon, aseken iahtiiaiehewe tsini saianere; nok ise sariwake, khenonwes akwekon nonkwe tsi nii nikatatenonwes.

Tsiontonnhakanonniatha:

Sewenniio, onen wakeriwaienterene tsini wakeriwaneren; akwa tokenske iahte kat-tokha, wakite onwe tsini wakieren, niiaweta konnakwatenni, konwennontion. Onen kati nonwa sakatatrewate, skeriwaswens tsini wakeriwaneren, iken ise seriwaswens ne ier-iwaneraks. Ne ki skatatrewatakwa tsini konnonwes, sonhaa tsini satanitenraskon, sonhaa aiesanonwehake, naionttokhake nonkwe. Onen kati nonwa sewakatonnhakanonni, akwa tewakennikonhrasahaton, ikehre iah nonwenton taonsakeriwanerake, iah nonwenton etho taonsakiere tsinenwe enkonnhake. Takitenr, Iesos, sasanikonhren tsini wakieren; Wari saiatatokenti, takitenr, takwaterennaienhas, ahakitenre Iesos hetsienha, karonhiake ahakiatinionte tsinenkatonnhokten, ethonaiawen.

Ronwennennitentase Akoiatatokentison:

Wari saiatatokenti, Niio hetsienha, nok oni ni takwaien okonha niakionkwe, ise konniahesen kowa, satanitenraserakon iawet wakhiaiatonti; seriasakon wakatekwasshen; askenikonhrahnrirate tsi tekatonnhakari:s nonwentsiake, aontaskeriwakennhase tsi thenteron n'hetsienha Iesos ne rini-konhraksaton; askwaterennaienhase niate wenniserake, nok senha nonen othenon nenwakiatawen, ethonaiawen.

Saiatatokenti Wishe, ise tiotierenton hetsateriose ne Rawenniio, shesennion ronaton ratinaiehne, nok iesennakeraton rati-ronhiakehronon; takwannhe ne sentiohkwa, tosa nonwenton aionkisenni noneshonronon.

Seronhiakkehronon, hiaiatarakwen ne Rawenniio naskwatsteriste, tontaskswathten, askenonnhatieseke, akwa askwatsteristake kaneka tsi enkeseke, nok othenon nenkatierhake, othenon oni nenwakiatawen nonwa wenniserate.

Sose Saiatatokenti, tsini tisariwaierikwe, hiaiatarakwen ne Rawenniio tashesnieke nonwentsiake Iesos nok Wari, takwaterennaienhase naontonkeriwaierike, nok aiakeni-kwekonhake Niio raoianerenstakwa nonen enkiheie, ethonaiawen.

Saiatatokenti ne sate teionkiiats, takwa-
terennaiaienhas, nakkweni naontahinikonh-
raieritseke ne Rawenniiio nonwentsiake, ne
katke sonha aetenikwekon ahisennaiaien ne
karonhiaake, ethonaiawen.

**Aiontataterennaiaienhase ne iakonnhe nok
niakowentaon:**

Konhiennitentase, Sewenniiio, atsitenre
n'Ariwawakon kowa, Ariwawakon sonk-
watsteristha, akwekon oni ashetenre ne ie-
sawennenhawe okon ionkiri honniennis, tio-
kon aiesanikonhraieritseke, nok aiakiwen-
narakwake, tsi ise nishemhaon.

Ashetenre oni ne ionkwateweton, khe-
nonkwe okon, onkwatenro okon, inon ia-
kawenontanion, ionkenoronkwa, nok oni
ne ionkswens, akwekon aiontewcieton,
nok karonhiaake aiontsennonni.

Konhiennitentase, Sewenniiio, ashetenre
ne tsi tetieseronniatha tieteron, asheskon-
tako, nok karonhiaake asheiatinionte.

Akwekon askwatontatse, Sewenniiio, tsi-
nikon konhiennitentase, ne askitenrate tsini
satanitenraskon, nok tsini sonkwatsennon-
niatenni Iesos Kristos Sonkwawenniiio.
Ethonaiawen.

IESOS RAORIWA TAKWENTENR (1).

Takwentenr, Sewennio. — Kristos, takwentenr.

[— Takwentenr, Sewennio.

Iesos, takwatontats. — Iesos, takwawennarak.

Niio Iesaniha, karonhiake tesiteron, takwentenr.

Niio Iesaienha, nonkwe sesheiatontakwen, }

Niio Satkon Saiatatokenti,

Ashenseratokenti, enskat ok Niio,

Iesos, ise hiaienha Niio ronnye onwe,

Iesos, ise tehaswathetennis hianiha,

Iesos, ise teioswathetakwa ne teioswathe

[iatekakont,

Iesos, ise iesanontio, saiatanehrakwatou-

[hatie,

Iesos, ise karakwio, sesheiatatarihatha ne

[tiakoriwaieris,

Iesos, ise saienha Wari iahte kanakwa-

[ienteri,

Iesos, ise akwa saiatanonwet,

Iesos, ise akwa iesaiatanehrakwas,

Iesos, ise Niio ne sesatstekowa,

Iesos, ise sewennio tsini iawensere tsi-

[nenwe,

Iesos, ise tiesannhaon ne Katsienhowanen,

Iesos, ise iah othenon tesanoronse,

Iesos, ise iahtiaichewe tsini satakatstaton,

Iesos, ise iahtiaichewe tsini satontats-

[konne,

Takwentenr.

(1) Akowenk nenierihokten *Iesos raoriwa takwentenr* enskat sewenniserat taiontentsa 300 niwenniserake ne tewateriwaserakwatha sonha.—(Pie IX, 8 sen 1862 ; Reon XIII, 16 senvie 1886).

Iesos, ise seriasiio nok sennitenton,
Iesos, ise seriwanoronkwa kowa iahte ie-
[nakwaienteri,

Iesos, ise takwanoronkwa,
 Iesos, ise sewenniio ne skennen,
 Iesos, ise sewenniio tsi tionnhe,
 Iesos, ise sherihorentennis ne kariwii^{ose}
 [okonha,

Iesos, ise sheiataskennhas akotonnhetston
[nonkwe,

Iesos, ise takwawenniio,
Iesos, iseke iakwatekwashentakwa,
Iesos, ise sheien okonha ne iakotent,
Iesos, ise akotsokowatsera niakoriwiioston,
Iesos, ise senonnhatseriio,
Iesos, sonhaa tesaswathe kowa,
Iesos, ise sattokha kowa, ok tsi sonnhe,
Iesos, ise iahtiiaiehewe tsini saianere,
Iesos, ise takwahahawis nok takionnheton-
[haties.

Iesos, ise sheionweskwatennis neronhiakel-
[ronon,

Iesos, ise iesennakeraton rotiksten okon
[kenlia rotikstenseratokenti,

Iesos, ise sherihonnienni ne sewakwekonne,
Iesos, ise tesheswathetenni ne rotiiaton
[tsini saieren,

Iesos, ise shesatstenserawi ne kariwiioston
[iontateriohton,

Iesos, ise tesheswathetennis ne ratirihowa-
[natha kariwiioston,

Iesos, ise sheiatanonstats niahte ienak-
[waienteri,

Iesos, ise sheiatsennonniatennis nakoia-
[tokenti okon,

Takwatontats, takwentenr, Iesos.

Takwentent.

Takwatontats, takwawennarak, Iesos.

Tosa othenon aionkwakaronniheke, tontakwann-
[he, Iesos.

Tosa othenon aiakwariwanerake,

Tosa askwanakwase,

Tosa taionkwanenhraienniheke notkon,

Tosa aionkwennontonnion ne kanakwaie-
[satsera,

Tosa iatekakonte aiakwenheie.

Tosa aiakwakenhronniheke tsini skwani-
[konhrawis,

Ne tsini onkwe satonhon,

Ne tsini sennakeraton,

Ne tsini seksaa kenhne,

Ne tsini sonnhotenne akwa Niio raonnha-
[tokenti,

Ne tsini saiotenhon,

Ne tsini setkentsihon nok iesaiesaton,

Ne tsini iesaiatanentakton nok iesatewen-
[teton,

Ne tsini saronhiakenhon.

Ne tsini senheion nok iesaiataten,

Ne tsini tsisatonnheton,

Ne tsini karonhiake ietsisenonton,

Ne tsini satonnharonnions,

Ne tsini saiatanehrakwat,

Iesos, ise seriwahtontha ne kariwaneren, takwen-
[tenr, Iesos.

Iesos, ise seriwahtontha ne kariwaneren, takwa-
[tontats, Iesos.

Iesos, ise seriwahtontha ne kariwaneren, takwen-
[tenr, Iesos.

Takwatontats, Iesos. — Takwawennarak, Iesos.

Tontakwannhe, Iesos.

Tewaterennaïen :

Sewenniio Iesos, isen : takwanekennihek, nok enkwawiseke ; sewannhontison, nok enkwannhotonkwase ; askion, ne kwane-kennis, nakwanoronkwake onwe, onkwani-konhrake, onkwawennake, onkwaweïennake oni, aontiesenhake tosa nonwenton aiakwa-torisen tsini kwasennaiens. Ethonaiawen.

Askwentenre, Sewenniio, tiotkon akwasennatsaniseke, akwasennanoronkwake oni ; asken iah nonwenton tesheiatewentetha ne shenikonhrahnriratstha aïesanoronkwake. Iakwawennakwekon tsi kwennitentase, ne Sonkwawenniio Iesos Kristos Hetsienha, sate tsionnhe, nok sate sewawenniio, sewakwekon ne Rotkon Roiatatokenti Niio, iatekakonte. Ethonaiawen.

Tsi iakoterennaïentakwen, aiairon :

Tsini tsiatanoron Niio, tsiniïot ne ro-tihterons tsiataкта ne ratironhiakehranon. Ionehrakwat iahteskswenhon nonwa, konhiennitentase ; askitenre tosa seriwarako tsini wakeriwannhikonhatic ; askon oni ok-tiïakiheie tiotkon akonnonwehake, ethonaiawen ne karonhiake akatsennonni.

Etho ionkwatekwashen tsi tesiteron, saiatatokenti Niio hetsienha, tosa skenhronnikhek tsi kwennitentase; nok othenon nenionkwaiatawen ne kanoron, askwaiatanonstatseke ne iontkaronniatha, iahte senakwaienteri, saiatanehrakwat, tsiatanoron, ethonaiawen.

† Rasennakon...

SATKONWANORONKWANION NAEWISTAHEKE.

Tsi kanonsoton ononsatokentison, ashen iotkwararenkwaton iewistaheks niate wenniserake, orhonkelne, entie, nok tsinatewatsothosere, *Takonwanoronkwanion* konwaiats; etho naontawe aiakehiarane niakoriwiioston aionterennaïen, tahonwanonweraton ne Niio Roienha tsini sakenron, tsi onkwe rotatonni naonsasakoskontakononeshon, nok tsi iakonistensen ne karonhiakene Wari ne iakonoronkwa, iakoterennaiennis oni.—Eso akowenk tewateriwaserakwatha sonha ne ierihoktha *Takonwanoronkwanion*, kawenniiio ki taiontontsoten tsi neniewistaheke nok aierihoktake. Teniontentsa 100 niwenniserake ne tewateriwaserakwatha sonha, tsinioriwake enierihokten; tenhnon ne tewateriwaserakwatha kowa akowenk ne, sewennitat tsini kariwes, arahonne enskat ne

sewenniseratson, eniakorihoktaon naewistaheke. (Sakotenron neneh Ariwawakon kowa kenha, Benoit XIV, 20 afri 1742.)

Tsi nonsahatonnhete nonwe, tenhnon entakta okarasneha nonkati, nok Niiohne wenniserate kenwentatie, iahta teiontontsotha tsi nenierihokten.

Entakta Ashenseratokenti nikahawis, tsiniiore entakta enshatonnhete, ken kaien aierihokten:

Rawenniiio thonnhaon raronhiakehronon, Wari rahroriane;

Nok ethone Niiio Roienha rotiataten kaia-takon, Rotkon Roiatatokenti roiatonni. — *Wari tekonnoronkwanions...*

Ken kiteron raowenk ne Rawenniiio tsi konnhe;

Etho kati niiawenn tsini sewennoten. — *Wari tekonnoronkwanions...*

Onen onkwe rotonhon Niiio Roienha;

Onen wasonkwennakeratse. — *Wari tekonnoronkwanions...*

v. Takwaterennaienhas, ise Niiio hetsienha iotonhon;

R. Aiawen taiakwatentsa tsini sonkwarharatstenni Kristos.

Tewaterennaien: — Sewenniiio tsi iakionnhe, okstentsi takwentenron tsi takwato-katenni tsi onkwe rotonhon n'hetsienha, ethone sihahrorianon ne raronhiakehronon

ne Wari; takwentenrat kati, tsini sonkwaronhiakense nok tsi sonkwenheiasa, aontiesenhake aonsasakwaierenhake ne shotonnheton; raonha Iesos Sonkwawenniio iakwawennakwekon tsi kwennitentase, ethonaiaawen.

Ahonwasennaien Niio Roniha, nok Roienha, nok Rotkon Roiatatokenti. — 'Tsiniiohtonne tiotierenton, etho naiohtonhake nonwa, nok oni tsinenwe, ethonaiaawen. (3 *niorizwake*).

'Tsi nonsahatonnhete nonwe, Ashenseratokenti awentawen nikanihare, iontons:

Wari, iesennakeraton karonhiake, satsennonni nonwa, areriia;

Aseken Iesos Kristos hetsienha, areriia;

Shotonnheton tsini hawen, areriia;

Takwaterennajenhas, areriia.

v. Satsennonni nok satonnharen, Wari iahte senakwaienteri, areriia;

R. Aseken oriwiio shotonnheton Sonkwawenniio, areriia.

Tewaterennaien: — Niio, ne tsi shotonnheton Hetsienha Sonkwawenniio Iesos Kristos, nonkwe okon sheiatsennonniaten-

ni; kwennitha, tsi ionkwaterrennaiennis Ronistenha Wari iahte kanakwaienteri, askion iatekakonte aetewatsennonni nok actionn-heke onwe; raonha lesos iakwawennakwekon tsi kwennitentase, ethonaiawen.

IONTERENNAIENTAKWA tsi NA-
TEIONTSKAHONNE nok tsi NA-
EKWENTANE.

Tsinateiontskahonne, iontons:

† Rasennakon... Sewenniio, wakonwen-nioste ne tekatskahonne. Rasennakon...

Tsinaekwentane, iontons:

Niawen, Sewenniio, wasetsienten ne kieronke, asetsienten oni nakwatonnhetston, ethonaiawen. Rasennakon...

OKARASNEHA IONTERENNAIENTAKWA.

† Rasennakon... Iesos, ise Sewenniio tsi iakionnhe, tekonnnonweronnions, tōkenske tsiteron Okaristiakon. Akwa tokenske, Iesos, konnonwes akenikonhrakwekon, sonhaa saiatanonwet, etho oni nakwanonwehake tsini iesanonwes ratironhiakehronon; askenatonhase ohnakiere naesonweskwen.

Niio, ise Sewenniio tsi iakionnhe, tekwanonweratons, niawen naskwentenre skennen takwenniserokten; takwaiatanonstat skennen aionkwarhenne; takwanikonhrata aiakwatsteriste tsini sewennoten: iakwaswens ne iakwariwanerahaktha, aseken ise seriwaswens ne kariwaneren: onen saiakwatonnhakanonni, iahtentsiakwariwanerahakhe, ethonaiawen.

Askitenre, Sewenniio, aonsaskehiarakwen nonwa tsini wakennontonnionkon, tsini wakatatiaton, tsini wakatieranion ne iotaksen, nok oni nahoten iahtaonkeriwaieriton tsini wenniseres, nok sa ok aonsakata-trewate.

Niare kati waontennikonhrisake ostonha tsi nahoten ahonwanikonhraksaton ne Rawenniio tsini wenniseres, nok akonikonhrahkon sahonwatatrewatan.

Niio, ise Sewenniio... sk. 10.

Sewenniio, onen wakeriwaienterene... sk. 14.

Takwaienha... Wari tekonnoronkwations... Tewakehtakon... sk. 9, 10.

Niio, ise Sewenniio tsi iakionnhe, tokenske takwentenron ne ken iakwataraien, seron, aiciatarake notiohkwatokentike niakoriwiioston. Ne ionkwariwiiostakon, tokenske ne saton: Karonhiake eniontsennonni ne iakotewecientonties tsi iakoriwiioston; nok oni ne saton: Onwentsiakon enieronhiaken niahte iakoriwiioston nok ne iakoriwancerahakskon; nok oni ne saton: Entsiontonnhete akwekon nonkwe. Akwekon ne ionkwariwiiostakon, iakwehre, etho neniawen tsini sewennoten; katiken sanowen?... iah oni othenon tesanoronse, ok tiieniakwenheie, enionkwatsteristonhatie tsini sewennoten. Takwentenr nisa, Iesos, takwaniikonhrahnirat, tosa ok taiakwatsente, ethonaiawen.

Iakoriwiiostakon. — Sewenniio, tewakehtakon... sk. 13.

Iakorharekon. — Sewenniio, akwa wa-
kerhare... sk. 13.

Ronwanonwestha Niio. — Sewenniio,
sonhatsiwa konnonwes... sk. 14.

Satkon seronhiakehronon, takwatsteris-
tonliaties tsinahe tsi konnhe, Rawenniio
hiannhaon, raweron, asakotsteriste; takia-
tanonstat, srewat notkonseraksen wakeni-
konhrotakwas; tosa takiatonti, karonhiake
askiatenhawite tsinenkatonnhokten, ethona-
iawen.

Sose saiatatokenti, ise iesennakeraton ne
ken ionwentsiate, ne raweron ne Rawenniio
tsini hianonwes, iah nonwenton telhiawen-
nontion; hetsenken asonkwentenre ne
Sonkwawenniio.

Saiatatokenti ne sate teionkiiats, ise oni
sewakwekon ne sewaiatatokentison karon-
hiake tisewanakere; onen nonwa sewak-
watse kowa, takwentenr, takwaterennaien-
has, asonkwentenrheke ne Rawenniio,
iaetewakwekonhake karonhiake tsinenwe.

Niio, ise Sewenniio tsi iakionnhe, she-
tenr niakowentaon sekon nonwa tieteron tsi
tetieseronniatha, iakoriwaneren; shetenr,
sasheiatontako, karonhiake aiente, aonta-
ionkiiaterennaienhase, aiawens iaiakiiato-
renne karonhiake, tsineniakwenheie; etho

tokenske iakwatatenonkwe ienwaton, iatekakonte taiakwatatenoronkwake, ethonaiaawen.

Ietiaterennaiaienhas niakorizwanerahakskon:

Aierihokten: Takwaienha... Wari, tekonnoronkwanions...

v. Wari saiatatokenti, isc iontekwashentakwa niakoriwanerahakskon;

R. Takwaterennaiaienhas, kwaniahesen.

WARI AORIWA TAKWENTENR (1).

Takwentenr, Sewennio. — Kristos, takwentenr.

[— Takwentenr, Sewennio.

Kristos, takwatontats. — Kristos, takwawenna-
[rak.

(1) Akowenk nemierihokten *Wari aoriwa takwentenr* taiontentsa 300 niwenniserake ne tewateriwaserakwatha sonha. Nok ne niate wenniserake eniakorihoktaon, akowenk taiontentsa tewateriwaserakwatha kowa, nienskahewe Wari awentawen sonha : Sontiatata, Sonnakerate, Sahahrوريا, Sakonwaiatinionte, nok Satkonwaskwenhawē; kawennio nethoni wenniseratokenhatons, aonsaiontateronkwase, aieiatarane, nok aionterennaiaien tsini honikonhroten n'Ariwawakon kowa.—(Pie VII, 30 september, 1817).

Niio Iesaniha, karonhiake tesiteron, takwentenr.
 Niio Iesaienha, nonkwe sesheiatontakwen, tak-
 [wentenr.

Niio Satkon Saiatatokenti, takwentenr.
 Ashenseratokenti, enskat ok Niio, takwentenr.
 Wari saiatatokenti, takwaterennaienha.

Ise saiatatokenti, Niio hetsienha,

Ise saiatatokenti, tsiniakon iahte ienakwa-

[ienteri sonhaa iahte senakwaienteri,

Ise hetsienha ne Kristos,

Senistenseriio, takwaiakhonnis Niio raoia-

[nerenstakwa,

Senistenseriio, sonhaa tsi iah othenon te-

[saiatoron,

Senistenseriio, sonhaa sateweton, iah sane

[tesenakwaienteri,

Senistenseriio, iah nonwenton tesanakwa-

[ienterhaon,

Senistenseriio, iah othenon tesaiataksaton,

Senistenseriio, ise saiatanonwet,

Senistenseriio, ise saiatanehrakwat,

Ise hetsienha Sonkwaiatison,

Ise hetsienha Sesonkwaskontakwen,

Ise iahte senakwaienteri, sattokha kowa,

Ise iahte senakwaienteri, aiesakomniens-

[take,

Ise iahte senakwaienteri, taiesarensaron-

[nion,

Ise iahte senakwaienteri, sakweniatsero-

[wanen,

Ise iahte senakwaienteri, satanitenraskon,

Ise iahte senakwaienteri, tisariwaieri,

Iseke ratatkens ne thoriwaieri kowa,

Iseke rentsqwahere ne rattokha kowa,

Takwaterennaienha.

Ise takionweskwatennis,
 Iseke rotatenonsotani Rotkon Roiatato-
 [kenti,

Ise sonhaa tsi hiakonniienstha Niio,
 Ise ionehrakwat tsi sariwiioston,
 Ise katsitsianoron iotsitsianehrakwat,
 Ise Tafit raononsa iononsahniron,
 Ise iononsahniron onawira nakanonsoten,
 Ise kanonsanoron otsinekwarhoskon,
 Ise karontotseratokenti ne watakwe Niio
 [raoianerensera,

Ise karonhiake takwannhotonkwennis,
 Ise tesentenhawitha,
 Ise seshetsientha teiakokonhentonions.
 Ise iontekwashentakwa niakoriwanerahaks-
 [kon,

Ise shenikonhrahnrats ne iakonikonhra-
 [nonwaks,

Ise shetenranions niakoriwiioston,
 Ise iesennakeraton ratironhiakehronon,
 Ise iesennakeraton rotiksten okon kenha
 [rotikstenseratokenti,
 Ise iesennakeraton ratiienterihne tsinon
 [taiawensere,

Ise iesennakeraton Iesos ratikwekonne,
 Ise iesennakeraton iaiheiatha kariwiioston,
 Ise iesennakeraton ratirihowanatha kari-
 [wiioston,

Ise iesennakeraton iahte ienakwaienteri,
 Ise iesennakeraton akwekon akoiatatoken-
 [tison,

Ise iesennakeraton, iah othenon tesaiato-
 [ronhon sasatiatata,

Ise iesennakeraton ierensoktha karensato-
 [kenti,

Iesos, ise seriwahtontha ne kariwaneren, takwa-
[iatokef, Sewenniio.

Iesos, ise seriwahtontha ne kariwaneren, takwa-
[tontats, Sewenniio.

Iesos, ise seriwahtontha ne kariwaneren, takwen-
[tenr.

v. Takwaterennaiehenas, saiatatokenti Niio he-
tsienha;

R. Aiawen taiakwatentsa tsini sonkwarharats-
tenni Kristos.

Tewaterennaaien :

Kwennitha, Sewenniio Niio, ashetenre ne
iesawennaierits, asteson nakotonnhetston
nok nieronke nonkati skennen aiakonnhe-
ke; nok tsi iakoterennaieniis ioiatanehra-
kwat nok iotaskat kowa Wari iahte kana-
kwaienteri, aonsashenikonhrioste tsi non-
wa niakoiatawens, nok asheion iatekakonte
aionsennonni. Iakwawennakwekon tsi
kwennitentase ne Kristos Sonkwawenniio.
Ethonaiawen.

Tewaterennaaien :

Niio, ise Sewenniio tsi iakionnhe, tekwa-
nonweratons; onen wakwaiataienhase ne
ken iakwataraien; akwekon oni wakwari-
waienase othenon sonha neniakwatierha-

ke, enionkwaiewaseke, enionkwanonwakten, enionkiwennotane, othenon ki nenionkwaiaatawen, oriwakwekon wakwariwaienhase, iakwehre, raonha ne Iesos ensesonkwaieritse ne karonhiake. Takwentenr kati, takwanikonhrata aiakwatsteriste tsini sewennoten, tosa aiakwariwanerake, tosa taiakwatonnhakariaseke noneshon, karonhiake tenhuon aiakwatsennonni tsineniakwenheie. Wari saiatatokenti, takwaterrenaienhas asonkwentenre Iesos hetsienha, karonhiake asonkwaiatinionte tsineniakwenheie, ethonaiawen.

Sewenniio tsi iakionnhe, takwanikonhrahniirat, tosa othenon aionkwariwannhike tsini wasontes, nok oni tsinenwe eniakionnheke; aiawens skennen taionkwarhenne. Kanekhere iahtaskwawennonti, asken iakwawennakwekonhatie raonha Iesos Hetsienha, ne sakwaniahesen othenon kwennitentase, ethonaiawen. † Rasennakon...



IONTERENNAIENTAKWA SONHA TSI IAKOHASEN.

Satkon Saiatatokenti, asatekate nonkwanikonhrakon, aitonkotakönhake tsinakwanonwehake; askwatokaten tsi kanoron kowa nonwa iakohasen, nok askwanikonhrata tsinaiakwaiere aiakwateweienton tsi ionkwaterennaien.

Niio, akwekon tisewenniio, konriwaien-those nonwa rohasen, ne wakatenientenstakon sonhaa ok konwenniiostha; akenikonhrakwekon oni ne tekonnoronkwaniontha oriwakwekon tsini skitenranion; ne skonnikonhraseronniatha tsini konnikonhraksaton; ne oni konhiennitenstakwa tsini wakiewas nonwentsiake, nok oni ne karonhiake akatsennonni.

Sewenniio, atsitenre ne rohasen, aontahariwaiierite, ahateweienton tsi hiasennaiens nok oni tsi sonkwaterennaiennis. Konriwaiennis tsini thotatihatie; akwekon konhiennitentasehatie tsini hiennitentase.

Niio, ise Sewenniio tsi iakionnhe... sk. 10.

Tewakehtakon Niio, tiotkon tsi senakere, iatekakonte oni ensenakereke; iah othenon tesanoronse, okti sewenniio tsinenwakiatawen ken kenonwenseraien. Oktiwakwekon tsiatananon, iah kaneka niahtasiterontake. Sonhaa kati konwenniiostha, sonhaa konsennaiens akenikonhrakwekon. Wakeriwanerahakskon sane, sekon kati wakerhare nenskitenre tsini satanitenraskon; konnonwes akenikonhrakwekon, ne konnonwestakwa tsini iahtiaiehewe tsini saianere, khenonwes oni akwekon nonkwe tsi nii nikatatenonwes, aseken ethoniskwatenientense.

Niio, sonhaa tsini sanikonhriio, tsini satanitenraskon, sarihonweskwaniha tsi shetenranions nonkwe; akwa takkomnienston, ne takkomnienstakon tsi takiatare akotiohkwake iakoriwiioston. Kentiohkowanen ne iakotkaronniaton, iahte iesaienterhaon; senha onte aiakoteweientonke naiesaienterhaon. Niawen kati, ok eken, takiatanonstationhatie, takomnhetonhatie, arekho teskrewaton ne ken wakeriwanerahakskon.

Niio, akwekon tisewenniio, konwenniiostha ne ken kiteron, akwatomnhetston, kieronke, akwekon tsini katieranions, nok oni tsi ok nenwakiatawen, ise taseronhatie.

Niio, tiotkon shetenranions ne iesaniahesen, akwa konhiennitentase, ne askitenra'e tsini sonkwatsennonniatenni Iesos Kristos Hetsienha, nok oni tsini ionkwaterennaiennis ionkwaienha Wari, nok oni tsini ionkiaterennaiennis raronhiakehronon rakwasteristha, nok sate teionkiiats, akwekon oni akoiatatokentison. Askiatanonstate tosa nonwenton taetewatekhasi.

Tewakehtakon Niio Roniha... sk. 10.

Kanekhere oktiwakwekon raiatananon Niio Rawenniio tsi tionnhe; atsitewasennaien, atsitewanikonhrarake tsi ken renteron, akwa aetewateweienton tatsitewanonweraton.

Sewenniio tsi iakionnhe, Ashenseratoken-ti Iesaniha, Iesaienha, Satkon oni Saiatatokenti, sesiatat ok Niio, karonhiakwekon onwentsiakwekon oni tsiatananon. Tewakehtakon kati ken tsiteron, satontetsihon tsi wakaterennaien.

Iesos, Sewenniio tsi iakionnhe, Niio onkwe oni nisiatoten, tewakehtakon ken tsiteron Okaristiakon, akwa sonnhe, aseken tsiatakwekon etho satasetakon tsi kaieronni kanatarok kenha, otsitsia kenha oni; sewakwekonhatie Niio Hianiha nok ne Rotkon Roiatatokenti, iah nonwenton tatese-

watekhasions. Sewatkonseriio, ken sewat-kennison, tosa takwaswen; tewawennakwe-konhak tenhnon tatsitewanoronkwanion ne Rawenniio tsi tionnhe, satesonkwaiatison.

Takitenr, Iesos, takienawas nisa, enskat ok akenikonhrarake nonwa tsi wakaterennaen, akwa aontakennikonhrasahate. Tekonnonweratons tsini kkwenies, aseken sonhatsiwa tsini tsiatanoron, iah othenon tetio-tokte tsini siatoten; ise takiatison, onen tsi-ni tiawenhon takonnhetonhatie; ise saronhi-son, sonwentsison oni, iah kanaha sate tese-wawenniio; sonhatsiwa sariwisonhatie tsini iawensersons karonhiake onwentsiake oni. Tewakehtakon, Sewenniio, tsinikon takwarihotasienni, iah enskatha tekatennowen-tha, aseken akwa sawennatokenti, iah taon-ton asennowente; sonhatsiwa konniahesen, aseken sonhatsiwa tsini satanitenraskon, iah oni othenon tesanoronse; sonhatsiwa oni konnonwes akenikonhrakwekon akwe-riasakwekon oni, aseken sonhaake ieioteron nioianerese okonha. Khenonwes oni akwekon nonkwe tsi nii nikatatenonwes, ne ki khenonwestakwa, tsi ise takwannhaon taiakwatatenoronkwake ne sateiakionkwe.

Niawen, Sewenniio, takiatison, takonn-hetonhatie, seskiatontakwen nonwentsia-

kon, sasonkwenheias ne Iesos Kristos Hetsienha tekaiasontne; ise oni takitenron tsi kiatare akotiohkwake iakoriwiioston. Nia-wen, Sewenniio, tsinikon saterientare asteson takitenranions. Oh se nonnakiere, Sewenniio, nakonhiatonren tsini skitenronhatics? Onen ki wakonwenniioste tsi konnhe, akwatonnhetston, kieronke oni, othenon nenkatierane, othenon enkeronhiaken, othenon oni nenwakiatawen. Kanekhere iahtaseriwaswen tsinakiere, aseken ne tekonnnonweronniontha sonha, tewakiestonhatie tsinikon roteweientonnion nonwentsiake Iesos Hetsienha ne Sonkwawenniio.

Sewenniio tsi iakionnhe, saterientare tsini konkwetoten, iahtakkweni nakateweienton kennikariwesha, niahtaskienawasere, aseken aoskon kariwaksen kiatontakon. Ise kati konniahesen tsini satanitenraskon; takienawas nisa iatekakonte akeriwaswenseke ne kariwaneren; tiotkon akonwennarawake, tosa nonwenton takateriatikhon, nothenon enskeronhiakenseke; akonnonwehake tsinenwe enkonnnheke, aiawen oni akonnonwehake iatekakonte karonhiake tsi nenkatonnhokten, ethonaiawen.

Satekahaseriien :

Iesos, Sewenniio tsi konnhe, Niio onkwe oni niasiatoten, tekonnnonweratons kento nonwa sataseton Okaristiakon : aseken, nonwa tsi waharihokten ne hiariwawase tsi-ni saieren tsatsa n'Okaristia, ok sa ok tonsontteni ne kanatarok, ise sawaronk onton ; ne sakawarat konwaiesaton, konwaiatanentakton oni tekaientannhareke.

'Tewakehtakon oni, ken katsetakon, iwat sanekwensakwekon, ne iotasetakon tsi kaieronni otsitsia kenha, ne oni nonwatsi sonterisi, sathiawennakwe ne rohasen ; ise ki sanekwensa iotonhon, ne sakanekwensat ne tioneakwaon saesario, akwa tiotsahaton, saskwenheiasa tekaiasantne. Iah sane aonhaa tewat sanekwensa katsetatokentonke, aseken kenikwekonhatie tiotkon ne tsieronke : akwa kati tsiatakwekon, tsini siatoten ne karonhiake, satasetakon nonwa tsi kaieronni kanatarok kenha ; tsiatakwekon oni satasetakon tsi kaieronni otsitsia kenha, aseken sonnhe tetsiaronkon ; akwa kati ethoni ioriwasatste tsi katontats, tokenske sataseton Okaristiakon, tsiniiot ne takonkanerake, aseken sawennatokenti, iah oni othenon tesanoronse.

'Tekonnnonweratons tsini kkwenies, ia-

kwawennakwekonhatie rotitiohkwowanen
ratironhiakehronon, kento teiesennitioh-
kwaton. Konhiennitentase oni, Sewen-
niio, takwentenr ne ken iakwataraien, tak-
wanikonhrata tiotkon akwanonwehake tsi
(Okaristiakon sataseton, ethonaiawen.

Iesos Kristos, Niio onkwe oni, tewakeh-
takon tsiteron Okaristiakon, aseken isen:
etho enkiterontake, iah oni othenon tesano-
ronse. Konwenniiostha kati, akwa tewaken-
nikonhrasahaton. Konnonwes akenikonh-
rakwekon, kaskaneks senha akonnonwe-
hake. Katewentetha tsini katennikonh-
rotakwatha. Konriwaienthose nakenikonh-
ra, wakatennikonhranentakte tsi tsiteron.
Kanehere ne tsiterontakon (Okaristiakon
tsini skwanonwes; ionkwarhare kati nen-
tsisanikonhren tsini ionkwariwaneren.

Niio Iesaniha, karonhiake tisenakere, to-
sa satkahto tsini wakeriwaneren, satkahto
tenhnon raoronhiakensera okon ne Iesos
Kristos Hetsienha; sekon nonwa, tsi ieha-
sentons, oriwase iakonnis tsini hoiatawen-
hon onontoharake Karwer. Niawen, Iesos,
asteson seskwaskontakwenhatie, tsi ieha-
sentakwa; niawen tsi satonniheton; niawen
tsi karonhiake ietsisenonton; ne takwani-
konhrahnriratstakon tsi ionkwariwiioston,
aseken ne ionkwarharekwen entsiakwa-

tonnhete oni nii, nok karonhiake eniakwat-sennonni.

Iesos, satanitenraskon kowa, kaskaneks taionkohte nakenikonhrakon tsini skwanonwes, nok tsini skwaronhiakense nonwentsiake, tiotkon akehiarake, ne akatatehretsiaronkwake ne senha akonnonwehake, nok karonhiake akatsenonni, ethonaiawen.

Shetenr, Sewenniio, khenonkwe okon, onkwatenro okon, ionkitenranion othenon, nok oni kaneka aionkswenseke, akwekon aionteweicton, aiesanikonhraierite.

Kanekhere, Sewenniio, ise sariwison aiontataterennaienhase sheien okonha iakoriwiioston; shetenr kati tsi tetieseronniatha tieteron, taiesakonsakanerake karonhiake.

Tsini tsiatanoron, Niio... sk. 20.

Etho ionkwatekwashen... sk. 21.

TSI NAHASSENTAKO KENNIKAHASE-RESHA.

Ionterennaientakwa sonha roriwison n'Ariwawakon kowa, Reon XIII, aierihokten; tehonenston 300 niwenniserake tewateriwaserakwatha sonha taiontentsa. kawenniio ki taontahonwawennaweron ne rohasen, tahatiiena tsi ierihoktha.

Wari tekonnoronkwanions... (3 *niori-
wake*).

Wari, tekwanonweratons, kwennakera-
ton, ise asteson takwentenranions, takionn-
heton, waskionweskwaten, onen iatekakont
kwaniahesen. Kwaronhienha iakwaiesas,
ionkikaronni onkwanistenha (Eva. Satontek,
teiakwasenthos, tiotkon ionkionsennha nok
iakwatstarha, tsi iakwes ken ionwentsiak-
senke. Tsiaken kati, tontakwatsteristak, ka-
ronhiake kasatkarenrako, tontakwakanerak
tsini akwa satanitenron. Nok Iesos, Niio
Hetsienha, setsenikonhraiewenthos, aontie-
senhake asakwaken karonhiake tsinenwe.
O satanitenron! o sanikonhriio! satontat
kwennitha, Wari, iahte senakwaienteri.

v. Takwaterennaienhas, saiatatokenti
Niio Hetsienha;

r. Aiawen taiakwatentsa tsini sonkwar-
haratstenni Kristos.

Tewaterennaien:

Sewenniio, iseke iakwatekwashentakwa
nok takwanikonhrahnrats, takwentenr, te-
shekanerak tsini kentiohkwa iesennitentase;
nok tsi ionkwaterennaiennis ioiatanehrak-
wat nok iahte ioiatoron, Wari iahte kana-
kwaienteri, Niio ronistenha, ratikwekon

Sose roiatatokenti ronekwe, Tier, Kor oni, Iesos ronwawennenhawakwe, nok akoiatatokentison, ise satanitenraskon kowa, satontek tsi kwanekennis, iken: aonsaiontatreutate niakoriwanerahakskon, nok aseiatakenha, aseiatanoronste oni Kentiohkwa-tokenti onkwanistenha. Ne askwentenrate tsini sonkwatsennonniatenni Iesos Sonkwawenniio. Ethonaiawen.

Saiatatokenti Wishe, satkonseriio kowa, aontaskwannhe tsi iakwateriohatons, tosa aionkwasenni ne kaserohen notkonseraksen, ionkwaristaiennis. Kwennitentase, aseriwakweni, Rawenniio ahahriste, ise tenhnon, iesakowanen karonhiake thatinakere, ronwariwawase ne Rawenniio tsi ronateriohatons; aonseshereke noneshon Satan nok oia nonatkonseraksens, tekontstekahwas nonwentsiake, ionatataskennhen aionatkaronni nonkwe, nok aionhriskon noneshon. Ethonaiawen.

IERIWAIENNITHA TSINI KAHASERES.

Arekho siiaharathen tsi iehasentakwa:

† Rasennakon... — Teiotenonhianiton tsi tewenteron, ken rononsote Niio, nok kannhokaronte karonhiake. Siatisonkwak, akwatonnhetston, tsini kanonsanoron, hetsewenniiost Niio, nok tetsenoronkwanion tsi raweron: aiontaweiateke tsi wakenonsote: hetsennit aonkerane raotanitenrasera.

Niio, takwaiatison, tiotkon takwatsteristonhatie; tsini konsentenni tsinahe tsi konnhe, tkariwaieri wahonnise askatekwaton kentiohkwakon nonkwe nok aionkwahriskohon noneshon iakoiatatekha; tekonnoronkwanion, niawen iahte skrewaton tsi wakeriwaneren. Askitenre, iatekakonte tosa seriwarako tsini kariwaksen tsini wakieren. Saiatatokenti Wari, kwennakerton, Sewaronhiakehronon, sewakwekon sewaiatatokentison karonhiake sewatsennonni, iahte sewanekherens sotsi wakitent tsini wakiatawenhon, aesewatiskwentaren tsi renteron Niio, atsisewennite aontiesenhake sekon aonsahakitenre.

Sewenniio, atsitenre ne rohasen, aontiesenhake aontakariwaierike ahateweienton tsi hiasennaien, nok oni tsi sonkwatennenaienni. Konriwaienthose tsini thotatihatie, akwekon konhiennitentonhatie tsini hiennitha.

Tsi Iontaweiatakwa:

Iesos, Wari, Sose, wakion nakenikonhra, nakweriasa nok tsi konnhe. — Iesos, Wari, Sose, takwaiatakennha nonen entkiheionsere. — Iesos, Wari, Sose, askwentenre awenheiontiiohake tsi akiheie.

Nonen enhenron: KYRIE, ELEISON:

Takwentenr, Sewenniio; takwentenr, Kristos; takwentenr, Sewenniio. — Ne askwentenrate tsini satanitenraskon kowa. Kaskaneks, Sewenniio, ise asewenniioke tsinaionkwaierenhatieseke, nok tsinaionkwanikonhrotenhake.

Tsi raton: GLORIA IN EXELSYS DEO:

Sewaronhiakehronon, ise tiotierenton ietsiatokatenni nonkwe tsahennakerate Niio Roienha onkwe rotonhon, sonkwaskontakoe; ise tiotkon sewakwekonhaties-

kwe onwentsiake tsireskwe, tiotkon tese-wakanerakwe othenon nihoiatawenhonhatie; askwaienawase etho naiakwateweienton tsi iakwaiatare ohaseratokentike, tsini sewateweientontieskwe tsinahe tsi ronwaiesatakwe. Askwaterennaienhase iatekakonte aiakwanoronkwake raoronhiakenseratokenti okon. Iesos Kristos, seriwahontha iakorivaneren nonkwe, takwatontats ne kwen-nitha. Tsiteron tsi raweientehtakon Hianiha, askwentenre etho iaiakwaiatorenne nonen eniakwenheie. Ethonaiawen.

Tsi raterennaiens, rotenentsakaratonhatie:

Kwennitha, Sewenniio, ionkwaterennaiennihatie loiatatokenti Wari, iah nonwenton teionakwaienterhaon; askwaiatanonstatseke tsini ionkwentiohkwa, tosa nonwenton aiakwatkaronni. Onkwanikonhrakwekon ionkwatiskwentare tsi tsiteron; tsini satanitenraskon, askwaiatakenha, tosa taionkienenrakwenniseke ne ionkiswens; ne askwentenrate tsi sonkwatsennonniateni Iesos Kristos ne Sonkwawenniio. Ethonaiawen.

Ehtake sonsahawite ranentsake:

Sewenniio, tewakehtakon tkariwaiერი tsi rotiiatonnion ratiiatanoronson, rotiiatato-kentison kenha, kariwiioston aoriwake; ne waonni ise shenikonhrataaskwe tsi rotiiatonserisahannhon, ne kenoronkwatha tsini hatiwennotenhne, iawet se ken ise takwaia-tonsehatie, takwarihonniennihatie, aontiesenhake akewennaierite nok oni akhenakeren tsini hotiriwiiostonne. Ethonaiawen.

Sontaietane:

Iesos Kristos, tewakehtakon tsinikon sewennotenne onwentsiake, tsini hawennotenonwa ne rohasen, tsi tehakanere kaiatonseratokenlike; iah sane tekahronkha tsi rohtare; sekon kaskaneks akarihontarene akenikonhrakon tsini sewennotenne, nok akonwennanoronkwake, nok oni akonwennaierite. Ne watenientenstakon tsi tektas, ne tsi tewakehtakon, akwekon aiakotokense, iahte katennowentha tsi takwarihonnienni. Kaskaneks akwekon nonkwe aiesawennaienterhane, aiesawennanoronkwake, nok aiesawennaierite. Ethonaiawen, oktiwakwekon aiesanentonseke nonwentsiake, tsiniiotkaronhiake.

Tsinaharihokten CREDO, aierihokten:

Tewakehtakon Niio Roniha... sk. 10.

Tsinahoriwaienhase ne Rawenniio kanatarok nok otsitsia:

Ashenseratokenti, iakeninikonhrakwekonhatie, iakeniwennakwekonhatie oni ne rohasen; konriwaienthose kanatarok nok otsitsia, nonwa konwanaterennaiennire; konriwaienthose oni akwatonnhetston, akwekon ne kieronke. Askitenre aseriwahtonte tsini wakiatoron kariwaneren, tsini tsiahtontane kanatarok nok otsitsia, Iesos raieronke nok raonckwensa watonsere.

Tsinahatesnonsohare:

Tekonnoronkwanions, Sewenniio, takwa-iatison, niawen takiatohareton kariwaneren tsi ionkenekwaheston, nok takienha iotonhon, nok wakienha Kentiohkwatokenti; iah othenon tesatekenat tsini wakitent, wake-riwaiesatonhatie, kariwaneren wakkonnien-nienston, ne ioiataksatakon akwatonnhetston. Askitenre, satanitenraskon, iah othenon tesanoronse, etho naonsakatatrewate tsini shonatatrewaton roiatatokenti Tawit, rotokensehakwe, roiatatokenti Tier,

Iesos hnikwekonne, nok ioiatatokenti Wari-Watere. Ok iakiheie aonkwerientaksenseke tsini wakeriwaneren, tiotkon ne takasenthotake tsini konnikonhraksaton, wakaterientare, sekon iahte satekenat. Ne kati keriwantakta, tsi wakerientaksens, tsini honikonhranonwakton Hetsienha akeriwanerahaksera okon, tsi tehothonkwaraon onekwensa ohneka tekiatieston, atenhnenrakon tsi roterennaientakwe. Askitenre ne aseia-toharetake akwatonnhetston. Nok sekon akwa tokenske keribaswens akenikonhtrakon tsini wakeriwaneren tsinahe tionkenekwaheston; keriwahnirats nonwa tsini wakieren nethone.

Tsinahenron: PER OMNIA SAECULA SAECULORUM.

Sewenniio, akwekon takwaseronnienni tsini kanakere onwentsiake, tkariwaieri akwekon nonkwe sonhaa ok aiesawenniiostake, sonhaa ok aiesanoronkwake, ne tsi iah-tiaiehewe tsini saianere, ne oni tsini oriwakwekon takwatsennonniatenni. Konhien-nitha, Sewenniio, raosennakon Iesos Kristos, aseriwahtonte kariwanerahaksera okon ne iesasentennitha, ne oni noneshon iakoia-tentakwa nonkwe, karonhiake aiakotsennonnihonke.

Tsinasakoterennaienhase ne iakonnhenion :

Atsitenre, Sewenniio, n'Ariwawakon kowa, nok n'Ariwawakon ne sonkwatsteris-
tha, akwekon ratitsihenstatsi okon ne ion-
kiri honniennis, etho nashenikonhrotenste
tsini senonwes. Konhiennitentonhatie ashe-
tenre iakoriwanerahaskon, iatekakonte aon-
saiontatrewate, nok iakoteweienton tsi iako-
riwiioston, senha aionkwisron aionteweien-
ton. Ashetenre ne ken ienakere, akwekon
aieriwaierite tsini skwatenientense ; nok ka-
neka aionkiswenseke, tosa seriwarako tsini
iakonikonhroten. Asheiatanonstate kaneka
iakawenontanion, skennon aonsaionwe. A-
shenikonhrahnrirate iakonikonhraksense-
rons, iakononwaktanionni, nok nieiesas.
Ashetenre oni iontonnhoktane, karonhiake
aiontsennonni. Ethonaiawen.

Katsetatokenti tsina tehatesnonsaseren :

Tetsiatoret, akwatonnhetston, tsini ia-
wensere onwatsiok tsi iehasentakwa : rao-
wenna Iesos enhaierate ne rohasen, kanata-
rok nok otsitsia Iesos raieronke nok raone-
kwensa watonsere ; ne kati satonnhakanon-
ni.

Satekahaseriien: (1)

Iesos Kristos, Niio onkwe oni, tewakehtakon tsi tsiteron Okaristiakon; ne waonni tsi isen: etho enkiterontake, nok tsi iah othenon tesanoronse. Konwenniiostha, akwa tewakenikonhrasahaton, konnonwes akenikonhrakwekon, kaskaneks senha aiosats-teke tsinakonnonwehake tsini konnonwes. Ne wakarihonni katewentetha tsini katennikonhrotakwatha. Konriwaienthose akenikonhra; akwatonnhetston, akwekon ne kieronke: iatekakonte katennikonhranentaktha tsiatatake. Tsini satanitenraskon nok tsini skwanonwes, ne tsiterontakon Okaristiakon, ne wakerharatstakon iahtaskswenseke tsi wakeriwanerahakskon.

Iotohetston satekahaseriien:

Niio, karonhiake tesiteron, tosa satkahto tsi wakeriwaneren; ne tenhnon satkahto raronhiakensera Iesos n'Hetsienha, sekon

(1) Wasakotenre n'Ariwawakon kowa Krekwer XIII (10 afri 1580), tsiniakon, neniakotonte tsi iowistakahre Satekahaseriien, ne tsi kahaseresawentatokentike, teniontontsoten tsi ieteron, tokat tsi iakononsote, tokat atste, ka ok nonwe, nok kennikariweshenionterennaen, taiontentsa, ne tsiose-rat ne tewateriwaserakwatha sonha.

nonwa, tsi ichasentakwa, hiariwaienthose-
 hatie ne sakanekwensat ne thonekwensarion
 tekaiasontne. Tokenske iawet kontonnion
 akeriwanerahaksera okon: noneshon aion-
 tetsirate: oia tenhnon nikawennoten raone-
 kwensatokenti, waton: aiontatitenre. Sonk-
 warharatstenni, rawen: enwaton othenon
 aksennakon entsisewennitake Rakeniha.
 Akonhiennitha kati raosennakon Hetsienha
 Iesos; tosa seriwarako tsini wakeriwaneren,
 ne askitenrate tsini hojatawenhon onwen-
 tsiake, nok oni tsini honikonhrotenhatie
 nonwa ohascratokentike.

O Iesos satanitenraskon kowa! kaska-
 neks akarihontarane akenikonhrakon tsini
 skwanonwes Okaristiakon, nok tsini saron-
 hiakenhon onwentsiake, tiotkon nakehiara-
 seke, nok akatateretsiarontake senha akon-
 nonwehake, nok akatakatstate othenon en-
 keronhiakenseke tsinenwe. Ethonaiawen.

Tsinasakoterennaienhase ne iakowentaon:

O Iesos Sewenniiio! seskwaskontakwen,
 onen tsi senheion, iesatsnenton nonwentsia-
 kon, shenonksonne akotonnhetston okon ia-
 koriwiioston okon kenha; seron: karonhia-
 ke aiakwete; ashetenre oni akotonnhetston
 okon sekon nonwa tsi tetieseronniatha iako-

ronhiaken, asheskontako, nok karonhiake asheiatinionte, etho iatekakonte aiakotorisentake tsi wahonnise ionskaneks, nok aionkiiaterennaienhase. Ethonaiawen.

Tsinahenron: PATER.

Takwaienha, karonhiake tesiteron, tiotkon takwatsteristonhatie; ionkwentent oriwakwekon, iah othenon teiakwakwenies; ne kati kwennitha, raosennakon Iesos Hetsienha, tsini iotiiewas onkwatonnnhetston nok nakwaieronke. Akwaienterhane, nok oni nii aiakwatatienterhane; askwanikonhrahnrirate tsi iakwehre tkariwaieri tsini isen, nok oni tsini ionkwarihonniennis Kentiohkwatokenti; tosa aiakwatennowentake, tosa nonwenton aonsaionkwarihonti; nok aiosatsteke tsi ionkwarhare enskwentenre tsini ionkwaiewas onwentsiake, karonhiake eniakwatsennonni. Tosa seriwarako tsini ionkwariwaneren; askwentenre iatekakonte aseriwahtonte. Kwennitonhatie, Sewenniio, askwanikonhrotenstake tsini senonwes, sonhaa akwawenniiostake, onkwanonhrahkwekon akwanonwehake, nok oni aiaknonwehake akwekon nonkwe tsiniiot nii iakwatatenonwes. Ethonaiawen.

Tsinahatatkonreke rontskwenake, raton:
AGNUS DEI.

Iesos Kristos, seriwahtontha iakoriwane-ren nonkwe, aseriwahtonte tsini kwasen-tenni. Askwaiatanonstate, tosa kaneka aia-kinikonhraksate tsi ionkwehne, skennen takenhake. Askwasnienon tosa ionkwasen-ni ionkwatennikonhrotakwatha, skennen oni takenhake onkwanikonhrakon. Etho-naiawen iatekakonte skennen akwasenna-ientake.

Tsinahaiatarane:

Iesos Kristos, seskwaskontakwen, tsini senonwes aiakwakwekonhake iakoriwiios-ton okon, takwariwisahani Okaristia, nok satatenaktarakwenni onkwanikonhrakon, akwa takwatenientense aiakwaiataraseke. Tsini senoronkwa onkwatonuhetston, iahte seron: oia sonha aionnhekonhake; ne kati takwanontens tsieronke, sanekwensa; ne takionnhekon, akwekon ne takwarharatsta-kon karonhiake eniontsennonni nenionte-weienton naeiatarane. Iah othenon tetio-tokte tsini skwatsennonniatennis tsi satase-ton Okaristiakon. Ii akeriwa tsi sotsi wa-kitent, iahtiawet etho iatektane tsi tsiteron,

nok akiatarane; sekon sane ikehre: enwaton, enskitenre tsini satanitenraskon. Konhiennitha, Sewenniiio, enskat ok aontasatati aonsasetsiente nakwatonnhetston. Wakterientason, ikehre: senha akatsteriste tsini skwatenientense, aontiesenhake akatewienton, nok aiosnorenne akiatarane. Ethonaiawen.

Tsina tesakoiasonthase:

Ashenseratokenti, sonkwaterennaiennire nonwa ne rohasen, tsini sakoterennaienni Iesos iakoriwiiostonne, karonhiake sonsarete; aontiesenhake etho naiakwatonnha-kanonni tsini iakotonnhakanonnihne, nok etho naiakwatonnrakwate tsini iakotonnrakwatonne.

† Asonkwentenre Niio Roniha, nok Roienha, nok Rotkon Roiatatokenti Ethonaia-wen.

Tsina taonsaietane:

Saiatatokenti Wari, iahte senakwaienteri, karonhiake, onwentsiake oni iesennakerton; tsahrenheie Iesos Hetsienha onontoharake Karwer, ethone sonkwentenron takwaienha iotonhon, ethonahe tiotkon shetranions akwekon nonkwe, askwentenre ne kwaniahesen. Ethonaiawen.

IONTERENNAIENTAKWA SONHA SEWENNISERATSON TSINI IOIAIAKSERES.

NIIOHNE.

Ashenseratokenti akonwasennaïen :

Sashenseratokenti, Iesaniha, Iesaienha, nok Satkon Saiatatokenti, konsennaïens nokenrake kateseres.—Niio Iesaniha, konsennaïentakwa tsi takiatison; okenra sonniaton ne kieronke, ne tosa akatatkonniens-take; nok ise tisatatenientenston tsi sason nakwatonnhetston; iawet sakwetaron tsi sonnhe onwe, ne takonnhetston, naonkientake nakonnheke onwe nok karonhiake akatsennonni. — Niio Iesaienha, Iesos takwawenniio, konsennaïentakwa tsi seskeskontakwen noneshon nok seskennhotonkwenni karonhiake. — Niio Satkon Saiatatokenti, konsennaïentakwa tsi takenikonhrawi onikonhratokenti akenhake saonke-nekwaheste. — Sesiatat Niio, asen nitsion, sesewanikonhrat, sescwariwat, Ashensera-

tokenti kowa, konwenniiostha iatekakonte, tekonnnonweratons tsini skwarihotasienni tsini saiatanehrakwat kowa; tsinenwe en-konnheke, etho nenwakenikonhrotenhake; enkaskanekseke nakonhienterhane karonhiake, aseken ethononni saien naiakotsen-nonnihake nonkwe, neniakoteweientonke tsi iakonnhe. Askitenre kati naonkenikonkastekte tiotkon, tosa oia aonkenikonhrotako, sonhaa akonhiatisakseke. Ethonaiawen.

AWENTENTAONKE.

Rotkon Roiatatokenti ahonwasennaien, nok aiontataterennaienhase niakowentaon:

Satkon Saiatatokenti, Sewenniiio tsi iakionnhe, ise shenikonhrawis nonkwe nonikonhratokenti, naiekwenieseke oriwakwekon aieriwaieritseke nonwentsiake; ise satekatha nakaweriane nonkwe, tsiniiot notsiratokenti, nahonwanonweseke ne Rawenniiio; ise ne iohnaweroton ne teioswathe okon; ise shesatstenserawis ne taiontentsa ne karonhiake aiontsennonni; tontaskswatheten nakenikonhra, takenikonhrahniirat oni, ne tosa aonkeriwanoronse nonwentsiake,

tsini karonhiakensero ten karonhiake aonkiatenhawite. Askitenre, ise sanikonhrato-kenti kowa; iawetowanen tewakateronwekon tsini skenatonniskwe ne ioianere tsi-naonkieren; iawetowanen wakateraiatakon tsini skenikonhrataaskwe naontonkeriwaieriton; askienawase nonwa naonkwaton-tatskonhake kariwiiostonke, nethoni iaonkwononhatieseke tiotkon tsinon ieskenikonhrenhawis, nakienterhane katkeha ne iesa-noronkwa onwe ne karonhiake. Ethonaia-wen.

Shetenr. Sewenniio, sekon iakotiaktani tsi tetieseronniatha: sheion tsi iakwaterennaiens nok tsi ionkwentontietha nonwentsiake, akwekon oni tsini ionkwatateronhiakentha, ne tosa taiakwateriatikhon, aiakoienawase tsi tetsieriwaserakwas, senha ios-nore aiontaweiate karonhiake. Ethonaia-wen.

RATIRONHIAKEHRONONKE.

Ronwaronhiakehronon ahonwennitentase:

Satkonseriio, satkonseratokenti, akeronhiakehronon, hiannhaon ne Rawenniio nas-

kenonnhatieseke nonwentsiake, konhiennitentase, nonwa sennisera ieskahes, askwatterennaiehase tosa akennikonhroktake naonkeriwaieritonhatie tsi wakeriwiioston. Sakwenion wahonnise iahtetsiatontion ne Rawenniio; askienawase nakkweni oni nii tosa nonwenton ahiiatonti, tiotkon aonkiatenton tsi renteron; heren sheiatenhawit nonatkonseraksens tsi ikes; nok senha, tsi nentkiheionsere, askwatsteriste nahakwatienhase nethone ne sate sonkwawenniio, nahiienterhane tsinitsienteri, nahinonwehake tsinitse-nonwes, nahisennaienheke tsinitsennaiens, ethonakatsennonni tsini satsennonni. Latekakonte kati nonwa enkatontatseke tsi ok nenskenikonhrataaseke ne kariwiiose, nahakitenrate ne Rawenniio nethone. Ethonaiawen.

SOSEHNE.

Sose roiatatokenti ahonwennitentase:

Sose saiatatokenti, ise hiatakwenniaien-nihne nonwentsiake ne Rawenniio raowatsiratokenti Iesos nok Wari; ise hetschiaron ne Sonkwawenniio; ise tesesniehon nonkwanistenha; tiotkon teshekanerakwe

n'hiatatienha, ne sheienheiase sasatonnhokten; ise nonwa iesemakeraton niah othenon teiakoiatoron; tiotkon. nonwentsiake tsiseskwe, satakatstaton natsewenniioste ne Rawennii; ne aoriwa iesaniahesen kowa nia-koriwiioston okon; konhiennitentase, nas-kwaterennaienhase, nakonnakeren skennen taonkeriwiiostonhake, akhenoronkwake lesos nok Wari, tsini shenoronkwakwe nise; aontiesenhake etho naionkenoronkwake n'hiatatienha tsini iesanoronkwakwe, naionkitenre oni nenkatonnihokten, tsi nise ni iesentenron, karonhiake iahiatenniete nakwatonnhetston. Askitenre kati askiatanonstatseke ne iontkaronniatha, tosa othenon aonsonkiatoron ne iotaksen, nonen tenshakia-takwe ne Rawennii. Ethonaiawen.

OKARISTIATINE.

Iesos ahonwennitentase Okaristiakon:

Iesos Sewennii, ne tsini skwanoronkwa, satatiteron Okaristiakon, naskwanikonhrehawite nakwanoronkwake, konwenniiostha onwe tsi konnhe. Tekonnonweratous tsi iahteskwatewentetha, sase iakionkwetak-

sens, niatekon kwanikonhraksatanions. Skatatswens onwe tsini wakatatewennios-ton nonwentsiake; tosa seriwarako tsini iaweta kwaiatiesaton Okaristiakon. Askitenre iatekakonte aonsonkwatatrewaton, tosa aonsakonnikonhraksate. Sasanikonhren tsi-ni wakeriwanerahakhon, ne ok sehiarak ne satanitenrasera. Kaskaneks ne sateiakion-kwe etho nakwanoronkwake tsini iesano-ronkwa ne teiesennitiohkWaton eronhia-kehronon, tsi tesiteron Okaristiakon. Wakatiskwentare nonwa, tsi tkaien ne tsie-ronke nok sanekwensa; kaskaneks nakiata-weiata nakweriane, naskwatienhase; ne aonkienawase, tsi aetenikwekon, nakate-wei-enton nonwentsiake, ne katke sonha ii nonwa askon nakonhiatienhase ne karon-hiake. Fthonaiawen.

RONWAIATANENTAKTonne.

Iesos ahonwawenniioste tekaiasontne:

Iesos, saiatanentakon tekaiasontne, iah othenon tesastonton tsi iesario, ne ok tsi se-ron, akeriwahtonte tsi iakoriwaneren nonk-we, aiakonaktaientake naiontsennonni ka-

ronhiake; seriwahtont nakeriwanerahaksera. Iesaiatontion sonkweta okon tsi setkentsihon; askitenre, ise akonhiatkahto tekaia-sontne, nenionkiatonti nonkwe. Iesariwarhoseron ne kariwaksen, iesennowentanionni; askitenre nakkenhronniheke ne iakohtare nonkwe tsi kiteron, aonkwakatsteke nenkeronhiaken. Iesaiesaton, ohikta tiesanonwarannhaston, ii akeriwa; askerihonnien nakenikonhrakon nakatateronhiakente, nise sariwa; tokat aonkenonwakten, tokat nonkwe aionkkenrenseronni, ise ki akonhion tsi ok nenwakiatawen. Iesaiena niakoriwanerahakskon, iesaiatanentakton tekaia-sontne; askitenre, tosa akenaiehake, tosa aonkwaskennhaseke. Senheion karontake naonsaskionnhete; aontaskenikonhratiron-ten, sonhaa akonwenniiostake: ise sawenk tsi konnhe, ise oni aesawenhake tsi enkiheie. Ne ok kati aonkwatateronhiakenton nonwentsiake, nakonnikonhraieritseke, nakienterhane katke sonha tsi sesheskontakwen nonkwe, ise sheterons karonhiake naiontsennonni iatekakonte tsiatakta. Ethonaia-wen.

WARIHNE, *tokat* WENTAKTA

Wari akonwennitentase:

Wari saiatatokenti, iahte senakwaient-ri, ise hetsienha Sonkwawenniio, sesonkwaskontakwen; iesakonniienstha kowa ne iesakowanen eronhiakechronon, nok nakoiatatokentison; konhiatsennonniase tsini satsennonni nonwa, nok tekonnnonweratons tsini skwanoronkwa niakionkwe; aiawen kenha, tsinahe tsi konnhe, tiotkon akonnonronkon. Onwa kati onen iatekakonte konhiatara-kwas istenha akenhake tsinenwe. Iawetowanen takitenron, iawetowanen takiatanonstaton, naonkwatkaronnihon. Kanekhere ise sakwenion tsi iahte hakwatewenteton ne Rawenniio, tsini wakeriwanerahakskonne. Askitenre nisa, iatekakonte akatonnhatako, iatekakonte aonsonkwatatrewaton, iatekakonte nonwa akonkonniienstake. Askwaterennaienhase, nakeriwaierite nonwentsiake ne iakoriwiiostakon, iakorharekon, nok ronwanonwestha Niio. Askwaterennaienhase, ne tosa aonsonkiataksate ne iotaksen; ne ok nonwa akenonweseke niah othenon taonkiatoronhake tsi konnhe, nok tsi enkiheie. Ethonaiawen.

SEWATATERONKWENNI.

*“Tsini hakennhaon ne Rakeniha, ok he nisk-
“wannhas;... Tsiniakon ensewarakewe nakori-
“wanerahaksera, entsioterakewen; ok tsiniakon
“iahtensewarakehwe nakoriwanerahaksera, iah-
“tentsioterakewen.”*

Tsi ehnihawennoten Iesos, kawennanoron kowa, sasakawenhase ne Ratikwekonne, ne roieraton Sewatateronkwenni, oriwatokenti kowa akenhake, aonsoterakewatake akoriwanerahaksera okon niakoriwiioston; kanonkwatseranoron, tsitsientha akotonnhetston nonkwe, ne iokarewatanion kariwaneren. To onte ni ioteriwison aiontsteniaron niakoriwiioston aiontennikonhraseronni, naiontsennonniatakwe tsi tsiontateronkwennis. — Akwa ieriwaneraks, iawet iakorihonties tsi iakoriwiioston, ne iahte tsiontateronkwennis “arahonne enskat tsini ioseres,” tsini iakotenientense ne Kentiohkwatokenti; kaneka tenhnon iienhre, aonkwateweientontie, tosa iontohetst sewennitat, arahonne ashen niwennitake, niahtaonsaiontateronkwenniheke; nostonha ioriowanen aiakonnhike, iosnore tsiontateronkwas, tosa iakotennetak nioriwatsanit, tsi iiens nonwentsiake.

Tsini ioriwake tsiontateronkwennire, oriwakwekon aieriwaierite tsini hotenienten ne Rawenniio, iken:

1. *Aiontiatarako tsi ionkwehne, ahonwenniten-tase ne Rawenniio, nasakotenre aonsaiakehiane tsinikon ronwanikonhraksaton.* Aontiesenhake naiontennikonhrisake, skennenha aierihokten oieri nihawennake ne Niio, tsiatak nikawennake ne Kentiohkwatokenti, nok tsiatak nioriwake ne kontiriwanerahakserakweniios; sewatieren oni aiontorisen tsi ne iakorihoktaonhatie, aontonseke aonsaiontatehiarakwen tsini ionnon-tonnionkwa, tsini iontatiatha, nok tsini iontieranions, kanonskon, atste, ononsatokentike, nok oni ka ok nonwe itiens.

2. *Ahonwaneken ne Rawenniio asakonikonhrata aieriwaswen tsi iakoriwaneren; aierensokten, nok niare taieiatorete: 1^o. aonhaa tsini ioriwatsanit ne kariwaneren, aseken ioiataksatha nonkwatonnhetston; 2^o. tsina teiotenonhianiton ensakohrewate ne Rawenniio nonwentsiakon, enskat ok oni aiakoriwanerenhenne ne ioriwatsanit, iahte tsiakotatrewatton; 3^o. tsini iakokaronnis ne kariwaneren, iken, tsaeriwanerake, iahte tsiakonaktaien ne karonhiake; 4^o. aonhaa ne kariwaneren roiatanentakton Iesos tekaiason-teke, ne rawenheiaton sasonkwenheiasse; 5^o. tsini kariwaneren ronwanikonhraksatha ne Rawenniio. raonhatsiwa tsini haiatanoron, tsini honikonhriio. tsini hotanitenraskon, akwekons oni iahtiaiehewe tsini hoianere.*

3. *Aionterientza iah nonwenton taonsaieriwanerake nohnaken; nok. ne senha, aiontewentete ne iakonikonhrotakwatha okonha; aienrheke, enhiriwaienhase ne ratsihenstatsi tsi naonkiatawen, tsinenhakierase; nok skennenha akonikonhrakwekon aierihokten tsiontonnhakanonniatha.*

4. *Nonen tsiontateronkwennire*, aierihokten, tsinonni ieteron, *tsiontateronkwennitha*; nok etho taiontontsoten tsi thenteron ne sesakoronkwennis, taieiasonten, aiairon: “*Niio, enkonrihoktase tsi wakriwaaien niotaksen, nok oni nise, rakeni*”; tenlmon aiontrori tonahe tsiontateronkwenni, tokat sakoterennaienni skarakewatha, tokat iakoriwaieriton teskariwaserakwen, tokat iakoiataraon; nok ok sa ok ahonwarihoktase tsinikon iakehiare, skariwanerahakseratson ioriwatsanit aontaionterate, aienaton tonikon ethoni iakoieren. Onen, aiontonteke tsi nahoten ensakohretsiaron ne sesakoronkwennis, aienrheke akwekon enkeriwaierite tsi nahoten enhakwatenientense; nok akwa akonikonhrakwekon aierihokten *tsiontonnhakanonniatha*.

5. *Nonen tsiontateronkwenni*, ioteriwison tahonwanonweraton ne Rawenniiio, nok ok sa ok aieriwaierite tsi nahoten wasakotenientense sewatateronkwennike; kariwaksen aiakonisko, aseken kaiatare teskariwaserakwen tsini ioriwake aowenk oriwatokenti kowa sewatateronkwenni.

IONTERENNAIENTAKWA NE TSION- TATERONKWENNIRE.

Niio, saiatatokenti kowa, tiotkon sarhare naonsaiontatrewate nonkwe, naonsasheiatokewe tsi iakoiatoron ne iontkaronniatha,

takwatkahto satanitenraserakon; konhiatisaks nonwa, ikehre aonsakiato'hare nakwa-tonnhetston sewatateronkwennike; takitenr kati, tosa akatiesate. Tsiterontak akenikonhrakon, naonsakehiarane tsinikon wakeri-waien ne iotaksen; tsiterontak nakweriasakon, ne tokenske aonsakswenseke nakeri-wanerahaksera okon; tsiterontak cni ne ksakon, nakwekon akatrori, tosa enskat akeriwasete, aontiesenhake aonsonterakewe akwekon.

Satkon Saiatatokenti, ise iohnawerote ne teioswathe, aontakswatheten nakenikonhrakon. Etho nonwa nakatatiatorete, tsinensi-ere tsi tenskkiatorete nenkatonnhokten. Takenatonhas nonwa nakenikonhrakon tsini wakatieranion ne kariwaksen, nok tsinikon niahta taonkeriwaieriton. Akehiarake tsini ioriwake, nok tsini ioriwatsanit tsini wakatieranion, nok oni tsinikon khenikonhraksaton nonkwe, tsinikon khekaronni, nok oni nii tsini wakatatkaronnihon; tosa akatatenikonhraten, tosa takatateronwekse; akeriwaierite ahihrori ne hiawennenhawe, tsiniiot nise akonhrori; etho nahakienterhane tsini katatienteri nii, tsini skienteri nise, Sewenniio tsi konnhe, iah oth non tesan kherons. Onen kati, Sewenniio, wakatennikonhrisake.

IONTENNIKONHRISAKTHA NE 'TSIONTATERONK-
WENNIRE.

*Sewatateronkwenni nok Okaristia aori-
wake :*

Ieriwisak tonahe tsiontateronkwenni nohnaken ; tokat ken iahte iakotsteniaron tsi iakotennikonhrisakon nethone ; othenon ioriwatsanit iakoriwaseton, ronwanikonhraten sahonwarihoktase ; othenon ioriwatsanit, iahte iakonikonhronni, tsia-konikonhrenhon ; iahte iakoriwaieriton ne teskariwaserakwen.

Ieriwisak tokat iakoiataraon, iahte iakotennikonhraseronni ; iakoriwaiesaton Okaristia, sakotienni othenon ioriwatsanit iehawakwe ; iahte iakoriwaieriton, nonen sakotienni, tahonwanonweraton ne Rawenniio.

*Ne aorizwake tsini sonkwatenientense ne
Niio :*

1. *Saiatat ok Niio hetsewenniostak, raonhat-siwa ne Rawenniio tsi sonnhe.*

Iakoriwiiostakon. — Ieriwisak tokat iakotenno-wenton othenon kariwiiostonke ; iakotehentskon tsi iakoriwiioston ; iakentorha naionteweienste ne kariwiioston ; iewennake konwakenron ne kariwiioston ; iakotonnhihen naiakoriwiiostonhake ; konwatewenteton ne kariwiioston ; iakoterorokhon tsi ionterennaienhnes, tsi sakonatatis, tsi ion-

tatiatatas niahta teieiasontha; iakowennahnoton kaiatonsera sonha konwakaronniatha ne kariwi-ioston. — Ieriwisak oni tokat iahte honwawenni-ioston ne akwekon thennontons tsini iakoiata-wens nonwentsiake, iakaweron nonkwe sonha etho niakoiren; othenon sonha niahte kariwasta iakotsteriston. ronwasentennitha ne Rawennii, iken: tiakawehtakwen tsi iontenhennaras, tiakawehtakwen tsi iakotetsenhon, iontateniahesaon ne iienhre ieienteri ioteriwaseton.

Iakorharekwen. — Ieriwisak tokat iakotenno-wenton tsini hotanitenraskon ne Rawennii, iakonnikonhriiakon; iakaohetston tsini ioteriwison aiaakorhareke, konwakenrenseronnis Nii raotanitenrasera; kariwes iakoniskohon naonsaiontatrewate.

Ronwanonwestha Nii. — Ieriwisak tokat iakoteraiatakwen tsini sakonikonhrawis ne Rawennii aonsaiontatrewate, nok senha ahonwanoronkwake; teiontaterensaronkwatha tsi iakoriwaneren; iahte iontatennhese nakoren othenon niontierha ne kariwaksen, iakoterihonte nok iahte iakonoronse aiontatennhese; iahte iontatenoronkwa sate iakonkwe Rawennii raoriwa, kanoronkwatseraksen iontatenoronkwa notiake.

Aterennaien. — Ieriwisak tokat iahte iakoterennaien naontketsko, iakotahwe, nok othenon aiaakonikonhrotako notkon; kariwes iah othenon teiakoterennaien; iakoweiennaksenhon, iahta teiakonikonhrasahaton, oia nahoten iakonnonnion tsi ionterennaiens.

2. *Tosa satiesat ne Niio raosenna.*

Ieriwisak tokat iakonowenton teiakonoronk-wanion kaiatoniseratokenti, tokat kaiasatokenti, tokat ronwanaton ne Niio, tiakotoktakwen, iakaohetston tsi iakotrori; ok sewatieren iakoriwahniraton; iahte iakoriwaieriton othenon ronwarharatstenni ne Rawenniio; iakotston ne kawennaksenskwa tiorhensa, onseronnikeha, onkwe onwehneha oni, ronwasennaiesatakwa ne Niio.

3. *Satsterist iawentatokenton Niio rawennisera:*

Ieriwisak tokat iakotenniseratiesaton Rawenniio rawennisera, iakoiotenhon nethone; iakohaserontion kahaseres awentatokentike; iakoniskohon naiontaweiate; iahte iakoterennaien tsi ieiatate; iahte iakotsteniaron aiakotahonsatate tsi sakotatis ononsatokentike; ieriwakenhronnis naieiatarake tsi ionterennaiens iokarenre; iakowe-iennaksenhon ononsatokentike.

4. *Shekonniienstak iesaienha, aionnise asonnhcke:*

Ieriwisak tokat iahte iontatenoronkwa, iahte iontatkonniienstha, iahte iontatewennarakwa nontatienha, nok ne iontatehiarons; akonikonhrakon iontatkenhronnis; iewennake, ieweiennake oni iontatenikonhraksaton; iahte iontatitenre nontatienha, iakotent nok iontiatisas; iontatewennakenhronnis ne iakoterihonton kariwiiostonke nok iontatkowanens nonwentsiake.

Ne iakowiraients, ieriwisak tokat iahte iakoriwaieriton naiontatehiaron kariwiiostonke non-

tatien sonha, iken, aterennaien, ohaseratokenti, nok kariwiiose okonha aoriwake; iontateriwanerahaktenni, othenon iontatennhaon ne wahtiawenrati; iah othenon teiontatrewatha, naiakoriwannhike nontatien sonha; kanakwenserakon tsi iontatahrishta; iahte iontatenikonhrare tosa othenon aiakonikonhrotako nontatien okonha; iahta teiontatsnie tsini ioteriwison nieronke aoriwake, tosa othenon naiakoiatawen sekon tsi akwa kenniakasha neksa okonha.

5. *Tosa sheiaset nonkwe:*

Ieriwisak tokat iontataseton; iontateriio; iontatkarewaton; iontatenikonhraksaton; iontatswenhon; arekho skennen tetsiakotonhon ne teiakotaksenhonne; iakonakwenhon, iontatenakonni; iontateriwanerahaktenni, tokat iewennake, tokat ieweinnake.

6 nok 9. *Tosa satenakwaiesat. — Tosa saskaneksek kanakwaiesatsera:*

Ieriwisak tokat iakonnonntonionkon ne kariwaksen, iakaonweskwanihon, iahte iakotennikonhrenten; iakoskanekon naieriwanerake; iakotatiatskon, teiontontariktha ne kariwaksen; karenmaksens iakoterennote; iakoiatonnion kariwaksens; iakowennahnoton kaiatonseraksens, akoren iontatenihen; iakotkahton kariwaksen; iakotsteriston ne ioteriwatehatanions; tokat akaonhaa, tokat akorenson; iakoriwisakon iakonikonhrotakwatha sonha.

7 nok 10. *Tosa senensko. — Tosa saskaneksek akoren akowenk, aserheke akenensko;*

Ieriwisak tokat iakoskanekon naiontatewenni-
ioste akoren akowenk; iakonenskwen othenon;
kanikonhratha iakotston tsi iakohninon nok iako-
tenhninon othenon; iahte iakoriwaieriton ionta-
tennhaon; iakotaksaton akoren akowenk; sekon
iehawe akoren akowenk; iahte tsiontatieriti tsi-
niiot tsi iontatkaronni, ne iakokweniatseraien.

8. *Tosa shciennowenten:*

Ieriwisak tokat iakonowenton; iontatewenno-
taon; iontatiatahnoton; iontatennowentennis;
okti teiontatiatoretha; ok tiiontatierons; teieri-
wenhawitha; tsierihotasions ne ioteriwaseton.

*Ne aoriwake tsini ionkwatenientense Ken-
tiohkwatokenti.*

1. *Tsiatarak ohaseratokentonke Niio rawenni-
scrake nok oni tsi iawentatokentaserons:*

Ne aoriwake iakotennikonhrisakon tsi te'a-
koiatoreton ashenhaton Niio raowenna.

2. *Satsterist iawentatokenton okonha:*

Ieriwisak tokat iekenhronnis ne wentanoronson,
iawentison Kentiohkwatokenti, iahte iienhre, ok
satekanoron ne Niiohne akenhake.

3. *Aonsaiesaronkwase arahonne enskat tsini
ioseres:*

Ieriwisak tokat iakonikonhronni iakotohetston
tsioserat, iahte tsiontateronkwenni; iakohtention
karoha tsi nonsahatonnhete, iahte iakotsteriston

sewatateronkwenni; sonsaionwe tsinahe shotonn-
heton, iakoniskohon naieriwaierite; ne ok ieken
eh ieiakokwatton tsi thenteron sesakoronkwennis,
iahta tiakonikonhrasahaton tsinaeriwaierite.

4. *Ahiaticnhase Iesos arahonne tsi nonsaha-
tonnhete:*

Ieriwisak tokat, iakonikonhronni, iahta teiako-
tatsniehon naieiatarane tsini ioseres, tsi nonsa-
hatonnhete; tokat iakotiesaton tsi iakoiataraon.

5. *Satsterist iakawentontietha, kaieri niokwenh-
raron konwaiats, entakta ne wentanoronson, nok
oni kaieri niwasontashen karoha tsinonsahatonn-
hete:*

Ieriwisak tokat, iakonikonhronni, iahte iaka-
wentontieton tsinonni kahawis aiakawentontiete,
ne ki ne iontatewenniiio, iah othenon teiakoiota-
tis, iakokweniatseraien aiakawentontiete.

6. *Tosa sewarak ronwaiatanentaktonne wenni-
serate:*

Ieriwisak tokat iakonikonhronni iakowarakon
tsinon niahte ioteriwison naiewarake.

7. *Aontaseriwaierite othenon tatsenonweron-
niontake ne Rawenniiio nensatonnisahase:*

Tekarensaron, iotsennonniat oni, ne iakokwe-
niatseraien, aieriwaierite tsi etho nikawennoten
Kentiohkwatokenti; ensesakoieritse ne Rawen-
niiio nethoni iontierha, iahtaiakohtonse othenon
ronwawenniiiotha ne Rawenniiio, iakoties kariwi-
ioston aoriwake.

Ne kontirizwanerahakserakweniios aoriwake.

1. *Kanaiesera*: — Ieriwisak tokat ienikonh-ranaie, iewennanaie, ieweiennanaie; iontatkenh-ronnis nakoren.

2. *Kanionsera*: — Ieriwisak tokat sotsi teiakononhianiks, iahte iontatitenre ne iakotent, iakokweniatseraien; iontkaraksatha, iakoniskwas naiekariake.

3. *Kanakwaiesatsera*: — Ne aoriwake iakotennikonhrisakon tsi teiakoiatoreton ne iaiakhaton nok tiohtonhaton Niio raowenna.

4. *Kanosatsera*: — Ieriwisak tokat iakono-shen; iakotsennonni, waontkaronni nakoren; iakonikonhraksens, waontsennonni; ionskaneks naiontkaronni, ne tsini iontatenosas.

5. *Iakaores*: — Ieriwisak tokat iakohnekiren iakononwarahtontha, iakononwarahtonhon; akoren iontatehnekarani, iontatenonwarahtonton.

6. *Kanakwensera*: — Ne aoriwake iakotennikonhrisakon, onen teiakoiatoreton ne wiskhaton Niio raowenna.

7. *Iakentorha*: — Ieriwisak tokat iakonnikonh-roktatskon tsi iakoriwiioston aieriwaierite; iakentorha ne kaiotensera sonha.

AONSAIONTONNHAKANONNI nok AIONTE-RIENTASA.

Iakotennikonhratsenrion tsini iakoriwaneren, ok sa ok niare ahonwennitentase ne Rawenniiio, asakoienawase aonsahonwatatrewaten nakonikonhrakon, aiairon:

Sewenniiio, katehens nonwa, nok ii tika-tatehase, tsi ok ne saoriwat tiotkon konnikonhraksatonhaties, tiotkon sane katon, sakatatrewate. Wakaterientare se tsini seribaswens naieriwanerake, nok tsini iontkaronniatha ne iesawennontionhaties. Taki-tenr tsini wakitent, tosa takrewat; senha nonwa skatatswens tsini wakierenhaties; skennhatens nakwa aonkwateweientonke. Askitenre, Sewenniiio, ne senha nonwentsia-ke aonkenikonhranonwaktake tiotkon, tsi iahta tewakeriwaieriton. Skaterientasas nonwa nakatatenikonhrarake, tosa aonsakwatsteriste ne kariwaksen. Onwa tsi ok enhihrori ne hiawennenhawewe tsinikon wakeriwaierite ne iotaksen; enkatontate tsinenhakierase, tsiniiot nise akenhake. Entkeriwaierite kati nahoten enhakeriwanontonse; enkiena oni nahoten enhakwatenientense ta-onsakeriwaserakwate; enskieste niatekon enskatateronhiakentakwake, ne tosa aonsonkesenni ne kariwaksen, Wakonhion. Se-

wenniio, nakeronhiakensera okon, etho ia-onkwati tsi takwaronhiakense nok takwenhase tekaiasontne, ne aonsonterakewate, taonsonteriwaserakwate oni nakeriwanerahaksera okon, tsi enhakwaterennaienhase n'hetsennhas kariwiiostonke; seriwahnirat tsi nenhaiere.

Wari saiatatokenti, atanitenrasera senis-tenserontakon, takwaterennaienhase, nonwa tsionkeronkwennire, tosa akatiesate; etho tenhnon iaketsiente naonsonterakewe nakeriwanerahaksera, nok naonkenikonhrahni-ronhake tosa aonsakeriwanerake.

Seronhiakehronon takwatsteristha, teskanerakwe tsini hinikonhraksaton ne Rawenniio, askienawase nonwa naonsakatonnhatako, aonsakhaharane tosa aonsakathaharako.

Onen nonwa kennikariwesha taieiatorete nakaonha ne ieribaswatha ne kariwaneren, iken: ne tsi akwa ioiataksatha nonkwatonnhetston, ionkwanaktaiemis nonwentsiakon, ionkwannhotons karonhiake, ronwaiatanentakon Iesos tekaiason-teke, nok ronwanikonhraksatha ne Rawenniio iahtiaiehewe tsini hoianere. Nok tokat iakonaktote, aierensokten skatne tsi taieiatorete. Arens oni ken niwaterennaientakseroten aierihokten:

Iesos ronwennitenstakwa.

Iesos Sewenniio, ii onkwariwa sennake-
 raton, ieselawenhon Sitaehronon, ohneka
 onekwensa tekiatieston tesathonkwaraton;
 Sitas hiatenhninon tsi tehianoronkwa-
 nion; iesaneren, iesanaskwenhawen-
 son tehatiatoresetake, ioriwatsanitenions
 iesennowentanionni, ieselasokwaweson-
 nion, iesennitskerosera skonsatokentike, Ohikta
 teiesanonwarannhaston, iesakonrekhon, atak
 iesaientanion, iesaiatawitasionkwen, iesa-
 wararatsionkwen, karonwarowanens iesaia-
 tantentakton tekaientannhareke, otsitsiatken
 otsate tekaieston iesanonten, asikwe iesaha-
 son: akwekon ii onkwariwa tsi ethoni saia-
 tawenseron; akwekon kati nonwa ne aski-
 tenrate, iah sane tewakerihonte, ne aonsas-
 keskontakwate tsi tsiotekha noneshon. Wa-
 kiena, Sewenniio, saronhiakenseratokenti
 okon, wakatennetha nakweriane, ne tosa
 aonsakenonweseke natonwesentsera non-
 wentsiake. Watkiakwahriena ne saiasato-
 kenti, ne enwakienawakonhake tsinenwe,
 aiawens tosa aonsonkwataskatsten ne iont-
 sennonniatha nonwentsiake, ne tenhnon
 akkonniienstake tiotkon tsi nakierhake ne
 karonhiake akatsennonni, ethonaiawen.

AHONWARIHOKTASE.

Onen nonwa wahonwaiatorenne naonsasakoronkwase, aienrheke: etho nakiere nonwa tsiniiot ne tahakiatorete ne Rawenniio. Nok tokat enieiena ne skarakewatha, iatentsiontontsoten ononsatokenlike, tenhonwanonweraton ne Rawenniio, eniairon:

**IONTERENNAIENTAKWA NO-
NEN TSIONTATERONK-
WENNI.**

Tokenske onte ken, Sewenniio, saskia-tokewe tsini wakiatoronhonne ne kariwak-senskwe okon! Akwa her sekon wakeriwanerahakskonne, oneshonronon iakenikwe-konne, nok nonwa ise iawet tiatenro iotonhon; ne kati sonkiatohare sanekwensatokeni takwanekwensahrise; ne sonketsiente tsi iesakarewatanion nonwentsiake, iesakenseronnihon saskwenheiasa tekaiasontne. Tekonnonweratons, Sewenniio, niawen tsini skitenronhatie nonwa. Oneshon aonkwatetsiraton, ne ok kati nonwa iatenskene ostonha akonronhiakense nonwentsiake. Tokenske kati tsi sanikonhriio kowa, satanitenraskon kowa, tsi skwenies nethonashtenre nonkwe. Tiotkon nonwa tenkonnon-

weratonseke nakenikonhrakon; nok oi nokti kawenniiio tsi ionkwehne, iahtaor sonkwatsehiaronke tsi wakeriwioston; ak wa en'ataliatakennha, tosa aonsakonni konhraksate. Tiotkon nonwa enkatekwa seke ne wakenikonhrotakwatha tsinahe, en ketsaniseke onwe naonsonkrane ne kari waksen; iahtaonsakitak ate tsi takitenron skennen tsionk atonhon; en'ontkahto non' we tsi wakcriwatoken nonwa tsi wakeri wioston; enkakwisron ka i naontakeriwaic rite; iatekakonte enwakateriiohake ro konseraksen, tosa aonsonkiena. Nok as'kena wase, Sewenniiio, nakata'ennon'erite nonwentsiake. nakat'ennonni o'maken karonhiake. Ethonaiawen.

TESKARIWASERAKWEN.

Iosnore aieriwaierite tsi nahoten sakonatonni taonsaieriwasherakwate; tosa ne tohka naonta aia-konisko, aseken iakotkarote Rawenniiioke, tsini-iore eniakoriwaieriton neh nahoten.

OKARISTIA.

Nahoten akiron Okaristiatokenti aoriwake, aonhaa se Okaristia kariwakweniio, oriwato-kenti oni tsini ioriwake noriwatokenti kowa sonha roriwison Iesos asonkwaiatatokentiste! Jah nonwenton tiakahewe nonkwanikonhra aionikonhraientane, iah oni nonwenton takakweni nonkwawenna aontrori tsini sonkwanonwehon Iesos Sonkwawenniio, rotatiteron Okaristiakon, iieks rotatonni ahanontenseke nonkwatonnhets-ton. Raonha enhiwennatrori ne Iesos, tsi thowenninekenhon, tiotierenton sasakorharatsten nonkwe tsi sakonontenrene kakhwanoron raieronke nok raonekwensa, tenhnon tsini hoieren sahasa Okaristia, entakta tsi ronwarioserene. Akwa aetewakahenhion, tetewaiatoret oni tsini hawen Iesos nethone, raonhaa ki asonkwanikonhrowanate, asonkwanikonhraientasten tsini haiatanoron Okaristiakon rotaseton, tsini kanataranoron sonkwanatarani, sonkwannhaon aetewakseke. Tewakonnienstak ne kakhwanoron, tewaskaneksek, aetewatsteniaron naiotkateke aetewaiataraseke, nok aetewateweienton tsinikon ensonkwatienhase, etho naontawe taonsaiakwatieren Iesos nentewakwekonhatieseke nonwentsiake, nok senha aionkwarihontake iaetewakwekonhake ne karonhiake.

Ise nonwa, Sewenniio Iesos, askwentenre askwarihonnien tsini sherihonnienni ne Sitaehronon nok sewakwekonne; tosa ietinakeren ne rotiriwakatenhon Sitaehronon, nee tenhnon iakwakwekonhak ne thonehtakwen Sewakwekonne. —

Sonkwarihotasienni San senikwekonne, raoia-tonserake (ch. 6, vv. 47, etc.) tsini saieren sa-sheharatsten tsi shetenranene Okaristia, sheienni ne iesanonteratieskwe, isen:

“ Akwa tokenske tsi kwahroris, nene tia-
 “ kawehtakon tsini kiatoten, iakoiën naia-
 “ konnheke onwe. Ii ne kanatarok ne iaka-
 “ onnhetha. Ietsini okon kenha ronnekön
 “ karhakön ne kahkwanoron, nok ronen-
 “ heion. Ken nonwa kaiën ne kanatarano-
 “ ron, karonhiake nitiawenön; kaneka en-
 “ ienatarake nehnakanataroten, iahtaiaiheie.
 “ Ii kanatarok nikiatoten ne ionnhe onwe,
 “ ne karonhiake nitewakenön. Kaneka enie-
 “ natarake nehnakanataroten, iatekakonte
 “ eniakonnheke; nok nenkhenataranönte,
 “ ne nakewaronk, nonkwe okon aiakonnhe-
 “ kon ”.— Nok tehatiriwakennhaskwe Sita-
 chronon tsi tehatihtarha, rontönhakwe: Oh
 neniawen nahakweni ne ken nasonkwanönte
 ne raowaronk?— Wasakohrori kati Iesos,
 wahrenön: “ Akwa tokenske tsi kwahroris,
 “ iahtensewakhe ne raowaronk ne onkwe
 “ ronwaiënha, niah oni tensewahnekirhane
 “ ne raonekwensa, iahtaesewaiëntake nae-
 “ tsionnheke ne tsionhake. Nene iraks nake-
 “ waronk, nok rahnekirha nakenekwensa,
 “ roien nahronnheke iatekakonte, nok nii
 “ enshionnhete nohnaken tewenniserönte.

“Aseken tokenske kahkwa nakewaronk,
 “nok iehnekirhatha nakenekwensa. Ne
 “iraks nakewaronk, nok rahnekirha nake-
 “nekwensa, akonhake thenteron, nok ii
 “raonhake tkiteron. Tsini hakennhaon ne
 “Rakeniha ronnhe onwe, nok tsini hakonn-
 “hetha ne Rakeniha, eh kati oni niit ne
 “iraks nakewaronk, ii enhionnhete. Ken
 “kaien ne kanataranoron ne karonhiake ni-
 “tiawenon. Iah etho tekanataroten ne ro-
 “tinatarakon ietsini okon kenha, nok ro-
 “nenheion. Ken tenhnon kaien enienata-
 “rake iatekakonte eniakonnheke.” —
 Ethonikon sakotati Iesos Kafarnaom tsi
 tkanataien, tsi tionterennaientakwa. Eso
 ne ronatontekwe ne ronwanonteratieskwe,
 wahoniron; Kariwanoron tsi nahoten
 raton; onka onte aiekweni aionton-
 tate... Ethone tiotasawe tohka nihati
 ne ronwanonteratieskwe eren sahon-
 nete. Ethone wasakawenhase Iesos ne
 tekeni iawenre nihati, wahrenron: “Katon
 “ken oni nise isewehre heren aonsaiakwe-
 “te?” — Tontahariwaserako ne Tier, wa-
 henron: Onka noia aonsaiakwaiatisakha;
 ise sewennenhawe ne iakaonnhetha onwe.
 Tionkwehtakon nii, nok ionkwatierientare
 tsi tokenske ise Kristos Niio Hiaienha.

Tewawennahnoton nonwa tsini thoiaton Watio
hnikwekonne, ratroriatha tsini hoieren Iesos, ne
wasontanoron entakta tsi ronwarioserene, sahasa
Okaristia. (Wat. ch. 26, vv. 26 etc.)

“Sekon roratekwarakwe, wathanatara-
“kwe Iesos, wathononweraton ne Rawen-
“niiio, wahaterennaienhase ne kanatarok,
“wathaiake, nok wasakaon ne ratikwe-
“konne, tenhnon wahrenon: Tesewak nok
“isewak, KEN IKEN NE KIERONKE.
“nene nise sewariwake enkonwatewentete;
“etho nasewaierhak tsina tesewakanere tsi
“nakiere nonwa, ne enseskwehiarakwen-
“nitake. Etho oni niiot wathatsetakwe, wa-
“haterennaienhase nok wasakaon, wahren-
“ron: Akwekon sewahnekirha, KEN
“IKEN AKENEKWENSA, aonckwen-a
“noianerenserase ne ise sewariwake: nok
“eso akoriwake enkenekwensahrine, naon-
“sonterakewatake nakoriwanerahaksera
“nonkwe.”



IEIATARASTHA ORIWAKAIONH- NEHA.

IEIATARASERE.

Aontaiakawehtakon tsi renteron Iesos Okaristiakon :

Iesos Sewenniio tsi konnhe, tewakehtakon kento sataseton Okaristiakon, tsi kaieronni kanatarok kenha, otsitsia kenha oni; iawet sane kanatarok tsi tekkanere, nok iah kanatarok tesken, aseken sakonwa erennaienhase, tsioterision ne kanatarok kenha, ise ki sawaronk iotonhon; etho oni iwat sanelkwensakwekon ne tioneakwaon saesario, ne sakanekwen at t. t. sisariwas rakwaton ni nkwariwaneren. Etho oni kaiatat santonhetsten, aonhaa tsini ioiatatokenti; akwa tsiatakwekon etho sataseton, tsi Onkwe, Niio oni niasiatoten. Sewenniio tsi konnhe, iah ostonha tekatennowent' a tsi isen, tiotkon enkiterontake Okaristiakon; okti enkiheie, enkatontatseke: ok oni naonkstonton naionkerio, iah taonton aonsakatkaawe; ne tenhnon senha enkataten'konhrahnratseke, enkerheke, raonha enshakieritsé Iesos karonhiake.

Tahonwanonweraton:

Iesos Sewenniio tsi konnhe, sonhaa iesennakeraton karonhiake onwentsiake oni, tekonnnonweronnions; ikehre oni aiakwa-wennakwekonhake ne ratironhiakehronon, kento tiesennitiohkwaton, tiotkon teiesanonweratons. Entekhewennaserete kati, enkiron: Iesos, sonhaa saiatatokenti, sonhaa satanitenraskon, sonhaa iah othenon tesanoronse, sonhaa akwa Sewenniio tsi konnhe; karonhiakwekon, onwentsiakwekon oni iesasennaiens; aiawen oktiwakwekon nonkwe aiesaienterhane, aiesanonwene, aiesawenniioste oni.

Aiontatkenhronniheke nakaonha:

Iesos Sewenniio tsi konnhe, ratironhiakehronon tehotinonhianiks taiesakonsakanerake, tsini iotsanit tsiatanoron; oh kati nisanikonhrotenhat'e tsi takwatiennire? Iah ken teskiataswenhon tsini wakeriwaneralhaskon, ken kenonwenseraien? Tenhiwen-nakwe kati Tier roiatatokenti, enkiron: Tontasatonnek niha, Sewenniio, eso tsi kserohen, onwa tsi ok onte enkonhiesate; kati ken nii konkwe nakerheke ahakwa-

taweiaten ne Rawenniio tsi konnhe. Enskat ok kati aontasatati, ok sa ok enskaiewentane tsi teiokonhenton nakenikonhra kenha.

Aonsahonwatatrewaren :

Iesos Sewenniio tsi konnhe, akwa ioneh-rakwat wakenikonhranonwaks tsini kon-sentenni, iawetowanen konwennontion ; aia-wen taonteranekare nakweri kenha ne iori-wanonwehon ne iotaksen, aontonkkaserah-rihon tsi naonkenikonhranonwakseke, ok taionawentonheke nokaseri kenha, ne asteson akatstarhakwaneseke tsini iotsanit kon-nikonhraksaton tsinahe tsi konnhe. To-kenske, Sewenniio, sakatatenikonhraswen tsini wakeriwanerahakskon, ne ki onkwa-tesatstense tsini satanitenraskon, tsini sani-konhriio. Onen kati sewakatonnhakanon-nihatie, akwa wakaterientasa, iah nonwen-ton etho taonsakiere tsinenwe enkonnehke.

Ahonwaskanekseke :

Iesos Sewenniio tsi konnhe, iahte sane-kherens tsini wakiatanewarat, senha kati ok isehre akheiatienhase ; onen kati wakon-wennarakwe, tenkontsterihate oni, enkiron : tsiaken nisa, Iesos, takitenr, takiatisakha,

satatenaktaseronnien niare, nok ensatatie-
tente nakontskwenakon; onen wakahet-
kentsi seien kenha akwatonnhetston kenha,
toha onte kenheionsere, iahte skasatste tsi-
ni kaiatakenheions, ne tsini iokarewat on ne
kariwaneren. Aonsasetsiente tsini satani-
tenraskon, iah oni othenon tesanoronse.
Ethonaiawen.

NONEN IAKOIATARAON.

Tahonwanonweraton :

Iesos Sewenniiio tsi konnhe, tekonnnonwe-
ratons nonwa sataseton nakontskwenakon;
ionehrakwat, Sewenniiio, tsinaonkiatawen
nonwa: ise takiatisation, ise seskiatontakwen
nonwentsiakon, takwenheiasse tekaientann-
hareke, tsisatatonnheton, karonhiake non-
wa iesesiteron, katkeha oni tenteskiatore-
tane, ise akwa Sewenniiio tsi konnhe, Niio,
onkwe oni nisia toten, takwatienni nonwa
Okaristiakon; iahse konkwe teken, tsini
ionewarat kiataksen, wakeriwanerahaks-
kon, aniot otsinonwa okenrake wateseres,
okenrake tewakientakon, katkeha oni oken-
ra enskaton. Sewakwekon kati sewaronhia-

kehronon, ise oni sewaiatatokenti okonha, takwentenr, takwaienawas nisa, aetewawennakwekonhake, atsitewatonren ne Rawenniio, tsini hotanitenraskon, rakwatienni nonwa Okaristiakon.

Ahonwanonwehake Iesos akonikonhrawekon:

Iesos Sewenniio tsi konnhe, sonhatsiwa tsini tsiatanoron, akwa kati tetsiatiestha nonwa nakwatonnhetston, isehre, iatekakonte taiakiateralnekenhake; wakenehrakwas, Sewenniio, tsini skenonwes, iahte skiataswens tsini kiataksen. Katke nonwenton ethoni iontatenonwehon? Aonkithake naonkenoronseheke nakonnonwehake tsini kasatste nakenikonhra. Onen kati tokenske konnonwes akenikonhrakwekon, ne ki konnonwestakwa tsini sanikonhriio, tsini satanitenraskon; aiawen tiotkon akonnonwehake tsinenwe enkonneheke.

Ahonwaneken tsinikon teiakotonwentsioni:

Iesos Sewenniio tsi konnhe, sonhaa tsini satanitenraskon, tiotkon takwennontonnionse, isehre akhetenre; teskanere nonwa tsini iotent nakenikonhra kenha, akwekon tiioiewas ioianerenstakwa nahoten; senha isehre aionkeneken, Onen ki wakonwenna-

rakwe. Ken kaien akwa wakaskaneke, ikehre, ahakitenre, aonsahonikonhren tsini iaweta rinikonhraksaton, akwektsihon aonsonterakewe tsini wakeriwaneren. Nok are oia, Sewenniio, konniahesen, ikehre ahakenikonhrahnrirate, asakohriste nofkonseraksen, kieronke, nok oni nonkwe okon, kaneka naontaionkenikonhrotakohe, tosa aionkesenni. Katakitenr nisa, Sewenniio, naonton tsini wakenikonhroten, karo akiheie, tosa aonsakonnakwatan.

Ahonwawenniioste eiatakwekon:

Iesos Sewenniio tsi konnhe, iah othenon tetiotokte tsini skitenraton tsi takwatienni Okaristiakon; akwa sasahaton tsini saientatie, iah enskatha tesatatienni, iken takewenniioston tsieronke, sanekwensa, satonnhetston, sawenniosera, akwekon ki tsini siatoten. Aonkitechake niahtakonnakeren; onen kati wakonhiataienhase akwatonnhetston, kenikwekonhatie ne kieronke; konwenniiostha oni ne kehiarakwa, tekiatoretakwa, kaskanektha; iah enskatha takatatienhase, aseken othenon wakientatie, ise takitenron; akwekon kati sakonhion, akwa seriasakon ionsakionte. Takitenr nisa, Iesos, serakef niotaksen, kaneka nonnajoranentakonhake, aontiesenhake tiotkon askiaton-


weskwen tsinenwe enkonnhake, nok askia-
tinionte karonhiake, tsinenkatonnhokten.
Ethonaiawen.

Aionterientasa :

Iesos Sewenniio tsi konnhe, iike nonwa
tesiteron, iseke oni tkiteron, akwa tenikwe-
kon, tsiniiot ne tsionkwetat akenhake ne te-
tenihase. ise ki etho niskwarihonnienni;
aonton ken sekon taonsaetiatekhasi? Aski-
tenre, Sewenniio, tosa nonwenton eh naon-
saiawen; karo akiheie tosa aonsakonhiaton-
ti. Aonhaa ne kariwaneren ioriwatsanit
akakweni etho nakaiere; onen kati sekon,
akenikonhrakwekon sewakerihonti ne kari-
waneren. Iahta katateniahese, ise tenhnon,
Sewenniio, satanitenron, iah othenon tesa-
noronse, wakonniahese, askenikonhrahni-
rate tosa aonsakeriwanerake; aontakeri-
waierite tsinikon takwatenientense, ise sari-
wake, sate iakionkwe akoriwake, nok ii
akeriwake; akewennarakwake ne sentioli-
kwison Kentiohkwatokenti, seiatakwennia-
ienni sawennatokenti. Takitenr, Iesos, ta-
kiatanonstat, aiawen tosa aonsakonhiatani-
konhren, tiotkon aetenikwekonhake tsini-
iore enkatonnhokten. Ethonaiawen.

Kento aiontataterennaienhase ontateniha, onta-
tenistenha, iontateken okonha, ontatien okonha,

iontenro sonha, iontatenonkwe okon, nok oni ne iakowentaon. Iahte watiesen nasakowennonti Iesos eiatakon renteron. Tokat, tsinonni kahawis tsi ieiataras, kaien taiontentsa tewateriwaserakwatha kowa, arens ne rarihowanatha ne sakorihonniennis, aienrheke nethone, akatsteniaron akeriwaierite tsini ioteriwison, ahonwaterennaienhase n'Ariwawakon kowa. Ken kaien ionterennaientakwa, "*O Iesos, saianere onwe*", enierihokten, tsiontateronkwenni, sakotienni, tsiakotatrewatonhatie, iateiekanere tsi raiatare tsi roiatanentakon tekaiasonteke, tenhnon ronwanekennis ne Rawenniiio ahentenre Kentiohkwatokenti, akowenk nennee tewateriwaserakwatha kowa (Pie IX, 31 siiet 1858) :



O Iesos saianere
onwe, sanikonhriio
kowa, teskanere nonwa
tekonhiatontsotani, te-
wa kennikonhrasahaton
tsi konhiennitentase ak-
wah asiaton onwe na-
kweriane, aontonkweh-
takonhake tsi wakeri-
wiioston, aonkerhareke
naskitenre, iosatste a-
konnoronkwake, tiotkon
akatatswenseke tinikon

tewakaterientawenriehon nonwents'ake;
tiotkon oni aonkwaterientasonhohake nok
sa ok aonsakatatrewate nothenon enwakenn-

hike, tiotkon oni akerheke taonsakeriwase-
 rako nakeriwanerahaksera okon, tsi tenkia-
 toretake, iawet tenkkanerake nakenikonh-
 rakon, tsi teiesawehestanion tsiatakwekon,
 wisk nikon satewiraronnion; akeriwano-
 ronkwake tsini skwentenron nethone, nok
 aonkenikonhranonwakseke tiotkon tsini ie-
 saiesaton nonkwe; nene tahonnenne thotro-
 rihne naonnise ne rotokensehakwe Tāfit,
 ise hiatrorihakwe, o Iesos, saianere onwe,
 tsi ratonhakwe: "Teionkesnonsaweheston,
 teionkwasitaweheston oni, nok iakoseta-
 nion nakstien okon, tsini ionkieren."

OIA IEIATARASTHA.

IEIATARASERE.

Karo kase, Satkon Niio Saiatatokenti,
 askitenre aontasatsnente nakenikonhrakon,
 asktokaten ne aiotonkohtakonhake tsi na-
 konnonwehake, nok askenikonhrata tsi na-
 kiere akwa akateweienton nonwa kiatarasere.

Akonsennaien, Niio tiotkon tsi senakere,

iatekakonte ensenakereke, iah othenon tesanoronse; akonnoronkwake akwa aontakennikonhrasahate, nok tiotkon akonwen-niostake, iah nonwenton takariwentane.

Konhiennitentase, raosennakon Iesos Kristos, naskitenre netho naiawen. Ne katerennaientakwa, raonha sonkwarihonnien-ni ne Iesos, raweron, ne enierihoktake nothenon eniesennitentase; ne oni katerennaientakwa, ioriwison ne Kentiohkwatoken-ti naierihoktake raronhiakehronon raowenna, aienrheke aonkwaterennaiahase ioiatatokenti Wari.

Takwaienha... Wari tekonnoronkwations...

Askenikonhrahnrirate, Sewenniio, tsi wakeriwiioston; ne wakeriwiiostakon tewakehtakon tkariwaieri tsi nahoten isen nonwensiake, ne nonwa ionkwarihonniennis Kentiohkwatoken-ti, aseken ise orikwakwekon senikonhraton, iahtaonton asenno-wente.

Tewakehtakon enskat ok ne Niio, akwa raonikonhroskon, iahtiaiehewe tsini hoianere, akwekon roteweiennison; nok tsi ashen natchaiasere, Roniha, Roienha, nok Rotkon Roiatatokenti, enskat ok Niio Rawenniio ietsiotonhon nashen nihati.

Tewakehtakon enskat ok iontatenekwahestha, ne tsiakoiatoharetha tsi iakoiatoronhatie nonkwe waonton, nok Rawennio, Kentiohkwatokenti oni ontatienha iakoiatotenstha.

Tewakehtakon roronhiakenton nok rawenheiaton Iesos Kristos tekaiasontne, naonsasakoskontakwate akwekon nonkwe nonwentsiakon; nok oni tsi sakowis akwekon iakoriwiioston ioianerenstakwa nakotonnhetston, ne iakoienawasestha tosa aiakonikonhrotako ne kariwaneren nonwentsiake.

Tewakehtakon iahte kenheions nonkwatonnhetston, ne ok enkenheie ne tewaieronke; akwekon tensonkwaiatorete ne Rawennio; tesakoiatoretakwenton, iatekakonte sakoiatonties notsirake iahte waswas ne iakoriwaien ne ioriwatsanit kariwaneren; ken kaien ne ok iakoriwaien ne kenniioriwasha sonha, niare tsi tetieseronniatha ensakoteron taonsaieriwaserako, nohnaken aiontsennonni ne karonhiake; nok ne iaiheions iakotenekwaheston, tokat iah nonwenton arekho tetsiakoriwaneren, nok oni ne tetsiakoriwaserakwen ne iakoriwanerenhenne, akwa iakokarokte, ok sa ok nennee ensakoiatinionte karonhiake; nok oni nenwaton-

wentsiokten, iatekakonte enskenikwekonhake nonkwatonnhetston ne tewaieronke, tokat karonhiake, tokat oneshon, tsi ki ens nenionkwatatetsenriase nonwentsiake.

Tewakehtakon oni Iesos Kristos, Niio Roienha onkwe rotonhon, Okaristiakon rotaseton, raweron, tiotkon aiakwakwekonhake niakoriwiioston tsinenwe enionwentsiateke; tsi sonkwannhaon natsitewaiatisakheseke Okaristiakon, nasonkwatienniheke tsi aetewaiataraseke tiotkon; ieio'ohetston tsini sakotsennonniatennis ne iakoianere naeiatarane; nok ieiothetston tsini iontkaronniatha niahte iakoianere, ne senha ok waeiatarane. Kaneka iakoiataraon, iakoriwaneren ne ioriwatsanit, arekho tetsiakotatrewaton, iakohnekwanon neniontate-tsiratakwe iatekakonte noneshon.

Niio Sewenniio, akwa tokenske wakenikonhranonwaks tsini konsentenni, aseken iahtiaiehewe tsini. saianere, nok tsi seriwawens ne kariwaneren; wakaterientason, naonkienawase saianerenstakwa, iah nonwenton taonsakonnikonhraksate, nok taonsakeriwaserakwaseke.

Iesos Kristos, tewakehtakon tsiteron Okaristiakon, aseken isen: etho enkiterontake; tewakehtakon kanatarokon kenha

ionatasetakwen tsieronke, sanekwensa, satonnhetston, nok oni saniiosera.

Tekonnonweratons tsi takwawi naskwa-tienniheke Okaristiakon; ionehrakwat tsini satanitenraskon, tokenske sotsi takwanonwes, sotsi takwakonnienstonhatie. Tsinia-kon sheiatison nonkwe, ii onte senha iahte wakerihonte etho iataktane nakiatarane. Tsini kariwanoron takwariwisahani, ketsanis nakeriwaiesate; nok ketsanis oni nakonwennonti, tsi takwatenientense naia-kwaiataraseke. Wakonwennarakwe kati nakiatarane; askitenre, tosa seriwarako tsini kiatoten tsinahe tsi konnhe, nok askiata-nonstate, tosa akeriwaiesate tsini sarenhia-kenhon nonwentsiake.

Tsini konnonwes, Iesos, ne aoriwa khenonwes akwatatekenson nonkwe, tsi nii nikatatenonwes; khenonwes oni kaneka aionkswenseke; ok eken konhiennitentse nashetenre, aionteweienton nok karonhiake aiontsennonni; nok kaneka khenikonhraksaton, onen nonwa skatatrewat^ha; as^hitenre aonsesanikonhren tsini wakieren sakhenikonhraksate.

Oh nakiere kenha, Iesos, tsini kaskareks nakwa aontakeriwaierite nakateweienton nonwa kiatarasere; sotsi wakitent, iahta

keweientehtane; askitenre kati, satanitenraskon, iah othenon tesanoronse, nakkweni, tsini senonwes, etho nakiere.

Saiatatokenti Wari, tsini sateweienton-tieskwe, hianonwehon ne Rawenniio, nok hiaiatarakwen ne tsiatakon onkwe ahaton ne Roienha, askwaterennaienhase, nahakitenre oni nii, nakateweienton tsi wakeriwiioston, etho naiawen nahakenikonhrononwene n'Hetsienha tsi enhakwatienhase.

Sewaronhiakehronon, sewakwekon sewaiatatokentison, karonhiake sewatsennonni, kwennitentase, askwaienawase aontiesenhake akateweienton tsiniiore rakitenrane ne Rawenniio. Askwaterennaienhase, tosa ahiiatiesate nonwentsiake n'hetsisewatsennonniatennis karonhiake.

Saiatatokenti seronhiakehronon tiotkon takwatsteristonhaties, konhiennitentase, heren askeriwakwiten ne kariwaksen, nok senha askwatsteristake, akwa askiatanons-tatseke, tosa aonkeriwannhike, sotsi seken wakitent, iahte kattokha, sotsi oni kariwanoron aieiatarane.

Iesos Kristos, satanitenraskon kowa, sewanikonhrakwekonhatie Niio Hianiha, nok seninikonhrat Rotkon Roiatatokenti, tsi senheion, akwekon sheionnheton nonkwe, askitenre, asiatoharete nakwatonnhetston

ne sanekwensatokenti, ne sanekwensahrihon tekaiasontne, tosa othenon aioiatoronhake nonen enskwatienhase. Ne askitenrate tsini saronhiakenhon, tiotkon aonkenikonhranentakonhake tsini skwatanientense, aontiesenhake oriwakwekon akeriwaierite nonwentsiake.

Iesos Kristos, seskwaskontakwen none-shon, okstentsi wakatsennonni tsi takiten-rane; ne katsennonniatha, tsini iahtiaiehewe tsini saianere, tsini satanitenraskon, nok oni tsini skenonwes; ne katsennonniatha, ikehre, enskitenre senha akateweienton tsi konsennaiens nonwa onwentsiake, nok karonhiake akatsennonni; ne akwa katsennonniatha, ikehre, onen nonwa iatekakonte asewenniioke nakwatonnhetston nok oni ne kieronke. Konhiennitentase kati, askitenre tokenske etho naiawen.

Kommonwes, Iesos, akwa tewakennikonhrasahaton tsi kaskaneks senha aiosatsteke tsi akonnonwehake; ne konhiaskanektha nonwa tsini konnonwes; ohnakiere kenha naetenikwekonhake; konhiatisaks, Iesos, akwa akenikonhrakwekon; kaskaneks aiosnorenne asitenre nakwatonnhetston. Ethonaiawen.

“Ahonwasennaien nok tahonwanonweraton iatekakonte Iesos Okaristiakon, aon-

haa Okaristia, tsinioriwake noriwatokenti kowa sonha. tsini oriwatokenti, kariwano-ron oni. "Tehonerenston Ariwawakon kowa ne aierihokten, taiontentsa 100 niwenniserake ne tewateriwaserakwatha sonha).

Tsi sakonnhonthosere, aiairon:

Sewenniio, iahte wakerihonte nasatawe-iate ne kiatakon: enskat kati aontasatati, nok enskaiewentane nakwatonnhetston. (3 *nioriwake.*)

NONEN IAKOIATARAON.

Iesos Kristos, Niio onkwe oni nisiertoten, tewakehtakon tsiteron nonwa nakenikonhrakon; konsennaiens, akwa tewakennikonhrasahaton; konnonwes akenikonhrakwekon, tsini kakwenies nakenikonhra, iah othenon sate tekenonwes.

Satanitenraskon kowa, wakeriwanerahakskon sane, sekon kati sataweiaton nakenikonhrakon; tekonnnonweratons tsini skitenron, akwa nonwa wakatsennonni, onen tenikwekonhaties. Onen nonwa senha skatatrewatha tsini wakeriwaneren tsinahe tsi konnhe; askitenre, Iesos, iatekakonte tosa seriwarako tsini konsentanionni; wakate-

rientason, naonkienawase saianerenstakwa, iah nonwenton taonsakonnikonhraksate, nok oni taonsakeriwaserakwaseke.

Askitenre, Iesos, askenikonhrahnrirate tsini wakenikonhroten; askiatanonstate tosa othenon aonkenikonhrotako; ne askitenrate tsini iahtiaiehewe tsini satanitenras-kon. Askitenre, Iesos, tosa nonwenton aonsonkenikonhren tsini skitenron, tsi sataweiaton nakenikonhrakon. Ohnakiere kenha tsini kaskaneks akateweienton tsi takonnonweraton; iatekakonte konwenniostha akennontonniontsera, akenikonhra, akwatonnhetston, akwekon ne kieronke; konhiawis tsi nenkennontonnionkwake, tsi nenkatatiatake, tsi nenkatieranionseke, akwekon oni tsi nenkeronhiakenseke tsi-nenwe enkonnhеke. Oriwakwekon konriwaiennis tsi ok nenwakiatawen; akwekon kerivanonwes tsi ok nenskeriwisahaniheke. Askitenre ne senha akenoronkwake, akwa akaskanekseke naonkeronhiakenhonhake, ne akenoronkwatake saronhiakenseratokenti, nok taonsakeriwaserakwatake ne karonhiake akatsennonni.

Akateweienton takonnonweraton, sotsi seken ionehrakwat tsini skitenron; akwa takenonten ne tsieronke, sanekwensa, satonnhetston, ne akonnhekon kariwiioston-

ke; ne kati konriwaiennis nonwa tsini sanonwehon sanistenseratokenti Wari, tsinahe senikwekonne nonwentsiake; tsi oni nahe nisenikwekon ne karonhiake; konriwaiennis oni tsini iesasennaiens ratironhiakehronon nok akwekon akoiatatokentison karonhiake iakotsenmonni; ionkwani-konhrakwekonhatie tsi tekwanoronkwaniions tsini skitenron nonwa wenniserate.

Saiatatokenti Wari, Niio hetsienha, iah othenon tesaiataksaton, karonhiake akwekon nonwentsiake iesennakeraton, satanitenraskon, konhiennitentase, tetsenonweraton n'Hetsienha tsini hakitenronhatie, nok askwaterennaiehase netho nahinikonhraierite tsinitzenikonhraieriton nise nonwentsiake, ne ahakitenrate tsi onkwe rotonhon tsiatakon, nok oni tsi rawenheiaton tekaia-sontne, tsini sonkwanonwehon.

Sewaronhiakehronon, sewakwekon sewaiatatokentison karonhiake sewatsenmonni, kwennitentase, tetsisewanoronkwaniion ne Rawenniio tsini hakitenron nonwa, nok askwaterennaiehase tosa nonwenton akeriwaiesate.

Seronhiakehronon tiotkon takwatsteristonhatie, askwaterennaiehase aontiesenhake, ok iakiheie, tiotkon ahinonwehake ne Rawenniio, tiotkon ahisennaiehake tsinenwe, onwentsiake nok karonhiake.

Sose saiatatokenti, ise iesaniahesen nia-koriwiioston, othenon kanoron ronwennitentase ne Niio, askwaterennaiahase, tsini iawenhon tsi iesatsteristonhatie Iesos nok Wari sasatonnhokten, aionkitenre oni nii aionkwatsteriste nonen enkiheie.

Iesos Kristos, Niio tsiatatienha, seskwas-kontakwen noneshon, onen nonwa takitenronhatie konhienterhaon Okaristiakon, konhiennitentase, askitenre nakonhienterhane oni ne karonhiake; askenikonhrataaseke kati tsini senonwes tsi nakierhake, nok askienawaseheke naonkeriwaieritonhatie; etho naskenikonhrotenstake tsini sanikonhrotenne nonwentsiake tsiseskwe, raonhaa ok Niio ahinonwehake akenikonhrakwekon, ahiwenniiostake, ahiwennarakwake tiotkon, nok akhenonwehake akwekon nonkwe tsi nii nikatatenonwes; akhewennarakwake ne ionkienha nok ne iakikowanens; akonhaa ok akatatkenhronniheke, nok tiotkon akatatswenseke tsini wakeɽiwaneren; akatakatsate tsinikon enskeronhiakenscron nonwentsiake, aontiesenhake senha ok eken ne-thone akatsennonni, akerheke taonsakeri-waserakwate.

Askitenre tiotkon aonkenikonhriiohake, tiotkon aonkewennarhotonhake; askiata-nonstate tosa nonwenton akienterhane ka-

nakwaiesatsera nahoten, othenon oni os-tonha iotaksen akenhake; tosa oni sotsi akenaiehake, tosa akatatkonnienstake; tosa oni akenoronkwake nonwentsiake, aonkwatennikonhranentakon tenhnon tiotkon tsi tesiteron, niatekakonte aetenikwekonhake ne karonhiake.

Iesos Kristos, seriwanonwes naiontati-tentre, konhiennitentase kati ashetentre akwekon nonkwe aiesaienterhane, aiesanonwehake, aiesasennaienseke, aiesawennarakwake oni, nok karonhiake aiontsennonni. Shetenr ne iakoteweienton tsi iakoriwiioston, senha aionkwisron aionteweienton; shetenr niakoriwanerahakskon, iatekakonte aonsaiontatrewate; shenikonhranhirat ne iakononwaktanionni, ieiesas, iakonikonhraksenserons, nok oni ne iontonnhoktane.

Shetenr oni ne ionkiiatsteristha nonwentsiake, ratikorason nok tehatiiatoretha, aionkiiatanonstatseke tsini honaterihonte, aionkikwatakweniheke oni nonwentsiake. Hetsitenr Ariwawakon kowa, onwentsiakwekon ronwahniha kariwiiostonke; hetsitenr ariwawakon sonkwatsteristha; shetenr iesawennenhawe, ionkirihonniennis kariwiiostonke, sheiateweienton, nok shenikonhrataasek tsini senonwes tsinahatiiere;

askwentenre oni nii, tiotkon aiakiiatontatihake.

Ashetenre oni, Sewenniio, ken kanataien ienakere, aiesanoronkwake, aiesawennarakwake oni, nok aiakotanitenraskonhake, tosa taieiestasi ne iakotent. Shetenr oni, Sewenniio, khenonkwe okon, onkwatenro okon, nok oni kaneka aionkswenseke, akwekon aionteweienton tsi iakoriwiioston, nok karonhiake aiontsennonni. Shetenr oni narekho teiesaienteri, aieienterhane ne kariwiioston, aieriwanoronkwake tsini skwatenientense, nok karonhiake aiontsennonni.

Iesos Kristos, seskwaskontakwen none-shon, onen tsi senheion, iesatsnenton non-wentsiakon, shenonksonne akotonnhetston okon ne iakoriwiioston kenha, seron, karonhiake aonsaiakwe, shetenr nonwa akotonnhetston okon niakoriwiioston kenha, sekon ieronhiakens tsi tetieseronniatha, asheskontako, karonhiake aiontaweiate, etho iatekakonte aiakotorisentake tsi wahonnise ionskaneks, nok aontaionkiiaterennaienhase.

O Iesos, saianere onwe... sk. 90. (*Taiontentsa tewateriwaserakwatha kowa*).

Tsini tsiatanoron... sk. 20.

Etho jonkwatekwashen... sk. 21.

TEKENIHATON NATEIOTIAKON NE KAIATONSERA.

ETHONON IEIOTERORON
IONTERENNAIENTAKWA SONHA RONWEN-
NENNITENTASE :

Sonkwawennio Iesos Kristos.

*Ne tsini sonkwaronhiakense nok sonkwenheiasse ;
ne tsini hotatiteron Okaristiakon ; nakonwasen-
naien Raweriasatokenti.*

**Rotkon Roiatatokenti.
Ashenseratokenti.
Wari loiatatokenti.**

*Wari aweriasatokenti konzwennitenstakwa ; Wari
awennila ; Karensatokenti ; Ohnatokenti.*

**Sose Roiatatokenti.
Raotiwatsiratokenti.**

Wari iotiienha tsi konterennaientakwa.

**Ronwaronhiakehronon Sakonomha.
Sawatis Roiatatokenti,**

Sawatis raotiohkwa tsi ronterennaientakwa.

Saksarie nok Resis Rotiatatokenti.

*Ronzwennennitentase fiohton nonta.—Teionreni-
atha karizwiioston.*

Iakowentaon Iontataterennaientenis.

Iakowentaon akawennila.

**Ionterennaientakwa sonha tsi ok nahoten teia-
kotonwentsioni.**

IONTERENNAIENTAKWA SONHA
RONWENNITENTASE IESOS KRISTOS
SONKWAWENNIIO.

I. Ne tsi SONKWARONHIAKENSE nok SONK-
WENHEIASE.

KAIASA AOHAHA.

Ne oni konwaiats:

TSI TEIONNONSATASES.

Kanitiawenon tsi teionnonsatases; Nahoten
iontsennonniatakwa?

KAIASA AOHAHA konwaiats tsinonni ieha-
wenon ne Iesos tsi rotiasaketaton. iken, Kons-
kwirat tsi thononsotakwe nithohtention, kanathen
Sirisare ronwaiatenhawis, tsiniore niahaniharho
onontoharake Karwer, tsinonni honwaiatanen-
takton. Tsi onen karonhiake ieshawenonton ne
Sonkwawenniio, tiotkon iesewehtakwe Wari tsi-
nonni thawenonhne ne roienha tsi ronwanas-
kwaientaties, ioterennaientaties, ase sewataton-
niennis tsini hotatitenstetenni, ne watatehretsia-
ronkwa naontateronhiakente naonha Rawenniio
raoriwa. Aonha kati Wari tiotierenton ioriwaie-
riton ne *Kaiasa aohaha* konwaiats. Aonha iako-

rihonnienni niakoriwiioston netho naieiere. Kanakerekwe nakwa, nonwarh tsi iakoriwiiostaonhaties, noktiwakwekon tionhtentieskwe, ne ienienteskwe netho naieiere, naiontkah to nonwentsiatokenti, tsi tehaianonnihaties ne Iesos, onekwensa raianonniaton; nok iawetowanen sakotenranion ne Rawenniiio tsi ethoni ieierhakwe, ne sakotokatennitakwe tsini hariwanonwes etho naieiere.

Ne aoriwa ok sa ok thotiriwahniraton ne Ratiriwawakon kowa sonha, iawetowanen rotiriwarentakton ne tewateriwaserakwatha nahoten, nenionterennaienhna tsinonni thonwario Iesos Sonkwawenniiio. Nok tsi, ohnaken, sotsi wateriwareni ne kariwiioston nonwentsiakwekon, iahte sewatonkwiiokwe noktikawenniiio eh iaaien niakoriwiioston, aseken sotsi inon tienakerekwe notiake, tehotiatoireton oh naiawen ne sataiontsennonniate niakoriwiiostontserakwekon nonwentsiakwekon, ne sataiakonaktotake nase aiontatonnien tsini hotatitenstetenni Iesos, ii onkwarriwa, naonsasonkwaskontako noneshon, iawet akonikonhrakon eh iaaien tsi thonwario, tsi iahte iekwenies ne iataietane. Rotiriwison kati akononsatokentike etho naieiere, tsi teionnonsatases, tsi kahnioton ne tekaiasonte, ehnikon eniontsennonniate ne tewateriwaserakwatha nahoten, tsinikon iontsennonniatakwa, nakwa eh iaionterennaienhna tsinonni sonkwaronhiakense nok sonkwenheiasse. Ethoni honaterientatsenrion ne Ratiriwawakon kowa sonha, tsi ionkitenron ne senha aetewanoronkwake Sonkwawenniiio raoronhiakenseratokenti, ne aionkwannhaseke naetewakwisron nonwentsiake ne teskariwaserakwen.

To naieiere naiontsennonniate tsi teion-nonsatases?

Kanenrakwekon taionnonsatase ononsatokenlike, rariwakarats ne ratsihenstatsi, watiesen nethone aieriwaierite; tahonwawennaserete kati, nok tahonwawennaweron tsi rarihoktha.

Katke akaonhaason ieriwaierits, ken kaien iakoterientarak: Tsi tiontasahwa, tkariwaieri akonikonhrakwekon aonsaiontatrewate, ne tsiontatrewatakwa niate haiati Rawenniiio-raoriwa, aseken iahte akowenk ne tewateriwaserakwatha kowa ne iakoriwaien ioriwatsanit, tenhnon iahta teiotonwentsiohon aonsasakoronkwenni nok aia-koiataraon ne wenniserate ieriwaierits tsi teionnonsatases, naiontsennonniate. Onen tenhnon taionnonsatase, iken, eh iaekwatho tsi kahnioton ne tekaiasonte okonha, tsi kaiatonseraronnions kaieri iawenre nikon; etho, tokat taietetane, tokat taiontontsoten, nok kennikariwesha taieiatoete tsini hoiatawenhon Sonkwawenniiio sasonkwaronhiakense; joianere nethone aierihoktake i *Takwaienha*, *Wari tekonnoronkwanions*, *Ahonzasennaen*; ne tenhnon senha teiotonwentsiohon ase aiontatonnien, tsi teieiatoetha, tsini hotatitenstetenni Iesos. Ne tsi eso kaien taiontentsa tewateriwaserakwatha kowa nok tewateriwaserakwatha sonha, tsi teionnonsatases, ioriwentaon enskat ok akowenk ne ieriwaierits, nok neniontatenron, raonha ne Rawenniiio thennontons onka asakoiakhonhase ne iakotiaktani tsi tetieseronnjatha.

TEIONNONSATASETHA.

(NE KENNIWAA).

† Rasennakon.

Akwa tekonnoronkwanions,
Ne tekaiasatokenti;
Shetenr niakoteweienton,
Nok niakoriwanerahakskon.
(*T'cioriwake.*)

Kaiasa tewasennaian sathiaterahneken
Iesos, tetewariwak: Ionnhék ne Iesos
raoiasa!

Iontennikonhraseronniatha ionterenna-
ientakwa, tsi ihasentakwa:

O Iesos! seskwaskontakwen, ikehre non-
wa akonmonteratie onontoharake, iawet
akatkahto saronhiakenseratokenti; aski-
tenre, askenikonhrehawite nakatatkenh-
ronniheke, naonkwennitenton, aonsaka-
tatswenseke, nok akonnoronkwake oni tsini
skwentenranion nethone; ikehre taonsakeri-
waserako tsini wakeriwaneren, takonnon-
weratonseke tsini skwanonwehon niakion-
kwe; ikehre oni taonsakeriwaserakwase ne

iakotiaktani tsi tetieseronniatha, nok oni ne sekon teiontonnhakarias nonwentsiake akwatatekenson.

Ise nonwa, saiatatokenti Wari, sakwenion hetsenonteratie ne Sonkwawenniio, tsi roiasakehte onontoharakeson, ethone takwaienha iotonhon kaiasakta; askon netho naonkenikonhrotenhake tsini sanikonhrotenne nethone, iaontane nakweriane nakeriwanorinke onwe tsi sonkwaronhiakense nok tsi sonkwenheiasse. Ethonaiawen.

Ronnhek Iesos, ionnhek oui
 Iesos raoiasatokenti!
 O! aonsahinonwehak
 Kaiasake sonkwenheiasse.
 Ne tsini sonkwanonwehon,
 Ionnhhek Iesos raoiasa!

*Onen nonwa wationnonsatase, skaiatonseratson
 teuiontontsoten, nok diairon:*

I. Tiotierenton tsi ioiatonserenton:

v. Kwasennaiens, Iesos, nok kwanentons.

R. Aseken saiasatokenti onkwe sesheskontakwaton.

*Hetsitewawenniiost Iesos ronwatewente-
tha nahrenheie.*

O Iesos Sewenniiio, satontaton tsi teie-
saiatoreton nok iesatewenteton; askitenre
akwekon akatontate tsi ok nenskeriwisa-
hase tsi naionkiere nonkwe; tosa aonke-
nakwen, ise tenhnon akonwenniioste,
akonnikonhraierite oni, tosa aonsakeriwa-
nerake.

Takwaienha... Wari... Ahonwasen-
naien...

Takwentenr, Sewenniiio. — 'Takwentenr,
Iesos.

Ashetenre, Sewenniiio, tsi tetieseronnia-
tha tieteron. — Ne ashetenrate tsini satani-
tenraskon.

II. Tekenihaton tsi ioiatonserenton:

Kwasennaiens...

*Hetsitewawenniiost Iesos wahatiasake-
tate.*

O Iesos Sewenniiio, watesekwe nonkwa-
riwanerahaksera, tsi wasatketate ne tekaia-
sonte; askitenre tosa aonsakeriwanerake ne
ioriwatsanit, tsinenwe sekon enkesese non-
wentsiake; ok eken akatstarhakwake tiot-

kon tsini konwennaiesaton, nok taonsakeri-waserakwaseke.

Takwaienha... Wari... Ahonwasennaïen... Takwentenr... Ashetenre...

III. Ashenhaton tsi ioiatonserenton:

Kwasennaïens...

Hetsitewawenniïost Iesos tiotierenton wahaïatienenne.

O Iesos Sewenniïo, iawet ii onkwariwanerakwaseke sawisenne, tsi wasiatienenne; askitenre akesatsteke kariwiiostonke, tosa akennikonhroktake tsini skwatenientense nonwentsiake, akwekon tenhnon aonkeriwaieritonhatie.

Takwaienha... &c.

IV. Kaierihaton tsi ioiatonserenton:

Kwasennaïens...

Hetsitewawenniïost Iesos wathiaterane Wari.

O Iesos Sewenniïo, iah othenon teseninakwenhon ne tsiatatienha, tsini seniiatawenhonhatie; askitenre aonkenikonhriio-

hake othenon nenionkiere nonkwe, ok eken akhetenre, tsi nise nisaieren naskwarihon-nien.

Takwaienha... &c.

V. Wiskhaton tsi ioiatonserenton:

Kwasennaiens...

Hetsitewawenniiost Iesos wahonwasnienon tsi roiasakehte.

O Iesos Sewenniio, ise takwentenron nakwaienawase tsi sarontakehte; askitenre tiotkon akheienawaseheke ne sate konkwe nonwentsiake, aonkwatanitenraskonhake, tosa onka akhekenhronniheke, ii tenhnon akatatkenhronniheke.

Takwaienha... &c.

VI. Iaiakhaton tsi ioiatonserenton:

Kwasennaiens...

Hetsitewawenniiost Iesos wahonwakonsokewe.

O Iesos Sewenniio, sentenron naskonsarake naoniataraa ne sakonsokewaton; askitenre tiotkon askonsarake nakenikonhronkon, nakonhiechiaraseke, nakonwennarak-

wake oni tsinenwe, tosa nonwenton akonhiatanikonhren.

Takwaienha... &c.

VII. Tsiatakhaton tsi ioiatonserenton:

Kwasennaiens...

Hetsitewawenniioſt Ieſoſ tekenihaton wahaia tienenne.

O Ieſoſ Sewenniio, ne tsini iokſte nonkwariwanerahaſera, ne ſaiatienentha; aſkitenre nakſwenseke onwe ne kariwaneren, tosa nonwenton aonſakonnikonhrakſate, ok eken ii akatatkenrenſeronniheke, ne taonſakeriwaserako.

Takwaienha... &c.

VIII. Satekonhaton tsi ioiatonserenton:

Kwasennaiens...

Hetsitewawenniioſt Ieſoſ rouwanoutra-ties ne kontſtaranes.

O Ieſoſ Sewenniio, aſkitenre akonwen-naierite tſi iſen: iſe ſewariwake, nok oni nietsiien okonha akoriwake ſewatſtaraneſek; iſe, Sewenniio, aſkon nokaseratokenti,

ne tokenske akatstarhakwake tsi wakeriwaneren, nok tsi iakoriwaneren nakonkweta.

Takwaienha... &c.

IX. Tiohtonhaton tsi ioiatonserenton:

Kwasennaiens...

Hetsitewawenniiost Iesos ashenhaton wahaiaienenne.

O Iesos Sewenniio, ne iawet sennikonh-roktakwa, tsini iahte ionkwatsennonniatskon niakionkwe; askitenre tiotkon akeriwaientereseke tsini skitenranionhaties, ne tiotkon takonnonweratontake, naonkwateweientontieseke tsi konnhe.

Takwaienha... &c.

X. Oierihaton tsi ioiatonserenton:

Kwasennaiens...

Hetsitewawenniiost Iesos wahonwaia-tawitasionko.

O Iesos Sewenniio, ne takwarihonnienniitha tosa sotsi aionkwanikonhranentakonhake nonwentsiake ne kaientaon; askitenre tosa sotsi akennhaten, nothenon akatka-

ronni, ise tenhnon akonwenniioste, aker-
heke, ise waskekwa, nakwekon tisewennii,
Takwaienha... &c.

**XI. Enskathaton iawenre tsi ioiatonse-
renton:**

Kwasennaiens...

*Hetsitewawenniiost Iesos wuhonwaiata-
nentakte.*

O Iesos Sewennii, teiesasnonsawehes-
ton, teiesasitaweheston oni, tsi iesaiatanen-
takton tekaiasontne, ii onkwariwa; oronwa-
roskon tsiataniiontakwenne; askitenre ake-
nonweseke nakeronhiaken nonwentsiake,
taonsakeriwaserako.

Takwaienha... &c.

**XII. Tekenihaton iawenre tsi ioiatonse-
renton:**

Kwasennaiens...

*Hetsitewawenniiost Iesos waerontakets-
ko.*

O Iesos Sewennii, ethone senha saron-
hiakenhon saiesaiatakaratate tekaiasonteke,
aseken ne senheiaton tsi takwenheias; as-

kitenre akenonweseke saianerenscratokenti,
ne aonkiatakaratate katke sonha karon-
hiake.

Takwaienha... &c.

**XIII. Ashenhaton iawenre tsi ioiatonse-
renton:**

Kwasennaiens...

*Hetsitewawenniiost Iesos sahonzwaiata-
nentsi.*

() Iesos Sewenniiio, ne ionkwahroris tsini
kanoron ne kariwaneren, nonwa senheion,
satskwekon, tesateronwekon, tesatskane-
nonte, iokahronton tsiatakwekon, tsi teiesa-
wehestanion; askitenre akatennikonhra-
nentsi ne kariwaksenskwe okon, naont-
sennonni ohnaken ne kieronke, tsi nentsion-
tonnhete nonkwe.

Takwaienha... &c.

**XIV. Kaierihaton iawenre tsi ioiatonse-
renton:**

Kwasennaiens...

*Hetsitewawenniiost Iesos wahonzwaiata-
tata.*

O Iesos Sewenniio, satiatatas nonkw-
 riane, tsi takwatiennis Okaristiakon; aski-
 tenre tosa othenon aioiatoronhake nakwa-
 tonnhetston, tsinikon nenkiatarane, nok oni
 nenkatonnhokten; aiawens, katke sonha, ii
 nonwa akonhiatienhase ne karonhiake.

Takwaienha... &c.

Tsi iehasentakwa iatentsiontontsoten,
 aiairon:

Takwaienha... Wari... Ahonwasen-
 naien...

Shetenr, Sewenniio, shetenr ne sheien
 okonha; tosa iatekakonte askwanakwase.
 (3 *niorizwake.*)

Shetenr, Iesos Sewenniio, atorisensera-
 kont. (*Teiorizwake.*)

TEIONNONSATASETHA KOWA.

† Rasennakon... Akwa tekommoronk-
 wanions... sk. 108.

O Iesos, seskwaskontakwen..., sk. 108.

Hetsitewanonteratiesek
 Iesos tsi ronontaraonhatie;
 Akwa okti shanekwensote.
 Tsi nonwa (2) roiasakehte.

Siaton nonkwanikonhrakon,
 Tsini honwaronhiakenton,
 Tiotkon aiakwehiarak.

I. Tiotierenton tsi ioiatonserenton:

Tokenske onwe, Sewenniio,
 Akonhaa ne konronhiakenton;
 Sekon kati iahte skrewatha,
 Ne tsini (2) sanikonhriio.

Siaton...

Kwasennaiens...

Iesos ronwatewenteton nahonwario.

Tetewaiatoret tsini honikonhriio Iesos, sahonwatewentete nahrenheie; nok akwa ionkwanikonhraientann, iah raonhaa etho tehoieren ne Konskwirat. Ii oni etho niionkwaieren, ne ken tewataraien. Iawet tewawennakwekon nonkwe okon nonwentsiake ionkwariwison tsi rawenheion. Tsitewata-trewat kati onkwanikonhrakwekon, nok tewenron:

O Iesos Sewenniio, ii onkwariwanera-
haksera iesonnhiikon; askwentenre, iaon-
tohetste tsinaonsaiakwatatswenseke tsi ion-
kwariwaneren, ne aonsakwanikonhraseron-
niate tsini kwanikonhraksaton.

Takwaienha... Wari... Ahonwasen-
naien... Takwentenr... Ashetenre...

II. Tekenihatón tsi ioiatónserenton:

Iorontakste sarontakehte;
Iawet onkwariwanerahaksera
Ioranentakón ne tsiatake,
Ne tsini (2) shenonwes nonkwe.

Siaton...

Kwasennaiens...

Iesos roiasakehte.

Tetewaiatoret tsini honikonhriio ne Son-
kwawenniio; ok tateiohrihon ne raieronke,
sekon wahakweni wahatketate ne karonto-
wanen tekaiasonte. Ethoniiot tsi sonkwari-
honniennis aetewatketate oni nii tsini ion-
kwaiatawensérons ne iononwakte nahoten,
ne iawet onkwaiasa. Ionkwaiasakehte
kati, ne skennon ionkwatakatstaton, are

raonha sonkwasokwawesons ne Rawenniio,
are nonkwe sonha ionkikenrenseronnis.

O Iesos Sewenniio, iah othenon nise te-
sastonton, tsi saterontaketaton, ii tenhnon
ne ionkwananon kariwaksenskwe okon, ii
etho naionkwaieren. 'Takwanikonhrahnrirat
kati, naiakwakweni tosa othenon aiakwari-
warako, tsini iakwatkaronnianions non-
wentsiake; tosa othenon aiakwannhaten
tsini kanakere nonwentsiake; ne aonsakwa-
nikonhraseronniate, ne katke sonha iaion-
kwaiatenhawite tsi tesiteron karonhiake.

Takwaienha... &c.

III. Ashenhaton tsi ioiatonserenton:

Ioriwatsanit! Rawenniio
Raiatienens tsini iorontakste;
Onkwe etho nihonwaieren,
Raonha (2) Sakoiatison.

Siaton...

Kwasennaiens...

Iesos tiotierenton wahaia tienenne.

Tetewaiatoret tsi wahawenontonthatie
Tesos onontoharake, tsini iawetowanen
ionekwaseron sahonwasokwaweson, nok

ohikta sathonwanonwarannhaste, ne roia-takenheiaton, wahonoronse, tsi rorontakehte, akwah wahaia tienenne. Iah kati tatehonwarhotonnis, ronwaientanions tsi tehonwasterihatha ne taontahatane; sekon iahte hatatitenre ne raonha, ii ok sonkwentenre, tesesonkwariwaserakwennis tsina teionkwaiatoraraks ne kariwaneren; sonkwarihonniemmitha ne iosnore taonsaionkwatate atonnhakanonniatha, nare ionkwaia-tenton ne kariwaksen nahoten.

O Iesos, sanikonhriio, takwentenr, takwanentsawakon, tsini iotonhon nonwentsiake naionkwaiatahtonte niate ioriwake ne ioriwatsanitenions; takwanikonhrahnrirat tsini ionkwanikonhratsiioha, aiawensaiakwakweni nakwanonteratieseke karonhiakensera konson nonwentsiake, ne aionkwakwatsten katke sonha, tsi tiakotsennonni kowa, tsi tesiteron nonwa ne karonhiake.

Takwaienha... &c.

IV. Kaierihaton tsi ioiatonserenton:

Kanon wase, ise Waria?

Kanon wase? Hetsenonteraties;

Onwatsiok onontoharake
Hetsienha (2) ensonkwenheias.

Siaton...

Kwasennaiens...

Iesos zwathiaterrane ne Ronistenha.

Tetewaiatoret tsini iononwakte kowa sathiatatken ne Wari ne Iesos: sontkahto ken ronwanaskwenhawis niakonkwetaksenskwe okonha, ronwaiesatanionnes, ethone konwaiats watiaweriasaweheste ne kanikonhraksensera. Oh nakaiere kenh naonsahoiatatako tsi iawet ronwasarontaties, ronwariosere! Nok ii ionkwentenre ne tionkwe, ionkwatewentetennis ne Roienha, naonsasonkwaskontakwate tsini hatatkenrenseronnis. Iatekakonte tehokaneraties, iawet rosnienonties, tsi tesesonkwariwaserakwennis; ok iahrenheie ioiatentonne, iwehre aiakiahriskon, nonkwe aiontsennonni.

O Wari, toni sententaon nethone! Askwentenre nisa tsinitzenoronkwakwe tsi hetsenonteratieskwe Iesos onontatokentike, tsi oni nisatakatstaton karontakta sasonkwenheias, aiakwakweni etho nasakwanorokwake, etho oni naionkwanikonkatsteke othenon niionkiierha nonkwe, iatekakonte

aiakwatiatanentakte tsi roiatanentakon Iesos, tosa othenon akakweni taonsaiakwatekhasi.

Takwaienha . . . &c.

V. Wiskhaton tsi ioiatonserenton:

Heren iret ne ronwannhaon
 Nahosnienon ne Sonkwawenniio;
 Ii seken tewakatentson,
 Ii kati (2) katiasaketat.

Siaton . . .

Kwasennaiens . . .

Simon Sircunronon roienawase Iesos tsi roiasakehte.

Tetewaiatoret tsini sonkwanoronkwa ne Iesos, tsi ronwasnienons tsi roiasakehte. Iahte honoronse ne raonhaa eh nahaiere, onwentsiakwekon se rokehte; akwa ki sonkwentenre, tsi sonkwaiakhonnis ne raoronihiakensera. Sonkwanekekennis etho aetewariwanentakte nonkwaronhiakensera, tsi ronhiakenhon ne raonha; ne tsini rehre taiontentsa nonkwe aiontsenmonni karonhiake.

Iesos takwawenniio, ise sariwaieriton ne

kanoron; kennitsioriwasha nii teskwaienni taonsaiakwariwaserakwate; takwentenr kati, tosa aiakwariwaswen nahoten takwariwisahanihaties nonwentsiake, taonsaiakwariwaserakwatake; aiakwanonweseke tenhnon tsini ionkwaiatawenserons, ise akwawenniiostake oriwakwekon, ne aionkwaharekonhake ne katke sonha aiakwatkahto tsini ionehrakwat sheiatsennonniatennis karonhiake ne iesanoronkwakwe nonwentsiake.

Takwaienha... &c.

VI. Iaiakhaton tsi ioiatonserenton:

Kathonte tsini tsiatiiohne,
Iesos, iah nonwa teskaieronni.
Ii ne ken kwaiataksaton,
Ne tsini (2) iakionkwetaksen.

Siaton...

Kwasemaiens...

Tsiakothonzwischen wahnwaksokene ne Iesos.

Tetewaiatoret tsini ionikonhratsanit ne ioriwiioston; kanenrakonson sotar ne non-tawe, iwehre, ahiatkahto ne Sonkwawen-

niio. 'Toni hotent tsi wahotkahto! Iah othenon teshakonsaieronni, otskeroskon, okenroskon, onekwensoskon oni ne rakonsakwekon. 'Tsinahotenre tsi wahotkahto, eh watkatane tsi ires, sahokonsokewanion; nene, tsini haiatanoron, tehotinonhianiks ne ratironhiakehronon tahonwakonsakanerake, tsini hokonsanehrakwat.

O Iesos! ise akwekon sheiatohetstennis ieiatiios nonkwe, toni sentenstetenni, tsini skwanoronkwa! Senha kati akwanoronkwake, senha akwakomnienstag, tsi tekwa-kanere, iawet saskohon kententserakon, karonhiakenseraon oni, ii onkwariwa. Kwasennaiens kati, akwa ionkwatiskwentare, tsi kwennitha naonsesanikonhren tsini kwanikonhraksaton, nok aonsasiatioste nonkwatonnhetston; tosa othenon aonsakaieronnihake tsini ioiataksaton ne kariwaneren.

Takwaienha... &c.

VII. Tsiatakhaton tsi ioiatonserenton:

'Tsini honwasentonkwa Iesos,
Sekon enskat sahaiatienenne;

Ok eken tehotisterihens
Iosnore (2) ahrenheiate.

Siaton...

Kwasennaiens...

T'kenihaton Iesos wahaia tienenne.

Tetewaiatoret Niio Roienha sekon saho-
noronse tsini howisenne; tetsitewakanerak
Roiatatokenti kowa chtake raiataien, te-
hoiatorarakon raoiasa, tsini iorontakste; ok
eken senha ronwasentonkwa ne ronwanas-
kwenhawis; ne are nasonkwatokaten tsini
sonkwanoronkwa, tsi ethoni shoiatawens;
ne naiakonikonhraiientane, tosa aionnikonh-
roktake ne teiohnanetarion nakoriwane-
rahaksera, ok eken ahonwaniahesenhake,
tsini hotanitenraskon, aiakohtako naonsa-
honwanikonhraseronni, naonsasakotenre.
Irehre akhenikonhraiientaste nonkwe tsini
iohahanoron ne karonhiake ieientha, ne ok
iotonni nohikta. Aiontakatstate kati, aienr-
heke, ne aohaha karonhiake ne karonhia-
kensera.

O Iesos! sonhaa takwanikonhrahni rats,
tsi iahte iakwennikonhroktha tsinateiakwa-
tonnhakarias nonwentsiake; takwaiata-
nonstat, tosa aonsaiakwariwanerake, ne
takwentenron tsionkwatatrewaton; ne senha

aiakwamhaten, noktakaiesha tsini satat-
kenrenseronnihon, naonsaskwaskontakwate
noneshon.

Takwaienha... &c.

VIII. Satekonhaton tsi ioiatonserenton:

“Tosa nii akeriwake
“Sewatstaren, ne teskwakanere;
“Ise tenhnon sewatatitenr,
“Aseken (2) ise sewentent.”

Siaton...

Kwasennaiens...

*Iesos wasakonikonhrahnrirate ne kontstar-
rants.*

Ionkwanehrako kento tsini thoriwaieri ne
Sonkwawennio; wahatkahto ken konts-
taranes ne iotiriwiioston, tsini honwen-
tenre; nok tsiniot ne sahonikonhren ne
raonha tsini hotentaonhatie, ok sa ok ireh-
re, akhenikonhrahnrirate. — “Tosa, wa-
“henron, ii akeriwake sewatstaren; ise
“tenhnon sewariwake, nok ietsien okonha
“akoriwake tsi aesewatstarhake”. Ne
sonkwatokatennitha, oriwakon natsitewen-
tenre, niah niare ii onkwariwanerahaksera

tateionkwashentoton, aseken ne se roronhiakentha tsi ionkwariwaneren.

O Iesos, saiatanonwet onwe! shenikonhralmirats niakonikonhranonwaks; takwatkahto satanitenraserakon, takwanikonhrehawit aiakwakwekon ne iotiriwiiostonne, akwanonteratieseke tsi saiasakehte; etho naskwaierase tsini sheierase nethone; ne ok aiakwatsennonni nakwanikonhraieritseke nonwentsiake, tsi tetsiakwariwaserakwas.

Takwaienha... &c.

IX. Tiohtonhaton tsi ioiatonserenton:

Tokenke onke, Sewennio,
Ken tsiatienens, ise se sesatste.
Ah! onkwariwanerahaksera
Ehtake (2) saiatienenton.

Siaton...

Kwasennaiens...

Ashenhaton Iesos wahaiaatiennene.

Tetewaiatoret onen tsi iaharawe Iesos onontoharake, iathatkahtonnion kanon nenhonwario: ne renmontonnion tsini tsionteriwatewatanions nonkwe, tsini kentioh-kowanen iah othenon taiontste tsi sakonoronkwa; ok eken eniontiesate raoronhia-

kensera okon. Ne senha ronikonhranon-waktha, iah othenon etho tehannhatens tsi roiesakonhaties; tsiniiot natkarime ne raweriasatokenti, iah othenon tiieshokwenion, akwah watharakwentarane, rahetkentsihon.

O Iesos! ne wesariohte tsini skwanorokwa, onwatsiok ientsahate, enteskwanekwensarise, naonsaskwaskontakwate noneshon; askwentenre, onwentsiake aiakwatste tsini skwatewentetase sanekwensatokenti, aonsonterakewate taonsonteriwaserakwate oni onkwariwanerahaksera okon, aiawens iatekakonte takwanonweratonseke karonhiake.

Takwaienha... &c.

X. Oierihaton tsi ioiatonserenton:

Kasewe, swaronhiakehronon,
Sewatkahto n'Hetsiswaiatison.
Ah! Hetsisewaiatakennha,
Ostonha (2) ahaiewentann.
Siaton...

Kwasennaiens...

Iesos wahonwaiatawitasionko.

Tetewaiatoret tsini horonhiakenhon ne Iesos, sahonwaiatawitasionko; raiatakwe-

kon tiioranentakonne ne raotiatawit kenha, tontakanekwaseron, iawet ase sonton tsi ronwasokwaweson. Nok ne senha wahononwaktaten raweriane, tsi kentiohkowanen wahonwatkahto raonotstoskon. Ẽthone nahatatitenre tsi nahonwatehate. *

O Iesos, Niio tsiatatienha! onen wasewe naiontatewenniioste niakonkwetaksenskwe okonha tsi sonnhe; iah enskatha tesawenaton; ne senha iosatste takwahretsiaronkwa, tosa aionkwawennatake, tsini ionkwaia-tawenseron nonwentsiake, othenon niionkiierha nonkwe. Oktatesatote tsi iesaiata-witasionkwas; ne teseseriwaserakwatha, tsini iawetowanen iowaseraton notkon nonkwatonnnhetston, tsiatanoronstonne, tsiata-seronnihne saonkinekwaheste. Takwentenr, Sewenniio, tontakwaseronniasi tsini ionkwawi notkon, ne tontakwaseronniat ne ioianerenstakwa nonkwatonnnhetston; aia-wens iatekakonte nonwa ne ok aonsaiakwahawake tsini sanikonhroten.

Takwaienha... &c.

**XI. Enskathaton iawenre tsi ioiatonse-
renton:**

Oh ne ken niswanikonhroten,
Iesos hetsisewaiesatanions?

Ne ens ken sewatonraserons
Tsinikon (2) sonkwentenranions?

Siaton...

Kwasennaiens...

Iesos wahonwaiatanentakte.

'Tetewaiatoret Iesos rotatewentetonhates, okti sakowenniiostha ne ronwarios, ok eken ne raonha skennen wahatiataren karontake nahonwaiatanentakte. To naharonhiaken tsi waeronwarotonnion ne rassonsake, nok rasitake! Watkarine ne raowaronk kenha, watewatstonterako raostien okon saerontaketsko, watewatiakon raotsinonhiaton okon, raiatakwekon wakanaoten nonekwensa, nene kanekwensanoron kowa; ne wahoiatakenheiate, skanoron noniatatatane ahoriohte.

O Iesos! To onte natswenseke ne kariwaneren! Ne wahi saronhiakenton. Toni skwanoronkwa niakionkwe, tsi iahta tesa-nonhianihekon nasatatewentete naonsaskwaskontakwate noneshon! Ne ok tkariwaieri takarine nonkweriasa, tsi naonsaikwatatswenseke tsi ionkwariwaneren; ne ok tkariwaieri akwekon aiakwatewentete niontonweskwatha okon nonwentsiake, sonhatsiwa akwanoronkwake tsinenwe.

Takwaienha... &c.

XII. Tekenihaton iawenre tsi ioiatonse- renton :

Sahrenheie, onterakwatan,
Saiontonnheton iakowentaon;
Tsini hoson ne wakontorori:
Raonha (2) Sonkwawenniio.

Siaton...

Kwasennaiens...

Iesos wahrenheie tekaiasontne.

Tetewaiatoret nene Roiatatokenti kowa wahonhriskon ne iakonkwetaksenskwa, ashennen nahonwaiatanentakte ne tehniase hninenskwas. Ionkwanehrako tsini honi-konhriio, nok tsini sonkwanonronkwa; sakoterennaiennis ne ronwario, rorharatsten-nis karonhiake ne saiatat ne satehonwa-tiitanentakton, sonkwaniensenserawis ne Raonistenseratokenti, rowenniiostha raotonnhetston ne Roniha, thawenninekens tsi onen akwekon kaweienmentaon; onen tsiewenniio nonkwe ne karonhiake, nok sonkwenheiasse. Ok sa ok akwekon tsini hote-weiennison iawet wakontorori tsini haiatanoron, ne tsinaawenseron ne ioriwanehrawatenions: taiokarawe nonwentsiakwekon, saiontonnheton ne iakowentaonne, saiontatrewatanion kentiohkowanen,

O sewariwanerahakskon! tsionhaa ken
 iah othenon tataesewaiatorete tsini ioni-
 konhraksat kowa tsi nahoiaatawen ne Son-
 kwawenniio? Hetsisewatkahto nisa, nok se-
 werhek: ii etho niionkwaieren. Entsisewen-
 tenre sane, ne tokenske entsisewatatrewate.
 Sewatkahto tsi raiataniionte, tehoteweiate:
 nene sakorhare niakoriwanerahakskon; io-
 karonte ne Raweriasatokenti: nenetho
 tkaiakens naioianerenstakwake nonkwa-
 tonnhetston. Tewakwekon tewatiskwent-
 ren tsi thoiatanentakon ne Iesos, hetsition
 tsi tionnhe ne sonkwenheiasse.

Takwaienha... &c.

**XIII. Ashenhaton iawenre tsi ioiatonse-
 renton:**

Wari, onen wahiaiatonti
 Ne Hetsienha hetsenoronkwakwe.
 Iawet se ise waesario,
 Ne tsini (2) sérientaksenhori.
 Siaton...

Kwasenniains...

*Iesos sahonzaiatanentasi, nok wakon-
 waienhase ne Ronistenha.*

Tetewaiatoret tsinaonikonhranonwake ne
 Wari, sahrenheie ne Roienha, raonhatsiwa

ronoronkwakwe. Aonha wahoiena, sahon-waiatanentasi; tekakanere tsini shakonso-ten nonwa, ionekwensaronnion, tehote-ronwekon, iokaronte raia take, rasnonsake, rasitake oni. Ne sateiot akwa aonha etho nakonwaieren, etho nakaiesha naonikonh-rakon. Raonhaa akwa rotokense ne Ra-wenniio tsinaonikonhrononwake.

Wari, takwaienha, ii are onkwariwa tsi ne sanikonhrononwake nethone, ii onkwa-riwaneraksera teieseriasaweheston, tsi ne rostonton ne Iesos tsi ronwaiatanentakton; satanitenraskon, satontat tsi sesakwatatre-watennis, sakwawenniiostha oni ne tsiaten-hawe nonwa hetsienha; tiotkon aiakwehia-rake tsini sanikonhrononwakon kaia sakta, etho naionkwanikonhrononwakseke tsi ion-kwariwaneren.

Takwaienha... &c.

XIV. Kaierihaton iawenre tsi ioiatonse- renton:

Aiawen ens, Iesos, tsi siatat,
Iakwakwekon aiakwenheiate,
Tsi naonsaiakwatatswenseke,
Iaiakwe (2) ne karonhiake!

Siaton...

Kwasennaiens...

Iesos wahonwaiatata.

Ken kaien ne Sesakoskontakwen nonkwe noneshon, ronwaswenhon nonwentsiake, onen kati onwentsiokon raiatat, onkwe sonha ronahriskonhon.

Askwentenre, Iesos, tsi teiakwatonnha-karias nonwentsiake, iatekakonte ne aion-kwanikonhrori tsi saronhiakenhon, nok tsi senheiaton iawenheiontatsanit, naonsaskwaiatontako noneshon. Iakoseronni tsi iesaiataten otstenrokon, akwa oni konwaia-takhonston ne tsieronke kenha; aiawens etho naionkwatennikonhraseronni nonen are waskwentenre wasatiatata nonkweriane, tsi takwatiennis n'Okaristiakon; etho naiakwateweienton ne sawaratokenti, tsini konwateweienton ne tsieronke kenha; ne tosa askwaswenseke tsi takwatiennis. Asiatata tsinonni satiataten, onkwariwanerahaksera okon, iakwatennikonhrotakwatha okonha; tosa othenon aonsaionkwataskatsten tsini kanakere nonwentsiake; tiotkon tenhnon aiakwatohtarhoseke tsi iesanikonhraksatha nonkwe; aiawens skennen akwenheiasa, nok akwaienterhane tsini saiatanehrakwat nonwa karonhiake.

Takwaienha... &c.

Tsi iehasentakwa iaonsaien:

Siaton, Iesos, nonkweriasakon
 Tsini iesaronhiakenton nonkwe.
 Takwentenr ise oni, Wari,
 Asteson (2) aiakwehiarak.

Siaton...

Takwaienha... Wari... Ahonwasen-
 naien... Shetenr, Sewenniio... (3). —
 Shetenr, Iesos... (2).

KAIASA SONHA KANORON TSI WATERENNAIENNI

**NE IONTSTHA AIERIWAIERITE NE
 KAIASA AOHAHA.**

Aionkwanehrako tsini Kanistenseriio, tsini iotiesen ne Kentiohkwatokenti: iakowis noktikawenniio nonkwe aiontsennonniate taiontentsa tewateriwaserakwatha kowa sonha, ne kaiasa aohaha aowenk, nok oni aiakonorseheke ononsatokentike iaiei, naieriwaierite taionnonsatase.

Ken kaien nihotiriwison Ratiriwawakon kowatson, ne oni wahariwahnirate ne nonwa sonkwatsteristha, Reon XIII, 19 siskare senvie 1884, tenhnon 9 siskare september 1890:

Ne iakononwaktanionni, ne iennhoton, ne teiontstekahwas kaniatarake kowa, ne iiens tsionnonni iahte kanonsote ononsatokenti teieiasontha, tenhnon nokti kawenniio nonkwe ne iahte iekwenies ononsatokentike iaiei taionnonsatase,

aonton nennee aieriwaierite ne kaiasa aohaha, tsi ieteron, neniontste ne kaiasanoron waterennaienni naieriwaierite ne kaiasa aohaha; nok sataiontsen-nonniate tsini iontsennonniatha ne ononsatoken-tike teionnonsatases; kawenniio ki esnonsake aie-hawake ne kaiasatokenti, nok tsiakotatrewat-on-hatie aierihoktake 20 *Takwaienha*, 20 *Wari te-konnoronkwaniens*, nok 20 *Ahonwasennaien*; iken : 14 nioriwake, aowenk ne 14 nikon tsi ioiasentonnion, nok ioiatonserentonnion, nonon-satokentike aiakoriwaieriton; tenhnon 5 nior-iwake, ne ahonwasennaientak Iesos wisk nikon tsi rotewiraronnion sasonkwaronhiakense; nok enskat, raowenk n'Ariwawakon kowa.

Tokat eso nionkwetake skatne ieteron kanons-kon, watons nakwekon taieienna tsi ierihoktha, tsieiatat aiehawake ne kaiasanoron, akwekon sa-teniontsennonniate, teniontentsa tewateriwasera-kwatha kowa sonha, kaiasa aohaha aowenk.

Nok are, kaneka sotsi iakononwaktani, naie-kwenieseke aierihokten 20 nikon *Takwaienha*, *Wari*, nok *Ahonwasennaien*, ne iatenskene naie-rihokten *Tsiontonnhakanonniatha*, nok aiairon : "Kwennitha kati, sheiatakennha ne iesawennaie-rits, ne sesheskontakwat on sanekwensatoken-tike," tenhnon akonikonhrakon arahonne taie-wennaserete tsieiatat eh iiens, ierihoktha 3 *Takwaienha*, 3 *Wari*, 3 *Ahonwasennaien*.

Aiawen akaientak, tsi iakononsoton niakori-wiiston okon, nene kaiasatokenti, kanoron tsi waterennaienni; ronwaniahesenhak, ne aoriwake, ne ronwahniha sakorihonniennis; niahta hoter-i-hontake ne raonha nahaterennaienhase ne kaiasa sonha, ne kaiasa aohaha aoriwake, ioriwentaon enhariwatsenri kanon nahatennhane nakonwate-rennaienhase neneh.

IENONTARASTHA KANESATAKE.

Saiatat ne ratsihenstatsi, onen wahonnise sako-
rihonniennihakwe ne Kanesatakechronon, Awen-
nenhawi ronwaiatskwe, (onseronnikaha M. Fran-
çois Picquet), wahatennhane, toha tsini kahawi
1740, akanonsotake neh tsini kanonsoton otsten-
ra, sekon nonwa kanonsoton onontoharakeson
Kanesatake. Raweron, ne iawet taonsakiatieren-
hake tsi tiononte Kanesatake, ne tsi tiononte Kar-
wer, tsinonwe nihoronhiakenhon ne Sonkwawen-
niio; nok tsi kanonsoton aiorhentonhake ieiata-
ronnion, neh eniontkahtotake, aonsaiontatehia-
rakwen ne kariwakweniioson tsini hoiatawenhon
Iesos sahonwaiesatanion.

Eh nahe tsi kentiohkowanen inon tionhten-
tionkwas naienontarane, nahonwawenniioste Ie-
sos sonkwaronhiakense.

Ken nasakotitenre ne Ratiriwawakon kowatson
tsiniakon eh enionterennaiehna, kawenniio en-
tsiontateronkwase, enieiatarane nok enhonhion
tsi enionterennaieh n'Ariwawakon kowa: 1° Ens-
kat ne tsioserat, akowenk ne tewateriwaserakwa-
tha kowa, neniekwatho Kanesatake ononsatoken-
tike; 2° Tsini ioriwake enienontarane eniekwatho
tsi kanonsoton onontoharakeson, akowenk
ne tewateriwaserakwatha kowa; othenon aia-
koiotatse naienontarane, ne oni sakat taiontentsa,
naiekwatho ononsatoken-tike, naieriwaierite na-
honwennitentase ne Iesos sonkwaronhiakense;
3° Tikate ne skanonsatson iaiekwatho, akowenk
7 nioserake nok 7 nioriwake ne kaieri niwason-
tashen ne tewateriwaserakwatha sonha.

IONTERENNAIENTAKWA IENONTA- RASTHA.

Tsi Tekaiasonte.

† Rasennakon... Akwa tekonnoron-kwanions... sk. 108.

Karo kase, Satkon Saiatatokenti, asatekate onkwanikonhrakon iesanonwestha nakatsiroten.

Akwa onkwanikonhrakon tekwanoronkwanions, kaiasatokenti, kaiasanoron; ne kaiasanoronstakon tsi iesaterennaienni, iawet skaiasat iotonhon ne akwa ronwaia-tanentaktonne Iesos Kristos, tsi rawenhe-ion Karwerke.

Kwennitha, Iesos Sewenniio, onen non-wa etho ieniakwaterennaientatie tsi iawet satohetston, tsasaterennaienhne atenhenra-kon Orif. Iontatenonwes, iontatitenra-nions ontatekensson, ne sahtarakwenhatie-ne; askwentenre, ne ken ionkwatiskwentare tsi kahniote kaiasatokenti, taiakwatatenon-wehake, taiakwatitenranionheke oni. Etho-naiawen.

Takwaienha... Wari... Ahonwasen-naien... Takwentenr... Ashetenre...

Tenietane, entsionhtenti, nok tsini iohahes aie-rensokten; nok tsi iakonontaraonhatie, ahonwen-nitentase ne Rawenniio skennen tahontatenon-

wehake rotiriwiioston rotinontiioston, nok aonsa-kariwahtonte ieriwaksatha kariwiioston, nok oni senha akentiohkwannha Kentiohkwatokenti.

I. Tiotierenton tsi teietastanionkwa.

Iesos rahetkentsihon Atenhenrakon.

Iesos, tekonnoronkwanions,
 Tesatonkwaraonhatie
 Ohneka nok onekwensa,
 Entakta 'saesario.
 — Akwa tekonnoronkwanions...

Kwasennaiens...

Iesos Kristos, Niio Onkwe oni, tsini karonhiakenseranoron saronhiakenseratokenti okon, tkariwaiერი akwekon nonkwe asteson aiesentenranionheke, nok taiesanoronkwanionheke tsini skwentenron. Ise, Iesos Kristos, tsiatare kaiatonniseratokentike ken ioiatonniseranentakon, ionkwatkennisahaton kento, ne tsini iakwaskaneks akwa aiakwateweienton tokenske akwentenranionheke, tsini skwentenron atenhenrakon Orif; aseken etho, tsini satanitenraskon, akwa sanikonhronni, iawet sanikonhranentakton tsiatatake akoriwanerahaksera okon akwekon nonkwe; seron, oriwakwekon ta-

onsakeriwaserako; ethone, tsinitseenonwes Niio Hianiha, okstentsi sanikonhranon-waktakon, ne tsini honwanikonhraksatanion nonkwe nonwentsiake; toha aesen-heiaton, tsiatakwekon onekwensa ohneka tekiatieston tesatonkwaraton; nok onen tsi iahte tsisahntonse, akwa wasatiskwentare, nok senha wasakwisron tsi saterennaientakwe, nok watseriwaiehase Niio Hianiha tsini saiatawenskwe.

O Iesos, satanitenraskon kowa! askwentenre, ne askwentenrate tsini saiatawenhon atehenrakon, tiotkon. aionkwanikonhranonwaktake tsini ionkwariwaneren, tiotkon ne taiakwasentotake, tsini kwanikonhraksaton. Askwentenre oni, katke ki ok othenon kanoron *nenionkwaiatawen, senha ethone aiakwakwisron aiakwaterennaien, nok akwariwaiehase tsini ionkwaiatawens.

Takwaienha... &c.

II. Tekenihaton tsi teietastanionkwa.

Iesos wahonwasokwaweson.

Iesos, tekonnoronkwanions,
Tateiohrihon ne tsieronke,

Tsini iesasokwaweson,
 Skanoron aesenheiaton.
 — Akwa tekonnoronkwanions...

Kwasennaiens...

O Iesos Sewenniio! iakwaskaneks akwa aiakwateweienton akwentenranionheke, tsini saronhiakenhon tsaesokwaweson, nok takwanoronkwanionheke, tsini skwentenron nethone; aseken ne tetsisariwaserakwatakon kariwaksenskwe okon, tsini ionkwatonweskwatanion. Tsiatanoron kowa, ial othenon tesanoronse, onen sane tateiohrihon tsieronke kenha; oktisesenekwensote, sekon isinison iesaientanions. Ionkwentent ionkwariwanerahakskon; kanekhere tsini iaweta ionkwariwaneren, ne tionkwaritakon ne tsieronke; ii onkwariwa tsi iahten tsisahtonse, sekon kati asteson iakwariwaneraks, iawet isinison iakwaientanions ne tsieronke; satanitenraskon kowa, ne tsi arekho teskwahrewaton.

Tsionkwatatrewatonhatie, akwa tionkwanikonhrasahaton, kwennitha, ne askwentenrate tsini saronhiakenhon tsaesasokwaweson, akarihontarhene onkwanikonhrakon tsini saronhiakenhon ethone; tiotkon kati aiakwehiarake, ne aiakwattokatake tsini ieriwanerahaktha kariwaksenskwe okonha

tsi iontonweskwatanions, nok oni aiakwa-
riwaswatake nehnakarihoten, akwa iateka-
konte akwekon aiakwariwahtonte. Etho-
naiawen.

Takwaienha... &c.

III. Ashenhaton tsi teietastanionkwa.

Iesos tehonwanonwarannhaston.

Iesos, tekonnoronkwanions,
Onen iahta tsisahtonse,
Ohikta iakoseronni .
Teiesanonwarannhaston.
— Akwa tekonnoronkwanions...

Kwasemaiens...

O Iesos! iakwaskaneks akwa aiakwate-
weienton akwentenranionheke tsini saron-
hiakentakon, ohikta sontaiesanonwarann-
haste, nok takwanoronkwanionheke tsini
skwentenron nethone; aseken ne tetsisari-
waserakwatakon tsini iakwariwanerahak-
tha, tsi iakwanaie, tsi iakwatatewennios-
tha, tsi iahte iakiwennarakwa iakikowa-
nens. Ionehrakwat tsini saronhiakenhon
ethone, aseken ohiktake ieientanionskwe,
nakon iakohiktotaserons, tontakanekwase-

ron, iah onka teiesentenraskwe, senha ok eken iesatentoriatakwe, teiontontsotakwe, onontiio kowa teiesanonweratonkwa. Iah nonwenton kaneka nonkwe etho teionta-tierase.

O Iesos, sanikonhriio kowa! iahtiiateka-konte teshehrewaton iesaiesatakwe ethone, kanekhere iah othenon tesianoronse. 'Tsion-kwatatrewatonhatie, akwa tionkwanikonhrasahaton, kwennitha, askwentenre ne akarihontarhene onkwanikonhrakon tsini saronhiakenhon ethone, ohikta tsi iesanon-warannhaston; tiotkon ne aiakwehiarake, nok ne aiakwattokatake tsini kariwaksen kanaiesera, nok iontatewenniiostha; aia-kwariwaswenseke kati nehinakarihoten, akwa aiakwariwahtontake.

Takwaienha... &c.

IV. Kaierihaton tsi teietastanionkwa.

Iesos roiasakehte.

Iesos, tekonnoronkwanions,

Sakehte tekaiasonte;

Serenkhene iahasewe

Onontoharake Karwer.

— Akwa tekonnoronkwanions...

Kwasennaiens...

O Iesos! iakwaskaneks aiakwateweienton akwentenranionheke tsini saronhiakenhon. ethone tsi sanensaratiene tekaiasonte, nok takwanoronkwanionheke tsini skwentenron ethone; aseken iawet sakehtene onkwarivanerahaksera okon, tsi satketaton tekaiasonte; ne tetsisariwaserakwatakon tsini ionkwariwanerahakskon, onen teiakwatriatikhonnion othenon iakwaronhiakens. kaneka ki ionkinikonhraksatanion, iahte iakwaienteri aiakwatakatstate.

Kwennitonhatie, o Iesos! ne askwentenrate, tsini saronhiakenhon tsi sarontakehte tekaiasonte, tosa seriwarako tsini ionkwatiesaton karonhiakensera sonha, tsini takwariwisahani tsinahe; askwentenre oni aiakwanoronkwake othenon eniakwaronhiakenseke tsinenwe. skennon aiakwatakats-tate, nok aiakwatonnrhakwate karonhiake.

Takwaienha... &c.

V. Wiskhaton tsi teietastanionkwa.

Iesos wakhonwaiatanentakte.

Iesos, tekonnoronkwanions,
Akwa karonwarowanens

Teiesasnonsawehestakon.
 Nok tiesasitawehestakon.
 — Akwa tekonnoronkwanions...

Kwasennaiens...

O Iesos! iakwaskaneks aiakwateweienton akwentenranionheke tsini saronhiakenhon, karonwarowanen tiesasnonsawehestakon, nok tiesasitawehestakon; nok takwanoronkwanionheke tsini skwentenron ethone; aseken ne tetsisariwaserakwatakon oriwakwekon tsini iakwariwanerahaktha akwasnonsake nok akwasitake; kanekhere ne senha iawetowanen kariwaksen nahoten ne iakwaieratha.

Sekon konhiennitonhatic, Sewenniio, ne askwentenrate, tsini saronhiakenhon ethone, aseriwahtonte tsini ionkwariwaneren, nok iatekakonte askwanikonhranentakete tsiatatake, iah nonwenton taetewatekasionhe.

Takwaienha... &c.

VI. Iaiakhaton tsi teietastanionkwa.

Iesos wahrenheie tekaiasontne.

Iesos, tekonnoronkwanions,
 Senheion tekaiasontne;

Tsini satanitenraskon,
Oneshon skwaskontakwaton.
— Akwa tekonnoronkwanions...

Kwasennaiens...

O Iesos! iakwaskaneks akwa aiakwate-
weienton akwentenranionheke tsini saron-
hiakenhon saerontaketsko, nok tsi senheion
tekaiasontne, nok tsini iawenhon saesaia-
tanentasi tekaiasontne; nok oni takwano-
ronkwanionheke tsini skwentenron ethone.
Kanehere, Sewenniio, kento senha iesate-
hatanionskwe, senha iesasentennihakwe,
senha iesatentoriatakwe, senha oni saron-
hiakenhon; aseken akwa senheiaton, tsi sa-
ronhiakenhon, nok tsini skwanonwehon. Ak-
wa sariwaieriton tsini hiatenientense nene
Hianiha, tsi raweron aonsasakoskontako
nonkwe. Kento oni seweiennentaon none-
shon seskwaskontakwen.

Tekwanoronkwanion, Iesos, niawen tsi-
ni skwentenron, kwawenniiostha, akwa tion-
kwanikonhrasahaton, kwanonwes onkwa-
nikonhrakwekon, okstentsi ionkwerien-
taksense tsini ionkwariwaneren, aseken
ne kwaronhiakentakon. Kwennitha, askwa-
nikonhranentasi onwentsiake, nok iateka-
konte askwanikonhranentakte tsiatatake.

Askwentenre, ne ok aiakwanoronkwake
nonwentsiake neniakwaronhiaken, ne aete-
wahriskontake ok iaiakwenheie. Etho naia-
wen, nok ethone iatekakonte aetewakwe-
konhake karonhiake.

Takwaienha... &c.

VII. Tsiatakhaton tsi teietastanionkwa.

Iesos wahonwaiatata.

Aiawen akiheiate
Ne tsinakonnonwehake,
Tsi nise nisenheiaton,
Tsini skwakonnienstonhatie!
— Akwa tekonnoronkwanions...

Kwasennaiens...

O Iesos seskwaskontakwen! tsini wahon-
nise iesanaskwaientakwe, nok tsini iaweta
onen iesaronhiakenton, tkariwaieri tsi onen
nonwa iatekakonte satorisen; tkariwaieri,
tsini hoieren ne Sose Arimatihronon, rakon-
nienston ne tsieronke kenha, raweron etho
ahonwaiatata ne Iesos, tsinon raonha ne Sose
nahonwaiataten nonen ahawenheion Tkari-
waieri oni, Sewenniio, tsinonwe akwa ka-
noron waesaiatata, iakonenhiararakon, iah

nonwenton teiakotston; akwekon oni tka-
riwaieri, niare waeweiennentane, wakon-
wateweienton ne tsieronke kenha, akwa
wenhienanoron wakonwaiatokhate, onen
tenhnon wakonwaiatata.

Askwentenre, akwekon tsini iakwaska-
nekhons nok tsini ionkwatennikonhrotak-
watha, akwekon etho asiatata; ne taskwa-
wenonniate ne skwatonnrhakwatennis,
tsi nise niit oniataraa konwawenonnia-
ton tsieronke; askwentenre tiotkon ne aiak-
wennontonnionkwake tsini saianerek-
we; takwaiatinionte tsi iesahason kanaka-
rohare. Etho kati naiakionnhótenhake on-
wentsiake, tsiniit iahte iakaonwentsiaien-
teri; tsinenwe enskwentenrheke iateka-
konte karonhiake entewakwekonhake.

Saiatatokenti Wari, tsini sanikonhranon-
wakon, sahrenheie Iesos n'Hetsienha, etho-
ne toha iatekakonte aesenheion, niahtahia-
iatanonstatonke ne Rawenniio; ii sonkwa-
konnienson, raweron, aiakotsteriste akoien
okonha iakoriwiioston nonwentsiake. Ii
onkwariwa, ionkwariwanerahakskon, tsi
roronhiakenhon, nok tsi rawenheion n'Het-
sienkenha. Sekon kati, tsini sanikonhriio,
tsini satanitenraskon, ionkwarhare enwaton
enskwentenre, takwaienha enwaton. Tsion-

kwatatrewatonhatie, ionkwatonnhakanonni-
 hatie, iakwatennikonhranentaktha sasiakta,
 ionkwatierientasonhatie, ok iaiakwenheie
 tiotkon akwanoronkwake, tiotkon akwanon-
 wehake; kwennitha, askwaterennaienhase,
 aontiesenhake asonkwentenre ne Rawen-
 niio. Ethonaiawen.

Takwaienha... &c.

Tsi teienoronkwanions ne kaiasanoron, itewat
 ne kakwetaron tsinon ronwaiatanentaktonne ne
 Sonkwawenniio:

— Akwa tekonnoronkwanions...

Akonwanenton tsinenwe

Ne Ashenseratokenti,

Tsini sonkwentenron Iesos

Tsi ronwaiatanentakton.

— Akwa tekonnoronkwanions...

IESOS RAORONHIAKENSERA AORIWA

TAKWENTENR.

Takwentenr, Sewenniio; — Kristos, takwentenr;

— Takwentenr, Sewenniio.

Kristos, takwatontats; — Kristos, takwawen-
 narak.

Niio Iesaniha, karonhiake tesiteron, takwentenr.

Niio Iesaienha, nonkwe sesheiatontakwen,
 Niio Satkon Saiatatokenti,
 Ashenseratokenti, enskat ok Niio,
 Iesos, hiatenhninon Sitas ronkwetaksen,
 Iesos, serenkhehe iahte senheion, tsinatesa-
 [terientakari tsini ionkwariwaneren,
 Iesos, tisatarihenserahrihon onekwensa, tsini
 [saronhiakenhonhatie tsini ionkwari-
 [waneren,
 Iesos, iahtetswenhon Sitas tehianoronkwa-
 [mion, saterientare sane ne eniesaientereste
 [tsi iesaienasere,
 Iesos, iesaiatontion sewakwekonne,
 Iesos, iesaneren,
 Iesos, iesatentoriaton,
 Iesos, iesakonsaiahakhon,
 Iesos, iesarasentonkwen,
 Iesos, iesakonrekhon,
 Iesos, iesariwarhon kariwaksenskwe okon,
 Iesos, ashen nioriwake Tier hiatonnhiiase,
 Iesos, iesasokwaweson akwa iesawarat-
 [sionkwen,
 Iesos, iohiktatsanit teiesanonwarannhaston,
 Iesos, waeriwisa nasiheie, nok ronkwetaksen
 [wahonhionnhete,
 Iesos, iesaswenskwe Konkwirat wahonwate-
 [wentetase tsi sonnhe,
 Iesos, sarontaketaton akwa iorontakste teie-
 [sarontannhare,
 Iesos, wateswissenheie tsi sarontakehte, tohka
 [nasitakerane, senha ok iesanonwareks,
 Iesos, akwa ioronwaratsanit iesaiatanentak-
 [takon tekaientannhareke,
 Iesos, okstentsi iesaronhiakenton saeronta-
 [ketsko,
 Iesos, ashennen nitsiataniionte ne tehniase
 [hninenskwes,

IESOS RAORONHIAKENSERA AORENNA.

Iesos raoientannhare,
Asteson tetwakanerak,
Tiotkon twatatehiarakwak
Tsini sonkwaronhiakense.

Okstentsi roronhiakenton
Onkwariwanerahaksera,
Skanoron nahawenheion
Tsina thaterientakari.

Ronwakonsaien ne Iesos,
Nok ronwennitskeroserhon;
Etho se ken nitwaierha,
Tsi ietikenhronnis nonkwe.

Ne ronwakenrenseronni,
Nok iotehat tahonhionni,
Nok wahonwatewentete,
Ronkwetaksen shonwentenron.

Wahonwasere ne Iesos,
Akwa wahonwaiesate,
Raonha ronwahrewaton,
Ii tenhnon teionkwatentson.

Iesos okstentsi ohikta
Tehonwanonwarannhaston;
Teshoriwaserakwaton
Tsini ionkwariwannhikon.

Akwa wathawisenheie
 Iesos, tsi rorontakehte;
 Entsitewaienawaste
 Onkwaiasa entwakehte.

Wahonwaiatanentakte
 Ne tekaientannhareke;
 Etho wasonkwenheiase
 Ii ionkwariwanerahakskon.

Akwa tekwanonweratons,
 Iesos raoientannhare;
 Ise, ne hiaianerenston,
 Sonhaake ionkwarharekwen.

Sewenniio, kwatonronni
 Tsini satanitenraskon;
 Onkwe sesheiatontakwen,
 Sheiatsterist iatekakont.

Ethonaiawen.

IESOS RAOIASATOKENTI AORENNA.

Ronnhek Iesos, ionnhek oni
 Iesos raoiasatokenti!
 O! aonsahinonwehak
 Kaiasake sonkwenheiase.
 Ne tsini sonkwanonwehon,
 Ionnhek Iesos raoiasa!

Kaiasa tewasennaien,
 Satiaterahneken ne Iesos;
 Ioterontatehatonne,
 Wakarontanoronne kowa.
 * Twakwekon tetewariwak:
 Ionnhék Iesos raoiasa!

Kaiasa tewasennaien,
 Wahianoron ioianiionte:
 Ne saionkwatsiente onwe
 Tsi sonkwakaronni Atan.

Kaiasa tewasennaien,
 Nene konwasennietha notkon;
 Ne sesonkwaskontakwaton,
 Nok karonhiake ieshoteron.

Kaiasa tewasennaien,
 Iesos raonekwensa kenha
 Akwa ioiatohareton
 Onkwe okon akotonnhetston.

Kaiasa tewasennaien,
 Tsi roiatanentakon Iesos;
 Sonkwatatis nok sonkwawis
 Naetwatsennonniate onwe.

Kaiasa tewasennaien,
 Raonha watsitwasennaien
 Kaiasake rawenheion,
 Naonsasonkwaskontakwate.

Twanonwehak raoiasa,
 Raonha entsitwanonwehak;
 Nok iawet entsitwasnienon
 Tsini sonkwatiasakehtati.

OIA SONHA IONTERENNAIENTAKWA
RONWASENNAIENTAKWA IESOS SONKWARON-
HIAKENSE.

*Iesos ronwennitenstakwa tsi ronwaiesaton: Iesos, Sewenniio, ii onkwariwa sen-
nakeraton... sk. 76.*

Iesos ahonwawenniioste tekaiasantne: Iesos, saiatanentakon tekaiasantne... sk. 60.

*Ionterennaientakwa, iateiekanere tsi th-
iatare tsi ronwaiatanentakton Iesos tekaia-
sonteke; (aowenk tewateriwaserakwatha
kowa): O Iesos, saianere onwe... sk. 90.*

*Ronwariwaiennitha ne Rawenniio Iesos
raonekwensatokenti: Niio Iesaniha, ok tsi
sonnhe, wakonriwaienhase ne Iesos Kristos
raonekwensa, iahtiaiehewe tsini kanekwen-
sanoron; etho naontawe taonsonteriwase-
rako tsi ionkwariwaneren, nok tosa othenon
aoriwaioha ne Sentiohkwatokenti.*

Sakowi n'Ariwawakon kowa kenha, Pie VII
ronwaiatskwe (22 sept. 1817), tsiniakon tsiako-
tatrewatonhatie enierihokten nehniwaterennaient-
takseroten, taiontentsa 100 niwenniserake ne te-
wateriwaserakwatha sonha.

IONTERENNAIENTAKWA SONHA RONWENNITENTASE IESOS KRISTOS SONKWAWENNIIO.

II. Ne tsi ROTATITERON OKARISTIAKON.

Tsini ionkwarihonniennis ne *Kuatonsera Ionteriwaienstakwa ne Kariwiioston*, ken nihatierha Iesos Okaristiakon: 1°. Shonikonhraseronnihaties ne Roniha, tiotkon*ronwanikonhraksatanions nonkwe; asteson ethoni hatierha Iesos Okaristiakon, senha tenhnon tsi Iehasens, ethone ki aseronnis tsini hoieren sahonwario, roriwaiennis ne Rawenniio raieronke nok raonekwensa, ne taon-sahariwaserakwate tsi ionkwariwaneren. 2°. Sakotiennis ne ronwanaktotani nakonikonhrakon; ratsientani nakotonnhetston aiakonikonkatsteke tosa aiakosenni notkon, tsi iieks Iesos raieronke nok raonekwensa. 3°. Sakotenranions onka ki ok wahonwaiatisake; kaneka ieiatare tsi iakohasen, kaneka ieiataras, kaneka oni ronwanatarenawis tsi rotatiteron Okaristiakon.

Naontonseke ahonwaiatatsenri ne Sonkwawenniio, iahta tei-tonwentsiohon taieniatariiake kaniatarake kowa, aiontewentete tsi tienakere, taiontekhasi nontatenonkwe; raonha ne Sonkwawenniio thenteron tsinonni tienakerenion nonkwe, tsinonni kanatowanens nok oni kennikana-tasha; ok tenhnon iahte honwaienteri, iahte honwasennaiens, iahte honwanoronkwa, iahte honwai-

tisaks, ne raonhaa watenroseriio; shonwaiatani-konhrens ne tiotkon sonkwennontonnionse, tiotkon sonkwentenranions.

Aiakohtako kati aiakonikonhraientane tsin tkariwaieri, tsi naiekweni, ahonwanatarenawira ne rotaseton Okaristiakon; arens akaonhaason kanatakon iiens, iakonaktote iaiekwatho ononsatokenlike, arens tsi iakahewe ne wenniseranorons iontkaristiotasions, kahniote n'Okaristia; senha ethone wehne ronnis Iesos tsi sonkwanononkwa.

Ehneken, ken kaiatonserake, tkaiatonnion ionterennaientakwa sonha naierihoktake tsi ieiatara tsi Iakohasen, nok tsi Ieiataras; watonkwiiio kento aonteta ionterennaientakwa sonha, naiontstakenenhonwanatarenase Sonkwawenniio ononsatokenlike.

Arfons roiatatokenti roterennnaientakserison, naiontste tsi ronwanatarenawis Iesos Okaristiakon.

Iesos takewenniio, ne tsi shenoronkwa nonkwe, kento tsiteron Okaristiakon, kengewentatieha asontatatieha oni, satanitenron, saiatanonwet kowa, sherharekwenhaties, ieshennonkonhaties nok sheiateweientonhaties tsiniakon iesanatarenawires; akwa tokenske tewakehtakon ken tsiteron tsi ie-

hasentakwa Okaristiakon. Wakonwenni-
ioste, sase okenra tewakientakon, akwa iah
otheron teken tsini kiatoten. Watkonnon-
weratonte tsinikon takitenranion, senha ki
tsi iawet takewenniioston tsi sonnhe, sasa-
tatiteron Okaristiakon; watkonnonwera-
tonte tsi takenistenserawi, taonkeriwakenn-
haseke, ne Sanistenseratokenti Wari; wat-
konnonweratonte tsi taskenonkton ken tka-
nonsote ononsatokentike takonhiatkensera.
Watkenoronkwanion nonwa Seriasatoken-
ti, iahtiaiehewe tsini iaweriasanonwet, ne
tekenonweratontha: Tiotierenton, takon-
nonweratonte tsini kariwanoron takwawi
n'Okaristia. Tekenihaton, taonsakeriwase-
rako tsini ioriwake iesakenrenseronnihon
ne iesaswens Okaristiakon sataseton. A-
shenhaton, tsi nonwa konhiatkense, ikehre,
tsi kento riwenniiostha Iesos, iawet akkwe-
nieseke ahiwenniioste, ka ok nonwe non-
wentsiake, tsi thenteron Okaristiakon, tenh-
non tikenha tsi ronwakonnienstha, nok
senha ronwatewentetha, raoriwatokentike
oriwatokenti kowa Okaristiakon. O Iesos!
Sewenniiio tsi konnhe, konnonwes akeni-
konhrakwekon, akweriasakwekon oni. Sa-
katatrewate niiaweta onen konnikonh-
raksaton, iahtiaiehewe tsini saianere. Wa-

katerientasa, naonkienawase saianerens-takwa, tosa ohnaken aonsakonnikonhrak-sate; nok nonwa, sahetho wakitent onwe akwa otokenhon watkonwenniioste tsi konnhe. Onkerihonti tsi ok nahoten taontakennonton, tsi ok naonkenikonhrotenhake, tsi ok naonkwaskanekserotenhake, tsi ok nahoten aonkientake, oriwakwekon ki ise aesawenhake. Nonwa, akwa ise tasennonton tsi ok nahoten naonkiatawen, tsi ok oni nahoten aonkientake. Ne ok enskat wakonneken, ne ok enskat tewakatonwentsioni, akonnorokwake, aontakeriwaierite tsiniore enkatonnhokten, nok akonwennarakwake onwe. Konhiennitentase, ashetenre ne iakotiaktani tsi tetieseronniatha; tasatierente ne nennce ashetenre, ne onwentsiake tsi iienskwe, senha iesakonnienston Okaristiakon, nok senha konwakonnienston Wari ioiata-tokenti iahte kanakwaienteri. Konhiennitentase oni ashetenre ne iakotent okonha niakoriwanerahakskon. Aiawen, o ise seskwaskontakwen! saiatanonwet onwe, takiaterahneken tsini wakenikonhroten, nok tsini ionikonhroten ne Seriasatokenti, iaweriasanonwet kowa; etho naontawe, ahiriwaienhase ne Hianiha, ok tsi ronnhe, nake-

nikonhra, nok ahiiennitentase tsennakon tosa ahariwaswen nahaiena, nok ahakwa-tontatseke ise sariwake. Ethonaiawen.

Kaien taiontentsa 300 niwenniserake ne tewateriwaserakwatha sonha, tsini ioriwake, entsion-tonnhakanonni, enierihokten, aohenton Okaristia, ne ken kaiaton Ionterennaientakwa, Arfons Rti. roterennaientakserison. Kaneka niate wenniserake neniakorihoktaon, sewennitat tsini kariwes, akowenk ne tewateriwaserakwatha kowa, kawenniio ki aonsaiontateronkwase, aieiatarane, nok akonwaterennaienhase Kentiohkwatokenti, tsini haskaneks n'Ariwawakon kowa. Ne thennon-tonhon Ariwawakon kowa kenha Pie IX, 7 siskare september 1854.

Shonwanikonhraseronniatha Iesos Okaristiakon.

O Iesos! Sewenniio tsi konnhe, seskwas-koutakwen noneshon, wakatiskwentaren sasitakta, tsi ronatiskwentare ratironhia-kehronon teiesennitiohkwaton. Wakenikonhranonwaks onwe tsini iesanikonhraksatanions nonkwe, iahte iakotsennonniatskon tsini skwentenranion; ok eken iekenhronnis, ieriwaiesatha oni tsini skwarharats-

tenni naiakwatsennonni; iesaiatanikonhrens ne ise sane sheionnhetonhaties. Iah othenon tetisariwenron, tsini saieranion, naiesanoronkwake nonkwe; sheiawi tsi sonnhekwe nonwentsiake; sheiawi tsinikon saronhiakenhon, iah kaneka nonkwe etho teiakoronhiakenhon; sheiawi tsi senheion tekaiasontne, naonsaionteskontakwate noneshon; sheiawi skarakewatha nok tewateriwaserakwatha tsi iakoriwaneren; akwekons sheiawi oni nonkwe tsi sonnhe karonhiake, aseken ne aoriwa satatiteron Okaristiakon, naskwatienniheke nonkweriane, naskwanikonhrehawitake tsi tiakotsennonni. Sasahaton tsini saien naskwaiatakennha, tosa aiakwaiatahton nonwentsiake. Ok eken kati ienakere, eso oni ienakere niahte iesanoronkwa, ne iesasantanionnis, iesakenrenseronnis, iakonoronse ne senha tsinaiesaierase, iahte iesatsanis tsini iakoterientatsenrionhaties ne ioriwatsanitenions.

Tokenske, Sewenniio, akwa ionehrakwat tsi ionkwentent nonwentsiake iakwes, iahte ionkwatsennonniatskon, ionkwatiesatonhaties tsini skwanoronkwa, tsi satatiteron Okaristiakon; takwanontens sawaratoken-ti, setsientani nonkwatomnhetston. nakaia-tiiohake, naiorihontake naontsennonni ka-

ronhiake. Ok kati ne iontiesatha notiake tsi satatenonsotani nakaweriane; iahte tiesa-naktotanis, aseken konwanaktotani notkon-seraksen iakoronhiakentha nonwentsiakon. Tewakeriasisonkwa tsini iononwakte nakweriane, tsi tekkanere akwekon tiiontiesa-tanions tsini skwentenranion, akwa iesate-wentetha, isi iesaiatonties, kariwaksenskwa tsiakotateriwaienni, iawet iesakenhronnis ne sonhaa sane sheiatsennonniatennis.

Keriswaswens, Sewenniio, tsini iesaierase niakoriwanerahakskon; iah ostonha tekeri-wawase tsini iakorihoten; khenikonhraswens, khewennaswens, kheweiennaswens oni, nok iahte kheswens, ok eken kheiate-rennaiennis nonwa aonsaiontatrewate. Iononwakte kowa nakweriane tsini iakotken-reneronnihon; sotsi iakotkowanaton nonwentsiake, onwa tsi ok se eniakotokense tsi neniakoiatawen. Tewasenthatha nakenikonhra, tsini iahte iakwattokha niakionkwe, okti ionkwatatenonwaroriaton nonwentsiake, iahte iakwanonwes ne iaiakwatkah-toseke ne karonhiake, okenrakeson ok teiakwakanere. Ohnaiakwaiere, Sewenniio, naonsaskwanikonhraseronni tsini iesanikonhraksatha nonkwe? Ne iakwaterennaientakwa nonwa naonsesanikonhren tsini

ionkwatieranion ne kariwaksen, tasheswa-
theten ne iakonkwēstaksens, aiontonnhatako
tsini iakotierenhaties, iakotiesatonhaties tsi-
ni skwentenranion, takwaronhiakense, ta-
kwenheiasē, seskwannhotonkwenni ne ka-
ronhiake, takwariwiiostontserawi, takwaha-
hawi naiakwatsennonni.

Sewenniio, tosa seriwarako tsini iakwa-
iatotens; takwanikonhrata tenhnon naon-
saiakwatatrewate; iakwaskaneks nonwa
naonsakwanikonhraseronni tsini iekenh-
ronnis notiake ne kariwiioston, iienhre, ok
teniakwennonton tsi neniakwaiere non-
wentsiake. Oktiwakwekon ieteron netho-
niakonkwetotens, iontatonwentsiaksaten-
nis, iakohtakwas naonsaiontateriwahtonten-
niheke tsi iakoriwiioston. Shetenr kati na-
onsaiontatrewate, nok tokat iahtenionton-
tathe, sheiatahtont, tosa aiontkweni tsini
iakorihoten. Sheienawas ne ierivanoron-
kwa sariwatokenti, tosa aiontatenikonhra-
karhatho naonsaionthaharako ne kariwiios-
ton, akonwakonnienstake onwe ne saiane-
renseratokenti.

Tiotkon ne eniakwaterennaientakwake;
nok tsinikon eniakwaronhiaken, tsinikon
enionkwentontiete, tsinikon eniakwakwe-
nieseke naiakitenrheke ne iakotent, tsi oni

nikon eniakwatennikonhriioste, akwekon kwawis, nashetenrate ne teiontonnhakarias, tosa aiakoteriwahtonse tsi iakoriwiioston. Nok takwentenr oni nii, Sewenniio; iah oni nii tetiotokte tsini kwanikonhraksatha niate wenniserake; iaweronhatien, onwentsiake takwahrewat, ok eken tenkwanonweraton; tosa tenhnon takwahrewat tsi neniakwa-tonnhokten.

Satontat kati, Sewenniio, iakwawennakwekon Iesos tsiatatienha, sate seniwenniio karonhiake onwentsiake oni, tsi skwani-konhraseronnis nonwa tsini iesasantanion-nis ne iakonkwetaksens. Teiakwakanere tsini hoieren tekaiasonteke, kawennanoron thowenninekenhon, rawen: "Shetenr, Ra-keni, ne ionkiesatha, iahte honttokha, iahte honaterientare tsini ioriwatsanit "tsini hontierha". Iatekakonte nii eniakwariwanoronkwake tsini skwentenron; iatekakonte eniakwatkawe ne takwahtiawen-rati, ohneka iakononwarahtontha, kana-kwaiesatsera, iakononwaroriatha, nok natatewenniiostatsera; iatekakonte teniakwasnieke ne kariwiioston, teniakwatatenor-kwake ne sate iakionkwe tsini sariho-ten, teniakwatatienawaseheke ne sataiak-watsennonni karonhiake, nonen enionkwa-

tonwentsioktase. Onen kati, Sewenniio, Seriasatokentike wakwatiatata, aiawens tosa aonsaionkwakaronni notkon.

Wari saiatatokenti, Sose saiatatokenti, Sewaronhiakehronon, Sawatis saiatatokenti, Iesos sewakwekonne nonwentsiake, Saksarie (*tokat* Resis) saiatatokenti, sewakwekon sewaiatatokentison, takwentenr, takwaterennaienhas naiakwatatewennaierite, iaontkontakwe naionkwariwiiostonhake nonwentsiake, naiakwaienterhane katke sonha tsi sewatsennonni kowa nonwa, iatekakonte satatsitewasennaienheke ne Rawenniio karonhiake. Ethonaiawen.

**Oia shonwanikonhraseronniatha Iesos
Okaristiakon.**

Akwa tewakennikonhrasahaton konkon-nienstha, tsini iosatste tsi tewakehtakon, o ise takwawenniio! Iesos seskwaskontakwen, tokenske Niio, tokenske oni Onkwe nasia-toten; konnonwes akweriasakwekon, konsennaiens sataseton tsi iehasentakwa Okaristiakon, ne aonhatsiwa Okaristia ioriwa-

nehrakwat kowa tsini ioriwake sariwison noriwatokenti kowa sonha. Ne konsennaientakwa nok konnonwestha, aonsakonnikonhraseronniate tsini ioriwake, kanoron tsi naawen, iahte konkonnienston, ok eken konhiatiesaton, nok oni tsini ioriwake akoren iesanikonhraksaton tsinahe, tsi oni noriwake, iotteron eh naiawen, sekon eniesanikonhraksate. Konwenniiostha kati, Sewenniio, iah sane tsiniiot tsi sarihonte aiesawenniiostake, iah oni tsi naioteriwisonhonne akonwenniioston; ne tenhnon tsinikwenies; nok kaskaneks etho naonkwateweienton nakonsennaien, tsini ionteweientons tsi iesasennaiens ne senha ieiatanorons, senha oni ionttokha tsiniakon sheiatison. Arahonne ne keniente akonwenniioste nonwa nok iatekakonte, ne akoriwake niahte iesasennaiens, notiake teieiasontha iahte iesanoronkwa; nok oni konwenniiostakwa, ne ashetenrate aonsaiontatrewate ne iahta teieiasontha, ne tsiakotiatarakwen ne kariwiioston, ne Sitaehronon, ne konwatisennaiens kaiatonnik sonha, nok niakonkwetaksenskwe okon, teiakotiestanion otiake iakotenekwaheston. O Iesos! aiawen akwekon aiesaienterhane, aiesawenniiostake, aiesanoronkwake, taiesanonweraton-

seke tiotkon tsi tsiteron Okaristiakon, ne aonhatsiwa oriwatokenti, ne akwa Niio rao-riwa nakarihoten. Ethonaiawen.

Asteson konsennaiens, ise kanataranoron ne iakionnhekon, ise oriwatokenti kowa! Iesos Raweriasatokenti, Wari Aweriasatokenti, takwentenr, takwaterennaienhas. O Iesos sanikonhriio, seskwaskontakwen, iaontkontakwe asiena nakweriasa! Ethonaiawen.

Tekanerenston nentsiontonnhakanonni, enierihokten ne ken kaiaton *Shonwanikonhraseronnia-tha Iesos*, taiontentsa 200 niwenniserake ne tewateriwaserakwatha sonha. Ne sakotenron Ariwawakon kowa kenha, Pie VII ronwaiatskwe, 21 siskare september 1815.

**Ronwasennaientakwa Niio ne ierihoktha
tsinahatkaristientane.**

Ahonwasennaien Niio!

Akonwanenton Niio raosenna!

Ahonwasennaien Iesos Kristos, Niio Onkwe oni nihaiatoten!

Akonwanenton Iesos raosenna!

Akonwasennaïen Raweriasatokenti!

Ahonwasennaïen Iesos Okaristiakon!

Akonwasennaïen Niio Ronistenha, Wari
ioiatatokenti, iahte kanakwaienteri!

Akonwasennaïen tsi iahte ioiatoron son-
tiatata!.

Akonwanenton aosenna Wari iahte ka-
nakwaienteri, Niio Ronistenha!

Ahonwasennaïen Niio rononhake rati-
ronhiakehronon nök akoiatatokentison!

Ariwawakon kowa Reon XIII tehonerenston
naierihokten, tsinahatkaristiantane, ne *Ronwa-*
sennaientakwa Niio, taonsaiontnaneta ne ratsi-
henstatsi enhariwakaratate, teioserake ne tewa-
teriwaserakwatha sonha (2 siskare fefriie 1897).

IESOS OKARISTIAKON ROTASETON

RAORIWA TAKWENTENR.

Takwentenr, Sewenniio. — Kristos, takwen-
tenr. — Takwentenr, Sewenniio,

Kristos, takwatontats, — Kristos, takwawen-
narak.

Niio Iesaniha, karonhiake tesiteron, takwen-
tenr.

Niio Iesaienha, nonkwe sesheiatontakwen,
takwentenr.

Niio Satkon Saiatakokenti, takwentenr.

Ashenseratokenti, enskat ok Niio, takwentenr.

Iesos, Okaristiakon sataseton,	<p>Etho tsisariwaseronnihatie tsini ionkwa- [riwaneren, Etho satatkenrenseronnihatie ii onkwa- [riwa, Onen tsini tiawenhon iontennowentha [tsini karihoten n'Okaristiatokenti, Iawetowanen tsinahe tsi iesiteron, Sita- [ehronon nok oni kariwiioston tiako- [rihontion iesaiesaton, Sonhatsiwa tsini tsiatanoron, katsenen [sonha konwatinonten tsieronke kenha, Onawatstake iesaiaatontion, Iesaiatinionton tsi tiakononsote niakori- [wanerahakskon, Iesaiatiesaton Sitaehronon, nok tisanek- [wensahrihon, Iahte iesatsteristha nonkwe, tiotkon sane [nise sheiatisaks,</p>	Takwentent, Iesos.
Iesos, akwa ionkwanikonhranonwaks,	<p>Tsi iahte iesanoronkwa Okaristiakon sa- [taseton, Tsini iotsanit iesanikonhraksatha ne wa- [sheiatienhase iakoriwaneren, arekho [akwekon tetsiakorihontion nothenon [ieriwanerahaktha. Tsini iotsanit iesanikonhraksatha ne wa- [sheiatienhase iakoriwaseton sewata- [teronkwennike, Tsi iesatentoriatha iakoriwiiostontserak- [senskwa, Tsi iesanonsaksatennis sanonsatokenti, Tsi iakonenskwen ne tsiatarakonne kat- [setatokentike, Tsi kariwaksenskwe okon iesenhratonnis, Tsi tiotkon iontennowentha notiake etho [sataseton Okaristiakon, Tsini ioriwatsanit are ens iakoriwanera- [hakhon ononsatokentike,</p>	Skwanikonhraseronis kati nonwa.

Iesos, Okaristiakon sataseton, takwatontats nisa.

Iesos, kwennitase ken iakwataien.	{	Shetenr, shenikonhrata iakoriwiioston [okon aiontsteniaron aieriwanoron- [kwake ne ken oriwatokenti kowa [satasetakonhatie, Shetenr, shenikonhratokensten ionten- [nowentha etho tsiteron Okaristia- [kon, Takwaienawas aiakiiatohetsten oksten- [tsi ieselwens, senha nii aiakwa- [kwisron tsi nakwanonwehake, Aseriwanonwehake naonsakwanikonh- [raseronni, Aseriwanonwene tiotkon takwanon- [weratonheke tsi Okaristiakon sata- [seton,	}	Takwatontats nisa, o Iesos!
--------------------------------------	---	--	---	-----------------------------

Iesos, ise seriwahtontha	{	takwaiatokef, Iesos.
ne	}	takwatontats, Iesos.
kariwaneren,	}	takwentenr, Iesos.

v. Teskanerak, Sewenniio, tsini ionkwani-
konhranonwaks;

R. Satontek, Sewenniio, tsi iakwaterennaiens.

Tewaterennaien :

Iesos, Sewenniio tsi iakionnhe, iateka-
konte waskwennakeratse n'Okaristiakon,
isehre oni, etho tenhinonweronnionheke ne
Rakeniha; isehre oni, aketsienten nonkwe
akotonnhetston; iah kãti teiesanoronkwa,
ok eken senha iesanikonhraksatanions non-
kwe; takwentenr nisa, takwanikonhrann-
hetskat, aiawen tiotkon aiakwatstarhanese-
ke, ne aiakwatstarhakwake tsini iotsanit

iesanikonhraksatha nene niate ionkwetake
 niakonkwetaksenskwe okon, notkonserak-
 sen iakonaskwaientaties tsi iesaiesatanions.
 Sewenniio, saseriwisa n'Okaristiatokenti,
 akwa saterientarakwe tsini saiatawensere-
 ne nonwa; iah kati tatesanonhianihekon
 wasatasele Okaristiakon; ne kati satesats-
 temni tsi sotsi takwanonwes; isehre oni,
 tiotkon teniakwaterahnekenhake. Takwen-
 teur, takwaienawas aiakwatsteniaron aon-
 sakwanikonhraseromni tsi iesaiesaton Oka-
 ristiakon. Akwa iakwaskaneks naiesano-
 ronkwake nonwentsiake nonkwe, nok oni
 aiesanonwehake karonhiake. Ethonaiawen.

Iesos ahonwennitentase Okaristiakon.

Iesos Sewenniio, ne tsini skwanoron
 kwa... sk. 59.

OKARISTIA AORENNA SONHA.

KONSENNAIENS, Iesos, ontatenikonhrasahate
 Niio, Okaristiakon ken sataseton;
 Ise Sewenniio nakwatonnhetston,
 Kennikonbroktakwa tsini tsiatanoron.

Iakotaskat wahonnise ronwaken Iesos,
 Onwentsiake tsireskwe ronwawennahronken.
 Iah nonwa tehikens tsi iehasentakwa,
 Nok tewakehtakon kento renteron.

Sahrenheie Iesos tekaiasontne,
 Iahte hototasion Niio tsini haiatoten;
 Nok ne kento tsi iehasentakwa,
 Rotaseton onkwe tsini haiatoten.

O Iesos! saiatanehrakwat kowa,
 Askiatohare sanekwensatokentike,
 Ne skatstarat ok iokweniatseraien
 Aonsaiakoskontako akwekon nonkwe.

Satatiteron Okaristiakon, seron,
 Aionnhekwen nakotonnhetston nonkwe,
 Aiakehiarakwake tsi kheienheiasse,
 Akheiatseennonniaten nenkheiatienhase.

O Iesos! sataseton Okaristiakon,
 Konnekennis akenikonhrakwekon
 Askwatokaten saiatanehrakwatsera,
 Karonhiake tsinonni ionwesen kowa.
Ethonaiawen.

RAOTINATAROK Eronhiakehronon
 Nonwa iakonnhekwen iakoriwiioston;
 Tsini sonkwanonwes ne Roienha Niio,
 Sonkwaienni raieronke.

Kanataranoron Iesos raieronke,
 Kanekwensanoron ne raonekwensa;
 Akwa seken Niio, akwa raieronke,
 Nok akwa raonekwensa.

Iesos konsennaiens Okaristiakon;
 Ioriwanehrakwat etho sataseton!
 Senha ionehrakwat, iieks ne tsieronke
 Akwekon oni ieiesas!

Ieriwaiesatha ne Okaristia,
 Iakotentasere tsi neniontonnhokten.
 Nok ionteweientons waeiatarane,
 Ne karonhiake eniente.

Askitenre, Iesos, ne akhenakeren
 Eronhiakehronon tsini iesanonwes;
 Nok nenkatonnhokten, etho enkherane
 Tsi iakotsennonni kowa.

Hetsitwasennaïen ne Roienha Niio,
 Sonkwatenniotase Okaristiakon;
 Aietisennaïen Roniha nok Rotkon,
 Sate hatiiatanoron.

Ethonaiawen.

AETWAWENNAKWEKONHAK, onen tetewariwak-
 wak niate karenniiosen;

Tatsitewanonweraton Iesos kanataranoron, ne
 sonkwatenniotase;

Akwa Iesos raieronke roriwison aiekseke,
 raonekwensa oni;

Ne akwa ionkwatsennonni, Rawenniio son-
 kwatienni; ne kati setwaiatat;

Taiehawi karonhiake ne kanatarakon onwe,
 katsitsianoron oni;

Onen tewatonnharonnion nonwa, tsini wenni-
 seranoron kowa; Niio ne sonkwennonkon;

Tsi tionnhe Rawenniiio iawet kento ronwario,
nok ronwanekwensaris;

Ii ionkwanoharetha, nok ii ionkienniotha,
iakwatonnhetstha oni;

Akwa twatonnhakanonni, twatennikonhrase-
ronni, tsi twaiatarasere;

Tewatsiaken, twariwatka ionkwanikonhrotak-
watha, tsini ionkwaiatoron;

Akwa tewaterientasa, akwa tewatatkahenhion,
onen sonkwatiennire;

Iieks tiakoriwaieri, ionkwetaksens iieks oni:
iah sate tiakaonnhetst;

Akwa ne iontsennonniatha tsiniakon ne iont-
tokha; ne tenhnon iaiheiatha iakoriwaiesaton;

Ken kaien ne iakonnhekon akwa eronhiakeh-
ronon, nok Niio sakoien okon tosa ieriwaiesat;

Ken kanatarakon kenha lesos rawenniiosera,
raierouke, raonekwensa, tokenske sonkwanon-
tens;

Ise ne skwenies akwekon, Iesos. sataniten-
raskon, sahtont kariwaksen okon ne ionkwariwa-
nerahakskon ionkwariwaientakwe;

Ehni skwanikonhrotentak, aiawen akwanon-
wehak. tiotkon akwawennarakwak. nok aetwak-
wekonhake tsiatakta karonhiake. Ethonaiawen.

TETEWATONTS swariwiioston,
Twakwekon tetwariwak:
Niio Okaristiaikon
Hetsitewanentonnion,
Sonkwanonwes, sonkwanontens
Ne kanataranoron,

Entakta tsi rawenheion,
 Watrakwe kanatarok,
 Wahaterennaienhase:
 Raieronke iotonhon.
 Rawen: Etho nenswaicre,
 Naetewakwekonhake.

Sonkwanontens raieronke;
 Irehre, naiekseke,
 Ionnhekon nakotonnhetston
 Ne iakoteweienton,
 Nok ne rontenientenstakon
 Karonhiake eniente.

Tosa onka iakonorons
 Tsi akwa naieiere,
 Ne tsi rotenniote kowa,
 Ahonwaienterhane.
 Twatātitenr, tetwakweni,
 Hetsitewanonwehak.

TWAWENNIIOST Okaristia,
 Etho iehotaseton
 Iesos ne Sonkwawenniio;
 Aetwakwekonhake.
 Tsiniot natsitewaken,
 Ethoni tionkwehtakon.

Atsitwasennaien Niio
 Roniha, nok Roienha,
 Rotkon Roiatatokenti;
 Atsitwanentonseke,
 Nonwa nok oni tsinenwe,
 Iahta kariwentane.

Ethonaiawen.

Ahonwasennaien nok tahonwanonwera-
ton iatekakonte Iesos Okaristiakon, aonhaa
Okaristia tsini oriwatokenti, kariwanoron
oni tsini ioriwake noriwatokenti kowa son-
ha! (100 *nizwenniserake ne tewateriwasc-
rakwatha sonha.*)

IONTERENNAIENTAKWA SONHA KONWENNITENSTAKWA IESOS RAWERIASATOKENTI.

Iah othenon noia taietsenri ne senha aionkwa-
nikonhrehawite atsitewanoronkwake ne Son-
kwawenniio, tsiniiot aetewasennaien Raweriasa-
tokenti. Sahonwahase Iesos tekaiasonteke, tsi-
niiot watewatennhohonti Raweriasatokentike,
ethonon aiontekwashentakwake niakoriwiioston
okon. Tiotkon iakononwehon akoiatatokentison
aonsaiontatehiarakwen, tsi iawet iotekhakwe
Iesos Raweriasatokentike, tsi sakonoronkwa
nonkwe. Oriwase tenhnon tsi iawet senha
wehne iotonhon tsi konwasennaiens Iesos Ra-
weriasatokenti. Onen iotohetston tekeni tewen-
niawe nioserake, tsinahe sahatokaten ne Sonkwa-
wenniio skaiatat ioiatatokenti, Konwakeri-Wari
konwaiatskwe, tsi raiatarakwenne aiakorihota-
sien nonkwe Raweriasatokenti aotsokowatsera

(tsini kahawi 1674). Onen nonwa nonwentsia-kwekon tioteriwareniaton, iotehiarontie oni tiotkon tsi konwasennaiens Iesos Raweriasatokenti. Aetewatsteniaron oni nii aetewasennaien, aetewanoronkwake, taetewanonweratonseke, taonse-tewanikonhraseronni, nok aetewennitentase Iesos Raweriasatokenti, etho naontawe aetewatsen-nonniatakwe tsini sakorharatstenni Iesos, nenkonwasennaienheke. Ne tenhnon senha aetewatataaskennha naetewawenniiostake Raweriasatokenti, niaonsakahewe: Raweriasatokenti awentawen (tiohtonhaton nonta tsinahe tiakoteneratonniaton), awennita (sen tsini wennites), nok awennisera, nentewatierente ronwaiatanentaktonne sewennitatson, iawet Raweriasatokenti awennisera iotonhon.

Kaien ne tewateriwaserakwatha kowa taiontentsa, tsini ieskahes. Raweriasatokenti awentawen, kawenniiio aonsaiontateronl vase, aieiatarane, nok ahonhion Ariwawakon kowa tsi enionterennaien kennikariwesh. (Pie VI, 7 siiet 1815). Tsiniakon othenon enieriwaierite tsi enionterennaien akonwasennaientak Iesos Raweriasatokenti, sen tsini wennites, akowenk sewenniseratson tsiatak nioserake ne tewateriwaserakwatha sonha; nok ennitakwekon eniakoriwaieriton, akowenk oni tewateriwaserakwatha kowa ne tsiontateronkwenni, sakotienni, nok ronwawi tsi iakoterennaien n'Ariwawakon kowa. (Pie IX, 8 Me 1873).



KEN TKAIATONNION TSINAHAWENNENTASE
IESOS,

Saharihotasien ne ioiatatokenti Konwake-
ri-Wari, tsi nensakoierase nenkonwasen-
naien Raweriasatokenti.

1. Enkheion niate ioianerenstakwatse-
rake ne teiakotonwentsioni, noriwakwekon
aieriwaieritseke tsi nahoten iakoterihonte
nonwentsiake;

2. Enkien ne skennen tsi iakowatsiraien;

3. Enkhenikonhrahnrirate nothenon enia-
konikonhraksenseke;

4. Tokenske enkheiatakenha tsinenwe
eniakonnheke, senha tenhnon tsi nenion-
tonnhokten;

5. Enkheion ne taiakoteraswiioste, no-
thenon iakoteriwahtentionhaties nonwen-
tsiake;

6. Eniakotokense niakoriwanerahakskon
tsi iahtiaiehewe tsini iotanitenron n'Akwe-

riasa; etho ki iõhnaweroton natanitenrasera okon, ne teskiatieren ne kaniatarake kowa, iah kaneka teiotokte;

7. Ne iakoiatakenheion tsi iakoriwiioston ne entsiontatarihate tsi nentsiakoriwiiostonhake, nenionksennaïen;

8. Ne iakoriwiioston nakwah, iosnore oni nennee senha eniakotehiarontie tsi akoiatatokenti kowa enwaton, naïontsteniaron akonwasennaïen n'Akweriasatokenti;

9. Iekanihare, enkaterennaïenhase tsini kanonsoten etho enkaientake, etho oni enkonwakonnienstake tsi kaiatare n'Akweriasa;

10. Enkheion ne ionkewennenhawe okon nahatiriwaweïenhonseke nasakotinikonh-ranhetskate nakwa iakaweriasahniron;

11. Iawet enkhesennare n'Akweriasakon tsiniakon tenieriwareniate ne tsi kariwïio akonwasennaïenheke n'Akweri;

12. Wakonwennentase, ne tsi iotonkoh-ton tsini iotanitenraskon n'Akweriasa, ne

oni tsini iahtiaiehewe tsi iakonoronkwa nonkwe, iahtaionoronseheke aiakotenre tsi-niakon eniakoiataraon, nienskahewe nente-watierente ronwaiatanentaktonne sewen-nitatson, tiohton niwennitake tsini kariwes ne eniakoriwaieriton; nennee kati enkheion aonsaiontatrewate naiakoriwaneren, iahta-onsaiakwatekhasi neniontonnhokten, enieie-na noriwatokenti kowa sonha, Akweriasato-kentike oriwiio eniontekwashentakwake neniakorane ne kenheion.

IESOS RAWERIASATOKENTI aoriwa

TAKWENTENR. (I)

Takwentenr, Sewenniio.—Kristos, takwentenr.
—Takwentenr, Sewenniio.

Kristos, takwatontats.—Kristos, takwawennarak.

Niio Iesaniha, karonhiake tesiteron, takwentenr.

(I) Akowenk 300 niwenniserake ne tewateri-waserakwatha sonha, tsini ioriwake enierihokten; etho nasakotenre ReonXIII, 2 siskare Afri 1899.

Niio Iesaienha, nonkwe sesheiatontakwen,
 Niio Satkon Saiatatokenti,
 Ashenseratokenti, enskat ok Niio,
 Ise Iesos Raweriasatokenti, raweriasa ne
 [Roienha ne Niio ok tsi hanakere,

Hiaiatison Rotkon Roiatatokenti kaia-
 [takon ne Sanistenha iahte kana-
 [kwaienteri,

Tetsiaterahneken onwe ne Niio Rao-
 [wenna,
 Raweriasa ne iahtiaiehewe tsini haiata-
 [noron,

Niio raononsatokenti,
 Iseke rotasetonhaties ne Raiatanoron
 [kowa,

Niio raononsa, oni kannhoha ne karon-
 [hiake,

Iseke akwa ionehrakwat tsi iotekha ne
 [kanoronkwatseratokenti,

Iseke iiore kariwakwarisiontsera nok ka-
 [noronkwatsera,

Senanon natanitenrasera nok kanoron-
 [kwatsera,

Iseke iotinakte ne kariwiiiose okon, iawet
 [osonwakon akenhake akwa io-
 [sonwatsanit,

Ataterensaron okon akwa sarihonte
 [taiesarensaronnion,

Iesanontiio nok tesheiatirontha nawe-
 [riasa okon,

Ishawe noriwakwekon ne kanoron, ia-
 [kottokhatserawis, iakonikonhro-
 [wanatha oni,

Iseke iwat raonioserakwekon ne Niio,
 Iseke raonweskwaniha Niio Roniha,

Ise Iesos Raweriasatokenti,

Takwenteni.

Ise Iesos Raweriasatokenti,

Takwentenr.

Iakwakwekon takwawi, tsini senanon,
[ioianerenstakwa okon,

Iesaskanekon tsinahe tsi iatekakonte,
Sanikonhriio nok satanitenraskon kowa,
Shekwatstennis tsiniakon iesennitentase,
Iohnawerote tsi iakonnhe nok tsi iako-
[tiatatokentistha,

Teseseriwaserakwatha tsi ionkwariwa-
[neren,

Iakohtonhon tsi iesakenhronnihon,
Tegahriton ne tsi ionkwariwaneren,

Satontatskonne tsiniiore n'asiheie,

Asikwe iesahaston,

Etho tkaiakens tsinikon iakonikonhrahni-
[ratstha nonkwe,

Takionnhetha nok enseskionnhete,

Takwawis ne skennen iakwennonton-
[nions, nok skennen tsionkwatonhor
[ne Rawenniio,

Satatewenteton niakoriwanerahakskon
[akoriwake,

Sheiatsennonniatennis ne iesaniahesen,

Sheiawis aiakorhareke ne sanoronkwatse-
[ratokentike iaiheions,

Sheiatonweskwatennis akwekon akoiata-
[tokentison,

Iesos Kristos, ise seriwahtontha ne kariwane-
ren, takwaiatokef, Sewenniio.

Iesos Kristos, ise seriwahtontha ne kariwane-
ren, takwatontats, Sewenniio,

Iesos Kristos, ise seriwahtontha ne kariwane-
ren, takwentenr.

v Iesos, ise sanikonhriio nok sennitenton se-
riane,

R. Askwentenre nonkweriasa taonsakiatieren
ne Seriasa.

Tewaterennaien :

Sewenniio, iah othenon tesanoronse, ok tsi senakere, iasatkahto Raweriasatokenti n'Hetsienha hetsenoronkwa; teskanerak tsini hiasennaiens, nok tsini shianikonhrase-ronnis, akosennakon niakoriwanerahaks-kon; hiennitentase tsini satanitenraskon kowa; aesanakwaiewentane kati, aonsesa-nikonhren tsi ionkwariwaneren, raosen-nakon n'Hetsienha Iesos Kristos sate tsionnhe, satesewawenniio, sewakwekonha-tie ne Rotkon Roiatatokenti Niio, nonwa nok oni tsinenwe iatekakonte. Ethonaiawen.

KONWAWENNIIOSTAKWA NAKAWERIASA IESOS RAWERIASATOKENTI.

Ariwawakon kowa kenha, Pie IX, wahariwa-nonwene, wahariwahnirate oni ne ken iken ion-terennaientakwa, 22 siskare Afri 1875, nok waha-ranentakte 300 niwenniserake ne tewateriwase-rakwatha sonha taiontentsa, nenierihokten.

O Iesos! seskwaskontakwen, takwawen-niio, iahtiiaiehewe tsini shenoronkwa nonkwe, sanekwensanoron sakariakton na-kotonnhetston; ok eken nonkwe iah eso te-

iesanoronkwa, iesasantanionnis, iesakenrenseronnis, iakonoronse ne senha tsinaiesaierase, ne aonhaa iesanikonhraksatakwa tsi kentiohkowanen konwasennaiesatanions sassenatokenti, nok iontenniseratiesatanions iawentatokenton okonha. Oh naiakwaiere, Sewennii, naonsakwanikonhraseronniation tsini iesanikonhraksatanions kentiohkowanen nonkwe, iahte iakotsennonniatskon, iawet iahte iesaienteri? Aiakwatsennonni wehne aiakionni, nok nonkwe okon aiakotokense, tsini iosatste iakwaskaneks aiesanoronkwake, aiesasennaian, aiesasennowanate oni, ise Iesos Raweriasatokenti, iaweriasanonwet kowa oni. Iakwaskaneks aonsaiontatrewate niakoriwanerahakskon; aonsaiakonikonhrote eso ne shetenron tsi ieiatare sane ne Sentiohkwatokentike teieiasontha, iah tenhnon othenon tatekonwasnie kariwiioston, iahte konwawennarakwa ne Kentiohkwatokenti, ne ise serihonten aionkwarihonnienniheke; tiotokte tsini iakontatskon aieiena nahoten sonkwarihonniennis Ariwawakon kowa, ne Tier Roiatatokenti raonaktake irate, hetserihonten asakonikonhrahnrirate nonkwe okon kariwiiostonke, hetsawi tsi iah nonwenton taontahaterientawenrie othenon asonkwarihonniën.

Aiawens nethoniieiatotens aiakonikonhra-
ientane tsi iahte iesawennarakwa, ne iahte
konwawennarakwa ne Kentiohkwatokenti;
aseken sheienni ne Sewakwekonne: "Tiot-
"kon entewakwekonhake, tsiniiore n'ense-
"watonwentsiarisi." Ne kati nonwa iakwa-
terennaientakwa skennen akenhake, aonte-
senni ne Kentiohkwatokenti, ahatsennonni
nonwentsiake ne sanaktake irate, Ariwa-
wakon kowa, ahatkahto etho naiawen tsini
haskaneks. Ne oni iakwaterennaientakwa,
senha aiontiatatokentiste ne iesawennen-
hawe okon, ahonteriwahtentiate kariwiiost-
ton, etho nahatiiere tsini sanikonhroten,
asakonaharate kariwiiostonke niakoriwane-
rahakskon; nok senha aiakoiatatokenton-
hake ne tiakoriwaieri; etho aontakaientakwe
akwekon sataiontsennonni iatekakonte ne
karonhiake. Ethoni iakwaskanekseroten,
aseken ionkwaterientare ethoni saskanekse-
roten, ne Seriasatokentike. Onwa kati ion-
kwatiskwentaren sasitakta, teionkwakanere
Sanistenseratokenti Wari, teionkikanere
oni ratironhiakehronon okonha, waonkwa-
riwaienterene tsi sonhaa sawenk tsi ia-
kionnhe, onkwatonnhetston oni, Iesos Kris-
tos seskwaskontakwen noneshon, takwawi
tsinikon ionkwaien. Iesos Raweriasato-

kenti, sonhaa enkwanoronkwake onkwani-konhrakwekon, onkwatonnnhetserakwekon, onkwaststenserakwekon oni; enkwawen-narakwake; ne iakwanonwes nahoten senonwes, ne oni iakwaskaneks nahoten saskaneks. Iakwehre nonwa aiakwariwahni-rate tsi kwawenniioston; wakwawennentase kati, tiotkon eniakwariwaieritseke wentanoronson, ne iawentison Kentiohkwatokenti, nok oni tsiniakon nonkwe ne iakiwenniio, eniakiiatsteriste naieriwaierite ne wentanoron okonha.

Onen kati, Iesos Sewenniio, Seriasatokentike wakwatiatata, wakion tsinikon iakwaskaneks, ise ethoni skwanikonhrotens-ton; ne ionkwarharekwen eniakwakweni aonsakwaieritse tsinikon iesanikonhraksatations nonkwe iahte iakotsennonniatskon, nok etho aiakwatsiente naontsennonni nonkwatonnnhetston, aontsennonni oni nonwentsiake nok karonhiake nakotonnnhetston ne teiakwatatenoronkwa. Ethonaiawen.

OIA KONWAWENNIIOSTAKWA NAKAWERIASA
IESOS RAWERIASATOKENTI.

Nene ioterennaientakserison Ioiatatokenti Konwakeri-Wari, raonha Iesos wahanikonhrehawite nakaiaton; ne tehonerenston Ariwawakon kowa Reon XIII, nenierihokten, taiontentsa 300 niwenniserake ne tewateriwaserakwatha sonha. (30 siskare sen 1897).

Ise Iesos Raweriasatokenti, wakion tsi iakionnhe, tsi neniakwatieranion, onkwani-konhraksensera, onkwaronhiakensera okon; wakwatewentetase tsinikon ionkwaaien. akwasennaien, akwasennowanate, akwanor-onkwake oni. Teionkwatennikonhrakontakwenhatie tsi iakwehre ise sawenk akenhake tsi iakionnhe, nok tsinikon neniakwatieranion, ne tsi kwanoronkwa ne aiakwariwaieritseke, iakwatewentetha onwe tsinikon iahte senonwes. O Iesos Raweriasatokenti! sonhaa enkwanoronkwake; kwanekennis askwaiatakennha, karonhiake iaskwaiatewe, askwasatstenseron nok askwanikonhrahnrirate, aonsesanikonhren tsi eso tiotokte tsi ionkwariwaieriton, iseke aiakwatekwashentakwake tsi neniakwatonnhoktane. Ise Iesos Raweriasatokenti, etho ionakte natanitenrasera, shetsenikonhraseronni Niio Hianiha, tosa asonkwahre-

wate, tsini teionkwatentson. O Iaweriasa-nonwet kowa! wakwaniahese, aseken iawet iakwatatetsanis, ne tsi iahte ionkwanikonh-raniron, iahte ionkwariwatoken, tenhnon ionkwarhare ne enskwentenrate tsini sanikonhriio. Aontsa kati nonkweriasakon tsinikon iahte senonwes, tosa othenon aiakwa-teraiatakwe tsini skwanikonhratas. Akaia-tonke akwa nakon nonkweriasakon ne kanoronkwatseratokenti iesanonwestha, ethonaontawe tosa nonwenton aonsakwaiatankonhren, tosa oni nonwenton taetewatekhasi. Kwennitentase, ne askwentenrate tsini satanitenraskon, asiaton nonkwasennaokon Seriasatokentike. Ne aonhaa teniakwataterensaronkwatake, ne aonhaa enionkionweskwanitake, ise sawenk akenhake tsi iakionnhe, nok tsi eniakwenheie. Ethonaiawen.

Aiawen nonkwe okon nonwentsiakwekon akonwasennaienheke Iesos Raweriasatokenti!

Aierihokten Takwaienha... Wari... Ahonwasennaien... Ashetenre, Sewenniio, tsi tetieseronniatha tieteron; ne ashetenrate tsini satanitenraskon, naiontsennonniatake ne iakotiaktani tsi tetieseronniatha, tsi tekanerenston tewateriwaserakwatha sonha.

KONWAWENNIIOSTAKWA IESOS RAWERIASATOKENTI TSI TIAKOTENATAIEN.

Entsiawentatokentane Niihne tsinahe tiakoteneratonniaton, nenhasentakoka, tokat nenhennitskwarako, tenhanonsatase, enhatkaristienhawe, nok tsi enhatkaristiotasionhe, enharihokten ken iken:

Iesos Raweriasatokenti kowa, iawerisanonwet kowa oni, aontaskwaiatatironten tsi tsiteron, akwanoronkwake onkweriasakwekon, onkwatonnhetserakwekon, nok onkwatatstenserakwekon! Ise Iesos Raweriasatokenti, askwahahawiseke nasakwarane ne rokwatse kowa, rotanitenraskon kowa, sakowis nonkwe ioianerenstakwa; ise askwenieseke asonkwentenrheke, asonkion oni tsinikon teionkwatonwentsioni, nothenon aionkwaiatawen ne kanoron. Arekho tsi ionwentsiatekwe, ok tsi takwanoronkwa; iahtiaiehwe tsini skwanonwehon iakionkwe, sasennakerate, tsinahe tsi sonnhewe, saseriwisa Okaristia, saskwenheiasetekaiasonteke; nonwa iesesiteron tsi raweientehtakon Nii Hianiha, tiotkon sonnhe onwe ne karonhiake aontaskwariwakennhase tsi thenteron; askwaiatakennha ne seskwaskontakwaton ne sanekwensatokenti. Tontakwentenr, tosa sehiaarak tsi ionkwari-

waneren, ne tenhnon teskanerak tsiniiot
 tiawehtakwen Kentiohkwatokenti; askwen-
 tenre etho naiawen tsini sanikonhroten,
 skentiohkwat akenhake, skanikonhrat
 akenhake kariwiiostonke nonwentsia-
 kwekon. Kwennitentase, tosa takwate-
 wentet, nonwa tsi kahawis, iah skennen
 teken; hetsitenr ne sakwaniseratokenti
 Ariwawakon kowa, ne hiawennenhawe;
 aiawens ahronnheson nonwentsiake,
 ahatsennonni, nok tosa ne ronwaswens aion-
 tatewenniioste tsi ronnhe. lesos Raweria-
 satokenti, wakion nonkwanikonhra, nok tsi
 iakionnhe; wakion oni ne iakiien okonha,
 tsini ionkionkweta; wakion oni tsi ionkwa-
 tenataien; aiawen aonsaskwaskontako, nok
 aonsaskionnhete. Aiawens ne tiakoriwaieri
 aiakoriwatokentonhake, nok aiontiatatoken-
 tiste tsinenwe eniakonnheke; aiawens aon-
 saiontatrewate niakoriwanerahakskon; otsi-
 ratokenti aiotekhake nakaweriasakon ne
 iakaweriasano, aioteriwahton kariwaksens-
 kwe okon, nok aionkwarane iotsennonniat
 okon. Aontehiaron nakonikonhrakon non-
 kwe tsi tiakawehtakwen kariwiiostonke, tsi
 iakorhare karonhiake enionsennonni, nok
 tsi ronwanonwes ne Sakoiatison; etho
 naontawe ahatikwekonhake iatekakonte

akoiatatokentison ne karonhiake. Etho-
naiawen.

SKONWANIKONHRASERONNIATHA IESOS
RAWERIASATOKENTI.

O Iesos takwawenniio! seskwaskonta-
kwen, sarihonte aiesasennaien nonkwe
okon; ne satasetakwen Okaristiakon tsini
skwanonwes, iahtiaiehewe tsini ionkwano-
ronkwa Seriasatokenti; ii ionkwariwanera-
haskon, teionkwatontsote sasitakta, wa-
tionkweriasaweheste tsi tsiakwatatehiara-
kwennis tsi iesanikonhraksatanion, ise tsia-
tanoron kowa.

Ne nonwa ionkwatkennisahaton aonsa-
kwanikonhraseronni, tsi neniakwakweni,
aonsakwaieritse tsinikon iesasantanionni,
sonhaa saiatatokenti, sonhaa saiatanchra-
kwat, onwentsiake tsiseskwe, nok tsi iesa-
iesaton, tsi oni nikon iesasantanionni Oka-
ristiakon, ne aonhaa Okaristia ioriwanehra-
kwat kowa tsinikon nisatieranion ne ioriwa-
nehrakwatanions; ne aonhaa wehne ionnis
tsi shenonwes nonkwe. Aiawen aontanc-
kwensarine nonkwakaserakon, ne aiakwats-
tarhakwake tsinikon ionkwariwaiesaton.

Okaristia, nok tsi iahte ionkwatsennonniat-skon, iahta tekwanonweratons, sonhaa saiatanonwet, sheiatohetstennis akwekon rotinontiiison nonwentsiake, sonhaa seria-siio; tsini sanikonhriio, ethone tsi senha kwakenrenseronnihon, senha ethone tak-watokatennis tsini skwanoronkwa.

Sewenniio, sasanikonhren tsi iawetowanen nonkwe iakoriwaiesaton tsi sheiatienni; tkariwaieri, tsinenwe enionwentsiateke, ta-iontonneke nonkwe, tsi nenieriwaswen ethonaiawenhon. Sewenniio, sasanikonhren tsi iahte iesakonniienstha sanonsatokentike; sasanikonhren tsini ionkweriasahniron; tosa seriwarako tsi okti iwes nonkwanikonhra, iahta teionkwanikonhrasahaton tsi iakwaterrennaiens; kwaiatanikonhrens iahtiiiehewe tsini sanikonhriio, tsini skwanoronkwa.

Karo kasewe, hetsisewawennenhawe ne Rawenniio raiatanoron kowa, tsinitson oni sewaiatäre tsi kentiohkwaien kentiohkwa-tokentison, sewatathonkwariakon Rawennioke; karo kasewe, ise sewariwiioston okon; hetsisewasennaien ne Sonkwawenniio sonkwaiatison; tewatiskwentaren rasi-takta; tetewaiena tsi entewatstaren, akta tsi iehasentakwa; ne tewatstarhakwak tsi hetsitewanikonhraksaton, hetsiteweriasawe-

heston ne Iesos, raonekwensatokenti sesonkwaskontakwaton, raoianerenstakwa sonkwaiatatokentistakwen, niatekon sonkwen-tenranion, iahta tehononhianihekon asonkwatewentetase tsini hoien nok tsini haia-toten.

Onen nonwa, Sewenniio, nonkwakaseri aiaoserawe Seriasakon; takwentenrat ne tsionkwatatrewaton; askwanaktotase Seriasatokentike; wakion nonkweriasa; askwanikonhrehawite netho naionkwanikonliro-tenhake tsini senonwes; taetewaiena tsi ensakwasennaen, ensakwawenniioeste ne Hianiha; raonha tiotkon ahowenhake tsi iakionnhe, nok tsi neniakwenheie. Ethonaiawen.

Watonkwiiio aierihokten ne ken iken ionte-rennaientakwa, nentewatierente ronwaiatanen-taktonne wenniserate, tsini wennites sen; nok tsini kahawis Iesos Raweriasatokenti awentawen-tenhnon tsi nenwatennitokten Raweriasatokenti awennita; oktikawenniio oni ne aierihoktake akaonhaason, aohenton Okaristia, ienskahewe, sewennitatson kahniote, ne tiotierenton ronwaiatanentaktonne wenniserate, nok oni enskat ne tsioserat, ashen nonta tsi kahniote n'Okaristia.

IONTERENNAIENTAKWA SONHA KONWENNI-
TENSTAKWA IESOS RAWERIASATOKENTI.

I. O Iesos Raweriasatokenti!

O Iesos Raweriasatokenti! sonhaa se-
weiente natsennaien ne Rawenniio; askeri-
honnien nakeweientehtane nahisennaien
nakenikonhrakon.

O Iesos Raweriasatokenti! iawet satekha,
tsini shenoronkwa nonkwe; askwatekaten
nakenikonhrakon, naiotekhake tsi ahinon-
wehake ne Rawenniio.

O Iesos Raweriasatokenti! sonhaa sari-
honte nahiakwahto ne Rawenniio; askiato-
kewe nahakwatkahto ne Rawenniio, naha-
kitenre.

O Iesos Raweriasatokenti! iawet sasko-
hon kanikonhraksenserakon, karonhiaken-
serakon oni, onkwariwanerahaksera aori-
wa; tasrite nakweriasa, naonkenikonhra-
nonwakseke tsi wakeriwaneren.

O Iesos Raweriasatokenti! sonhaa sari-
waieriton natatkenhronnitsera; tasrite na-
kenaiesera, nakatatkenhronniheke, naon-
kwennitentonhake.

O Iesos Raweriasatokenti! sanikonhriio
onwe; askon naonkenikonhriiohake, nake-
senni nakserohentha.

O Iesos Raweriasatokenti! iah nonwenton tesaraon ne iotaksen; aonsasiatokewe ne kieronke, akenikonhra oni, tosa othenon aonsonkiatoron ne iotaksen.

O Iesos Raweriasatokenti! saskennhaon Rawenniio raosennaientaksera, ne senheiaton; taskswatheten nakiatakennha ne kariwiioston, nakkweni nahonwasennowanate ne Rawenniio.

O Iesos Raweriasatokenti! Sewenniio karonhiakwekon; asewenniioke nakweriasa, nakewenniioke katkeha ne karonhiake.

2. Gertrude Ioiatatokenti aoterennaientaksera:

Watkonnoronkwanion, ise Iesos Raweriasatokenti, ise iohnawerote tietsientha nonkwe aiakonnheke onwe ne karonhiake; iseke ieioteroron Rawenniio raotsokowatsera okon; iawet satekha, tsi hetsenoronkwa Niio Hianiha; iseke enkatekwashentakwake, iseke enkatorisenseke. Iesos seskwaskontakwen, askwatekaten nakenikonhrakon, naiotekhake tsi nahinonwehake ne Rawenniio, tsiniiot hetsenoronkwa Niio Hianiha; askon ioianerenstakwa okon, ne

tkontiiakens Seriasatokentike, taonreni nakonikonhrakon nonkwe; takiaterahneken nakweriasa nok Seriasatokenti, saonkeni-nikonhrat aonton; ne ok ieken akeriwa-nonweseke nahoten senonwes, akaskanekse-ke nahoten saskaneks, nakatierhake nahoten sarihonweskwaniha. Ethonaiawen.

3. Konwennitenstakwa Iesos Raweriasatokenti, aiakotenre ne iehetkentsihon:

O Iesos! satanitenraskon kowa, shenoronkwa nakotonnhetston akwekon nonkwe; ne askwentenrate, tsi ionikonhranonwakon Seriasatokenti sasetkentsihon, ne oni askwentenrate, tsi Sanistenseratokenti, ne iah othenon teioiatoronhon, ionikonhranonwakon nethone; kwennitentase, shenohare sanekwensatokentike nakotonnhetston nia-koriwanerahakskon okon, nonwentsiakwekon iehetkentsihon, nok ne ken wente iaiheionsere. Ethonaiawen.

Iesos Raweriasatokenti! sanikonhranonwakon sasetkentihon, shetenr ne iaiheionsere!

Kaneka ne tsiakotonnhakanonni enierihokten, akowenk tsioriwatson 100 niwenniserake nie tewateriwaserakwatha sonha. (Pie IX, 2 siskare fe-friie 1850.)

4. Sewenniio Iesos...

Sewenniio, Iesos, tiotkon takwentenra-
nions, ise teskwannhontiese atsokowatsera-
tokenti iotaseton Seriasatokentike; askwen-
tenre aiakwakwenieseke aiakwanoronkwake
Seriasatokenti ne ionkwanoronkwa, aia-
kwasennaïen, nok aonsakwanikonhrasc-
ronni tsinikon iesanikonhraksatanions non-
kwe iahte iakotsennonniatskon.

KENNIKARENSAA KONWASENNAIENTAKWA
IESOS RAWERIASATOKENTI.

Kaien taiontentsa 300 niwenniserake ne tewate-
riwaserakwatha sonha, entiakonikonhrasahate
nenierensoktake, tsiniiot tsi kaiaton kento nehni-
waterennaientakseroten. — Tikate tekanerenston
naieiena tewateriwaserakwatha kowa, naierihok-
take niate wenniserake, sewennitat tsini kari-
wes: kawenniio ki aonsaiontateronkwase, aieia-
tarane, nok/ ahonhion n'Ariwawakon kowa ken-
nikariweshä enionterennaïen. Ne sakotenron
Ar. kowa kenha Pie VII, 20 siskare mars 1815.

Niio, askenikonhrarake askienawase; Se-
wenniio, sastoron askiatakennha. Ahonwa-
sennaïen...

1. O Iesos saiatanonwet! tsi tewakiato-retonhaties tsini seriasiio, tsini shetenrations niakoriwanerahakskon, wakatonnhahere, nok wakerhare enskewennarakwe tsi enkonhiennitentase. Tokenske iawetowanen wakriwaneren; tenhnon wakheianenhawe Tier nok Wari-Watere shonatatrewaton. Katstarhakwa nok skatatrewatakwa tsi konnikonhraksaton, iahtiaiehewe tsini saianere. Akwekon sasanikonhren, Sewenniio; ne askitenrate tsini seriasiio, karo akiheie tosa nonwenton aonsakonnikonhraksate, nok tsinenwe enkonneheke, sonhaa akonnonweseke.

Aierihokten 1 Takwaienha nok 5 Ahonwasennaien, *nakonwasennaien Iesos Raweriasatokenti*, nok *enskat aiairon*: O Iesos Raweriasatokenti, iaweriasiio, askon tiotkon nisinison akonnonwehake!

2. O Iesos! Waksennaien Seriasatokenti, ionitenton kowa; watkonnonweraton tsi takwawi Seriasatokenti akeianenhawe. Tesatoktanihon tsi takennhaon akonnakeren, sekon tenhnon tsini satatkenhronnihon, takerihonniennitha tsi nakiere, takienawasehestha akonnakeren. Onen wakeriwaienterene tsi iahte kattokha, iahte wakatsen-

nonniatskon. To onte niwakatiatahton!
takitenr, sasanikonhren tsi konwennontion.
Onkerihonti kanaiesera, wakaterientason
enkonhianenhawe tsi satatastoton, enkatat-
kenhronniheke; etho naontawe skennen
akennontonnion, nok karonhiake akatsen-
nonni. Askenikonhrahnrirate, nok enksen-
naien iatekakonte Seriasatokenti.

I Takwaienha, 5 Ahonwasennaien, I O
Iesos Raweriasatokenti...

3. O Iesos! Wakenehrakwas tsini ioni-
konkatste Seriasatokenti, tekonnnonweratons
tsi takerihorentenni aonkenikonkatsteke oni
nii, tosa takateriatikhon nenkeronhiaken.
Katehatakwa tsi waktsiioha, iahtakkweni
akatennikonhriioste, nok oni aonkwarane
kennioriwaa ok aionkenikonhraksate. O
Iesos konnoronkwa! Askenikonhrata ake-
nonweseke akeronhiaken, aionkkenrense-
ronni taonsakeriwaserako. Askon iawet
akonnonteratieseke nonwentsiake tsi saia-
sakehte, aiawens takatentsa aetenikwekon-
hake iatekakonte, nok sataetiatsennonni-
hake ne karonhiake.

I Takwaienha, 5 Ahonwasennaien, I O
Iesos Rawer...

4. O Iesos sanikonhriio! Tsi tekkane tsi iahtiaiehewe tsini iotanitenraskon Seriasatokenti, skatatswens tsi eso tekiattihen nakweriasa ne Seriasatokenti. Iotkate skawennat ok, kennioriwaa ok aionkenikonhraksate, arens iah othenon taontakarihoni, takaterientaha, takateriatikhon. O Iesos! sasanikonhren tsini wakenakwenhon; askitenre tiotkon tsinenwe akonnakeren, tsi ok nahoten aonkiatawen, aonkenikonhriiohake tsi nise niiot, etho naontawe tiotkon skennen akennontonnion.

I Takwaienha, 5 Ahonwasennaien, I O Iesos Rawer...

5. O Iesos! takonwarensaronnion Seriasatokenti iahta teionkwanonhianiheki, iosennion ne kenheion nok noneshonhronon, aseken iorihonte takonwarensaronnion. Akwa ionehrakwat tsi katehens tsi tekkane tsini wakenikonhratsiioha, kennioriwaa, skawennat enkakweni taonkwateronhienten. Iah etho taonsaiohton. Konnekennis, askitenre etho naskenikonhrotenste tsini senonwes, askenikonhrahnnirate, askienawase tosa aionksenni notkonseraksen nonwentsiake, etho naontawe sataetiatensenni, nok sataetiatsennonnihake ne karonhiake.

i Takwaienha, 5 Ahonwasennaien, i O
lesos Rawer...

Aetewaniahese Wari; ition tsi tionnhe,
teionkwehtakonhak tsi ionkwanoronkwa
ionkwanistenseratokenti, nok aetewenhasc:

O Wari! Niio tsiatatienha, istaa oni, sa-
kweniatserowanen, ne tsi raiatanoronston
ne Rawenniio ne seriasa, ionehrakwat tsini
iaweriasiio; askwaterennaienhase, ahakon
ne Rawenniio ne tokenske nok tiotkon tsi-
nenwe akenoronkwake, aksennaichenheke oni
Raweriasatokenti n'Hetsienha Iesos. Aia-
wen iawet akatekwasete Raweriasatoken-
tike, etho oni aketa nakwennontonniontsera
okon, akwaskanekstha okon, etho naontawe
aontakeriwaierite nonwentsiake, aonkon-
weskwانيتake tiotkon ahiwennarakwake
Iesos, senha ki tenhnon onwa wenniserate.

v. Ise Iesos Raweriasa, iawet iotekha tsi
takwanoronkwa;

R. Askwentenre aiotekhake nonkweria-
sakon tsinakwanonwehake.

Tewaterennaien: Askwentenre, Sewen-
niio, Sanikonhratokenti ahatekate nonkwe-
riasakon otsiratokenti, ne Sonkwawenniio
Iesos Kristus Raweriasakon thotakwen, ta-
onreni nonwentsiakwekon, nok akwa ros-
kanekon aiotekhake nehnakatsiroten naka-

weriasakon nonkwe. Nè kwennitentase raosennakon n'Hetsienha, sate tsionnhe, sate oni sewawenniio, sewakwekon ne Rotkon Roiatatokenti iatekakonte tsinenwe. Ethonaiawen.

IONTERENNAIENTAKWA SONHA RONWENNITENSTAKWA ROTKON ROIATATOKENTI.

Niio Roniha nok Roienha thonwannhaon nonwentsiake ne Raotinikonhra, Rotkon Roiatatokenti, sate Niio nihatiiatoten, ahaiatakennha ne Kentiohkwatokenti, asakotienniheke oni niakoriwiioston okon; iah eren tehretha ne karonhiake, thenteron oni nonwentsiake, iah sane onkwe tehotonhon, tsini hoieren ne Roienha; sakaonnhe-
tha niakoriwiioston, sakonikonhrahnrats, sakonikonhrowanatha, sakoiakhonnis ne ioianerens-
takwa okon; akwa iah othenon taiekweni niakoriwiioston ne ioianere sonha aieriwaierite, niahtasakoienawasere; oriwakwekon tenhnon eniekweni nasakoienawase.

Hetsitewaniahesenhak kati ne Rotkon Roiatatokenti, hetsitewennitentasehek, hetsitewawennarakwak nothenon ensonkwanikonhrataaseke. Kento kaiatonnion ionterennaientakwa sonha ne ronwennitenstakwa, otiake ikare ne tewateriwaserakwatha sonha. Ne tenhnon senha aiontste-

niaron ahonwennitentase ne Rotkon Roiatatokenti, nienkahewe ne rawentawen. Wasonkwahretsiaron n'Hetsitewaniseratokenti, Ariwawakon kowa Reon XIII, aetewariwaierite natsitewennitentase tiohton nonta tsini kariwes, Iesos karonhiake sonsarete enwatasawen, tsiniore ienkahewe Rotkon Roiatatokenti rawennisera; naietina-keren nethone ne Ratikwekonne, sakonnhaonne Iesos nehni kariwes ahontekwashentakwake kanatatokentike Sirisare, nok ahonterennaienseke, tsiniore iensakotienhase ne Raonikonhratokenti. Tehonerenston n'Ariwawakon kowa kenha Pie IX, (5 senvie 1849, tenhnon 26 november 1876), nenieriwaierite nenhonwennitentaseheke Rotkon Roiatatokenti tiohton nonta, taiontentsa 300 niwenniserake ne tewateriwaserakwatha sonha ne sewenniseratson, tenhnon ne tewateriwaserakwatha kowa neniakoriwaieriton, sesakoronkwenni, iakoiataraon oni. Raonha ne ronwahnaha ariwawakon enthennonton nahariwisa nahoten aierihoktake, ne tiohton nonta nenhonwennitentaseheke ne Rotkon Roiatatokenti.

ROTKON ROIATATOKENTI RAORENNA SONHA.

Karo kase, Satkon Niio.

Karo kase, Satkon Niio,
Aontasheiatkensera,
Asheiatanerenstake,
Sheiatison nonkweriasa.

O ise iesanatonkwa
Ne Sakonikonhrahnrats!
Ise ne Kanoron kowa
Sakotenron Niio nonkwe!

Ise takionnhetha onwe
Satekatha nonkweriane
Ne ronwanonwestha Niio,
Takwanikonhranhetskatha!

Tsiatak nikon sheiakhonnis
Kariwanoronson kowa;
Oriwakwekon tsiatare
Nahatieranion Roniha.

Ise shewennanoronstha
Ronwawennenhawe Niio,
Tsini sakorharatstenni
Ne Roniha naonnise.

Takwaswathetenniheke,
Askion nakwanonwehake,
Nok, tsini ionkwanoronse,
Tiotkon askwasatstenseron.

Heren askwite niotaksen,
Tiotkon skennen takenhake;
Akwaianenhawiseke,
Tosa ionkwariwanerak.

Askwarihonnienniheke
Natsitewaienterhane
Roniha, Roienha, oni
Ise Raotinikonhra.

Tsi nonsahatonnhete aowenk :

Ronwasennaien Roniha,
Roienha ne shotonnheton,
Nok Ronikonhratokenti,
Iatekakonte tsinenwe. Ethonaiawen.

Oia tsini kahawis aowenk :

Ronwasennaien Roniha,
Raonhatsiwa Roienha,
Rotkon Roiatatokenti,
Nonwa nok oni tsinenwe. Ethonaiawen.

Karo kase, Satkon onwe.

Karo kase, Satkon onwe,
Ontaskwaronhiatire,
Ne sheianerenstakwa.

Ionkwentent, takwaienha,
Karo satiesen kowa,
Aontaskwaswatheten.

Ne takwaiatakennhas,
Skwanikonhrahnratsstha,
Skwanikonhriiostakwa.

Teskwatorisenthose,
Teskwanatonnihatie,
Takwakonniensstonhatie.

O tesaswathe kowa!
Takwentenr, awentehak
Onkwanikonhrakwekon.

Iahte ionkwarihonte;
Iahta skwaienawase,
Iahta ionkwaianerek.

Asetsient nonkwatonnhetst,
Tsi iokarewatanion,
Nok aseianerenstak.

Askwanikonhrahetskats,
Askwanikonhrahnirat,
Askwanatonnihatie.

Asheion sheien okon
Akwa iakorharenion
Atorisensera kont.

Takwentenr, Sewenniio,
Askwanikonhraierit,
Karonhiake iaiakwe. Ethonaiawen.

Tehonerenston n'Ariwawakon kowa kenha, Pie VI, (26 me 1796,) tsiniakon entiakonikonhrasahate enierihokten oktikawenniio tsi nakarennotenhake ne tekarennake, ken iken kaiatonnion, taiontentsa tewateriwaserakwatha sonha, iken:

1) Tewateriwaserakwatha kowa akowenk, ne tokat enskat, tokat tohka sewenniserat, sewennitat tsini kariwes eniakorihoktaon kawenniio aonsaiontateronkwase, aieiatarane, nok ahonhion tsi enionterennaian n'Ariwawakon kowa; 2) 300 niwenniserake ne tewateriwaserakwatha sonha, akowenk nenierihokten, tsi ieskahes Rotkon

Roiatatokenti rawennisera, tokat raoiaiaksera;
 3) 100 niwenniserake ne tewateriwaserakwatha
 sonha teniontentsa nenierihokten, tikate tsinaia-
 kahewe tsini ioseres.

Ronwennitentase Rotkon Roiatatokenti.

Karo kase, Satkon Saiatatokenti, sheia-
 tienhas sheien okonha, nok satekat raone-
 riane iesanonwestha nakatsiroten.

v. Tatsennhann, Sewenniio; Sanikonh-
 ratokenti, nok enwaton noriwakwekon;

R. Nok ase ensesheionnien nonwentsia-
 kwekon tsi iakoriwiioston.

Tewaterennaien: Niio Sewenniio, ise het-
 sennhaon ne Rotkon Roiatatokenti, ason-
 kwarihonnienniheke nonkwanikonhrakon;
 askwentenre, aiakwatontatseke tiotkon tsina
 tesonkwaswathetennis, aiawen aiakwat-
 kahtoseke tiotkon tsini sakotsennonniatennis
 ne iakoriwakwarision tsi iakoriwiioston. Ne
 askwentenrate Iesos tsiatatienha, sonkwa-
 ronhiakense nok sonkwenheiase. Etho-
 naiawen.

Satkon Saiatatokenti, Sewenniio tsi ia-
 kionnhe... sk. 56.

Ronwennitentase Rotkon Roiatatokenti ahaiata-
kennha ne Kentiohkwatokenti.

Satkon Saiatatokenti, takwaiatison, kwen-
nitentase, asitenre Kentiohkwatokenti ako-
tiohkwakwekon ne teieiasontha, aseiatata-
kennha, aseiatahnirate oni, tsi konwariwa-
nonwakihaties ne konwaswens, ne asitenra-
te tsi iah othenon tesanoronse, Satkon Niio.
Kwennitentase oni, Sanikonhranonwet ko-
wa, ase ashenikonhrotenstake ne sheien
okonha, sheiatienni tsi iakotkentsiokha,
aontiesenhake, neniakoienawase saiane-
renstakwa, ahonwasennowanate ne Roniha,
nok nenskat ok ne Roienha, Iesos Kristos
Sonkwawenniio. Ethonaiawen.

Tekanerenston, nenierihokten ne ken iken ion-
terennaientakwa, taiontentsa 300 niwenniserake
ne tewateriwaserakwatha sonha, enskat sewenni-
scrat, (26 ao 1889.)



IONTERENNAIENTAKWA SONHA KONWENNITENSTAKWA ASHENSERATOKENTI.

Tsini ioriwake ionkwarihonniennis nonkwari-wiiostontsera, ne aonhaa kariwakweniio tsi sa-iatat ok Niio, nok ashen natehaisere. Aosen-nakon n'Ashenseratokenti, ionkwataweiatennis tsi ok nahoten naioianerenstakwake nonkwatonn-hetston. Ne aoriwa ionkwahretsiarons ne Ken-tiohkwatokenti, tsi ok nahoten taetewatasawen, tsi oni ok nahoten aetewasa nonwentsiake, ori-wakwekon, *Rasennakon Roniha, nok Roienha, nok Rotkon Roiatatokenti*, eli naetewaiere.

Iotkate tetewaiasontha, iotkate tewarihoktha *Ahonwasennaïen Rôniha, Roienha, nok Rotkon Roiatatokenti*; tosa nonwenton ok sewatieren neh naetewaiere, ok eken tionkwanikonhrasahat. Ka-neka ahateweienton tenhaisonten, watons taha-tentsa 50 niwenniserake ne tewateriwaserakwa-tha sonha. (Pie IX, 28 siïet 1863). — Tenion-tentsa tenhnon 100 niwenniserake, ne taieiason-ten iakönnisnonsohon. (Pie IX, 23 mars 1866).

Asteson ne konwawenniiostakwa Ashenserato-kenti neronhiakehronon, tsini ionkihrori ne sa-korihotasienni ne Rawenniiio ne rotokensehakwe Isai, nok San Iesos hnikwekonne; iontonnions neronhiakehronon :

“ Roiatatokenti, Roiatatokenti, Roiata-
“ tokenti, ne Rawenniiio, Sakowenniiio ne
“ Kanenranoronson ! Iaonwentsiananon on-

“ wentsiakwekon saiatanehrakwatsera!
 “ Ronwasennaïen Roniha, ronwasennaïen
 “ Roïenha, ronwasennaïen Rotkon Roïata-
 “ tokenti! ”

Ken kaien tehonerenston Ariwawakon kowa kenha, Klemen XIV, ne tiakonikonhrasahaton enierihokten nene Ratironhiakehronon raotirena. Sakotenron taiontentsa 100 niwenniserake ne tewateriwaserakwatha sonha, ne enskat sewenniserat enierihoktake; 300 niwenniserake, naierihokten Niïohne wenniserate, oni Ashenseratoken-ti siawennisera, tokat siaojaiaksera (6 sen 1769); tewateriwaserakwatha kowa, enskat sewennitat, teniontentsa tokat niate wenniserake tsini wennes iakorihoktaon, kawenniiio aonsaiontateronkwase, aieïatarane, iaïekwatho ononsatokentike, nok aionterennaïen tsini haskanekseroten Ariwawakon kowa. (26 sen 1770).

ASHENSERATOKENTI AORENNA SONHA.

Ise Sashenseratoken-ti, saiatanehrakwat! Ashen nitsion, sesiatat ok Niïo, tiotkon senakere, nok iatekakonte ensenakereke;

Ise Sashenseratoken-ti! tiesariwakwase orhonkehne nok iëkarahane iakoriwiiïoston ne nonwentsiakwekon ne tienakerenion;

Ise Sashenseratoken-ti! tiesatontsotase, iesennitha, iesawenniiïostha, tsini tsiatano-ron, ne iakorharenion ne nashetenranion;

Ise Sashenseratokenti! eronhiakehronon
iesanentons, tiotkon ne iontonnions: Saia-
tatokenti, Saiatatokenti, Saiatatokenti!

Ise Sashenseratokenti! sesiatat ok Niio,
Iesaniha, nok Iesaienha, ise oni Satkon
Saiatatokenti, tekwanonweratons.

O Sashenseratokenti!
Ise teioswathē kowa,
Takwaswathētēnniheke,
Akwa akwanoronkwake!

Askwentenre oni nonwa
Akwawenniiostake onwe,
Tsinenwe eniakionnheke,
Ne takwenniserawihne.

Sewenniio tsi iakionnhe,
Ise ne takwaiatison,
Ise takwanikonhrata,
Akwa tekwanonweratons.

Iesos seskwaskontakwen,
Seriwahtont ne iotaksen,
Shesenni notkonseraksens,
Tosa aionkwakaronni.

Satkon Saiatatokenti,
Satekat nonkweriane
Sanonwetseratokenti
Ise takwarihonnienni.

Ethonaiawen.

Niiohne ionterennaientakwa:

Sashenseratokenti Iesaniha... sk. 55.

**Ashenseratokenti siawennisera ionteren-
naintakwa:**

Netho tsi kahawis, rariwakaratats ne sakori-honniennis ratsihenstatsi, ase aonsaiakonni tsi iakotenekwaheston.

Tekonnonweratons, Sewenniio, tsi takwariwiiostontserawi ne teieiasontha; niawen takitenron takienha iotonhon; niawen rakerihonnienni Iesos Kristos, tsiatatienha onwe, tsi nakiere ne karonhiake akatsen-nonni; niawen takenistenserawi ne Sentioh-kwatokenti, naonkenatonniheke ne karonhiake ieiothahinon. Kanoron, iahte kewennaieriton tsi wakeriwiioston; iawetowanen wakeriwaneren, iawetowanen konnikonhraksaton. Tontakitenr, Sewenniio, tsini skatatswens nonwa tsini wakieren. Iskehre nonwa enkonnonronkwake, nok enkonwen-narakwake tsinenwe enkonniheke. Ne aoriwa nonwa satontetsihon, sakeriwahnirate tsini iawenhon saonkenekwaheste:

Wakiatonti noneshonronon. Onkerihonti oneshonronon aoriwa okon, iontonweskwatha nonwentsiake; sakswen ne kariwanerahaséra okon. Tewakehtakon Niio Roniha, iah othenon tehonoronse, roteweienison karonhia nok onwentsia, sonkwaia-tison. Tewakehtakon Iesos Kristos, raonhatsiwa Niio Roienha, Sonkwawenniio, ronakeraton nonwentsiake, niate karonhiakenserake roronhiakenton, nok sonkwenheiasé tekaiasontne, naonsasonkwaskontako. Tewakehtakon Rotkon Roiatatokenti, Sonkwawenniio, rotiohkwison Kentiohkwatokenti teieiasontha. Tewakehtakon teiontatseronniennis nakoiatatokentison, nok tsi kaien sewaterakewatha ne kariwaneren, entsiontonnhete nonkwe okon, nok iatekakonte entsiakonnheke, tsi ok nienhenhien, tokat karonhiake, tokat oneshon. Akwekon katontats tsini wakerihonniennis ne Sentiohkwatokenti, aseken ise serihotasienni; ok ienkiheie, enkatontatseke, iah nonwenton takatennowente. Wakonwennentase nonwa, enkonwennarakwake tsinenwe. Konnoronkwa, Sewenniio, nok tiotkon enkonnoronk-wake akenikonhrakwekon, akweriasakwekon, akwatonnhetserakwekon, nok akesats-tenserakwekon. Enkhenoronkwake oni ne

sate konkwe, tsi nii nikatatenoronkwa, aseken etho niskwatenientense. Takitenr, Sewenniio, askienawase nakatatewennaieritseke tsi nonwa nakiere, tosa nonwenton aonsakatatewennarisi. Rasennakon Roniha, nok Roienha, nok Rotkon Roiatatoken-ti. Ethonaiawen.

IONTERENNAIENTAKWA SONHA KONWENNITENSTAKWA WARI IOIATATOKENTI.

Iorihonte ne Wari akwekon nonkwe akonwakonnienstake, aseken raonha ne Rawenniio thotierenton raiatanoronston, rakonnienston oni; ial onka, tsiniakon sakoiatison, etho tesakokonnienston; aseken oni akwa ionehrakwat tsini kaia-tanoron; neh wahi, Nii Ronistenha, Konwanontiio n'Eronhiakehronon nok nonkwe okon, ionkwaien okonha, tsiniot tsi tioriwaieriton nonwentsiake akwekon nonkwe iakorihorentennis tsi naieiere naiakoiatatokentenhake, aonha teionkwariwakennhasehaties, ionkwentenronhaties, aonhake entewatekwashentakwake tsinenwe entionnheke nok tsi nentewenheionsere. — Rontons ne rotiiatatokentison: Tsi konwanoronkwa, nok tsi konwennitentase ne Wari, ne iawet iohnawerote ioianerenstakwa okon, ne ietokatha tsi iakoiata-

tokenti, ne iakowis aiakorhareke tsi ieiatare tsini kentiohkwa ne Rawenniio sakoatarakwen asakotsennonniaten ne karonhiake.

Oh kati naieiere nakonwatokatennitake ne Wari tsi konwanoronkwa?

Niate wenniserake, aienonweseke takonwanonweraton, tsini thanonweraton ne Raronhiakehronon, taiakonikonhrasahate nenierihokten *Wari tekonnoronkwaniions*, waonterennaien tsinaachie, tsinakotawe, tsinaewistaheke takonwanoronkwaniion; iokontatie akonwaniahese, akonwanatonkwake, othenon watiakotonharenron aiakonikonhrotako notkon; iah oni taiakonoronseheke naierensoktake.

Niate ioiaiakserake, tsi ienskahewe n'awennisera, nentakta Niiohne, ne oni *Warihne* konwaiats, senha ne wenniserate eniontsteniaron othenon naieriwaierte nakonwasennaien, nakonwennitentase oni.

Niate wennitake, nohnaken tsi iawentatoken-ton, konwennitentase Wari aweriasatokenti, tsi kanonsoton ononsatokentison, ne raononwentsiake ne hiatsteristha ne hniriwawakon Tiohtiake nok Tsikaiatonseronni; ne konwasennaientakwa ne tsi aonhaa Aweriasatokenti Wari tsina teskiationen ne Iesos Raweriasa; ne konwennitenstakwa tsini iaweriasiio, tsini iotanitenron naweriasa naiakoterennaienhase niakoriwanerahakskon. Aia-kohtako kati nethone, ne tokenske konwanoronkwa ne Wari, taieiena niakoriwiioston okon tsi konwennitentase.

Tsini ioseres, ionsakahewe Wari awentawensonha, taiontonnhahere ne konwanoronkwa, kon-

waniahesas ne Wari; etho naiakonikonhroten-
hake nethone, tsini ionikonhroten ne Kentioh-
kwatokenti iawentison; watonkwiiio, etho tsi ka-
hawis, naonsaiontateronkwase, naïeiatarane oni.
Otiake tiohton nonta tsini kariwes konwenniten-
tase, naiakotateweienntaonhake tsi eniakawen-
tatokentase nawentawen sonha ne Wari; kaiane-
renseriio nene; iahte iotennowent, niatekon enia-
kotenre Wari; ne oni iontsennonniatakwa tsi
akowenk tewateriwaserakwatha sonha, nenieri-
waierite tsi konwennitentase tiohton nonta, iken:
300 niwenniserake ne tewateriwaserakwatha
sonha, sewenniseratson; tenhnon tewateriwa-
serakwatha kowa, neniakoriwaieriton ne 9
nonta, tsiontateronkwenni, iakoiataraon, iako-
terennaien oni tsini honikonhroten n'Ariwa-
wakon kowa (Pie IX, 5 senvie 1849).
Kenniwenniseratokenhatons ienskahewe enion-
tsennonniate nene tewateriwaserakwatha sonha:
*Wari Sontiatata, Sonnakerate, Sakonwaiatenha-
wite ononsatokentike, Sahahrوريا, Saiotkensera
n'Arisawet, Saontathaseron (Sontakonwaiatini-
onte ononsatokentike), Aokaseri tsi awentawen,
Satonkwaskwenhawe, Aweriasatokenti tsi awen-
tawen, nok Karensatokenti tsi awentawen.*

Teiotoktani ne Kentiohkwatokenti tsi iawenni-
seron ne Wari sewenniserat ne tsioiaiakserat, ia-
weron oni enskat akenniton ne tsioserat; nok ia-
wennitarakwen ne aonhaa tsini wennitiio, ken-
kwitehne tsinaerontoton, **Wari awennita** aken-
hake. Ne konwanoronkwa ne Wari iakaonwes-
kwani naionterennaienhna niate iokarhatserake,
aiatatarake tsi tekonwariwakwase, konwasenno-
wanatha, nok konwennitentase ne Ionkwaienha,
Kanistenseriiio kowa. — Wasakotenre n'Ariwa-
wakon kowa kenha, Pie VII, (18 sen 1822), tsi-

niakon enieriwaierite ne Wari awennita, tokat ononsatokentike, tokat tsi iakononsote, taiontentsa sewenniseratson 300 niwenniserake ne te-wateriwaserakwatha sonha; tenhnon enskat tsini wennites, akaonha eniakenniserarako, aieiena te-wateriwaserakwatha kowa, kawenniiio aonsaiontateronkwase, aieiatarane, nok ahonhion tsi nenionterennaïen n'Ariwawakon kowa.

Onen tenhnon ne tokenske konwanoronkwa, konwaniahesas oni ne Wari, tiotkon aïenonwe-seke aiakohtien Ohnatokenti, ne iawet Wari aotiatawit, ne watenientenstakon tsi iakoiatanons-tats akoïen okonha.

WARI AORENSA.

Ka nitiawenon tsi ierensoktha?

Aonha ne Wari iakorihonnienni nonkwe naïerensoktake, sahorihotasien nene waterennaïentakseranoron Tominik roiatatokenti, toha tsini kaha-wi 1206; iaweron, akwekon aiakoterennaïentakse-raïentake nakonwennitentase; aseken eso nonkwe iahte iëiatonseraïenteris; ne kati iawet akoiatonsera akenhake ne karensa. Iontstha sane oui ne karensa ne iëiatonseraïenteris; tiotkon ratiren-soktha ratitsihenstatsi okon, nok oni ne ratiriwawakonson, tikate tsini honterennaïens ne kaiatonsera rontstha.

Oh nikarihoten tsi ierensoktha?

Iawetowanen, ne karensa aoriwa, iakotenranion Wari ne teïontonnhakarias nonwentsiake; aseken

sotsi waterennaientakseriios watston tsi ieren-soktha, iawet katsitsiios, katsitsianoronson kon-watsitsiaiennitha ne Wari, ne iawet takonwa-nonwarannhaste, naerensokten. Iken: ierihoktha *Tcwakehtakon*, nene ronaterennaientakserison ne Iesos Ratikwekonne, akwekon iontontats ako-nikonhrakon tsini ionkiri honnienni; ierihoktha *Takwaienha*, nene Iesos roterennaientakserison, akwa tsi rashakaronte tioiakenhon; ashen nierihoktha *Wari tekonnoronkwaniions*, ne raowenna ne raronhiakehronon, sathanonweraton ne Wari. Niiio thonnhaonhatiene; iontons *Ahonwasennaen*, ne Ashenseratokenti konwasennaientakwa non-wentsiake, tsini ieierha ne karonhiake. Onen nonwa ierihoktha *wisk nioriwake, enskat Takwaienha*, kontikwekon *noierison ne Wari tekonnoronkwaniions*, tenhnon *enskat Ahonwasennaen*.

Kenni karihoten ne ierensoktha, naienrheke akiena ne tewateriwaserakwatha sonha aowenk ne karensanoron. Aiakorensaientak ne kanoron tsinaonterennaienni, nok tsiniiore iakorensokta-tie, ne teiakoiatoretonhatie tsini hoiatawenseron Sonkwawenniio Iesos, onwentsiake tsi ireskwe. Ne kati ionkwari honniennis ne karensa, ne senha aetewariwaienterihake, senha oni aetewanoronk-wake ne sesonkwaskontakwatton Iesos. Etho ni-horihonnienni Wari Tominik roiatatokenti.

Ashen nateieiaks tsini hoiatawenhon ne Iesos:

1° **Ne tsi raksaa kenhne;**

2° **Sahonwaiena nahonwario;**

3° **Nonen shotonnheton.**

Ashen kati nikarensake eniakonniate ne Karensatokenti, karensakwekon. Ken nikarihoten taieiatorete, tsiniiore enierihokten *Takwaienha* kontikwekon *noierison Wari tekonnoronkwaniions* nok *Ahonwasennaen*,

Tiotierenton enierensokten. (*Awententaonke nok Okaristiahne.*)

1. Taieiatorete tsi raronhiakehronon wahahrوريا ne Wari, — ahonwaneken ne Rawenniio asakaon aiakonitentonhake;

2. Taieiatorete tsi Wari ionatarenawihne Arisawet, — ahonwaneken ne Rawenniio asakaon aiontatenoronkwake sate iakonkwe;

3. Taieiatorete tsi ronakeraton Iesos Betleemke, — ahonwaneken ne Rawenniio asakonikonhrantasi ne kaientaon non-wentsiake;

4. Taieiatorete tsi Wari wahoiatenha-wite Iesos Ononsatokentike, — ahonwaneken ne Rawenniio nakwa otokenhon ahonwawennarakwake;

5. Taieiatorete tsi shonwaiatatsenrion Iesos Ononsatokentike, — ahonwaneken ne Rawenniio aonsahonwaiatatsenri Iesos ne ronwatewenteton.

Tekenihaton enierensokten. (*Ratironhiakehrononke nok Ronwaiatanentaktonne*).

1. Taieiatorete tsi Iesos tehonekwensakohton atenhennakon, — ahonwaneken ne Rawenniio asakonikonhrata aiakonikonhranonwakseke tsi iakoriwaneren;

2. Taieiatorete tsi Iesos ronwasokwaweson, — ahonwaneken ne Rawenniiio asakaon naienonweseke naieronhiaken taonsaieriwasherako;

3. Taieiatorete tsi Iesos ohikta tehonwanonwarannhaston, — ahonwaneken ne Rawenniiio asakaon tosa aienaiehake;

4. Taieiatorete tsi Iesos rorontaketaton tekaiasonte, — ahonwaneken ne Rawenniiio aiontakatstate othenon ieronhiakens;

5. Taieiatorete tsi Iesos ronwaiatanentakton tekaiasontne, — ahonwaneken ne Rawenniiio tosa aieriwanerake ne ioriwat-sanit, ne iawet ase shonwaiatanentaktha Iesos nakaweriane.

Ashenhaton enierensokten. (*Sosehne, Entakta, nok Niiohne.*)

1. Taieiatorete tsi Iesos shotonnheton, — ahonwaneken ne Rawenniiio ahariwahnirate tsi tiakawehtakwen;

2. Taieiatorete tsi Iesos karonhiake ieshawenonton, — ahonwaneken ne Rawenniiio asakaon aionskanekseke ne karonhiake;

3. Taieiatorete tsi Iesos tesakotennieten-ni ne Ratikwekonne ne Rotkon Roiatato-kenti, — ahonwaneken ne Rawenniiio asa-

kotienhase ne Rotkon Roiatatokenti, asakonikonhrahnrirate oni tsi iakoriwiioston;

4. Taieiatorete tsi takonwaskwenhawe ne Wari, — ahonwaneken ne Rawenniio asakotenre aiakawenheiontiiohake;

5. Taieiatorete tsi Iesoş raiatanoronston Wari karonhiake, — ahonwaneken ne Rawenniio asakaon tosa aionthaharako ne karonhiake ieiothahinon.

Tewateriwaserakwatha sonha aieiēna ne ieren-soktha:

Eso kaien taiontentsa tewateriwaserakwatha sonha, naierensoktake, iakorensaiēn ne kanoron tsi waterennaiēnni, nok tsi iakorensoktatē, teiakoiatoretonhatē tsiniiot tsi ehneken tkaiatonnion. Ken kati kaien nisakotitēnron ronatiake ne rati-riwawakonkowatson:

1) Benoit XIII, 13 afri 1726, sakowi nenieren-sokten taiontentsa 100 niwenniserake ne tewateriwaserakwatha sonha, ne sewaterennaiēntakse-ratson *Takwaiēnha* nok *Wari tekonnoronkwaniōns* enierihokten, kawenniio arahonne skarensat aiakorihokte;

2) Ne sahaiatat, etho oni tsi tkahawi, sakowi taiontentsa tewateriwaserakwatha kowa enskat ne tsioserat, ne niate wenniserake iakorensoktaon tsini ioseres; kawenniio, ne wenniserate eniakotenniserarako naieiēna nene, aonsaiontateronkwase, aieiatarane, nok ahonhion tsi enionteren naiēn n'Ariwawakon kowa;

3) Pie IX, 12 me 1851, sakotenron tsiniakon ten-
ieiena tsi enierensokten tokat akononskon, tokat
ononsatokentike, enskat sewenniserat, taiontentsa
10 nioserake tenhnon 10 nioriwake ne kaieri ni-
wasontashen ne tewateriwaserakwatha sonha. Sa-
kotenron oni tsiniakon enskatne enierensoktake,
arahonne ashen nioriwake ne tsioiaiakserat, taion-
tentsa, enskat sewennitat, tiken ne ohnaken en-
tsiawentatokentane; ne tewateriwaserakwatha ko-
wa, kawennio entsiontateronkwase, enieiatarane,
nok enhonhion nenionterennaien n'Ariwawakon
kowa;

4) Ne nonwa sonkwatsteristha, Hetsitewanise-
ratokenti Reon XIII, roriwison **Karensatokenti**
awennita akenhake ne noktober ienskarane en-
watasawen, enwatatieseke tsiniore 2 senskarake
november; etho aontakaientakwe, 33 niwennise-
rake tsini kariwes, tsi ki natehoseriiaakonihonne
Iesos onwentsiake, aiontsteniaron niakoriwiioston
okon akonwennitentase ne Wari nenierensokten,
enierihokten ne *Wari aoriwa Takwentenr*, en-
honwennitentase oni Sose Roiatatokenti; ne
wennitakon nakonwaterennaienhase ne Kentioh-
kwatokenti, tsini haskanekseroten ne ronwakowa-
nen, Ariwawakon kowa. Nok tsiniore niienthen-
nenton n'Ariwawakon kowa eh naonsaiohton, sa-
kowi tsiniakon enieriwaierite nethone ne karensa
aoriwake, tokat ononsatokentike, tokat oni tsi
iakononsote, niahtaiekwenieseke aionterennaienh-
na, taiontentsa 7 nioserake nok 7 nioriwake ne
kaieri niwasontashen ne tewateriwaserakwatha
sonha, tsini wenniserake enieriwaierite; nok oni
enskat taiontentsa ne tewateriwaserakwatha ko-
wa, neniakoriwaieriton arahonne oieri nioriwake
tsini wennites; tikate oni wasakotenre akwekon
aieiena enskat ne tewateriwaserakwatha kowa,

nienkahewe ne Karensatokenti awentawen, toka
aiaiaaksera, kawenniio aonsaiontateronkwase,
aieiatarane, nok ahonhion tsi enionterennaen
n'Ariwawakon kowa (1 september 1883).

OHNATOKENTI.

Kanitiawenon Ohnatokenti?

Tsini kahawi 16 siet 1251, Cambridge tsi tka-
nataien Korakowahne, Skaniatarati kowa, ontia-
totasi ne Wari, wahotianeronkwen ne Simon-
Stok roiatatokenti ronwaiatskwe, ne ronwako-
wanenne ne Karmel raotitiohkwa; tiotkon rone-
kenniskwe ne Simon ne Wari aiakaon ne rao-
tiohkwa ne wehne akenhake tsi iakonoronkwa,
tsi eniakoiatanonstatseke.

Wahowennarakwe Wari. Wahaken kati akwa
ioiatanehrakwatonhatie, teioteronronte, kahawi
Ohnatokenti, tsiniiot atiatawit akenhake, nok
wahawenhase, wakenron: "Konhienha, siena
"ken iken wakonhiatawitseron, ne enkaieron-
"nitstakwen akitiohkwa akenhake, enkaieron-
"nihake sentiohkwa. Ise sawenk enkenhake.
"nok oni akowenk enkenhake ne sewatateken
"okonha tsinenwe enionwentsiateke. Tsiniakon
"enionnitiake nohnatokenti, nok oni okhe nenia-
"iheie eniakohtien, iah nonwenton taiakotsira-
"rane iahte waswas. Ne watenientenstakon tsi
"tsiakotiatontakwen noneshon, nok oni ne enia-
"koiatanonstatseke ne iontkaronniatha okon, ne
"oni watenientenstakon tsi iatekakonte tenia-
"kwaterahnekenhake tsiniakon eniakohnanien."

Iawentison ne Kentiohkwatokeni Ohnatoken-
ti awentawen, ne 16 siskare siiet, naonsaionta-
tehiarakwen niakoriwiioston tsi ethoni iawenhon,
tsi tokenske niakorharatstenni Wari tsineniakoia-
tanonstatseke neniakohnanien.

Nahoten iontsennonniatakwa ne ionnitiaks
ohnatokeni?

1. Ne iontsennonniatakwa tsi ne Wari iota-
thonkariakon nohnatokeni enkaieronnitstake tsi
aonha eniakoiatanostatseke ne iakohnanien;

2. Nok oni okhe eniaiheie eniakohtien, iah
nonwenton taiakotsirarane noneshon; eniakoia-
tanostatseke Wari, tosa ok taiakonenhrenten ne
kenheion, ethone tsi iehawe ne ioriwatsanit; ne
Wari aokweniatsera eniakotenre tsi Rawenniio
ensakaonnhareke ne teiakokonhentions, naonton-
seke aiaakonaktotake aonsaiontatrewate nok aon-
saionteskontako;

3. Ne oni iontsennonniatakwa ne iakohnanien,
tsi iontstha tsi ionterennaiens, tsi iakawentontie-
tha, tsi tetsieriwaterakwas, tsi iehasens nietsi-
henstatsi okon ne iakohnanien, nok ne ieiatare
tsini kentiohkoten;

4. Ne oni, tsi watiesen eso taiontentsa tewate-
riwaterakwatha sonha, kawenniio saiatat ne rat-
sihenstatsi ne roterihonte asakoterennaienhase tsi
ensakohnaniake, ensakosennare kaiatonserake
aiaatonsera ne ohnatokeni aotiohkwa, nok tiot-
kon entiekehne, asonthenne oni eniakohtien,
tetsiaronkon, esonne nok akontskwenake. No-
nen enwakaionne nohnatokeneti, ok sa ok oia
aonsaiakonni, tokat aiehninon, nok ok sa ok ien-
nitiak, etho neniawenne tsiniot waterennaienni.
Ken kati niwenniseratokenston watons taion-

tentsa tewateriwaserakwatha sonha ne iakohnanien, sakonawi ratiriwawakon kowatson:

1) *Tewateriwaserakwatha kowa*. — Enieiena: 1° Ne wenniserate entewatierente tsi iakohnanien; 2° Nenskarane 16 siiet, tokat oni nentewatierente Niiohne tsinahe tsiakahewe ne 16 siiet; 3° Nonen iaiheionsere. Kawennio aonsaiontateronkwase, aieiatarane, nok ahonwaterennaienhase n'Ariwawakon kowa; nok tsi iaiheionsere, akonwanaton Iesos raosennatokenti, akonikonhrakon arahonne, tokat iah taonton aontaiewenninekenne.

2) *Tewateriwaserakwatha sonha*. — 1° Teniontentsa 5 nioserake nok 5 nioriwake ne kaieri niwasontashen ne tewateriwaserakwatha sonha, sewennitatson nenieiena noriwatokentikowa sonha sewatateronkwenni nok Okaristia, nok nenhonhion tsi enionterennaien n'Ariwawakon kowa. 2° Akowenk enkenhake ne 3 nioserake nok 3 nioriwake ne kaieri niwasontashen ne tewateriwaserakwatha sonha, ne sakat aieriwaierite tsini wentake ienskahewe Wari awentawen sonha. 3° Teniontentsa 100 niwenniserake ne tewateriwaserakwatha sonha, tsini ioriwake nenieriwaierite tokat aiontatiteronna ne iontatiatahane, tokat eniontatitenre othenon ne iakotent okonha, tokat eniakoioten ne skennen taiontatenikonhraien ne teiontatswenskwe, tokat eniontaterihonnien ne iahterieriwaienteri ne kariwiioston aoriwake, nok oni tsi ok nahoten aieriwaierite ne iontatitenrathasate iakonkwe.

IONTERENNAIENTAKWA
TSINI IAWERIASATOKENTI NE WARI
SEWENNITATSON.

Karo kase, . . . sk. 208.

Wakonwawenniioste naweriasatokenti Wari.

Aweriasatokenti ne Wari, iahte kana-kwaienteri, iah oni othenon teioiatoronhon, iah nonwenton noia tehaweriasison ne Rawennii ne senha iaweriasiio, senha weriasanoron, senha iaweriasanehrakwat; ioh-nawerote ne ioianerenstakwa okon, atanitenrasera okon; watenientenstakon ne kariwiiose okonha; ise sonhaa tetsitsiatieren Iesos Raweriasatokenti kowa; tsinitsenorokwa ne Rawennii, sheiatohetstenni neronhiakehronon okon, nok nakoiatatokenti okonha; ise sonhaa seweiente tsitsennaiens n'Ashenseratokenti karonhiake; ise aweriasa ne ionkwatewetonni sesonkwaskontakwen; ise tesawehestanion ne kanikonhraksensera okon, ii onkwariwa; ise she-noronkwa kowa nonkwe, n'hiawirawi Iesos kaiasakta. Tsini iakwakwenies, nonwa kwasennaiens; tsiati natanitenrasera, takwentenr, ken nontasatierate tsi ionkwatiskwentare; tekwanonweratons tsini skwa-

noronkwa, nok oni tsini skwentenranions ne teiakwatonnhakarias nonwentsiake; iakwehre, taiakwaiena nakoiatatokenti okonha, nakwasennaien iatekakonte.

Iaweriasanonwet kowa, ise enskwarihon-nien nonkwanikonhrakon naiakwanoron-kwake Iesos Raweriasatokenti, ne aonhat-siwa tetsiatatenonweske; ise enskwaha-hawiseke nasakwarane ne sesonkwaskon-takwen, aiakwaienterhane tsini haweiente naiontsennonni. Enwakenikonhraksen non-wentsiake, enkeronhiaken, enwakitentane, etho enkatekwashen tsi tsiteron. Ise ens-kerihonnien nakswenseke ne kanakwaie-satsera, akenonweseke natatkenhronnitsera, aiakonikonhriiohake oni. Ise enskon nake-noronkwake onwe Raweriasatokenti Iesos Hetsienha. Ethonaiawen.

Wari Iakotenratha. (1)

O Wari saiatatokenti! sanikonhriio ko-wa, iahte senakwaienteri, sehiaarak nisa tsi iah nonwenton teiakohronken nasheiatewen-

(1) Tekanerenston 300 niwenniserake ne tewa-teriwaserakwatha sonha, tsini ioriwake enierihok-ten, entsiontatrewate nok entsiakonikonhrasahate; tenhnon tewateriwaserakwatha kowa, enskat se-

teton kaneka iakonitenton iakonwennonke
 satanitenrasera, naiesaniahese nasheiata-
 kennha. Ii kati nonwa wakeriwanerahaks-
 kon kowa, akwa tewakënnikonhrakontak-
 wenhatie tsi konhiatisakonhatie; ise takien-
 ha, ne iesennakeraton niahte ienakwaiente-
 ri, sasiakta wakatiskwentaren; teskkane-
 re wakonshenane tsi tsiteron, tsini wakh-
 wishenne nakeriwanerahaksera; okenrake
 katerakenries, tsini skatatswens. O ise
 Hetsienha ne Niio! tosa sakenhraten tsini
 konhiennitentase, asatahonsiioste tenhnon,
 tsini satanitenron, nok askwatontatse. Etho-
 naiawen.

Wari tekonnoronkwanions... sk. 9.

v. Wari, iontekwashentakwa tsi tsiteron
 niakoriwanerahakskon;

r. Takwaterennaienhas.

Wari aweriasatokenti konwennitenstakwa.

Wari aweriasatokenti, sonhaa tetsitsia-
 tieren Iesos Raweriasatokenti, askitenre

wennitat teniontentsa, ne niate wenniserake tsini
 wennites, arahonne enskat sewenniserat, eniako-
 rihoktaon, kawenniio aonsaiontateronkwase, aie-
 iatarane nok ahonhion tsi enionterennaien n'Ari-
 wawakon kowa, (Pie IX, 11 tesember 1846).

etho naiawen nakweriasa, aonsaiakoieren ne seneriasatokenti ne tsiatatienha, tosa aonsonkeriwaientane ne kariwaksen.

Wari aweriasatokenti, tiotkon iotekhakwe tsi hetsenoronkwakwe Iesos; etho natsier nakweriasa, etho nahonoronkwake ne Sonkwawenniio.

Wari aweriasatokenti, iah nonwenton tesataweiatenni ne kariwaksen; askitenre tosa oni aiorane ne iotaksen nakweriasa.

Wari aweriasatokenti, iaweriasanonwet kowa; askon naonkenikonhriiohake, tosa aonkwerientaksenhake.

Wari aweriasatokenti, sonhaa hianoronkwakwe ne Rawenniio; askitenre tosa ahakswenseke tsini wakeriwanerahakskon.

Wari aweriasatokenti, tesaweheston ne kanikonhraksensera; ne oni nii taonkweriasaweheste tsini hiiatiesaton ne Rawenniio.

Wari aweriasatokenti, senanon natanitenrasera; askwetaase nakweriane ne Rawenniio raotanitenrasera.

Wari aweriasatokenti, teiaonkohton Rawenniio ronwanonwestha; askitenre nake ninoronkwake onwe ne tsiatatienha.

Wari aweriasatokenti, shenaktiiostennis ne iesanoronkwa, tosa aiakosenni notkon; satontat etho oni nii iaonkenaktaientake,

tosa aonsonkwataskatsten ne iontonweskwatha nonwentsiake.

Tewaterennaien nonwa tsini haicrhakwe Saksarie, taonreni nonwentsiake ne kariwiioston: (1)

Sewenniio, tiotkon tsi senakere, akwekon sateweiennison; sheiehiarak naheren tienakerenion, arekho teiesaienteri, ise sheiatison; akwekon ise tibatatenientenston tsatsa nakotonnhetston. Tetsiatoret kati, Sewenniio, tsini kentiohkowanen oneshon ieiata-niserens niate wenniserake, ne iotehatakwa ne sasennatokenti. Asehiarake oni iawenheiontatsanit rawenheiaton Iesos Hetsienha, rononha se oni sate sonkwenheiasse. Konhiennitentase, Sewenniio, tosa aonsahonwatentoriate n'Hetsienha; asatahonsioste tenhnon tsini iesennitentase niakoriwiioston okon, nok oni ne Kentiohkwatokenti, Hetsienha rone, akaiewentane sanakwensera; asehiarane tsini satanitenras-kon, tosa aonsaseriwarakwase tsini iahte ie-

(1) Kaien taiontentsa 300 niwenniserake ne tewateriwaserakwatha sonha, enskat sewenniserat, nenierihokten, taiakonikonhrasahate, ne ken iken ionterennaientakwa (Pie IX, 24 me 1847).

saienteri, iahta tiakawehtakwen; asheni-konhrata nahonwaienterene oni nennee Ie-sos Kristos Sonkwawenniio, tetsennhaon nonwentsiake, ne sonkwatsennonniatenni-ra, sonkionnhetonhaties, nok enseson-kionnhete; raonha oni tesesonkwawistota-risienni tsi teionkwawistotarhonne none-shonronon; raonhatsiwa kati ahonwasen-naienheke iatekakonte tsinenwe. Etho-naiawen.

Takwaienha... Wari tekonnoronkwa-nions... sk. 9.

Saksarie saiatatokenti, takwaterennaien-has.

Wari nonwa wakonzawennitentase:

Wari saiatatokenti, Niio Hetsienha, ken wakatiskwentare sasiakta, wakeriwanera-hakskon kowa; konhiatisaks, konniahesen kowa; tokenske iahte wakerihonte naon-taskwatkahto. Nok wakaterientare, tsina-he tesakawenheias n'Hetsienha nonkwe. saskaneks nasheiatakennha. Satanitenras-kon kowa, teskanerak tsini wakitent; aski-tenre kati. Akwekon iesanatonkwa: *Ion-tekwashentakwa niakoriwanerahakskon, ia-korharekon ne iakotent; aseen sonhaa iahte sheiatewentetha ne iakoiesakon nonwen-*

tsiake; askitenre kati, askienawase naonsakateskontako; ne askitenrate, tsinitzenoronkwa Iesos Hetsienha; takenentsawakonnhak, taontaktane kariwiiostonke. Wakatatkaronnihon tsi wakeriwaneren; nok ise wakonniahese, iah othenon tesianoronse; askerihonnien nakenikonhrakon tsi nakiere naonsakhaharane Rawenniioke. Raonha iehakwatoris tsi tsiteron, aseken hiawi nashetenre, nasheienawase naonsaiontatswenseke tsi iakoriwaneren; askwatsteristase kati, ne konniahesen kowa, askwaterennaienhase, iaskwatatiase tsi thenteron ne sesakoskontakwen nonkwe, ise Hetsienha. Takenatonhas tsi iah taonton noktaiakos-tontste ne waesaniahese. Iatekakonte kati onen enwakerhareke naskitenre, nakkweni aonsakatatreweite onwe, aonkeriwiioston tsinenwe enkonnhеke, nok akonhienterhane karonhiake. Ethonaiawen.

Etho ionkwatekwashen... sk. 21.

Ioianere ne ieiatare tsi kentiohkwaaien Wari Aweriasatokenti niate wenniserake aierihoktake enskat *Wari tekonnoronkwanions*, nok aiairon: *O Wari iah othenon tesaiatoronhon sasatiatata, takwaterennaienhas kwaniahesen!* (Wasakotenre

n'Ariwawakon kowa Reon XIII, 15 mars 1884, nene kenniwaa ionterennaientakwa aierihokten, teiakonikonhrasahaton, taiontentsa enskat sewenniserat, 100 niwenniserake ne tewateriwaserakwatha sonha).

Ioianere oni ne ieiatare, akonwawenniioste ne Wari aweriasatokenti, tsinenieieranion ne kariwiose okon, nasakotenrate ne Rawenniiio aonsaiontatrewate niakoriwanerahakskon. Aiontsteniaron oni aieiatarake, nenionterennaientake nakonwennitentase Wari aweriasatokenti, sewennitatson. Aonton naieiena 500 niwenniserake ne tewateriwaserakwatha sonha, nenieiatarake nienkahewe enkonwennitentase sewennitatson (Krekwer XVI, 21 november 1845).

WARI AWENNITA.

(*Kahnawakeha.*)

Enierensokten, — Tenieriwakwe *Wari aoriwa Takwentenr*, — Othenon enhawennahnoton ne sakorihonniennis ratsihenstatsi, ne watroriatha Wari aoriwake, — Tenieriwakwe Wari aorenna sonha, — Onen tenhnon enhariwakaratate ne ken kaiatonnion ionterennaientakwa sonha.

O Wari saiatanehrakwat! ise sonhaa iah othenon tesaiataksaton sasatiatata, nok oni sasennakerate, nok oni tsĩ sonnhekwe non-

wentsiake; ise sonhaa tesatentson nahiaia-tarako ne Rawenniio, ne tsiatak onkwe ahaton sesakoskontakohe nonkwe, aseken sonhaa sariwaieriton nonwentsiake ne kari-wiioston, iah nonwenton tetsisatewat on. Iahte sanakwaienterhaon; sariwanonwehon naesentent onhake, iahte saskanekon natso-kowatsera; iah nonwenton teshewennaiesaton ne iesehiar on; hetsewennarakon ne tetsiseniranekenne ne Rawenniio, Sose roiatatokenti, tehiasniehon nonwentsiake; iahte satatkonni onston tsini tsiatanoronkwe, ok eken satatkenhronnihon; tsini sanikonhri-iohne, iah nonwenton tesanakwenhon, iah nonwenton tatesateriatikonhon; tiotkon hetsewenniioston n'hiataton; sheiatohets-tenni ratironhiakehron on ok on, tsini iawetowanen satieniton ioianerenstakwa, iontsennonniatha, ne aoriwa iesanatonkwa nonwentsiakwekon *Niio hiatatienha*. Satontat kati ne ken ionkwatiskwentare sasiakta; ionkwakwisronhon naonsaiakwatatrewate, naionkwaiatatont onhake. Satontat nakwaiatorenne; ise akwawenniioste tsini ionkwentent, ase aonsaiakwatatonni kariwiiostonke, akwa akwanoronkwake, aiakinnhaseke on nonkionkweta aiesanoronkwake. Akwa ethoni

ionkwanikonhroten nonwa nakwasennowate nonwentsiake, nakwanakeren oni tsi neniakwakweni. Onen ionkwanikonhraitas tsini satanitenraskon; iawetowanen ise sakwenion tsiakohaharaon niakoriwanerahakskon. Kwaniahesen kati, Rawenniio Hetsienha, naskwanikonhrahnrirate nonwa tsini ionkwanikonhroten; ne iaontkontakwe aionkwariwiioston, aontaskwanentsa tsi teiakwatonnhakarias, tosa aiakwaiatennenoneshon. Wakion nonkwanikonhra, onkwasenna oni; wakion oni ne iakiien okonha, tsini ionkionkweta; wakion oni tsi ionkwatenataien; aiawens niakwatatien sonha aionkwateweientontie nonwentsiake, nok karonhiake aiakwatsennonni, tsi neniakwatonnhokten. Ethonaiawen.

Takwaienha... Wari tekonnoronkwaniions... Wari, iontekwashentakwa niakoriwanerahakskon, — Takwaterennaienhas.

v. Shetenr, Sewenniio, shetenr ne sheien okonha;

R. Tosa iatekakonte askwanakwase.

Ase tsionniatha tsini iakorharatston saontekwaheste:

Sewenniio, wakiatonti noneshonronon, onkerihonti noneshonronon aoriwa okon.

Tokenske, Sewenniio, iah nonwa taionkewennakarata; akwa nonwa ii wakiatonti roneshonronon, onkerihonti naoriwa okon. Onkerihonti kanaiesera, kanakwaiesatsera; onkerihonti iakononwarahtontha, iakononwaroriatha; onkerihonti kanakwensera, atatswenhon. Sonhaa, Sewenniio, wakonwenniioste tsi konnhe, nok tsi enkiheie. Ethonaiawen.

Aierihokten: Wari iakotenratha, sk. 228;
onen tenhnon: Etho ionkwatekwashen...
 sk. 21.

Niate iokarhatserake tsini wennites, raonha Iesos tensakoiasantase ne konwennitentase ne Roristenha, aseken tiotkon eniontkaristiotasi arakonne ne kenniwaa; ne tenhnon kowanen, entakta wenniserate nok Niiohne.

Konwawis nakaweriasa ne Wari.

Tsi nenwatennitokten n'awennita, enhariwaka-
 iatate:

Ise saiatatokenti kowa, Wari iahte senakwaienteri, Niio Hetsienha, nok oni iakionkwe takwaien okonha; iesennakeraton karonhiakwekon, onwentsiakwekon oni;

ialh noia tesakoiatison ne ialı othenon tehonoronse, ne senha ieiatanorons tsi nise ni-iot; Ashenseratokenti iseke iawet iaonweskwaniha; asatontatseke, nonwa tsi watennitoktane sennitatokenti, aionkwatiskwentaren sasitakta, takwanonweraton, akwasennaen oni.

Ionwesenhne tsinahe kwennitentase. Nia-wen sariwakwenion niatekon sonkwentenron ne Rawennio. Iakwaskaneks tiotkon aiesasennaenheke nonwentsiake, tsiniiot ratironhiakehronon, nok nakoiatatokentison iesasennaens, nok eniesasennaenheke iatekakonte ne karonhiake.

Wakwennontonnionwe nonwa tsiniiot taionkikanerake eronhiakehronon, nok nakoiatatokentison, tsiniiot aiakwenterontake, akta tsi tesiteron karonhiake. Wakwaiatarako askwawennioke, askwaiatanonstatseke, nok takwaien okonha akenhake tsinenwe. Wakwaiataienthose nonkwatonnhets-ton, kenikwekon tsi iakionnhe. Akwa iosats-te ionkwatierontason nakwawenniiostake; iahtiaonkwatsehiaron tsi kwasennaens; tokat aionkwatonteke nonkwe sonha aiesakenrenseronniheke, tiotkon eniakiiahriste, enkwaiatakennha. Iahta onsaionkwanikonhren niate wenniserake akwennitentasehe-

ke, ise tiotkon takwennontonnionse, iahte satorisens asataskenna askwatsennonnianten.

Wakwaniahese, ise iah othenon tesanoronse, tsi hetsennitentase ne Sonkwaiatison, hia-takwenniaien ni raotanitenrasera nok raoianerenstakwa okon; teskanere tsini ionkwentent onwentsiake iakwes, iotteron aiakwatkaronni, ioiote notkonseraksen aionkwani-konhrotako.

Tosa takwatewentet, heren shawit iontkaronniatha okon, sheiatekwasek nonatkonseraksens ne ionkiswens; askwaiatakenna tsinenwe eniakionnheke; askwaiatewe tsinonni skennen tiakwararho ne karonhiake. Etho ki ionkwarharenion teniakwaiena eronhiakehronon nok nakoiatatokentison, tsi enkwasennaen, enkwanoronkwake iatekakonte. Ethonaiawen.

ROSENNAIENS. (1)

Rosennaiens ne Rawenniio nakenikonhra. Iahtiaiehewe tsini wakatsennonni, ne tsini hakitenron ne sesonkwaskontakohe.

(1) Wasakotenre ne Reon XIII 100 niwenniserake ne tewateriwaserakwatha sonha, enskat sewenniserat, taiontentsa ne tiakonikonhrasahaton

Rakiatarakwen iah othenon tewakeri-hontakwe; ne waonni onkwe eniontonseke tsinenwe eniontonheke: Iotsennonni.

Sotsi se ken ioriwanehrakwatons tsini hakierase, iah othenon tahonoron, nok ra-onhaa tsini hosennatokenti.

Tiotkon tsinahe iakononteratieskwe raotanitenrasera, ne ronwatsaniskwe, akwekon nontatien okonha.

Tokenske iah othenon tahonoron, ok e-ken tahrere, nok sakohrewaton ienikonhra-iehne.

Sakotskwarakwaskwe teiontaterensa-ronskwe, nok sakosennowanatakwe iontat-kenbronnis.

Iakotentonne sakotsokowastakwe, nok ia-kotsokowann kenhne ne saiakotentane.

Onen tenhnon nonwa sahrehiarane raotanitenrasera, ne tsi wahawatsiranoronste Is-raer ne roseronniennis.

Tsini sakoierasehne ietini okon kenh, Abraham nok sakoien okon tsinenwe.

enierihoktake nene Wari iorennison, *Rosennaiens*, (20 september 1879).

Tikafe, nentakta niwenniserake aierihoktake, akowenk 7 nioserake nok 7 nioriwake ne kaieri niwasontashen ne tewateriwaserakwatha sonha, (22 fefriie 1888).

TEKWANORONKWANIONS.

Tekwanoronkwaniions
Ne kwennakeraton,
Iesos ne Hetsienha
Niio onkwe oni.

Tokenske tsiatakou
Ne onkwe rotonhon,
Tsi hiariwawire
Raronhiakehronon.

Onka aiekweni
Aionteweienton,
Aiesasennaien,
Saiatatokenti?

Tsini tsiatanoron,
Sheiatohetstenni
Eronhiakehronon,
Nok akwekon nonkwe.

Sonkwatsennonniaton
Ionkwariwiioston,
Hiaiatanoronston
Ne Sonkwawenniio.

Asakwisron, Wari,
Askwaiatakennha,
Tosa ionkwasenni
Ne noneshonronon.

Askwanikonhrata
Tsi naiakwaiere
Asakwanakeren
Iesos ne Hetsienha.

Ahonwasennaien
Roniha, Roienha,
Niio oni Rotkon
Roiatatokenti.
Ethonaiawen



IONTERENNAIENTAKWA SONHA RONWENNITENSTAKWA SOSE ROIATATOKENTI.

Iesos nok Wari ronwakonnienston Sose roiatatokenti, ronwanonwehon, ronwawennarakon oni, ne tesakosniehon nonwentsiake, hninent-sake rotonnhoktaon. To onte ni haiatanoron, toni hokweniatserowanen nonwa ne karonhiake!

Atsitewakonnienstake kati oni nii, atsitewanorankwake, atsitewaniahesenhake ne ronwaiatarakwen nahonwennakeratse ne Iesos raotiohkwatokenti. Atsitewaneken asonkwaienawaseheke tsi ionkwariwiioston, asonkwanikonhrataaseke tsini hatatkenhronnihakwe, tsini hariwatsaniskwe ne kariwaneren, tsini howenniiostakwe ne Rawenniio, nok asonkwaterennaienhase naetewenheiontiio.

Ne iakoriwiiostontseriio ienonwes *niate wenniserake* ahonwennitentase Sose roiatatokenti; iakaonweskwani tsi ieskahes ne rawennisera, *Sossehne wenniserate*, ahonwanenton; iontsteniarons oni aieriwaierite *ne rawennita*, ronwennitarakwenni Mars awennita, ethononni hotonnhoktaon. — Sakotenron n'Ariwawakon kowa kenha, Pie IX, 12 sen 1855, tsiniakon enieriwaierite ne Sose roiatatokenti rawennita, tsi ok nahoten aionterennaientakwe, kawenniio ki ennitakwekon niate wenniserake ahonwaniahese Sose, taiontentsa sewenniseratson 300 niwenniserake ne tewateriwaserakwatha sonha, nok aieiena ne tewateriwase-

rakwatha kowa, neniakotenniserarako tsini wenneskat aonsaiontateronkwase, aieiatarane nok aionterennaien kennikariwasha tsini honikonhroten n'Ariwawakon kowa, naienrheke tatentsa nene tewateriwaserakwatha kowa.

IONTERENNAIENTAKWA SONHA RONWENNITENTASE SOSE ROIATATOKENTI.

1. Ne roterennaientakserison n'Ariwawakon kowa Reon XIII:

Etho ionkwatekwashen tsi tesiteron, satskat Sose saiatatokenti, ionikonhraksat tsi nonwa nionkwaiatawens. Onwarh iakwennitentasehakwe ne Ioiatatokenti kowa oseronni teseniterontakwe, aontaionkwannhe; ise oni nonwa, kwennakeraton, kwennitentasehatie. Ne askwentenrate, tsi tetsiatatenonweskwie iah othenon teioiatoronhon, iahte ionakwaienterhaon, ionkwatewetonni Nio Roienha; ne oni askwentenrate, tsi hetsenoronkwakwe Iesos, sekon tsi raksaa, tetsenoronkwaniionskwie; kwennitentase, sathanitenraserakon asheiatkahto ne Iesos Kristos raonekwensatokenti rakariahton nakotonnhetston; aesatste sakweniatsera, askion tsi nahoten nonwa teionkwatonwentsioni. Ise sattokhakwe tsi

shenonnhakwe Owatsiratokenti, sheia-
 tanonstatsek ne Iesos sakoien okonha
 sakoatarakwen. Seniseriio takwanoron-
 kwa, takwaiatanonstatsek, tosa aiakwatha-
 harako kariwiiostonke, tosa oni aionkwa-
 senni ne kariwaneren. Takwentenr, karon-
 hiake tesiteron, iahte sanoronse aontas-
 kwannhe, takwaiatakenha nonwa tsi iawet
 iakwateriohatons ne ieiatakwenniiio tsinon
 tetiokaras; tsiniiot wahnnonise hetsiatanons-
 taton ne Raksaa Iesos, tosa ahonwario;
 aontasennhe nonwa Raotiohkwatokenti,
 nene ionkwaswens noneshonronon ioriwa-
 iote akentiohkwarisi, nok ahakenrenseron-
 ni. Iatekakonte aionkwarane tsi seiatakenn-
 has, etho naontawe tsi enkwanakeren nok
 enteskwannhe, aiakwakweni aionkionnha-
 tokentonthake, aionkwenheiontiiohake, nok
 aiakwatsennonni ne karonhiake. Ethonaia-
 wen.

T'ehonerenston n'Ariwawakon kowa, naierihok-
 ten tsini wennites *karensatokenti awennita*, taion-
 tentsa 7 nioserake nok 7 nioriwake ne kaieri ni-
 wasontashen ne tewateriwaserakwatha sonha; nok
 tikate, 300 niwenniserake ne tewateriwaserakwa-
 tha sonha, ka ki ok non tsini kahawis ierihoktha.
 (21 september 1889).

2. Ionterennaientakwa nahonwakonnienstake, ahonwaniahesenhake oni Sose roiatatokenti:

Sewenniio, sattokha kowa nok sataniten-raskon, hetsiatanoronston ne thoriwaieri Sose, hetsiatarakwen oseronni tahiätien ne Wari, hetsekweniatserawi ahonnhane ne Hiaienha, tsiniiot ne roniha akenhake; askwentenre aiakinakeren Iesos nok Wari, tsini honwakonnienston, ronwanonwehon, nok ronwawennarakon nene roiatatokenti kowa; ii oni asakwakonnienstake, tsiniiot ne sakwaniha akenhake; etho naontawe asonkwaterrennaienhase, nok askion akwanoronkwake, akwawennarakwake nonwentsiake, nok taiakwatentsa karonhiake iaiakwe, neniakwatonnhokten. Iakwawenakwekon Iesos ne Sonkwawenniio tsi kwennitentase. Ethonaiawen.

3. Sose, tekonnoronkwanions...

Sose, tekonnoronkwanions, ise T'afit hiaienha, Wari oseronni teseniterontakwe, iahte kanakwaienteri, ne ionkwatewetonni Iesos. — Sose saiatatokenti, ise hetseharon ne Iesos, takwaterennaienhas nionkwa-

riwanerahakskon, nonwa nok oni tsi nentiakwenheionsere. Ethonaiawen.

4. Sasehiarann, Sose...

Kaien taiontentsa, enskat sewenniserat, 300 niwenniserake ne tewateriwaserakwatha sonha, nentiakonikonhrasahate enierihokten. (Pie IX, 26 sen 1863).

Sasehiarann, Sose iahte senakwaienteri, Wari oseronni teseniterontakwe, ise takwaiatakennhas, sasehiarann tsi iah nonwenton teiakohronken asheiatontion, asheiatewetteton kaneka iesaniahesaon nok iesennitentase. Ii kati nonwa akwa tewakennikonhrakontakwenhatie tsi konhiatisakonhatie, konniahesaonhatie. Tosa sakenhraten tsi konhiennitentase, ise Iesos sesonkwaskontakwen hetsienha ronwanatonkon; ne tenhnon askitenre askwatontatse. Ethonaiawen.

5. Ronwennitentase Sose asakoterennaienhase tosa aiakosenni ne kanakwaiesatsera;

Akowenk 100 niwenniserake ne tewateriwaserakwatha sonha, enskat sewenniserat, nenierihokten teniakonikonhrasahate. (Pie IX, 4 fefriie 1877).

Sose saiatatokenti, iesaniha iahte ienakwaienteri, ise oni sheiatakenhas; sariwaieriton tsi hiarihonten ne Rawenniio ashenonha Iesos, iahtiaiehewe tsini hoiatatokenti, nok Wari, konwennakeraton niahte ienakwaienteri; akwa kwanekennis, kwennitentase, ne askwentenrate tsi she-noronkwakwe Iesos nok Wari, hiaiatakwenniaienni ne Rawenniio, takwaiatanonstatsek, tosa aionkwataweiaten ne kariwaneren, tosa othenon aioiatoron nonkwanikonhra, nok oni tsi iakionnhe; etho naontawe tiotkon aiakinikonhraieritseke Iesos nok Wari, tsi neniakwaiatatokentenhake. Ethonaiawen.

6. Sosehne wenniserate aowenk ionteren-naientakwa:

Sose saiatatokenti, ise hiatakwenniaien-nihne... sk. 58.

7. Ronwennitentase Sose, tsiatak nikanikonhraksenserake ronikonhranonwakton, nok tsiatak niwatonnhatserake rotsennonnihon:

Eso akowenk tewateriwaserakwatha sonha nenerihokten nentsiontonnhakanonni, iken: 1) 100

niwenniserake, enskat sewenniserat, ka ok non tsini kahawis enierihokten; 2) 300 niwenniserake, naierihokten Sosehne wenniserate, nok tsini kahawis nihonwennitentase Sose tiohton nonta; 3) tewateriwaserakwatha kowa, nenierihokten tsinon Sose nihawentawen (19 siskare mars), nok tsinonni hawentawen ronwennitentase, (ashenhaton Niiohne tsinahe thotonnheton), kawenniio, netho tsi kahawis, aonsaiontateronkwase, aieiatarane oni; 4) tewateriwaserakwatha kowa enskat sewennitat, ne niate wenniserake tsini wennites eniakorihoktaon, tsiontateronkwenni, iakoiataraon oni. — Etho nasakotenre Pie VII, 9 tesember 1819.

I. Sose saiatatokenti, saiatanehrakwat, Wari teseniterontakwe, iahte sanakwaienterhaon, kowanen tisanikonhranonwakon, tsi iah skennen tesennontonnionskwe, ne tsi iahte saterientare tsini ioriwanehrakwat nioiatawenhonhatie ne Wari, iah othenon teioiatoronhon, sehrakwe, heren enskete. Nok tenhnon ok sa ok tsiononteratie, watsennonniatserowanen satsennonnihon, sahianikonhrahnrirate ne raronhiakehronon, wahiarihotasien tsi onkwe enhatatonni ne Niiio Roienha.

Kwennitentase, ne askwentenrate tsi ethone sanikonhranonwakon, nok satsennonnihon, askwanikonhrahnrirate nonwa nok tsientiakwenheionsere; askwaterennaienhase, asonkwentenre ne Rawenniio aionkionnha-

tokentonhake, nok sataionkwenheiontiiohake, tsini senheiaton, hninentsake Iesos nok Wari.

Takwaienha... Wari... Ahonwasennaen...

II. Sakstenseratokenti, sataskat, saiatanehrakwat Sose saiatatokenti, hiaiatarakwen ne Rawenniio atsehiaron ne Roienha onkwe rotonhon, iienhrakwe: roienha ken ne Iesos; ethone sahennakerate Iesos kententserakon, kowanen sanikonhranonwakon. Nok tenhnon ok sa ok tsiononteratie, watsennonniatserowanen satsennonnihon, sashewennahronke ne ratironhiakehronon tehonwariwakwasehatie, nok sasatkahto ioriwanehrakwatanions tsini iawenhon ne wasontate, teioswathekwe tsiniiot entiekehne akenhake.

Kwennitentase, ne askwentenrate tsi ethone sanikonhranonwakon, nok satsennonnihon, askwaterennaienhase, asonkwentenre ne Rawenniio, tsi nenionkwattonnhoktaon, aionkwatonteke tsi iatekante tehotiriwakwen karonhiake ne ratiironhiakehronon okon, nok aiakwatkahtoseke tsiniiot teioswathe kowa ne karonhiake

Takwaienha... Wari... Ahonwasennaen...

III. Sose saiatatokenti, saiatanehrawat, akwa otokenhon tsi sariwaieriton Niio raoianerensera; sasatkahto tioneakwaon ne raonekwensanoron ne sesakoskontakohe nonkwe, sahonwawarakwetare ne rak-saa Iesos, kanikonhraksensera iawet tesarasawehestakwen. Nok tenhnon satsennon Iesos raosennatokenti, ethonitiawenhon tisaiaahnirhaon, akwa satsennonnihon.

Kwennitentase, ne askwentenrate tsi ethone sanikonhranonwakon, nok satsennonnihon, askwaterennaienhase, asonkwentenre ne Rawenniio, sekon tsi iakionnhe aiakwariwahtonten, iawet aiakwahtako nonkwanikonhrakon tsinikon itewat ne kariwaksen, nok atsennonniatserakon aiakwatonnhokten; aiakwahawake ethone Iesos raosennatokenti nonkweriasakon nok oni tsi iakwasakaronte.

Takwaienha... Wari... Ahonwasennaien...

IV. Sose saiatatokenti, tisariwaieri kowa, hiarihotasienni ne Rawenniio tsi Roienha ensesakoskontako nonkwe noneshon; sahiahrori ne rokstenseratokenti rotokensehakwe Simeon tsini hotiatawensere Iesos nok Wari, tsi nenhnironhiaken, akwa

iken sanikonhranonwakon. Nok tenhnon ok sa ok tsiononteratie watsennonniatserowanen satsennonnihon, sahiahrori tsi kentiohkowanen nonkwe eniontsennonniate Iesos raoronhiakensera, entsionteskontako, nok iatekakonte entsiakonnheke.

Kwennitentase, ne askwentenrate tsi ethone sanikonhranonwakon, nok satsennonnihon, askwaterennaienhase, asonkwentenre ne Rawennii^o, aiakwaiatarake ne kentiohkwii^o ensakoteron ne karonhiake, ne ensakotenrate tsi sakoronhiakense Iesos, nok tsi iakoterennaienni Wari ioiatatokenti.

Takwaienha... Wari... Ahonwasennaen...

V. Sose saiatatokenti, saiatanehrakwat, akwa satsteniaron hetsenonnhatieskwe ne Nii^o Roienha onkwe rotonhon, akwa tetsiatatenonweskw^e; ionehrakwat tsinii^ot tsi satateronhiakenton satseseronnien satsenonten oni, senha tenhnon Esiptke sasewatekwashen. Nok tenhnon akwa ionehrakwat satsennonnihon, tsi tiotkon senikwekonhatieskwe, nok sasatkahto watkarine ne kaia-tonnik sonha, sahatohetste Iesos tsi tienakere Esiptronon.

Kwennitentase, ne askwentenrate tsi ethone sanikonhranonwakon, nok satsennonnihon, askwaterennaienhase, asonkwentenre ne Rawenniio, aiakwatohtarhoseke notkonseraksen, aiakwatekwenniheke iakonikonhrotakwatha okonha, aiakwatennikonhranentasi tsinikon kanakere nonwentsiake, aiakiwenniioste Iesos nok Wari, tsi neniakionnheke, nok oni tsi neniakwatonnhokten.

Takwaienha... Wari... Ahonwasennaien...

VI. Sose saiatatokenti, saiatanehrakwat, shenakerani nonwentsiake ratironhiakehronon, sanehrakohon sasatkahto hiawennarakwen ne Ronwanontiio karonhiakwekon, othenon atsennhane; satsennonnihon satontatsiatenhawe Iesos tsinon akwa nitesewanakere, ok sane tatesanikonhraren, aseken hetsetsaniskwe Arkelaus, Herotkenha roienha. Nok tenhnon ok sa ok raronhiakehronon wahiahrori, wahrenon: Skennen senntonionhek; nok Nasaretke weseseuwe ise, Iesos nok Wari.

Kwennitentase, ne askwentenrate tsi ethone sanikonhranonwakon, nok satsennonnihon, askwaterennaienhase, asonkwentenre ne Rawenniio, tosa taiakwaterien-

tarha othenon aionkwaiatawen, skennen aionkwanikonhriiohake, skennen taiakionnheke, aetewakwekonhake Iesos nok Wari, nok tsi nentiakwenheionsere, aiakion nok ise oni akion nonkwatonnhetston.

Takwaienha... Wari... Ahonwasennaen...

VII. Sose saiatanehrakwat, aiesanakeren tsini saiatatokenti, ethone sahiatahtonse ne raksaa Iesos, iah se tesariwa tekenhne, akwa ionehrakwat sanikonhranonwakon, satsiatisake ashen nonta tsini kariwes. Nok tenhnon akwa ionehrakwat oni satsennonnihon, sonsatsiatatsenri ononsatokentike, tehatiharakwe ne ronttokha, sakotirihonniennis.

Kwennitentase, ne askwentenrate tsi ethone sanikonhranonwakon, nok satsennonnihon, askwaterennaienhase, asonkwentenre ne Rawenniio, tosa nonwenton askwatewentete Iesos, tosa othenon aonsaikwatsteriste ne ioriwatsanit; nok tokat etho naionkwaiatawen, tosa aiakwatorisen askwaiatisakseke tsiniiore iawet iaonsasakwaiatatsenrion, senha tsi nentiakwenheionsere, aiawens asakwakenseke ne karonhiake nok tasakwariwakwaseheke tsini hotanitenraskon.

Takwaienha... Wari... Ahonwasen-
naien...

Rotasawatie ashen nioserashen enthrose-
raierite Iesos, iienhrakwe nonkwe: roienha
ken Sose.

v. Takwaterennaienas, Sose saiatato-
kenti.

r. Aiawen taiakwatentsa tsini sonkwar-
haratstenni Kristos.

Tewaterennaien: Niio, ise ionehrakwat
tsiniiot tsi tesennontonties nakwekon, het-
sitenron, hetsiatarakwen Sose roiatatokenti
oseronni tahniterontake ne Sanistenserato-
kenti; askwentenre, kwanekennis, ason-
kwawennakaratatseke ne karonhiake, ne
sakwasennaiens sonkwaiatakenhaonhaties
nonwentsiake. Kwennitentase, ise sonnhe
onwe nok iesawenniiostha iatekakonte tsi-
nenwe. Ethonaiawen.

RONWENNITENTASE SOSE ROIATATOKENTI
TIOHTON NONTA NASAKOTERENNA-
IENHASE NAIKAWENHEION-
TIIHAKKE.

Nenieriwaierite entsiontonnhakanonni, entia-
konikonhrasahate oni, wasakotenre Pie IX ken-
ha, (5 senvie 1849), taiontentsa 300 niwenniserake

ne tewateriwaserakwatha sonha, ne sewennise-ratson; nok oni tewateriwaserakwatha kowa, nen-
iakoriwaieriton tiohton nonta, kawennio aon-
saiontateronkwase, aieiatarane, nok akonwate-
rennaienhase ne Kentiohkwatokenti, tsini honi-
konhroten n'Ariwawakon kowa.

Ionterennaientakwa naiakawenheionthio:

Sewennio, wakaterientare tsi enkiheie;
tokat kennikariweshas skonnhe, tokat iah-
taonsonkerhene nonwa wakitafe; ne isehre,
aionnontonnion nakotafe aienrheke, iawet
kihcionsere. Wakaterientare oni, Sewen-
nio, tsi ethone nentkatonnhoktane, enkas-
kanekseke niah nonwenton taonkeriwane-
ren, enkennhatenseke oni tsinikon niahten-
konwennaieriton; askitenre kati etho nas-
kenikonhrotenste nonwa. Akwa tokenske
seksuens ne kariwaneren; akwekon ka-
tontats tsini wakerihonniennis ne Sentioh-
kwatokenti; akenikonhrakwekon konnon-
wes, nok oni nakwatatekenson nonkwe
ethoni khenoronkwa tsi nii nikatatenoron-
kwa; ikehre oni sonhaa akonkonniienstake
nonwa nok tsi nentkiheionsere; konhiennis
nakwatonnhetston, neh niahtiaiehewe tsini
seronhiakense.

Wari saiatatokenti, seronhiakehronon
takiatanonstats, saiatatokenti ne sate teion-

kiiats, nok sewakwekon sewaiatatokentison karonhiake sewatsennonni, askwaterennaiahase, nahitsaniseke ne Rawennii nonwentsiake, ahiwennaieritseke oni, aontiesenhake ahiienterhane karonhiake tsi nenkatonnhokten. Ethonaiawen.

Wahonwaneken Sose roiatatokenti asakoterenaienhase naiakawenheiontii:

Sose saiatatokenti, hientenron ne Rawennii, Iesos nok Wari hninentsake satonnhoktaon; tesatentson netho naesaiatawen, aseken tiotkon tsinahe tsi sonnhakwe, shenoronkwake Iesos nok Wari. Ii tenhnon ionkwariwanerahakskon, teionkwatentson asonkwatewentete ne Rawennii, aseken sakwanikonhraksaton. Tokat tenhnon iaskwatatiase Rawenniioke, iah taonton aiakwatkaronni. Ise hetsenonten Iesos, hetsenonnhakwe, tenhnon tetsiatatenoronkwakwe, wakwaniahese, kwanekennis askwaiatakennha; iah sane teionkwarihonte askwentenre; ne tenhnon askwentenrate, tsini shenoronkwakwe Iesos nok Wari, tiotkon sewakwekonhatieskwe nonwentsiake, tosa nonwenton asakwatatewentete ne Rawennii, tosa aonterisi nonkweriasakon ne ioianerenstakwa. Iesaiatakennhaon Iesos

nok Wari, sasatonnhokten, askwaiatakennha nonen entiakwenheionsere, aiawens iatekakonte takwanonweratonseke, nok tasakwariwakwaseke ne Rawenniio karonhiake. Fthonaiawen.

Iesos, Wari, Sose, wakion nakenikonhra, nakweriasa nok tsi konnhe; (1)

Iesos, Wari, Sose, takwaiatakennha nonen entkiheionsere;

Iesos, Wari, Sose, askwentenre nentkatonnhoktane skennen aetewakwekonhake.

RONWAWIS NAKONIKONHRA SOSE.

Tsi enwatennitokten Sose rawennita, aierihokten.

Saiatatokenti kowa, tsini kentiohkwa nakoiatatokentison karonhiake iakotsennonnianion, ise sonhaa sarihonte aiesakon-nienstake, aiesanoronkwake, aiesennitenta-seheke; aseken senha ioriowanens sariwaieriton nonwentsiake, nok tsiatanoron kowa

(1) Tekanerenston naierihokten 300 niwenniserake ne tewateriwaserakwatha sonha, iken 100 ne tsioriwatson ionterennaientakwa. (Pie VII, 28 afri 1807).

ne karonhiake, sakweniatserowanen Rawen-
 niioke. Rotonte ne Iesos, hiaiatarakwen at-
 sehiaron, iotonte oni ne Wari, ne tetsiate-
 rahnekenaskwe nonwentsiake, tsini wakie-
 renhatie nonwa. Ne ken wenniserate wa-
 konhiatarako askeriwakennhase tsi thente-
 ron Iesos nok tsi ieteron ne Wari. Iosat-
 ste wakaterientason tsi iah nonwenton ta-
 konhiatewentete; tsinenwe enkonnhеke, nia-
 te wenniserake enkonhiennitentaseheke;
 wakonhiatarako, wakonrihonten asenonniha
 nakwatonnhetston, tosa nonwenton aioia-
 toron ne ioriwatsanit; wakonhiataienthose
 nakweri, nakwatonnhetston kenikwekon ne
 kieronke; wakonwenniioste nakiotensera
 okon, akeronhiakensera okon, nok oni tsi
 konnhe. Konnekennis, saiatatokenti kowa,
 takwennakeraton, ise oni, Wari, oseronni
 teseniterontakwe. iatsenon ne Iesos ne ra-
 onhaa wakatateriwisahase ahinoronkwake,
 ahisennaienneheke, raonhaa raowenk aken-
 hake tsi konnhe. Konhiennitentase kati,
 askitenre, askiatanonstatseke, nok akiatara-
 ke tsini kentiohkwa iesasennaiens. Tsi ok
 nahoten nakatieranion, askienawase, ias-
 kwatatiase tsi renteron Iesos, nok tsi iete-
 ron ne Wari, nok tosa askiatewentete nen-
 tkatonnhokten. Ethonaiawen.

SOSE ROIATATOKENTI RAORENNA.

Iesanentons, Sose, eronhiakehronon;
Ne iesanentonkwa tsini tsiatanoron.
Ii oni, iakionkwe, kwaiatanehrakwas,
Tsini saiatatokenti.

Hiaiatanoronston ne Sonkwawenniio,
Akwa hiarihonte sheiatsteristakwe,
Sheiatakennhaskwe Iesos, Wari oni;
Hetsehiaron Hiaiatison!

Sahennakerate Sonkwaskontakohe,
Onontiio Herot tsi rorioserene;
Nok wathetsiatakwe, ok sa weswateko,
Esiptke weswatekwashen.

Sotsi iotsennonniat tsini hetsitenron
Ne Raksaa Iesos; aseken tokenske
Ahonahriskonhon eksa okon kenha,
Ethone sahonwatirio.

Askwentenre, Sose, askwaienawase,
Aionkwakwisrontie kariwiiostonke;
Nok neniakwenheie, askwaiatorene
Tsi tsiteron karonhiake.

Aietinentonnion nonwa nok tsinenwe
Ne nashen nihati raonhake Niio:
Roniha, Roienha, ratikwekonhatie
Rotkon Roiatatokenti!

Ethonaiawen.

IONTERENNAIENTAKWA SONHA
RONWENNENNITENSTAKWA
RAOTIWATSIRATOKENTI
IESOS, WARI, SOSE.

NE TSI KENTIOHKWAIEN, TSI IENAKERENION
NIAKORIWIIOSTONTSERAKWEKON, AKO-
TIOHKWA NE RONWATIWENNIIOSTHA
RAOTIWATSIRATOKENTI IESOS,
WARI NOK SOSE.

Akwa raskaneks n'Hetsitewaniseratokenti Ariwawakon kowa, Reon XIII, niate kawatsirake ne teieiasontha aieiatarake tsi etho nikentiohkoten.

Ken kati kaien **nakoianerensera** tsini kawatsirake ronwatiwenniioston Iesos, Wari, Sose Raotiwatsiratokenti, tsi iewatsiraientons. Raonha Ariwawakon kowa Reon XIII roianerenserison, sathaiatonserareniate ne aoriwake, 14 siskare sen 1892. Kennihawennoten:

"I. Ne iorihonnibon iakotiohkonna tsini kawatsirake ronwatiwenniioston Raotiwatsiratokenti tsi iewatsiraientons, ahonwatisennaien, aiont-kennisa aionterennaien niate wenniserake, akta tsi ratiiatare Iesos, Wari, Sose Raotiwatsiratokenti, aiontataskennha tenhnon ahonwatinakeren tsini thotiriwaierikwe, tsi ok naieiatotenhake, senha tenhnon ne iakoiotenion.

“2. Saiatat ne kowanen roterihonte, roiata-nnonha Ariwawakon kowa, roriwawase oni, ohen-ton enhaterihonten ahonwakowanenhake Owatsiratokenti aotiohkwa; tehniase hniriwawakon, nok saiatat ratsihenstatsi enhonwaienawase tsi enhatiriwatsteriste nene kentiohkwanoron, ka ok nonwe aienakereke ne ieiatare, aiawens oni senha aionitiohkwatehiarontie.

“3. Ratiriwawakonson, tsinonni hatinakere-nion, enthonennonton enhonwaiatarako saiatat ratsihenstatsi, enhonwarihonten oriwakwekon ahakwatako Owatsiratokenti aotiohkwa aori-wake.

“4. Ne ratitsihenstatsi metho nenhonterihon-ten, enhatiriwasonni ne ratitsihenstatsi sonha enskatson tsi kanataientons; nene ratitsihens-tatsi sonha ensakotisennaronnion tsini kawatsi-rake eniontiataren Owatsiratokenti aotiohkwake, nok enthontenniete akosenna Ariwawakon ko-wahne.

“5. Raonha Ariwawakon kowa Reon XIII thennontonhon oh naonterennaientakserotenhake, nenierihokten nahonwatiwenniiostake Raotiwa-tsiratokenti Iesos, Wari, Sose, tsi iewatsiraien-tons. Oktikawenniiio skawatsiratson, tokat tohka nikawatsirake taieiena tsi enierihokten, enhaton-teke ne ratsihenstatsi sakorihonniennis.

“6. Tsini kawatsirake eniontathonkariake aion-tiataren, ioteriwison akononskon aieiatonsera-nentakte, etho enhatiiatarake Iesos, Wari Sose; tenhnon arahonne tsioriwat ne sewenniserat, oka-

rasneha tokat aontonseke, enskatne aionteren-
naien, akta tsi enhatiiatarake Iesos, Wari, Sose.
Ioianere ethone aierihokten nene roterennaien-
takserahniraton Ariwawakon kowa, tenhnon aia-
iron oni:

Iesos, Wari, Sose wakion nakweriasa,
nakenikonhra, nok tsi konnhe;

Iesos, Wari, Sose, askwaiatakennha no-
nen entkiheionsere;

Iesos, Wari, Sose, askwentenre nentka-
tonnhoktane skennen aetewakwekonha-
ke. (1)

"7. Watons aiontste tsi ok nakaiatonseroten
ronwatiatare Raotiwatsiratokenti; tokat tenh-
non aiontste kaiatonsera sonha, iahte ionatenro
nahoten iakotateriwisahani ne ieiatate, enthen-
nonton Ariwawakon asakonnhese ne naiontste.

"8. Tsini kawatsirake eniontatsennaronnion,
akowenk enwaton tewateriwaserakwatha sonha.
nok tsinikon Ariwawakon kowa sakowi ne kano-
ron ne ieiatate."

Tewateriwaserakwatha sonha akowenk ne ieia-
tare tsi ehni kentiohkoten, tsinahariwahnirate

(1) Tsini ioriwake entsiontonnhakanonni enie-
rihokten nene ashen niwaterennaientakserake,
kaien taiontentsa 300 niwenniserake ne tewateri-
waserakwatha sonha, sewaterennaientakseratson
aowenk 100 niwenniserake. (Pie VII, 28 afri
1807.)

Reon XIII sontahaiatonserareniate ne aoriwake, 20 siskare sen 1892:

“I. *Tewateriwaserakwatha kowa*: — Kawen-
niio aonsaiontateronkwase, aieiatarane, iaiekwa-
tho ononsatokentike, nok etho aionterennaïen
tsini honikonhroten Ariwawakon kowa, tsinia-
kon ieiatare enwaton taiontentsa tewateriwase-
rakwatha kowa: 1) Ne wenniserate eniontiata-
ren, enierihokten ne waterennaïentakseranoron
roriwahniraton n'Ariwawakon kowa, roriwison
aierihokten nahonwatiwenniioste tsi iewatsiraien-
tons ne Raotiwatsiratokenti; 2) Ne wenniserate
tsi eniontkennisa enskat ne tsioserat ne ieiatare,
ase entsiakonni tsi iakotathonkariakon saontia-
taren; 3) Nonen ienskahewe ne wenniserano-
rons: Sahatonni, Tsinaontatenoronkwaniön,
Sathonwanoronkwaniön Iesos, Sonsahatonnhete,
Karonhiake sonsarete, Wari sontiatata, Sonnake-
rate Wari, Sahahrوريا. Saontathaseron, Sat-
konwaskwenhawe, Sose tsi rawentawen sonha
(19 siskare mars, tenhnon tsi ronwennakeraton,
ashenhaton Niiohne tsinahe thothonnheton Ie-
sos), nok Sakonwaniakten Wari (23 siskare sen-
vie); 4) Tsi ienskahewe Raotiwatsiratokenti ra-
onentawen; 5) Tikate sewennitatson, sewenni-
serat ne neniakotatenniserarako ne ieiatare, ka-
wenniiö aiakoriwaieriton tsini wennites tsi en-
skatne iakoterennaïen, tsi iakowatsiraien, akta tsi
ratiiatare Raotiwatsiratokenti; 6) Onen tenhnon
tsi neniäiheionseree, tokat ethone niahtaiekweni
aonsaiontateronkwase nok aieiatarane, aonsaion-
tatreweite sane tsi iakoriwaneren, nenkonwana-
ton Iesos raosennatokenti, akonikonhrakon ara-
honne, naiakonoronseheke aiontati.

“II. *Tewateriwaserakwatha sonha*: — Sakowis oni Ariwawakon kowa ne ieiatare taiontentsa: 1) 7 nioserake nok 7 nioriwake ne kaieri niwasontashen ne tewateriwaserakwatha sonha, nentsiontonnhakanonni iaiekwatho ononsatokentike, nok enionterennaientakwe nahaiatakennhaseke ne Rawennio Kentiohkwatokenti, nonen ienskahe-we: Wari awentawen saiotkensera onaraseha. Sakonwaiatenhawite ononsatokentike, tsi Konwennakeraton niakoriwiioston; nok oni tsini wenniserake nenskatne tsi ieteron akononskon, entsiontonnhakonni, enierihoktake akta tsi ronwatiiatare Raotiwatsiratokenti, ionterennaientakwa sonha ne rotenhaon Ariwawakon kowa Raotiwatsiratokenti ronwennennitenstakwa; nok oni tsini ioriwake enieiatarake neniontkennisa ne ieiatare; 2) Taiontentsa oni 300 niwenniserake ne tewateriwaserakwatha sonha, tsini ioriwake tsiakotatrewatonhaie enierihokten ohenton tsi ratiatare rontatien sonha Iesos, Wari. Sose, tsi ok nakawennotenhake tekawennotakwen, ne ionterennaientakwa: *O Iesos, saiatanonwet onwe...* sk. 268. Tokat tenhnon iakonoronse naierihokten nene ionterennaientakwa, ne tsi iakononwaktani, tokat oni oia nahoten aontakarihonniate, ne iatenskene naionteweienton aierihokten *wisk Takwaienha, Wari tekonnoronkwaniens, Ahonwasennaien*; 3) Sakowis oni ne ieiatare taiontentsa enskat sewenniserat, 200 niwenniserake ne tewateriwaserakwatha sonha, naiairon:

Iesos, Wari, Sose, aontaskwaswatheten, askwaienawase, aonsaskwaiatatako!

“4) Sakowis oni Ariwawakon kowa ne ieiatare taiontentsa 100 niwenniserake ne tewateriwase-

rakwatha sonha, nenhonwatiniionte nakoren naiontiataren Owatsiratokenti aotiohkwake; 5) Akowenk ne ieiatare 60 niwenniserake ne tewateriwaserakwatha sonha, tsini ioriwake nakononsatokentike enieiatarake tsi ionterennaienhnes; tsini ioriwake eniontataterennaienhase niakowentaon sate ieiatarakwe, enierihokten nakoriwake 5 *Takwaienha* nok 5 *Wari tekonnorokwanions*; tsini ioriwake eniakoioten ne skennen aonsonton tsi iewatsiraientons iah skennen tekenhne, tsinikon oni eniontataskennhen nasakotihaharate ne karonhiake aiontsennonni notiake ne iakothaharakwenne ne kariwiioston, tsi oni nikon eniontsteriste naiontaterihonnien nekisa okonha ne ionteriwaienstakwa kariwiioston, nok oni tsi ok nahoten ne kariwii aieriwaierite, naienrheke, ne aiotsennonniatakwe tsi kentiohkwaaien ne Owatsiratokenti aotiohkwa.

“Nene tewateriwaserakwatha sonha nok oni ne tewateriwaserakwatha kowa, watons aiontaton ne ieteron tsi tetieseronniatha taonsaieriwasherakwatake.”

Etho kati nasakotenre n'Ariwawakon kowa Reon XIII tsini kawatsirake eniontiataren ne rotiohkwahniraton Owatsiratokenti aotiohkwa. Kennihawennoten sekon:

“Wakatennhane oni tsinikon ne kentiohkwaiention Owatsiratokenti aotiohkwa sonha, ka ok nonwe nonwentsiakwekon, iawet skentiohkwat aonton nene wakitiohkonna. Iah sane te ikehre aonsakerisi tsi kentiohkwaientakwe, nene wahon-nise Ariwawakon kowa roriwison, roriwahniraton oni tsini iakoianerenseroten, otiake isinon ne zoo nioserake tsinahe tsi kentiohkwaien.”

Iah kati tehariwahtontha Ariwawakon kowa ne *Wari iotiienha aotiohkwa*, ne iakotiohkonna Tekiatontarikon tsini kahawi 1665, wahariwahni-rate nethone roterihontakwe Ariwawakon kowa; Kentake tenhnon, tsinon thatinakerekwe ne ron-watisot okon kenha ne Kahnawakehronon, tia-kotiohkonna ne Wari iotiienha tsini kahawi 1675; eh nahe tsi wataties nene kentiohkwanoron Kahnawake.

Iah oni tehariwahtontha Ariwawakon kowa *Sawatis raotiohkwa*, ne rotiohkwahniraton Kahnawake, n'Ariwawakon kenha Ennias Bourget kenha, tsini kahawi 1853, nahontataskennhen ne rotiskenrakehte nahatiriwiiostonhake, nahonteweienton, tosa ahontstake ne iontonweskwatha sonha, iakonikhrenhawitha nonkwe kariwak-senke.

Nene kennaheha rotiohkonna Ariwawakon kowa, oia nennee nikentiohkoten, oia iawet niioianerenseroten. Tsi iewatsiraienton nene, tsi ieiatare; nok ne ieiatare ne Wari aotiohkwake nok Sawatis raotiohkwake, tsionkwetatson nene, tsi ieiatare. Ok sane raskaneks Ariwawakon kowa akwekon taiontatseron-nienniheke tsini kentiohkwaients ne kentiohkwatokenti sonha, iawet skentiohkwat aonton ne Owatsiratokenti kentiohkwase aotiohkwa. Ioteriwison ki ne kontiiatare ne Wari iotiienha aotiohkwake, nok oni ne Sawatis raotiohkwake ratiiatare, aiontsteniaron ahonwawennaierite n'Hetsitewenniseratokenti, iken, ahonwatiwenniioste Rontatien sonha Iesos, Wari, Sose, iah se akaonhaa teken, ok eken oni tsi iakowatsiraien, aiontatsennaren ne kentiohkwase, aiontsteniaron niate wenniserake, arahonne okarasneha nonkati, enskatne aionterennaaien tsi iako-

nonsoton, akta tsi ratiiatare Raotiwatsiratokenti, nok tsini iontkennisas sewennitatson tsini iakorennhaon, ase aonsaiakonni tsi ronwatiwenniioston rontatien sonha, naierihokten ne roteren-naientakserahniraton Ariwawakon kowa; etho naontawe akowenk akenhake, nok oni nakowatsire aowenk akenhake, ne iontsennonniatakwa ne ieiatare ne Owatsiratokenti aotiohkwake.

Ne thariwawakonne Tiohtiake, sakwanikenha Etwar-Saro Fabre, ok sa ok wahowennarakwe n'Ariwawakon kowa, sahariwasa raoiatonserake, 27 siskare tesember 1892 nithoiaton, akentiohkwaientak, tsi kanataientons tsinonni hatsteristha, ne kentiohkwase Owatsiratokenti aotiohkwa, wasakohretsiaron oni tsiniakon iewatsiraients raonwentsiake aiontiataren.

RONWATIWENNIIOSTAKWA RAOTIWATSIRATOKENTI TSI IEWATSIRAIENTONS.

O Iesos! saiatanonwet kowa, seskwas-kontakwen, karonhiake nitisenon tashes-watheten nonkwe sewennake, seweiennake oni; onwentsiake tsi iseskwe, eso nioserake sataseton raotinonskon Wari nok Sose, tsi tkanataien Nasaret, shewennarakwakwe, sawatsiratokentiston, seron: akonwanakera-niheke nonkwe tsi iewatsiraients; asiena tsi kwawis, kwawenniiostha oni onkwawatsirakwekon, ise sawenk akenhake. Sheia-

tanonstatsek, teshesniek, sheiatahniratsek; aiawens aiesatsaniseke, skennen takenhake, taiontatenoronkwake, taonsahontierenhake sewawatsiratokenti, nok akwekon sataia-kwatsennonni karonhiake iatekakonte.

Wari, Iesos Hetsienha, hetsenoronkwakwe, ii oni takwaienha, ne askwentenrate, tsi takwanoronkwa, nok tsini satanitenras-kon, aiawens Iesos ahariwanonwene tsi sa-kwawenniioston tsi iakwawatsiraients. nok niatekon ne kanoron asonkion, asonkwatsennonniaten.

Sose, saiatatokenti kowa, shenonnhakwe Iesos nok Wari, askwaterennaiehase, asonkion ne Rawenniiio nahoten ionkwaiewas, nonkwatonnnhetston aoriwake, onkwai-ieronke oni aoriwake; aiawens taetewaiena, ise tenhnon Wari ioiatatokenti, tasakwanonweratonheke iatekakonte ne karonhiake Sonkwawenniiio Iesos sesonkwaskontakwen.

RONWENNENNITENSTAKWA RAOTIWATSIRATOKENTI.

O Iesos! saiatanonwet onwe, ne tsi iah-tiaiehewe tsini tisariwaierikwe, saiatatokentonne oni, sawatsiranoronston ne sata-

tewatsirarakwenni nonwentsiake; teskanerak satanitenraserakon tsi ionkwawatsiraien, teionkwatontsote sasiakta, kwennitentase askwentenre. Sehiarak tsi ise sawenk iotonhon nonkwawatsira, asenken kwawenniioston tsi iakionnhe. Ise, Niio satanitenraskon kowa, seiatakennha, seiatanonstatsek ne iontkaronniatha sonha, seienawas othenon teiotonwentsioni, seiatahniratsek oni aioriwatokenthonhake ahonwatinakeraniheke Sewawatsiratokenti; aia-wens aiesawennarakwake, aiesanoronkwake oni nonwentsiake, nok aiesasennaienheke iatekakonte ne karonhiake.

O Wari! senistenseriio kowa, kwanekennis, askwaiatakennha, ionkwatierentare n'Hetsienha enhiatontatse othenon atseneken.

Ise oni, sakstenseratokenti, saiatanehrakwat Sose, askwaienawase tsini sakweniatserowanen, iaskwatatiase tsi ieteron ne Wari, aonha iahoriwaienhase ne Iesos nonkwatereennaientaksera.

Iesos, Wari, Sose, wakion nakweriasa, nakenikonhra nok tsi konnhe.

Iesos, Wari, Sose, takwaiatakennha nonen entkiheionsere.

Iesos, Wari, Sose, askwentenre nentka-tonnhoktane skennen aetewakwekonhake.

Iesos, Wari, Sose, aontaskwaswatheten, askwaienawase, aonsaskwaiatatako.

OWATSIRATOKENTI.

(Wari Iotiienha Aotitiohkwa).

Kentiohkwaïen kariwiiostonke *Owatsiratoken-ti* konwaiats, tsiniiot ne skawatsirat akenhake ne sateieiatore, tsiakotiatarakwen tsini iakorihoten nonkwe sonha, iakotathonkariakon nahonwatinakeren ne rontatien sonha Iesos, Wari, Sose, akwa iakorihontion ohneka, kanakwaïesatsera nok iontonweskwatha okon.

Ne akwa aoriwa iakotiohkwise naitakonakwiohake nonkwe, skennen tataionterahnekenseke, aiontatenoronkwake, taiontatsnieke, aiontateweientonseke, nok aiontatewennarakwake, ne skennen aionnontonnionheke, aionteweienton oni tsi iontatehiarons nontatien okonha, Rawennio ahonwehiaronhase tsini iakowiraien.

Iawetowanen iakoiatakenhas nethononni ieiatore, aseken tehonwatikanere ne Raotiwatsirato-kenti Iesos, Wari, Sose, nok rononha tesakotikanere ne rontatienha; ronwatiwenniiostha tsi iakonnhe, ok ne rononha tesakotiiïenawases tsi iakoriwiioston, nok oni tsi nahoten iakoriwaien nonwentsiake.

Wenheiontiio, wenheiontatokenti sakoienni ne Rawenniio tsi eniontonnhokten ne tiakonikonhrasahaton tsi ieiatare; iakonaktaien tsinonni hatiteron Iesos, Wari, Sose karonhiake, aseken ronwatinoronkwakwe nonwentsiake.

Nok taiontatiatorete naiontiataren; akwa aia-koterientasonhohake nentieriwaierite; tosa ok sewatieren, tosa onwentsiake aoriwake, tosa oni onkwe akoriwake tsi aiontiataren; akotonnhets-ton ki ok aoriwake tsi ethonaiontateriwisahase; tosa oni aiennhaten nohnaken; aienoronkwake tenhnon tiotkon tsi ieiatare, aienrheke, enkatste tsi nenkiheie.

Nok oni iakoterihonte nahonwaienawase ne Rawenniio rowennenhawe, nakonwaiatakennha ne kariwiioston tsi tienakere. Ethoni iakotathon-kariakon tsi iakotiatare.

NENSAKOTERENNAIENHASE NENIONTIATAREN OWATSIRATOKENTIKE.

Ienskahewe Owatsiratokenti, tokat Satkon-waskwenhawe tsi awentawen, kawenniio enkont-kennisa ne Wari iotiienha nenkonterennaien, onen sasakotati ne ronwahniha, ethone ensakoterenنائienhase tsini konti onen ieiohe naiontiataren, ionatatennikonhraseronni.

Tekontontsote akta tsi iehasentakwa, kontihaserenhawe, konton:

O Iesos! saiatanonwet kowa, seskwaskontakwen... sk. 267.

Ierihoktha niate wenniserake ne ieiatare.

Onen tenhnon ne ratsihenstatsi entharennaket-stko:

Swentiohkwakwekon ne tsionkwe, tetsi-sewanonweraton ne Rawenniiio tsi tionnhe. — Aseken asteson sonkwentenranions, nok oni enwaton tsini sonkwarharatstenni.

Enskat tenieriwakwe *Ahonwasennaïen* nok 8 nioriwake ne entsieriwakaratate; ok are tentsieriwakwe:

v. Tetewariwak, ronwasennaïen nonwa nok oni tsinenwe;

R. Niio Roniha, nok Roienha, nok Rotkon Roiatatokenti.

Tewaterennaïen: Niio, iahtiaiehewe tsini satanitenraskon, tsini sanikonhriio; watkwanonweraton tsinikon takitenranion, tiotkon sane kwennitentasehatie aonsaskwentenrheke; askwatontatse, tosa takwatewennet, askwanikonhraseronnien katke sonha sataetewatsennonni, ne sonnhe onwe nok iesawenniiostha iatekakonte tsinenwe. Ethonaiawen.

IONTERENNAIENTAKWA SONHA
TSI KONTKENNISAS NE WARI IOTIENHA.

Karo kase,... sk. 208.

O Iesos saiatanonwet kowa,... sk. 267.

Raotiwatsiratokenti raotirensa.

1. Sashenseratokenti, Iesaniha, Iesaien-
ha, nok Satkon Saiatatokenti, ionchrakwat
tsini sewawatsiranonwes Iesos, Wari, Sose
raotiwatsiratokenti, ne tsini iesasennaien-
skwe, tsina tehontatenonweskwé, tsini sa-
kotinonweskwé akwekon nonkwé, nok oni tsi
iah nonwenton tehotiriwaientaon ne kari-
waksen. Askwentenre, Sashenseratokenti,
aiakinakeren ne rontatienha Iesos, Wari,
Sose, tiotkon aiakwakwisronseke naiesa-
sennaien, taiakwatatenonwehake, nok aia-
kinonwehake akwekon nonkwé, nok oni
niah nonwenton taionkwariwaientaké ne
kariwaksen. Ne askwentenrate, tsini ion-
kiiatsennonniatenni tsinahe tsi ratikwekon-
ne nonwentsiake. Ethonaiawen.

Takwaienha... (1)

v. Iesos, Wari, Sose, Soasen, Anen, takwannhe;	} (10)
R. Ashenseratokenti, saiatat ok Niio, takwentenr.	

Ahonwasennaien... (1)

2. Seniiatatokenti Wari, nok Sose, tsinahe hetsisenehiarontie Iesos Kristos, ne ok senehrakwe asakeninikonhraierite ne Rawenniio. Kanoronkwe sane, aseken sotsi hetsiseninoronkwakwe n'hetsiseniiienha; nok tsiaterientarakwe roriwisahanihne Niio ne Roienha taonsahariwaserako nakoriwanerahaksera okon nonkwe; ne kati aoriwa, hetsiseninikonhrakonniienston ne Rawenniio, akwa tsiatakatstaton, iahte seneron, ii aiakiatsennonni nonwentsiake. Askwentenre, seniiatatokenti Wari nok Sose, askwaterennaienhase, aontiesenhake ethonaionkwanikonhrotenhake akoriwake nia-kiiien okonha, raonhaa ok Niio asakwanikonhraieritseke, tosa nii aontaionkinikonhraieritseke. Ethonaiawen.

Takwaienha... Iesos, Wari, Sose... Ahonwasennaien.

3. Iesos Kristos, tsinahe sewakwekonne nonwentsiake Ioiatatokenti Wari nok roiatatokenti Sose, ionehrakwat tsinitzenikonhrakonniienstakwe Niio Hianiha, tiotkon hetsenikonhraieritskwe, nok oni tiotkon shewennarakwakwe iesaienha. Askwentenre akwanakeren, raonhaa ok Niio asakwanikonhrakonniienstake, tiotkon asakwanikonhraieritseke, aiakiwennarakwake oni ne

ionkiiatsteristha. Ne askwentenrate, tsini
skwatsennonniatenni tsinahe sewakwekon-
ne nonwentsiake iesaienha. Ethonaiawen.

Takwaienha... Iesos, Wari, Sose...
Ahonwasennaen...

Raotiwatsiratokenti raotiriwa takwentenr.

Takwentenr, Sewenniio. — Kristos, takwentenr.
— Takwentenr, Sewenniio.

Kristos, takwatontats. — Kristos, takwawenna-
rak.

Iesos, ise Niio sateseniitanoron Niio Hianiha,
takwentenr, Iesos.

Wari, ionehrakwat tsini tsiatanoron, takwateren-
naienhas.

Sose, ionehrakwat tsini tsiatanoron, takwateren-
naienhas.

Iesos, tiotkon tsi senakere, takwentenr, Iesos.

Wari, tsiatakon onkwe rotonhon tiotkon tsi ha-
nakere, takwaterennaienhas.

Sose, hetsehiaron tiotkon tsi hanakere, takwater-
rennaienhas.

Iesos, akwekon sateweiennison, takwentenr, Ie-
sos.

Wari, hetsateweton nakwekon roteweien-
nison, takwaterennaienhas.

Sose, hetsiatakennhaskwe nakwekon roteweien-
nison, takwaterennaiennas.

Iesos, iah othenon tesianoronse, takwentenr, Ie-
sos.

Wari, hiakowanenne iah othenon tehonoronse,
takwaterennaienhas.

Sose, hetsehiaron iah othenon tehonoronse, takwaterennaienhas.

Iesos, tsi seksaa, Esiptke satekwashenne, takwentenr, Iesos.

Wari, tsiahriskonhonne n'Hetsienha, takwaterennaienhas.

Sose, hetsiatanonstaton Iesos tosa ahonwario, takwaterennaienhas.

Iesos, tiotkon shewennarakwakwe Wari nok Sose, takwentenr, Iesos.

Wari, tiotkon hetsewennarakwakwe Sose, takwaterennaienhas.

Sose, Iesos nok Wari iesawennarakwakwe, takwaterennaienhas.

Iesos, iahtiaiehewe tsini saianere, takwentenr, Iesos.

Wari, ionehrakwat tsini saianere, takwaterennaienhas.

Sose, ionehrakwat tsini saianere, takwaterennaienhas.

Iesos, iahtiaiehewe tsini saiatatokenti, takwentenr, Iesos.

Wari, ionehrakwat tsini saiatatokenti, takwaterennaienhas.

Sose, ionehrakwat tsini saiatatokenti, takwaterennaienhas.

Iesos, iahtiaiehewe tsini sanikonhriio, takwentenr, Iesos.

Wari, ionehrakwat tsini sanikonhriio, takwaterennaienhas.

Sose, ionehrakwat tsini sanikonhriio, takwaterennaienhas.

Iesos, iahtiaiehewe tsini satatkenhronston, takwentenr, Iesos.

Wari, ionehrakwat tsini satatkenhronni, takwaterennaienhas.

Sose, ionehrakwat tsini satatkenhronni, takwaterennaïenhas.

Iesos, iahtiaiehewe tsini satanitenhaskon, takwentenr, Iesos.

Wari, ionehrakwat tsini satanitenraskon, takwaterennaïenhas.

Sose, ionehrakwat tsini satanitenraskon, takwaterennaïenhas.

Iesos, iahtiaiehewe tsini skwatsennonniatennis, takwentenr, Iesos.

Wari, ionehrakwat tsini skwatsennonniatennis, takwaterennaïenhas.

Sose, ionehrakwat tsini skwatsennonniatennis, takwaterennaïenhas.

Iesos, seriwahtontha akoriwanerahaksera okon nonkwe, tosa takwariwarakwas, Sewenniio.

Iesos, seriwahtontha akoriwanerahaksera okon nonkwe, takwatontats, Sewenniio.

Iesos, seriwahtontha akoriwanerahaksera okon nonkwe, takwentenr.

v. Iesos, Wari, Sose, Rawenniioke tiotkon sewanikonhranentakonne.

R. Askwentenre aonsaskwanikonhranentasien nonwentsiake, nok askwanikonhranentakten ne karonhiake.

Tewaterennaïen: Niio, enskat ok n'Hetsienha tiotkon tsi ronnhe sanikonhrakon, seron ahronnheke raotinikonhrakon ne ronwaienha Wari nok Sose, iahte hninakwaienteri, askwentenre aiakinakeren eronhiakehronon okon, aiakwakwekonhatie aiakwakwisron aiakwasennaïen, tsini ronnhotenne n'Hetsienha raotinikonhrakon; aon-

tiesenhake, nonen eniakwatonnhokten, etho naionkwanikonhrotenhake tsini senonwes, akwa ne sahaiatat sakwaniahesen Iesos Kristos n'Hetsienha. Ethonaiawen.

Hetsitewennitentas rattokha kowa nok thoriwaieri, roiatatokenti Soasen, tsi rosennaienskwe ne Rawenniio; ne waonni roiatarakwen, raweron: ne enhateweton nok enhrehiaron ne Ronistenha watonsere, nok enharihorentenniheke ne kariwanoronson tsinenkairere.

v. Akwa tkariwaieri tsi rosennaienskwe ne Rawenniio,

R. Akwekon rotewenteton ne kariwak-senskwe okon, iah nonwenton tehoriwane-ren.

Tewaterennaian: Niio, tsiniakon nakoia-tatokentison, ne hetsiatarakwen roiatatokenti Soasen, seron, sakoienha aonton nen-hoteweton n'Hetsienha; askwentenre ason-kwaiatakennhaseke nonwentsiake, ne sakwasennaiens karonhiake. Ethonaiawen.

Tekonnnoronkwanions, Wari tsiati ioianerenstakwa, Rawenniio senikwekon, aia-kenikwekon ne saianerenstakwa, ise senha iesanentonnions nakonnnhetien okon, nok

konwanentonnions sanistenseratokenti A-
nen, ne iesateweton, iah othenon tesaiato-
ronhon, nok nise iahte sanakwaienterhaon,
hetsateweton Niio Roienha tiotkon tsi ha-
nakere. (3)

*Hetsitewennitentas ne Rawenniio ason-
kwentenre oriwakwekon tsini ionkwaierwas,
nok oni asakotenre tsiniakon iienhre aion-
kiiaterennaienhase:*

Takwaienha... Wari... (1)

v. Ken kiteron raowenk ne Ra- wenniio tsi konnhe, etho kati naiawen tsini honikonhroten;	} (9)
R. Nok Niio Roienha onkwe ro- tonhon, wasonkwennakeratse.	

Ahonwasennaen... (1)

v. Rawenniio raoronhiakehronon thari-
wawiron ne Wari;

R. Nok rotiatathen Iesos kaiatakon, roia-
tonni Rotkon Roiatatokenti.

Tewaterennaen: Kwennitentase, Sewen-
niio, askwanikonhrata saianerenstakwa,
etho naiawen, tsi onen ionkwatokense on-
kwe rotonhon Niio Hetsienha, Wari kaia-
takon, ne ionkwatokaten raronhiakehronon
thariwawiron; ne askwentenrate, ne son-
kwaronhiakense nok sonkwenheiase, ne

aionkwaiatenhawite tsi nentsiontonnhete nonkwe, tsi tiakotsennonni kowa; ne sahaiatat sakwaniahesen Iesos Kristos Sonkwawenniio. Ethonaiawen.

Ietiatcerennaiaenhas tewatateken okon kenha ne iciatarakwe Owatsiratokentike, nok oni tsiniakon othenon ionkirakwenni nakowenk kenha:

Ashetenre, Sewenniio, ne tieteron tsi tieseronniatha; ne ashetenrate tsini satanitenraskon, nok tsini sonkwatsennonniaten ni Iesos Kristos.

Asheskontako, nok karonhiake asheiationte; etho aiesatkahto, tsi aonhaa ionwesen kowa, aiesawenniiostake nok aiesasennaiehenke.

Takwatontats, Sewenniio, tsi konhiennitentase; etho akewennatirhene tsi tesiteron.

Asheion, Sewenniio, atorisenserakont; nok teioswathe kowa tiotkon taiakoswatheke.

Tewaterennaiaen: Niio, shetenras nonkwe, nok senonwes aiontsennonni, iakwakwekonhatie Ioiatatokenti Wari nok akwekonakoiatatokentison, iakwennitentase satanitenrasera, aontiesenhake ashetenre nakwatateken okon kenha, iciatarakwe Owatsiratokentike, nok nakwatatenonkwe okon ken-

ha, nok oni ne ionkirakwenni, etho iaionwe tsi iatekakonte iakotsennonni. Ne sakwaniahesen Iesos Kristos Sonkwawenniio. Ethonaiawen.

Saiatatokenti Wari, ise hiarihonte n'Hetsienha raoianerenstakwa nok raotanitenrasera, askwaiatakennha tosa aionkwasenni noneshonronon, nok tosa askwaiatatkawenonen eniakwenheie. Ethonaiawen.

Ase tsitionni tsi ionkwaatenekwaheston:
Sewenniio, wakiatonti... sk. 236.

Aiesanentonseke Sashenseratokenti, Iesaniha, Iesaienha, nok Satkon Saiatatokenti, enskat ok Niio; askwaterennaienhase, Iesos, Wari, Sose, sewaronhiakehronon okon nok sewaiatatokentison. Rasenna-kon...

IONTERENNAIENTAKWA SONHA RON- WENNENNITENSTAKWA ERON- HIAKEHRONON.

Ratiiatanorons ne Ratironhiakehronon, raotini-konhroskon, sakanatohetstennis nonkwe; ne sakoiatisahaton ne Rawenniio raonha raoriwake, nok tenhnon, tsini hotanitenraskon, nonkwe oni akoriwake: raweron, aionkkonniienstake, aionkewennarakwake, taionkwariwakwaseheke; raweron oni, asakotinonnhatieseke nonkwe nonwentsiake, tasakotiwennharakwaseke noneshonronon tsi konnehre tiotkon aontaiakiiatatirontake noneshon.

Tetsitewanonweratonsek kati ne Rawenniio tsi sonkwentenron, iawet sonkwannhatserawi ne kannhatseranoron, naietiniahesenhake naionkiienawaseheke tsina tetewatonhakarias nonwentsiake. Ietirononkwak, ietiennitentasehek oni nationkitenre; ok tsini honwawennaierits ne rononha ne Rawenniio, eh oni nii naetewaiatasnoreke natsitewawennaieritseke ne satesonkwaiatison; ne aonhaa aetewatsaniseke ne taetewatekhasi ne sakotsennonniatennis karonhiake.

RONWENNITENTASE WISHE RONWAKOWANEN NERONHIAKEHRONON.

Saiatatokenti Wishe, ise tiotierenton hetsateriose ne Rawenniio, shesennion ronatkon ratinaiehne, nok iesennakeraton ra-

tironhiakehronon; takwannhe ne sentioh-kwa, tosa nonwenton aionkisenni noneshonronon.

Saiatatokenti Wishe, satkonseriio kowa, aontaskwannhe tsi iakwateriohatons, tosa aionkwasenni ne kaserohen notkonseraksen ionkwaristaiennis. Kwennitentase, aseriwakweni, Rawenniio ahahriste; ise tenhnon, iesakowanen karonhiake thatinakere ronwariwawase ne Rawenniio tsi ronateriohatons, aonseshereke noneshon Satan, nok oia nonatkonseraksens tekontstekahwas nonwentsiake, ionatataaskennhen aiontatkaronni nonkwe, nok aionhriskon noneshon. Ethonaiawen.

Seronhiakehronon Wishe, takwaiatakennha tsi iakwateriohatons, tosa aiakwatkaronni tsineniawenniseratsanit tensonkwaiatoreton ne Rawenniio.

100 niwenniserake ne tewateriwaserakwathasonha enskat sewenniserat teniontentsa nenierihokten nennee nohnaken tkaiaton ionterennaientakwa, (19 ao 1893).

RONWARONHIAKEHRONON SAKONONNHA
RONWENNITENSASE.

Seronhiakehronon, hiaiatarakwen ne Rawenniio, naskwatsteristake, tontaskswathten, askenonnhatieseke, akwa askwatsteristake kaneka ki enkeseke, nok othenon nenkatierhake, othenon oni nenwakiatawen nonwa wenniserate. Ethonaiawen.

Nentsiontonnhakanonni enierihokten, akowenk 100 niwenniserake ne tewateriwaserakwathasonha; enwaton naieiena tewateriwaserakwathakowa neniaiheionsere, ne iotkate tsi iakonnhekwe iakorihoktaon, kawenniio nethone aonsaiontatre-wate, ahonwawenniio:ostake oni ne Rawenniio, (Pie VI, 2 oktober 1795, 11 sen 1796). Tsiniakon niate wenniserake ierihoktha orhonkehne okarasneha oni, teniontentsa, enskat sewennitat, tewateriwaserakwatha kowa, kawenniio aonsaiontateronkwase, aieiatarane, iaiekwatho ononsatokentike, nok ahonhion tsi enionterennaian n'Ariwawakon kowa, (Pie VII, 15 me 1821).

Satkonseriio, satkonseratokenti... sk. 57.

IONTERENNAIENTAKWA SONHA RON- WENNITENSTAKWA SAWATIS ROIATATOKENTI.

Ronwennakeraton Sawatis roiatatokenti ne iakotathonkariakon tosa aiontstake ne iakononwarahthontha, nok aiontsteniaron naioteriwahton tsi ienakerenion nehnikariwanerahakseroten, ne aonhaa tsi iakokaronniatha nonkwe nonwentsiake, iawetatsanit oni iakoiatentha noneshon.

Kentiohkwaïen Kahnawake ne *Sawatis raotiohkwa* konwaiats, wahariwanonwene, wahariwahnirate oni tsi kentiohkwaïen, 19 siskare tember 1853, ne thariwawakonne Tiohtiake, Ennias Bourget kenha.

Kennihawennoten n'Ariwawakon kenha, son-tasakoiatonse ne Kahnawakehronon, etho tsi kahawi:

“1. Wakitiohkonni Kahnawake ne *Sawatis raotiohkwa*.

2. Nenhontiataren, enhontathonkariake tosa nonwenton ahonwasennaiesate ne Rawenniio, tosa oni ahatihnekihra iakononwarahthontha (tikate, tokat akwa tei-tonwentsiohon aiontste, tsiniiot ononkwa akenhake), nok oni enhotiioten, tsi nenhatikweni, asakotinnhese nakoren nahonwasennaiesate ne Rawenniio, nok aiontsteriste ne iakononwarahthontha.

3. Ne ratiiatare enhontwistaniake Sawatis rawistatokenti, nienskahewe ne raonentawen tsi rotiohkwaïen, nok oni nenhontkennisa nahontere-nnaïen.

4. Tiotkon enhatiriwaswenseke ne iewennak-sens, enhontataskennhen oni nasakotinnhese nakoren ne aiontroriate; arahonne tosa nonwenton ahontenrowe nethoni iakorihoten.

5. Niate wenniserake, orhonkehne, okarasneha oni, enhonterennaian, ensakotihretsiaron nakoren etho oni naieiere.

6. Enhotiioten nasakotihaharate kariwiiostonke niakoriwanerahakskon, tsinasakotihretsiaron nakaonhaason.

7. Tenhontatiatakennha ne satehatiiatare, nenhatinonwakten, nenhatiiatakenheion, ensakotitenre atonnhetston nok oni nieronke nonkati; ne aoriwa tsioseratson enhonati trentso.

8. Enskat sewennitat, enhontkennisa ononsatokenlike nahonterennaientakwe naonteriwahtenti tsi rotitiohkwaian, ahonteweienton ne ratiiatare; enhonwawennahronke oni nensakohretsiaron.

9. Enshonwatironkwase, enhatiiatarane oni akwa enhonteweienton, arahonne kaieri nioriwa-ke tsini ioseres.

10. Niate wenniserake enhoniron, tikate tsi rotirennhaon nahonterennaian:

O Iesos! iesahnekanonten otsate otsitsiatken tekaieston, takwentenr!

O Wari! iah othenon tesaiatoronhon ne kariwaneren sasatiatata, takwaterennaianhas ne kwaniahesen!

O Wari! iontekwashentakwa tsi tsiteron
niakoriwanerahakskon, takwaterennaien-
has!

Sewenniio, wakiatonti... sk. 236.

O Wari saiatatokenti, sanikonhriio ko-
wa... sk. 228.

Sawatis saiatatokenti, takwaterennaien-
has.

Saksarie saiatatokenti, takwaterennaien-
has.

11. Nenhonenheion ne satehatiiatarakwe, en-
hationnha tsi ratiatahere, ensakonaterennaien-
hase.

12. Entkaiakenne raotiniataraa ieniatarenhas-
tha, neniontatiatatahane, ienhatikwatho ne rati-
iatate tsiniiore tsi ieiatarion.

13. 'Tiohton nonta tsini kariwes, orhonkehne
okarasneha oni, ensakonon ne ronenheion ne sa-
tehatiiatarakwe nensakonaterennaienhase, enhati-
rihokten 1 *Takwaienha*, 10 *Wari tekonnoronkwa-
nions*, 1 *Ahonwasennaen*.

14. Kaneka enhrenheie ne raiatare, enhon-
tennhane ne raotiohkwa ahonwahashenhase ne
kennikahaseresha.

15. Iah othenon taieriwisa tsi kentiohkwaen,
niahtahaiatarake ne ratsihenstatsi sakorihonnien-
nis, ne tiotierenton enhoterihontake nahonwako-
wanenkahe."

•

LONTERENNAIENTAKWA TSINI HONTKENNISAS
SAWATIS RAOTIOHKWA.

Karo kase,... sk. 208.

O Iesos, saiatanonwet kowa, seskwas-
kontakwen... sk. 267.

(Senfie, afri, siiet, nok oktober aowenk:)

Niio, tekonnnonweratons tsi takiatison,
niawen tsini skwentenron tsi ionkwariwi-
ioston.

Niawen tsi ionkwatenekwaheston, nia-
wen tsi ionkwaienterhaon tsini sewenno-
ten.

Tewakehtakon tsini skwarihonnienni,
wakerhare tsini skwarharatstenni.

Konnonwes tsini saiatanehrakwat, nok
skatatswens tsini konwennontion.

Takitenr tosa aonsakeriwanerake, tiot-
kon akonwennarakwake.

Akonnonwehake oni tsinenwe enkonnnhe-
ke, nok askiatinionte karonhiake tsi nenki-
heie.

Takitenr, Sewenniio, tosa othenon aken-
nontonnion ne kariwaksen, tosa aonkwata-
honsateke niahte ioianere.

Tosa akewenninekenne ne kawennaksen,
tosa othenon nakatiere niahte senonwes.

Takitenr, Sewenniio, ne ok akennonton-nionkwake ne kariwiios, ne ok akaskanek-seke ne sarihonweskwani.

Ne ok akeriwanonweseke ne seriwanon-wes, nok akeriwaieritseke tsini sewennoten.

Takitenr, Sewenniio, nakkenhronniheke tsini iontonweskwatha nonwentsiake, nak-konnienstag tsini iontsennonniatha karon-hiake.

Naketsaniseke nothenon aonkiatoron nio-riwatsanit, nok sonhaa akonnonwehake tsini satanitenraskon.

Takitenr, Sewenniio, tosa takateriatikhon naonkitentane, tosa aonkenakwen nenke-ronhiaken.

Tosa aonkenikonhraksen nothenon akat-karonni nonwentsiake, tosa akeriwarako othenon enionkwenhase.

Takitenr, Sewenniio, akehiaraseke, tsi kennikariweshia iakonnhe nonkwe nonwen-tsiake, tsi eniakotsennonnihake tsinenwe ne tiakoriwaieriton.

Tsi nensakoiatanehrakwaten ne Rawen-niio, nok tsi ensakononwehake iatekakonte ne karonhiake.

Tsi iatekakonte enieronhiakenseke one-shon ne ieriwaneraks, tsi neniotatenas-kwaienniheke noneshonronon.

Tsinensakoiesatanion otsirake iahte waswas, nok tsinensakoswenseke ne Rawenniio tsinenwe.

Takitenr, Sewenniio, tiotkon akehiarake tsini oriwiio tokenske eniaiheie akwekon nonkwe, tsini iahte ioriwatoken katke eniaiheie.

Tsini iotonhon niate wenniserake aia-iheie, nok tsini enieiatenne oneshon narekho taonsaiakotatreWaton, tsioriwat oni aia-konnihikon ne ioriwatsanit, eniontetsirate nonwentsiakon.

Takitenr, Sewenniio, akehiarake tiotkon tsini skwahretsiarons nakwawennarakwake, tsina teskwakahrenhawis othenon niakwa-tierha.

Tsini skwatenientense nakwawennaieritseke nonwentsiake, nok tsini sheienni nationtsennonni karonhiake ne iakoianere.

Akehiarake tiotkon tsini sarihonweskwani ne iesawennarakwa nonkwe, tsini sianerenstha senha nakotonnhetston.

Tsini shenikonhrahnrats senha aionte-weienton, nok tsini kanaktiio shenaktase-ronnienni karonhiake.

Takitenr, akehiaraseke oni tsini iesanakwatani ne iesawennontion, tsini sewaterisions ok sa ok ne ioianerenstakwa akotonnhetston.

Tsina tisanewaratani naorane nakotonnhetston ne kariwaksen, nok tsini sheiata-s-wens nonen iakoriwaneren.

Takitenr, Sewenniio, akateweienton tiotkon aioianereke nakwatonnnhetston, tiotkon akeriwatsaniseke ne kariwaneren.

Tiotkon aonsonkwatsteriston tsini sewennoten, tiotkon aonkwatieniton ne karonhiake akatsennonni.

Ahonwasennaaien...

Ise, seksaa, Rawenniio rowennenhawe eniesanatonkwake, takwaterennaiaenhas.

(Fefriie, me, ao, nok november aowenk:)

Niio, takitenr, akkwenieseke tosa onka othenon akheienhase nonkwe, tosa onka ahekenrenseronni.

Tosa onka akhewennotane, tosa onka akheswen.

Takitenr, Sewenniio, tosa oni aonkenakwen, tokat othenon aionkwenhase, tokat aionkkenrenseronni.

Tokat aionkewennotane, tokat oni aionkswenseke nonkwe.

Takitenr, Sewenniio, tosa othenon akaskanekseke akoren akowenk, tosa akatatewenniioste niahte skwawi nonwentsiake.

Tosa akenensko, tosa oni onka akhekaronni.

Takitenr, Sewenniio, tosa akerheke sekhekaronni, tokat kaneka aiakoskanekon nakwawenk, tokat aiakotatewenniioston nahoten wakien;

Tokat aionkenenskwen, tokat aionkkaronniheke nonkwe.

Takitenr, Sewenniio, tiotkon akeriwanonwehake nakheiatkenseheke ne iakononwaktani, nakhetenrheke ne iakotent.

Nakhenikonhrahnriratseke ne iakonikonhraksens, nakhenikonhraseronni oni ne teiontatswens.

Tosa akennikonhroktake nakhehretsiaron nonkwe naonsaiakorihonti ne kariwaksen, naonsaiontatrewate akwa akonikonhrakon.

Naonsaiontateronkwase tsi iakoriwaneren, nok aionkwisron aiontsteriste ne kariwiioston.

Ahonwasennaïen...

Seksatanoron kowa, ise entshentete ne Sonkwawenniio, enthianonteratie natshahaseronnien ne raonha, takwaterennaïenhas.

(Mars, sen, september, nok tesember aowenk:)

Niio, takitenr, tsi tenkkanerake karonhiake nonkati, ok sa ok akehiarake tsi ise sariwison karakwa, otsistok okonha oni.

Tsi ise sennhaon nakonneson karonhia-keson, tsini iesawennarakonhaties tsini wenniseres nok tsini wasontes, tsini saiatanehrakwat, ok tateiotenonhianiton tsini satieranion.

Takitenr, Sewenniio, tsi tenkkanerake nonwentsiake, ok sa ok akehiarake tsi ise sonwentsison, saniatarisahannhon oni.

Ise sheiatison katsenen okon, kontirio okon, kentsionk okonha, karonta okon, ohonte okon, ohtera okon, kahik okonha, ii onkwariwa.

Ise satsterista niate wakennhake, niate ioserake oni, ne ken oriwakwekon iakionnhekon, nok tsini skwanoronkwa, iieks okonha takwentenronhatie.

Takitenr, Sewenniio, tiotkon akonwenniiostake tsi ise sonhaa Sewenniio, karonhiakwekon, onwentsiakwekon, kaniatarakwekon oni.

Tiotkon takonnonweratonseke tsi onkwe akoriwa sariwison oriwakwekon, nene karonhiakeson, kaniatarakeson oni kanakerenion.

Tiotkon akeriwaswenseke tsini iaweta konnikonhraksaton tsinahe tsi konnhe, iah-tiiaiehewe.

Tiotkon akonhiennitentaseheke naonsa-

sanikonhren, Sewenniio, tsinikon wakeriwanerahakhon.

Takitenr, Sewenniio, niate wenniserake akaterennaienseke, tsini ionterennaiens na-koiatatokenti.

Akwekon akonwenniiostake tsi ok naonkiatawensere, akonhiehiarane tiotkon naonkiotensere.

Nok sa ok aonsakatatrewate, othenon aonkeriwannhike.

Takitenr, Sewenniio, tsi nentsionkeronkwase, tosa othenon akeriwasete, tsinikon aonkeriwaientake niotaksen.

Akwa aonsakatatrewate nakeriwanerahaksera okon, akwa aonkwatierientason tosa aonsakeriwanerake.

Akwa oni akeriwaierite, nenhakon taonsakeriwaserako.

Takitenr, Sewenniio, tsinikon nenkiatarane, akwa ahiwenniioste Iesos kiatakon.

Akwa ahinonwehake tsiniiot tsi sonkwanonwes, akwa tahinonweraton tsini hakitranion tsinahe tsi konnhe.

Akwa ahiiennitentase nahakienawase ntho naonkierenhatieseke tsini honikonhrotten, ne ahakitenrate tsi nenkatonnhokten.

Ahonwasennaien...

Enhaiatanoronke Rawenniioke; iahta-

hahnekihrake notsitsia nok oni ne iakononwarahthontha, nok enhaiatananon ne Rotkon Roiatatokenti.

Ionterennaientakwa naiakawenheiontiio:

Sewenniio, wakaterientare... sk. 255.

Shonwanikonhraseronniatha Iesos:

Iesos, Sewenniio tsi iakionnhe, teionkwatontsote sasitakta, tekwanonweratons tsini satanitenraskon kowa, iahta tesanonhianihekon, nonwentsiake tsi iseskwe, niate karonhiakenserake saienterhaseron, naon-saskwaiatokewe tsi ionkwariwaneren; skwanikonhraseronniane nonwa, tsini kwanikonhraksaton, tsinikon ionkwatennikonhrioriaton tsinahe, ohneka aoriwake. Satonkariakon nonwentsiake, kaieri niwason-tashen sentontieton; nene taonsaseriwaserako tsini ionkwatetsens niakionkwe, ne ok iakwesaks aiakwanikonhraierite tsi iakionnhe. Saniatathenhon tekaiasonteke, ok eken otsate waesannhontha; ne nennee taonsaseriwaserakwate tsini iakwahnekakastas ne kahnekakonson iakononwaroriatha nonkwe, nok oni tsi iawetowanen, ohneka aoriwake, ionkwatatiatanion kariwaksenskwe okon, ioteriwatehatanions, ioriwatsanite-nions.

Ise tenhnon, sanikonhriio kowa, tsinahe tsiataniiontakwe tekaientannhareke, ohikta tesatenonwarannhastonne, oia ok nahoten iesakonsaksatennitanion, otskeri, onawatsta, onekwensa oni; tsiatakwekon titsiostathenne, tsini saronhiakenhon; ethone kati tase-wenninekenne, ne wasiron: Wakeniata-thens! Ne ok wahi waetsenri naiesaniata-nawenste otsate tenhnon iotsitsiatken; iahte iakotsenrion skastarat nohnekanos, naiesaiataiewentote. Ise, o Iesos! ethoni satatenientense, ne tsini saterientare tsini iakoserahrestha nonkwe ne kariwaksens-kwe okon, nonen iakohnekirhen; seron, ta-ieiatorete, naontaionneke, neniontkahto tsinahoten saronhiakenhon nakoriwake.

Tkariwaieri, Sewenniio, tsinaiakwakweni, tsinaiakwaiere naonsakwanikonhraseronni, tsini satkenrenseronnihon nethone, nok tsini iesakenrenseronnis, sekon nonwa, ne iehnekakastas, iekohetstha tsini iontiesatha ne shetenron iakotenekwaheston, tenhnon katsenen sonha iontiatotenstha, tsi iehnekirha. Iakwatennikonhrisas kati iakwakwekon, onen iatekakonte tsi ionkwatkawen ne ionkwanonwaroriatakwe; akwa eniakwakwisron naiakwatatennheseheke ne iakononwarahtontha okon; ne eniakwanorokwate tsina teseskwariwaserakwenni,

sasenekihra otsate iotsitsiatken tekaiestonne; aontiesenhake oni, aiakwakweni tosa aiakwatonwesen tsi teiakwatskahons, ne ok naiakwerheke, aiakionnhekonhake.

Iakwaskaneks, Sewenniio, iatekakonte aiakwaiatarake ne sentiohkwison, kentiohkwiiio, otiohkwatokenti, niahte tsiehnkirha; iaweronhatien nawentoreke, aioronhiakentonhake oni. Ne se teionkwatentson naiakwaronhiaken, tsini ionkwariwanerahakskon tsinahe; sekon enionkwaiatateri, ne akakweni naonsakwanikonhrasonniate, tsini ionkwatatiataksaton nonwentsiake.

Iakwaskaneks oni, Sewenniio, naiakwaiatarake, aiakwatsennonniate oni tsini-kon iakawentontietha, tsi oni nikon iontateronhiakentha ne kentiohkwaien, kentiohkwanonon, iakotathonkariakon naiontataterennaienniheke niakoriwanerahakskon, naonsaiontatrewate; naionkwaienawase oni nii, ne tokenske aonsaionkwatatrewaton, tosa nonwenton aonsaiakwaiena ne iakononwarahthontha, tosa oni nonwenton onka aonsaiakinationhase nehnahoten.

Wari saiatatokenti, iontekwashentakwa niakoriwanerahakskon, kaiasakta istakwe, teskanere sahonwannhontho n'Hetsienha notsate; iahte sakweniatseraientakwe nohnekanos atsehnekanonton; takwateren-

naienhas, naionkwanikonhrahnnironhake tsi-
ni ionkwatateriwisahani Iesos raoriwake.

Sawatis saiatatokenti, iah nonwenton te-
satennhontha nonwentsiake ne iakonon-
warahtontha, takwaterennaienhas, naiak-
wakweni nakwanakeraniheke tsinenwe,
tosa nonwenton aonsaiakwatennhontho
nehnahoten; aiakwatatienhase tenhnon ne
raonha ne Rawenniio asonkwanatonhase,
katke sonha, tsi sakotsennonniatennis ne
tiakoriwaieriton nonwentsiake.

O Iesos! otsate iotsitsiatken tekaieston
iesahnekanonten! takwentenr; ii iawet
ethoni ionkwaieren ne iakwahnekakastak-
we, aonsaskwaiena ne tsionkwatatrewa-
ton. Ethonaiawen.

*Tenietane, nok tenieriwake ne Sawatis
Raorena.*

Kentiohkwakwekon iakoriwiioston
Iontsennonniatha tsi ronakeraton
Nene Sawatis roiatanehrakwat,
Raiatanoron.

Ok tsi rotenron, arekho rotonni,
Ne Iesos Kristus, ne Sonkwawenniio,
Roriwahtonton tsi ioiatoronne
Raotonnhetston.

Watioswathene raonikonhrakon,
Wahatonnharen, sahoienterene
Niio Roienha, kaiatakon Wari
Raiatatakwe.

Wahosennaïen raonikonhrakon,
 Wahonentonnion ne raksaa Iesos,
 Nok iatekakont wahowenniioste,
 Wahononwene.

Sahatehiaron, wathaiatorete
 Ne tsi ionkwehne ieriwatsenrietha
 Kariwaneren, ne wahatsanike,
 Wahatohtarho.

Wahatekwashen iah onka tetientha,
 Ne tsi raweron, etho skennen kowa
 Ahisennaïen, ahinonwehake
 Ne Rawenniiio.

Watroseriake eso ioserake
 Karhakon sonha ne raonhatsiwa,
 Ronikonhronni, waharonhiakente
 Ne raieronke.

Nok Rawenniiio wahonikonhrata
 Ienakerenion asakotokaten,
 Onkwe rotonhon, sakoskontakohe
 Akwekon nonkwe.

Akwa kwennitha, saiatatokenti,
 Aesarane asonkwentenr Iesos,
 Tsi satsennonni etho iaiakwawe,
 Neniakwenheie.

Aietinenton Roniha, Roienha,
 Nok oni Rotkon Roiatatokenti,
 Tetewaiena eronhiakehronon
 Ietisennaïen.

Ethonaiawen.

*Iakorennokte, tentsiontontsoten, nok en-
iairon:*

v. Iesos, iesahnekanonten otsate iotsi-
tsiatken tekaieston;

R. Takwentenr.

v. Wari saiatatokenti, iah othenon te-
saiatoronhon sasatiatata;

R. Takwaterennaienhas, ne kwaniahe-
sen.

v. Wari saiatatokenti, iontekwashen-
takwa tsi tesiteron niakoriwanerahakskon;

R. Takwaterennaienhas.

Sewenniio, wakiatonti... sk. 236.

O Wari saiatatokenti, sanikonhriio ko-
wa... sk. 228.

Wakatennikonhrisa, niahtaonsakatstake
nohneka sonha iakononwarahtontha; en-
kheiatakennha oni nonkwe okon naiontkawe
nehnahoten; iah nonwenton takhehnekar-
hase, iah oni takheriwawase ne iontatneka-
ranis; etho nonwa niwakenikonhroten tsi
waktare. Aionkienawase Iesos nok Wari.

Sawatis saiatatokenti, takwaterennaien-
has.

Etho ionkwatekwashen... sk. 21.

IONTERENNAIENTAKWA SONHA RON- WENNITENSTAKWA SAKSARIE ROIATATOKENTI.

Sotsi kariwes aiontrori kento tsinikon nihotieranion ne Saksarie, onwentisake tsi ireskwe (1506-1552). Rasennanoron, aseken ionehrakwat tsini hoiatatokentonne, tsi iotekhakwe ne raweriane tsini honoronkwa ne Rawenniio, ionehrakwat tsini kentiohkwatsanit nonkwe sakohaharaton ne karonhiake aiontsennonni. Ronwennakeraton tsi kentiohkwaïen ne *Teionreniatha kariwiioston* konwaiats; nonwentsiakwekon niakoriwiioston ronwaniahesas, ronwennitentase oni tsini haïatanoron ne karonhiake. Senha tenhnon aiontsteniaron ne Kahnawakehronon ahonwanorokwake, ahonwaniahese oni, aseken ronwennakeraton tsi tiakotenataïen. Ethonahatiriwisa ne thonatierenton sakotirihonnienni Kahnawakehronon ronwatisot okon kenha; etho oni nahariwahnirate ne thotierenton thariwawakonne Tekiatontarikon, wasakowiron ne Kahnawake entiakoriwiiostonhake tsinenwe, ahonwennakera-tseke ne Saksarie roiatatokenti.

Kahnawake, kaïen taiontentsa tewateriwaserakwatha kowa naonsaiontateronkwase, aïeiatarane, nok oni aionterennaïen kennikariweshanonosatokentike ne taonreniate ne kariwiioston, tsini ieskahes *Saksarie rawentawen*, 3 siskare tesember; ne sakotenron tsinenwe n'Ariwawakon kowa kenha Pie VI, 20 siskare fefriïe 1788.

Iorennhaon tsi tienakerenion niakoriwiioston, kenkwitehne, *ahonwennitentase Saksarie roiata-tokenti tiohton nonta*; tiotkon ethoni ieierha

Kahnawake. Kaiatonseraien ratsihenstatsihne ne kariwahniratstakwa tsi roriwanonwehon n'Ariwawakon tsi ethonieierha; watroriatha oni ne sakaiatonserat tsi watons taiontentsa tewateriwaserakwatha kowa, netho tsi kahawis, nenskat entsiontateronkwase, enieiatarane, nok ne wenniserate nenieiatarane, enieiatarake arahonne enskat tsi iontkennisahatha ononsatokentike ahonwennitentase Saksarie. — 7 siskare fefriie 1829 tsini kahawi, sontahoiatonse nennee ne Kahnawakehronon ronwahniha kenhne, ne Bernar-Klode Panet ronwaiatskwe, thariwawakonne Tekiatontarikon, arekho tsi tekaiakon tsi tiakwanakere, ne tahaiaatate n'Ariwawakon ahoterihontake ne Tiohtiake.

SAKSARIE RONWENNITENTASE TIOHTON NONTA.

Rawenniio hetsitewennitentas:

Sashenseratokenti, sesiatat Niio, wakatiskwentaren sasitakta, akenikonhrakwekon konwenniiostha, konsennaiens, sonhat-siwa konniahesen; konhiennitentasere kati naskewennarakwe tsi nahoten takenikonhraten nakonnekenniheke. Tokenske, sane, Sewenniio, iahte wakerihonte naskitenre; nok skatatswens tsini wakeriwaneren, wakaterientason oni iahtaonsakeriwanerake. Askitenre kati, tsinatekatkarias

kariwiiostonke, asatahonsatate tsi kateren-naiens. Ne konhiennitenstakwa tsini sonk-waronhiakense Iesos Hetsienha, raonek-wensakwekon thonekwensarihon tekaia-sontne, ii akeriwa. Iakwawennakwekon tsi konhiennitentase Wari ioiatatokenti, Sak-sarie oni roiatatokenti, ne akwa sakwania-hesen nonwa wenniseratenions. Tosa kati, Sewenniio, ok taonkstontste tsiniore enhi-niahesenhake, eso nonkwe sakotenranion tsinahe. Wakerhare kati nasatontate, netho nahakitenre nonwa tsi nahoten tewakaton-wentsioni. Ethonaiawen.

Saksarie hetsitewennitentas:

Saksarie saiatatokenti, Iesos hetseriwa-waselhakwe, akenikonhrakwekon nonwa konniahesaonhatie, askitenre askewenna-karatate, ise iaskwatatiase tsi thenteron ne rotanitenraskon kowa. Tiotkon tsinahe shetenranionskwe nonkwe, niate ioriwake sheiatakennhastakwe, niate wenniserake oni takwatokatennis tsini tsiatanoron ne karonhiake. Askitenre kati, saiatatokenti kowa, askwatsteristase tsi nahoten nonwa tewakatonwentsioni, tiohton niwenniserake ne enkonhiennitenstakwake. Akwekon ie-sakwathoseron tsi iotonwentsiokte, satora-

tonhaties nakotonnhetston nonkwe, sheten-ranionskwe oni ne iesaswenskwe; ii kati, ne ken kiteron, takienha, iah ken taskitenre? Iah ken taontatieseke satanitenrasera? Iah nonwenton nok taiakostontston ne iesaniahesaon tiohton niwenniserake. Akonhatsiwa kati ken iahtaskwatahonsatatse? Iahten onte, rakeni, taskewennonti tsi konhiennitentase, aseken sotsi konniahesen. Ioriwah-niron kati wakerhare nenskwaterrinaienhase, ienskwatatiase Rawenniioke, nahakitenre, nahakewennarakwe tsi nahoten nonwa tewakatonwentsioni. Ne wakerharekwen tsini sonkwaronhiakense Iesos Sonkwawenniiio, nok tsina tetsiatatenoronkwa ne Wari ioiatatokenti; ne kati taesewaiena, naskwentenre nonwa netho naiawen tsini katerennaientakwa.

Iesos hetsitewennitentas:

Ise, o Iesos! tisasahaton hetsenikonhra-ieriton Niio Hianiha, akwekon iahta tesa-nonhianihekon ne tekaiasontne aiesaiatantakte, ii iakionkwe onkwariwa, tsini skwanoronkwa; ne waonni hiaiatanoronton ne Niio, kasennanoron kowa hiasennawi, Iesos hianatonkon. ne aonhatsiwa kasennanoron nonwentsiake.

- v. Takwentenr, Sewenniio;
 R. Takwatontats, Sewenniio.

Kwennitentase, Sewenniio, naskwentenr-heke ne takwaien okonha, aseken ii onkwariwa rotatewenteton n'Hetsienha, ronwanaskwenhawenson niakonkwetaksenskwe okonha, ronwaiatanentakton tekaiasontne, ne sane seseniatat, ok oni sate senonnhe iatekakonte. Ethonaiwen.

Wari tewennitentas:

Wari saiatatokenti, ise ok iahte saiatoron ne kariwanerahakserakaion sasatiatata, akwekon nonkwe sheiatsennonniatenni, sesaketote nonwentsiake; aseken ise hetsateweton Iesos Niio Roienha, akwekon nonkwe tesakoswathetenniron nasatakon iakonnhekwe, rasennion oni ne kenheion, nok akwekon sonkwanaktaseronnienni ne karonhia-ke aiakwatsennonni iatekakonte nenionkwateweientonke.

- v. Tewatsennonni kati, tewenniseranor-
 onkwak sontiatata ne Wari ioiatatokenti;
 R. Aiawen aionkwentenrheke, iaionkwatatiase tsi thenteron ne Roienha.

Tewaterennaian: Sewenniio, ne iorihon-nihon sentenron Wari ioiatatokenti, iahte kanakwaienteri, iah othenon teioiatoronhon

kariwanerahakserakaion sontiatata, tsi seron: aiorihontake atsenonsotase n'Hetsienha kanonsanoron, tsinon enhatatiteron: kwennitentase, tsiniot ne sentenraton, tsini saterientarakwe ensakawenheiasa nonkwe, seiatanonstaton tosa othenon aioiatoron ne kariwaneren, etho naskwentenre nii, tosa othenon aionkwaiatoronhontake akwarane tsi tesiteron. Takwawennakwekon lesos Hetsienha tsi kwennitentase. Ethonaia-wen.

Sose hetsitewennitentas:

Enskat aierihokten ne tsinon tkaiatonnion ionterennaientakwa sonha Sose ronwennitentase, sk. 58, 243, &c.

Tewaterennaien nonwa tsini haierhakwe Saksarie roiatatokenti, taonreni nonwentsiake ne kariziioston:

Sewenniio, tiotkon tsi senakere... sk. 231.

Takwaienha... Wari...

Saksarie saiatatokenti, takwaterennaienha.

SAKSARIE RAORIWA TAKWENTENR.

Takwentenr, Sewenniio. — Kristos, takwentenr.
— Takwentenr, Sewenniio.

Kristos, takwatontats.—Kristos, takwawennarak.
Niio, Iesaniha, karonhiake tesiteron, takwentenr.
Niio, Iesaienha, nonkwe sesheiatontakwen, tak-
wentenr.

Niio, Satkon Saiatatokenti, takwentenr.

Ashenseratokenti, enskat ok Niio, takwentenr.

Wari saiatatokenti, Niio hetsateweton, takwate-
rennaienhas.

Wari saiatatokenti, iahte senakwaienteri,

Iesos hetseriwawasehakwe,

Iesos hetsenoronkwakwe,

Shenikonhrahnratskwe ne iakonikonh-
ranonwaks,

Ronatkonseraksen shesennion,

Akwekon shenikonhriiostakwe,

Sesheionnheton ne iakowentaon,

Tesariwareniaton kariwiioston,

Niahte iakoriwiioston sheriwasennion,

Seriwanonweskw tsi sententonne,

Sariwakonnienston niahte ienakwaien-
teri,

Akwekon sheiatontatihakwe ne sheko-
wanenskwe,

Kariwiiio okonha satsteniaronskwe,

Tsiniiot neronhiakehronon ethoni saiata-
nekaronkwe tsi satoratskwe nonkwe,

Ise sheien okonha tsi tkarakwinekens tie-
nakeronnion,

Hientenron ne Rawenniio satokenseha-
kwe tsinentaiawensere,

Saskanekskwe kariwiioston aiesariohton,

Satatewenteton tsi sateriwahtentiaton
kariwiioston,

Iah nonwenton tesanakwaientarhaon,

Akwekon akoiatatokentison shenakerani,

Saksarie saiatatokenti,

Takwaterennaenhas.

Iesos, ise seri- } Takwaiatokef, Sewenniio.
 wahtontha ne } Takwatontats, Sewenniio.
 kariwaneren, } Takwentenr.

v. Takwaterennaienas, Saksarie saiatatokenti;
 R. Aiawen taiakwatentsa tsini sonkwarharats-
 tenni Kristos.

Tewaterennaien: Sewenniio tsi iakonnhe, hetsitenron Sakasarie roiatatokenti, eso nonkwe hiatorati tsi tkarakwinekens tienakerenion, raonha roriwakwenion ise sheien okonha iotonhon; askwatontatse, askwaie-nawase nasakwanakeren tsini horiwiioston-ne ne roiatatokenti kowa sakwaniahesen nonwa wenniseratenions. Iakwawennakwekon Iesos Hetsienha tsi kwennitentase. Ethonaiawen.

RESIS ROIATATOKENTI RONWENNITENTASE.

Sahonnakerate Akwesasne, toha tsini kahawi 1754, rotitiohkowanen ne rotiriwiioston onkwe onwe Kahnawake nithonahtentionne, ratikwekon ne ronatiake ne Kanonsionnike, nok oni ne Sewekatsi nithonenonhne, roneron ne ratitsihenstatsi sakotirihonniennihakwe, ahonwaiatarako ne *Resis roiatatokenti* ahonwennakeratse.

Raiatarakwe Resis ne Ennias roiatatokenti ro-tiohkwisonhonne, ne ratitsihenstatsi 'onwe raotitiohkwa konwaiats; ne sahotitiohkwat raiatarakwe ne Saksarie; ne oni sahotitiohkwat ratiatarakwe ne ratitsihenstatsi sonha thonatierenton sakotirihonnienni kariwiioston Kanonsionnike, Kahnawake nok Akwesasne.

Toha enskat tewenniawe nioserake tsinahe tsi ronnhekwe Saksarie, ethone nonwentsiake ireskwe ne Resis roiatatokenti. Tsini hoierenne ne Saksarie asakohaharate nonkwe ne karonhiake aiontsennonni, etho oni nihoieren ne Resis; iah sane inon teiatehotstekahwen tsini hoiatawenhon ne Saksarie, ne ok tsinonni ienakerenion niakoriwiioston, Oseronni onwehne, ehnon nisakorihonniennihakwe ne Resis. Ionehrakwat tsini hotanitenraskonne, tsini hanonweskwe asakotenre ne iakotent, nok ne iakononwaktanionni; ionehrakwat oni tsini hatatkenhronnihakwe ne raonha, rawatsiranoronkwe sane.

Tkariwaieri ahonwatsennonniase Resis roiatatokenti tsini thoriwaieriton Rawennioke nok onkwehne nonkati, ahonwanakeren oni tsini horiwiistonne. Ne tenhnon sakoien okonha iotonhon, n'Akwesasronon, ioteriwison ahonwaniasesenhake, ahonwaneken asakoiatanonstatseke, asakoterennaienhase naontehiaron tiotkon ne kariwiioston tsi tienakere, nakwekon sataiontsennonni ne ronwennakeraton ne karonhiake.

Ronwennitentase ne Rawenniio nasakoterennaienhase Resis roiatatokenti:

Sewenniio, seianerenston raottonnhetston ne Resis roiatatokenti, hetsawi naonehrawatonhake ahianoronkwake, asakoronkwake oni nonkwe, nok ahonikonhriiohake onwe, ne tsi iawetatsanit roiotenhon, rotateronhiakenton oni, nasakohaharate nonkwe ne karonhiake aiontsennonni; askwentenre, tsini satanitenraskon, ne tsi sonkwarihonniennitha tsini hoieren nonwentsiake, tsi oni ni sonkwaterennaiennis nonwa ne karonhiake, asonkwaienawase iatsitewanonterane, nok taetewatentsa ne sataiakwatsennonni iatekakonte. Iakwawennakwekon tsi kwennitentase Iesos Kristos Sonkwawenniio, sate tsionnhe nok sate sewawenniio, sewakwekon ne Rotkon Roiatatokenti, iatekakonte tsinenwe. Ethonaiaawen.

Ronwennitentase Resis roiatatokenti, tiohton nonta:

(8-16 *Sen*).

Iaiak iawenre siskare sen ieskahes Resis rawentawen; ne wenniserate wahatonnhokten nonwentsiake, nok wahoiatanoronste ne Rawenniio

karonhiake. 'Tkariwaieri ne ronwaniahesas aia-kotennikonhraseronni tsi eniakawentatokentase rawentawen, nahonwennitentase tiohton nonta. Iahte iotennowent ensakotahonsatatse, ensakowennakaratatse Rawenniioke nenhonwennitentase.

Ken kati naieiere ne tiohton nonta tsini kariwes, satekon siskare sen taiontasawen tsiniiore ne iaiak iawenre senskarake:

Niate wenniserake aierihokten arahonne:
 I Takwaienha, Wari tekonnoronkwanions.
nok I Resis saiatatokenti, takwateren-naienhas.

Aierihokten oni, neniekweni, ne Resis raoterennaientaksera:

Sewenniiio, seianerenston raotonnhetston ne Resis... sk. 310.

Kaianerenseriiio oni, niate wenniserake ronwennitentase, taieiatorete tsini thoriwaieriton ne Resis ne kariwiiio sonha, iken:

1. Tsini honitentonne, — ahonwaneken asakoterennaienhase naiakonitentonhake.

2. Tsini honikonhriiohne, — ahonwaneken asakoterennaienhase naiakonikonhriiohake.

3. Tsini hotateronhiakenton taonsahariwaserako, — ahonwaneken asakoterennaienhase ne tosa taiakononhianiheke taonsaieriwaserako tsi iakoriwaneren.

4. Tsini hotataskennhen ahonwasennowanate ne Rawenniiio, nok asakohaharate

nonkwe ne karonhiake aiontsennonni, — ahonwaneken asakoterennaienhase ne senha ahonwanoronkwake ne Rawenniiio, nok senha akonwaiotense nakotonnhetston.

5. Tsini hotanitenraskonne, — ahonwaneken asakoterennaienhase naiontatitendre sateiakonkwe.

6. Tsini hariwatsaniskwe aioiatoron ne raotonnhetston, — ahonwaneken asakoterennaienhase ne tosa nonwenton aioiatoron nakotonnhetston ne kanakwaiesatsera.

7. Tsini hanonweskwe ne skennen, ne tsi tiotkon ioranentakonne ne Rawenniiio raonikonhra, — ahonwaneken asakoterennaienhase ne skennen aionnontonnion tsi ok nahoten naiakojatawen, ahonwawenniiios-take ne Rawenniiio.

8. Tsini hotakatstaton tsinikon roroniakenhon, — ahonwaneken asakoterennaienhase ne tosa taionteriatikhon tsi ieronhiakens nonwentsiake.

9. Tsini hojatawenhon sahatonnhokten, wenheiontatokenti nithawenheiaton, — ahonwaneken asakoiatanonstatseke nentia-kawenheionsere.

TEIONRENIATHA KARIWIIOSTON AOTIOHKWA.

Nahoten aieriwaierite naontiataren:

Aiontatsennaren tsi thenteron ne sakorihonniennis, aiakotieseke tsioseratson ashen wenso, aierihoktake niate wenniserake enskat *Takwaienha*, enskat *Wari tekonnoronkwanions*, nok enskat *Saksarie saiatatokenti*, *takwaterennaenhas*.

Tsi nahoten kakwenies tsi ethoni ieierha:

Kakwenies eso nonkwe aieriwiiste, niahte honwaienterihne ne Rawenniio; eso ne Rawenniio ronwawennenhawe inon iehonnetha nasakotihaharate ne karonhiake aiontsennonni; eso iakononsonnianion ononsatokentison tsi tienakerenion nonwarh ronwaienterhaonhatie ne Rawenniio; eso iakaonwentsiatsenrion niahte iakoterientarakwe aienakereke, onen nonwa iakoriwiiston; iawetatsanit ronwatinekwahestanions eksa okonha iaiheionsere, tsinon arekho tetiakoriwiiston, iah nonwenton tahonwaienterhaon ne Rawenniio, ok sa ok kati karonhiake waente; iawetowanen iakaonni ne ionteriwaienstakwa aiontaterihonnien ne iakotehiarontie niate ioriwake ne kariwanorons; kakwenies kati iawetowanen ieriwaierits nonwentsiake ne karonhiake aiontsennonni, ne iakotiatare ne rotiohwahniraton n'Ariwawakon kowa, otiohwatokwenti akenhake tsinenwe, nakonwehiaron ne kariwiiston nonwentsiake, tsi tienakerenion narekho tehonwaienteri ne Rawenniio.

Onwentsiakwekon iakothonkariakon nethoniio-riwa aiekariakseke, iawet ahonwawiseke ne Rawenniio, nahonwaienterhane nonkwe: akwekons oni neksa okonha, oktiwakwekon ethoni ieierha: ne naiakohninonton ne iawekhon, wahonhion ne Rawenniio, iakoties nakowista tsi teieriwarenia-
tha ne kariwiioston.

Tohka niwenniawetserashen ne ratitsihens-tatsi tehonarenihon nonwentsiakwekon nahon-watoratse ne Rawenniio nonkwe, ne rontennatha, enskatson kwenis ne tsioiaiakserat iakoties; iahte honnesaks ne rononha ahontsennonniate nonwen-tsiake; iotkate ok eken ne enhoniheiate; Ra-wenniio ronwasennowanatonhaties, tsini hotiie-ren ne Iesos Ratikwekonne, tsini hoieren Saksar-ie roiatatokenti, ne ronwaiatarakwen ahonwako-wanenhake, ahonwennakeratse oni tsi iienhre ne ieiatate, aiakwaiatakenna ne kariwiioston non-wentsiake, ne se akwa eniontsennonniate enion-tonnhokten.

Nahoten iontsennonniatakwa tsi ieiatate:

Iawetowanen sakowi n'Ariwawakon kowa *tewateriwaserakwatha sonha* taiontentsa naieri-waierite tsi ieiatate: Tiohtiake nok Tsi Kaia-tonseronni hniriwawakon raononwentsiake, kaien ne tewateriwaserakwatha kowa taiontentsa, tsi ieskahes Saksarie rawentawen, kawenniio aonsaiontateronkwase, aieiatarane, iaiekwatho akononsatokentike, nok etho aionterennaien ken-nikariwesha tsini haskaneks n'Ariwawakon kowa.

Tikate, ne oni iontsennonniatakwa tsi ieiatate, tsi ionterennaiens ne nonwentsiakwekon sate ieia-tate; iawetowanen oni tsiakotehiaronnis tsi iontonnhisaks nonwentsiake, aseken niahtate-

honwanonhianiheki ne Rawenniio, iah oni ne raonha tatasakononhianihekse naiontsennonni.

Iakottonhahere nethononni ieiatare, iakohronkenhatie eso iakoriwiiostaonhatie nonkwe, akowista, akoterennaientaksera oni iokwenionhatie.

Aiawen akwekon aiontiataren nonkwe onwe tsi kentiohkwaian *Teionreniatha kariwiioston*; etho naontawe senha aiakoriwiiostonhake, nok oni naiontkwatako nonwentsiake, tsi aontakajakenseke nakonatatserakon enskat kwenis ne tsioiaiakseratson, ne takareniate kariwiioston nonwentsiake.

AIONTATATERENNAIENHASE NIAKOWENTAON.

Tetewaiatoret, tokat nonwa tiakotiaktani tsi tetieseronniatha, notiake akottonnhetston okon kenha ne iakorhare nakwa ii aietiiatakennha, iken nakottonnhetston ne ietini okon kenha, iakwatateken okon kenha, iakwatatenonkwe okon kenha, teiakwatatenoronkwakwe nonwentsiake. — la wet ronwawennatroris Sob rokstenseratokenti kenha, iontonnions: “*Askwentenre nisa, askwen-
“tenre nisa, arahonne takwanonweskw.”* (Joh, 19, 21).

Tetewaiatoret oni, tsi ne ieteron tsi tetieseronniatha iahte iakokweniatseraien nakaonha aiontatiatakennha; etho se ieterontakwen nakwa taonsaieriwasherako, ne iah akwekon tetsiakori-

waserakwen onwentsiake tsi iienskwe. — Tsiniiot nennée asakotonheke Sonkwawenniio Iesos, tsi rawen: “*Oriwiiio tsi konhroris, tsi ok enska-rokten nohnaken katakwen ne kwenis, tentesia-kenne neh nonwe.*” (Watio, 5, 26).

Nok tenhnon ne tsi *teiontatseronniennis na-koiatatokentison*, ne oni tsini hotanitenraskon ne Rawenniio, ranonwes naetiaterennaienhase niakowentaon, etho naontawe aontakaseronnente tsi ieronhiakens, nok senha aiosnorenne aonsaiontiatontako, karonhiake aiente. — Waton se Kaia-tonseratokenti: “*Wennontonniontseratokenti, wennontonniontseriio oni aiontataterennaienhase niakowentaon, naonsaiontiatokewe tsi ia-koriwaneren.*” (2 Makabe, 12, 46).

Ne iontatitenratha ne ieteron tsi tetieseronniatha tsi *iontataterennaiennis*; tsi *tetsiontateriwaserakwennis*, ne kariwiiio sonha aieriwaierite nonwentsiake, nasakotenrate ne Rawenniio ne iaktiaktani tsi tetieseronniatha; nok oni tsi iontawis tsi *teiontentsas tewateriwaserakwatha sonha* sakowis arens Ariwawakon kowa. Ne aonhaa tenhnon waterennaientakseriio **Ohaseratokenti**, tsinonwe Iesos shoriwaiennihaties ne Roniha raoronhiakensera okon kenha, asakotenrate ne iakonnhe nok ne iakowentaon. Waterennaientakseranoron oni tsi *teionnonsatases*, eso niioranentakon ne tewateriwaserakwatha sonha, ensakoiakhonhase Rawenniio ne iaktiaktani tsi tetieseronniatha.

Aiakohtako kati niakoriwiioston, tsi ok naiekweni tsi naieiere, naiontatitenre niakowentaon; iahta iakohtonse neniontatitenre. eniakotsennon-

niatskonhake neniontateskontako, entsiontataterennaienhase neniakotsennonnihake ne karonhiake.

IAKOWENTAON AKAWENNITA.

Hetsitewaniseratokenti Reon XIII, 17 senvie 1888, wasakotenre tsiniakon niakoriwiioston, tsi-ni wennites november, niate wenniserake enieri-waierite, tokat akaonhaason, tokat enskatne tsi enionterennaien ononsatokentike, naiontatitenre niakowentaon neniontataterennaienniheke, taion-tentsa: 1) Enskat sewenniserat, ne 7 nioserake nok 7 nioriwake ne kaieri niwasontashen ne tewateriwaserakwatha sonha; 2) Enskat tsini wennites, ne tewateriwaserakwatha kowa, kawenniio aonsaiontateronkwase, aieiatarane, nok ahonhion tsi enionterennaien n'Ariwawakon kowa.

Wisk Takwaienha nok wisk Wari tekonnoronkwations, niakowentaon akoriwake:

Sakowi n'Ariwawakon kowa kenha Pie VII, 6 fefriie 1817, tsiniakon enierihokten 5 *Takwaienha* nok 5 *Wari tekonnoronkwations*, akowenk enkenhake ne iakowentaon; nok tsi ierihoktha tsiakotatreWatonhatie, *tenieiatorete tsini hoiatawenhon Iesos sahonwaiesate*; wisk oni nioriwake eniairon: *Kwennitentase, Sewenniio, ashetenre ne sheien okonha, ne sanekwensatokentike sesheskontakwaton*; tokat: *Niio Iesaniha ok tsi senakere, ashetenre ne iakowentaon, ne Iesos raonekiwensanoron ashetenrate*; onen tenhnon:

Asheion, Sewenniio, atorisenserakont, nok teios-wathe kowa tiotkon taiakoswatheke; Netho nenie-iere, teniontentsa: 1) 300 niwenniserake ne tewateriwaserakwatha sonha, enskat sewenniserat; 2) enieiena tewateriwaserakwatha kowa, nenia-korihoktaon niate wenniserake sewennitat tsini kariwes, kawenniio enskat tsiniore aonsaionta-teronkwase, aieiatarane, ahonhion tsi enionte-rennaien n'Ariwawakon kowa, nok oni enionta-taterennaiehase niakowentaon.

Sewenniio, satahonsatat...

Sewenniio, satahonsatat tsi tewakhenretha kanikonhraksenserakon, etho akewennatirhene tsi tsiteron.

Satahonsatatsek tsi enkaterennaian, enkonhiennitentaseheke.

Tokat, Sewenniio, sotsi askahenhion tsi ionkwariwaneren, onka, Sewenniio, aiekweni iahtaiakohteronseke taietetane tsi tsiteron?

Nok tenhnon sananon natanitenrasera, wakonniahese, aseken saianerensera ionkwannhas akwaniahesenhake.

Ne sawennatokenti ionikonhrahnraton nakwatonnhetston, akweriasakwekon wahniahese ne Rawenniio.

Orhonkelne aiontasawen eniokarawenieioha, ahonwaniahese ne Rawenniio sakoien okonha Israerronon.

Aseken iahtaontontsahate raotanitenrase-
ra, oktihawenniiio naonsasakoskontako.

Raonha ensesakoiatokewe ne sakoien
okonha Israerronon, tsinikon ronwanikonh-
raksaton.

Asheion, Sewenniiio, atorisenserakont,
nok teioswathe kowa tiotkon taiakoswa-
theke.

v. Asheskontako nok karonhiake
asheiatinionte;

R. Etho aiesatkalito tsi aonhaa ion-
wesen kowa, aiesawenniiostake nok aiesa-
sennaaienheke.

v. Takwátontats, Sewenniiio, tsi kon-
hiennitentase;

R. Etho akewennatirhene tsi tsiteron.

*Ietiiaterennaienhas Ratiriwawakonson,
ratitsihenstatsison okon kenha:*

Tewaterennaien: Sewenniiio, sheiatano-
ronston ne iesawennenhawakwe Ratiriwa-
wakonson, ratitsihenstatsison okonha, she-
tenron iataonsashetaste nonwentsiake tsi-
nonni iahatitakwe Ratikwekonne, aiawens
kati ahatikwekonhake iatekakonte ne karon-
hiake.

*Ietiiaterennaienhas iakwatatenonkwe o-
kon kenha, nok oni ne ionkitenranionskwe:*

Tewaterennaien: Niio, shetenras nonkwe, nok senonwes aiontsennonni, iakwawennakwekonhatie ioiatatokenti Wari nok akwekon akoiatatokentison, iakwennitentase satanitenrasera, aontiesenhake ashetenre nakwatateken okon kenha, nok nakwatatenonkwe okon kenha sate iakwanakerekwe, nok oni ne ionkirakwennis, etho iaionwe tsi iatekakonte iakotsennonni.

Ietiiaterennaienhas akwekon niakoriwiioston kenha:

Sewenniio, sheiatison nok sesheskontakwen niakoriwiioston okon, asheion tsiniakon iesaseronnienni nonwentsiake rotiskenra-kehte nok tsiakothonwisen okon kenha, aonsaiontiatokewe tsi iakoriwaneren, aia-wens nonkwatèrennaientaksera akakweni aiakorane satanitenrasera, etho naiawen tsiniiot tiotkon iakoskanekon; ne askwentenrate Iesos tsiatatienha, sonkwaronhiakense nok sonkwenheiasse. Ethonaiawen.

Iesos, satanitenraskon, shetenr niakowentaon sekon nonwa ieteron tsi tetieseronniatha iakoriwaneren; shetenr, sasheiatontako, karonhiake aiente, aontaionkiiaterennaienhase.

IONTERENNAIENTAKWA SONHA.

1. Iontatennitentase ne sate iontatiats akoiatatokenti:

Saiatatokenti ne sate teionkiiats, ise kati hiatakweniaieni ne Rawenniiio nakwatonnhetston, sahakitenre saonkenekwahes-te; askwaterennaienhase naksennaierite naksennatokenti, tsi nise nisaieren nonwentsiake. Askienawase naonsakhaharane kariwiiostönke, iatekakonte akiatonti noneshonronon, aonkerihonti oni naoriwa okon, atonwesentseraksen; akwa akonna-keren nonwentsiake, nakatsennonni nenkatonnhokten. Ethonaiawen.

2. Ontatienha iontataterennaiennis:

Sewenniiio, takwatanientense nakhenorönkwake ne ionkienha nonwentsiake; kanekhere ne ok enkeriwaierite tsi khenorönkwa nakheiataterennaienniheke, nakhetenrheke oni neniakotentane. Sewenniiio, satanitenraskon nok tesatenonliianiton: sewatie-rens shehrewatakwa eksa okonha, tsi iahte

tiakoriwaieriton ne iontatateweton; sewatie-rens ne shehrewatha ne iakowiraien, tsi iakowiraksens; arens oni ne shetenratha notiake nonkwe, tsi iakoniseriio, iakonistense-riio; nok arens ne shetenratha ne iakowiraien, tsi iakowiraios. Ise saterientare tsini saierenhäties. Ne ok kati ne tenkonnonweratonseke tiotkon, tsinikon shetenron ne ionkienha; aiawen tiotkon ashetenrheke nonwentsiake, nok oni nenhiatonnhokten. Aonsesanikonhren oni tsinikon iesanikonhraksaton, ii akeriwa, tsi iahte khewennarakwakwe. Isehre, Sewenniio, etho naiontatewennanoronkwake nontatienha, tsiniiot nise akenhake askwannhaseke; ise kati tenkonkanerake nothenon enionkennhane ne ionkienha; enkerheke, raonha rohtare ne Rawenniio, tsi eniakohtarake; aseken rononha ionkwateweton, ok nise sason nakwatonnhetston, naonkenaktaientane karonhiake. Kanekhere, Sewenniio, iah nonwenton takkarokten tsini kanoron tsi ionkeliaron; ise kati askienawase, sasheierit tsini iakoronhiakenhon nakeriwake, sheiatanons-tatsek skennen ahiaiatisa; askwawiseke oni nakhetenratake tsinenwé enhnonnheke, nok askwentenre ne iakwatatienha iatonsaiakwatatken katke sonha karonhiake. Ethonaiawen.

3. Nakonwasenni notkon:

Sewenniio, iah othenon tesanoronse, ise tisatatenientenston tsatsa nakwatonnhetston, askon ne tosa akatiesate tsi satatiatare nakenikonhrakon. Sanonsa sonniaton ne kieronke; tosa kati akonnonsaksaten, tosa aonkiataksate noneshonronon aoriwa sonha. Iah taonton nakonhaa akkweni nakateweienton; ise ki, niah othenon tesanoronse nashetenre, ise Sewenniio, konhiennitentase naskitenre nakhenakeren neronhiakelironon, tosa nonwenton aonkeriwaientake ne kanakwaiesatsera nahoten. Iakokwenion eso ne karonhiake nonwa iakotsennonni, iahte iakoienterhaon ne ioriwatsanit nonwentsiake tsi iienskwewe; etho naskienawase, Sewenniio, nakatatenikonhrarake, tosa akeharon nothenon enkennontonnion ne iotaksen; askon nok sa ok akatatennhese tsinikon ne iontkaronniatha; akenoronkwake ne tiotkon akaterennaienseke; aiawens katke sonha aonkiatatokentonhake. Ethonaiaawen.

4. Naiakonikhriiohake:

Sanikonhriio kowa, iahte tesheiatertia-tikhons nonkwe iesanikonhraksatanions sa-

ne; ne takerihonniennitha naonkenikonhri-
 iohake, tosa akatiesate tsini skenatonnis
 nonwentsiake taonsakeriwaserako. Waka-
 terientare, o Iesos! tsini saiatawenhon non-
 wentsiake: satketaton ne iononwakte kowa
 ii onkwariwa, nok nii ok eken tekatateria-
 tikhons, tekheiatariatikhons nakwatateken-
 son nonkwe. Ne wakenikonhrariohtha tsi-
 ni wakswatanitskon, iahte konwenniiostha.
 Askitenre kati, aonsaskenikonhriiosten, na-
 onsakonhieren tsini tsiesaieren nakoiatato-
 kenti, senha eso iakoronhiakenhon nonwen-
 tsiake tsi nii niwakeronhiakenhon, nok iesa-
 wenniioston. Saronhiakenseratokenti iako-
 nikonhrahnraton tsini iakoieren; ne kati
 oni nii, o Iesos! aonkenikonhrahnrirate, na-
 kenonweseke skennen akeronhiaken tsi ok
 nahoten, ne takatentsa nakatkahto ohnaken
 natorisenseratokenti karonhiake. Ethonaia-
 wen.

5. Ionterennaientakwa ne ionnonton- nion aiakoniake:

Sewenniio, ise sheiatison nonkwe, ise oni
 sonhaa tesherahnekens nakoniake, naiont-
 watsiratehiaron nonwentsiake tsiniioire ien-
 watonwentsiokten; iahte sheiawi noktaie-

nensko nonkwe, tsini kontiierha ne katsenen nok ne kontirio; ok eken ise satatienni nashionkwetarakwase, tsi oni niakoñnhes, iahtaonsonton taonsaiontekhasi; konniahesen kati nonwa, Sewenniio, iahte katatewenniiostha, ise wakonwenniioste, akwa wakonneken ne iaskenikonhrehawite tsini sanikonhroten; tontaskswatheten kati, askenikonhratokensten ne senonwes taiakiatien. Kaskaneks naontakeriwaierite, ne aoriwa nonwa wakonriwaienhase, naonkienawase naonkeriwiioston tsi aonkeniakon. Tsini sariwison, etho nenkenoronkwake (nenhinoronkwake) tsini nikatatenoronkwa; enkaskennhaseke oni tiotkon ne skennen akenhake tsi teniakeniterontake, taiakiatatienawaseheke oni, ne teiakenitsiaron aiakiatsennonni karonhiake.

Wari saiatatokenti, Sose teseniterontakwe, tesenitsiaron askiaterennaienhase taiakiatatenoronkwake ne kanoronkwatseratokenti; aiawens katke sonha iaiakenewe tsi teseniteron nonwa karonhiake. Ethonaia-wen.

6. Ionterennaientakwa naieiena tewateriwaserakwatha kowa:

Sewenniio, iah othenon tesanoronse, askwentenre nonwa, askion tsinikon sane

kennis, ii onkwariwake, ne Sentiohkwatoken-
 kenti. Seriwahnirat karonhiake ne sonkwa-
 wis onwentsiake tewateriwaserakwatha ko-
 wa ne hiawennenhave Sakwaniseratoken-
 ti, Ariwawakon kowa. Hetsitenr, hetsiena-
 was tsi sonkwatsteristha, tesonkwasnie ka-
 riwiiostonke; nok askwentenre oni nii, na-
 sakwawennarakwake. Shetenr oni ne iesa-
 wennenhave okon, ratiwennakwekon n'A-
 riwawakon kowa, tsi ionkirihonniennis.
 Hetsitenr ne sonkwatsteristha Ariwawakon
 Hetsitenr ne sonkwakora kowa, tsi sonk-
 watsteristha onwentsiake aoriwake, hetse-
 nikonhrata tosa asonkwaiotatse tsi ionkwa-
 riwiioston. Shetenr oni ne rotinontioson,
 ratikorason, ronateriio nonwa, ne skennen
 aonsahononni, aionterioserentane. Tsitenr
 ne Sentiohkwatoken-
 ti teieiason-
 tha, taonre-
 ni nonwentsi-
 akwekon, na-
 iesasennai-
 enheke non-
 wentsiake,
 tsini iesas-
 ennaiens ka-
 ronhiake. Sahtont ne kariwiiostontseraksens-
 kwa okonha, iakoiatahton-
 tha nonkwe. She-
 natonhas akwekon ne aon-
 ha-
 a kariwiiostont-
 seriio teieiason-
 tha, ne skanikon-
 hr-
 at aken-
 hake nonkwe okon nonwentsi-
 akwekon tsi aiakoriwiiostonhake,
 aiawens enskatne tsi
 aiakwatsennonni karonhiake nonen eniak-
 wenheie. Ethonaiawen.

Enierihokten oni tokat 5 *Takwaienha* nok 5
Wari tekonnoronkwanions.



*"Ne iraks' nakewaronk, nok rahnekirha nakenekwensa,
akönhake thenteron, nok Ii raönhake tkiteron."*

ASHENHATON NATEIOTIAKON NE KAIATONSERA.

WATRORIATHA :

NORIWATOKENTI OKONHA AORIWAKE, IKEN :

Iontatenekwahestha,
Iontatkentsiokhas,
Okaristia (*ne tiotierenton enieiatarane,
nok tsinaieiatarane ne teiakokonhentons*).
Tewateranekenseratokenti,
Iontaterihontakwa naiehasen,
Iontatiatokhas teiakokonhentons.

(*Ne Sewatateronkwenni aoriwake, iate-
kaieri tsi iakotroriaton onen, sk. 63 &c.*)

NE ONI AORIWAKE

Ne Tewateriwaserakwatha sonha.

IONTATENEKWAHESTHA.

1. Oh naieiere naiontatenekwaheste neksaa, arens iotteron naiaiheie?

Tokat iotteron kaneka ne raksaa nahrenheie, iahte hotenekwaheston, iakowis, iekanihare ia-konnhas ne kariwiioston noktikawenniio nonkwe ahonwanekwaheste, ne tosa onka naiaiheie iahte iakotenekwaheston, nok iahtaiakonaktaientake ne karonhiake aiontsennonni. Teiotonwentsiohon kati nakwekon nonkwe aieweientehtane tsi naieiere naieriwaierite tsi iontatenekwahestha. Ken kati naieiere:

Aiehnekaweron enontsine neksaa ohnekatokenti tokat ohnekanos, nok tsi iakohnekaweronhaties aiairon: *Wakonnekwaheste rasennakon Roniha, nok Roienha, nok Rotkon Roiatatokenti.*

2. Tsini haierha ne Ratsihenstatsi sako-nekwahestha.

Waontatiatarako *naiontatsennon* ne sakonekwahestane. Ioteriwison ne iontatsennawis aiontatewennakarata neksaa iontatenekwahestane; aiontatenikonhrarake oni nohnaken ne iakote-

nekwaheston, tosa aiontiesate tsini sakotenron ne Rawenniio; nok tokat iontatienha iahte iontatehilarons kariwiiostonke, ioteriwison ne iontatsennawis aiontsteriste ahonwatirihonnien ne kariwiioston. Kanoron ne iontatsennawis. Iahte iakonaktaien aiontatsennon nene iahte ieiatare kariwiiostonke; iah oni teiakonaktaien ne iahte ieriswaierits tsini ioteriwison aonsaiontateronkwase, aieiatarane oni, arahonne enskat tsini ioseres.

Akoiatatokenti akosenna iontatawis ne iontate-
nekwahestane, tsiniiot naiontonheke: Tontatsennakwe roiatatokenti kenhne, iawet etho naesaierenhake, tsinenwe ensonnheke, tsini horiwaieriton kariwiiostonke, nok niate wenniserake atseniahesenhake, atsennitentaseheke nahientenre nahia-wennakaratatseke tsi ensaterennaian.

Ken nenhaiere ne ratsihenstatsi nensakonekwaheste:

Ne Ratsihenstatsi enharizwanontonse:—
...Nahoten senekennira ne Niio Raotiohkwatokenti?

*Ne iontatsennawis entierizwaserako:—*Ne keniente akeriwiiostake.

R.—Nahoten ensatsennonniatakwe nensariwiiostakon?

I.—Iatekakonte enkonnnheke.

R.—Tokat wahi isehre akonnheke iatekakonte, hetsewennaieritsek ne Rawenniio. Entsenoronkwake ne Rawenniio Niio tsi sonnhe, seriasakwekon, satonnnhetserakwe-

kon oni, nok sanikonhrakwekon; nok enshenoronkwake satetsionkwe, tsi nise nen-satatenoronkwake.

*Onen tenhnon ashen niorizwake rotonri-seraientha ne ronekwahestane, nok tsiorizwat raton:—*Tsiakenn, ne satatenaskwa-iennihne tsi ronnhe ne kenhiken, ise satkon-seraksenskwa, nok hetsenaktotas ne Rotkon Roiatatokenti Sakonikonhrahnrats.

*Onen nonwa raweionkarake tenhoiasonthase ne raksaa rakenkwarake, rontskwenake oni, enhenron:—*Akaieronnitstake ne Kaiasa skenkwarake †, nok seriane †, asiena aontasehtakonhake aseriwaierite nowenna sonha karonhiake nitionenon: nok etho naseweiennotenhake, naontonseke Niio raononsa onen nasiatotenhake.

Tewaterennaien: Kwennitentase, Sewenniio, satanitenraserakon asatahonsatate nonkwaterennaientaksera: nok ne kenhiken...hetsiatarakwen, raiatake kaieronnitston ne Sonkwawenniio Raoiasa, asteson atsiatahnirate, atsenonnhaseke: etho naontawe, nenhoteweienton nenhonwarihon-nien tsini iahtiaiehewe tsini saiatanehrakwat, ahiawennarakwe tsinenwe, nok aho-terihontake iahaniharho naonsahennakerate saiatanehrakwatserakon. Iakwawennakwekon ne Kristos Sonkwawenniio. Ethonaia-wen.

Onen tenhnon enhonisonnsaherhase ranontsine ne raksaa, nok enhenron:—

Tewaterennaien: Niio iah othenon tesa-noronse, ok tsi sonnhe, Hetsienha ne Sonkwawenniio Iesos Kristos, thetskanerak nisa ne kenhiken hiaseronniennis..., hetsitenron thetsenonkton ahariwiioste; eren shawit tsi thenteron tsinikon akakweni takaronweke ne raweriasa: aonsatsenerensi ne ronaskwaientakwe notkonseraksen: at-sennhotonkwase, Sewenniio, satanitenrase-rakon, etho naontawe iawet taionkohte raonikonhrakon ne sattokhatsera (*ne waternientenstakon ne teioiotsis nenhonnhonthon*), tosa aiorane raiatake ne kariwaksen nahoten, ne ioiataksatha natonnhetst, ne oni tkarihonniatha iawet iahte iawekhon tsi wake-ras; ok eken ne tsi enhiawennarakwake, aionwesenhake, wenserakhon akenhake tsi enhronnheke Sentiohkwatokenlike, nok isinison nahatehiaron kariwiiostonke. Ne sahaiatat Kristos Sonkwawenniio iakwawennakwekon tsi kwennitentase. Ethonaiawen.

Ne ratsihenstatsi enhonnhonthon teioiotsis ne waterennaienni, enhenron:—... Tsiena nattokhatseratokeni aowenk teioiotsis: ne aiesaiatakenna ne iatekakonte asonnheke. Ethonaiawen.—Senikwekonhak ne skennen. Kenikwekonhak oni ne sanikonhra.

Tewaterennaien: Niio, iesawenniioston iakisot okon kenha, Niio, akwekon sateweiennison, sariwison noriwiio okon, akwa kwennitentase tatskanerake ne kenhiken hiaseronniennis..., nok onwarh wathatierente wahatkense sahonwannhontho teioio-tsis, atsitenre tosa nisinon ahatonkariake, iakaierine nahaiena ne kakwanoron karonhiake nitiawenon, etho naontawe tiotkon iawet aiotekhake raonikonhrakon katsirato-kenti, ahatsenmonniate tsí nahorhareke, tiotkon ahiasennaienheke. Iatsiteron, Sewenniiio, kwennitentase, tsinonni iontatiato-haretha naonsaionnakerate, etho nentewe, ratikwekon ne iesawennaierits, tahatentsa nahatkahto ne iatekakonte sheiatsennonniatennira tsini sherharatstenni. Iakwakwekon ne Kristus Sonkwawenniiio. Ethonaia-wen.

Wakonhiatekwate, ise satkonseraksen, raosennakon Roniha †, nok Roienha †, nok Rotkon † Roiatatokenti, aonsasiakenne, eren aonsasete ne raiatake ne kenhiken... roseronniennis ne Niio: Raonha ne awenke ireskwe tsiniiot ehtiioke akenhake, nok ne iahoiatsiatatse ne Tier onwa enhaskone. Raonha se hiannhaonhaties aonsasiakenne, ise satetsiraton, iatekakonte tetsiatekhasion ne Niio.

Sašienterenn kati, satkonseraksen, tsi iesariwenton, nok hetsewenniiost ne Niio ronnhe onwe, hetsewenniiost Iesos Kristos ne Roienha, nok Rotkon Roiatatokenti, nok eren saset ne ken renteron... roseronniennis ne Rawenniiio, aseken nenneh rotenron ne Niio, nok Sonkwawenniiio Iesos Kristos tehononkton tsi thentenron, nahaiena raoianerenstakwatseratokenti, raotanitenrasera, nok ahatenekwaheste.

*Kento ne Ratsihenstatsi razweionkarake tehoiasontanis ne ronekwahestane rakenkwarake, raton:—*Nok ken kaien ne watenientenstakon ne Kaiasatokenti † ne rakenkwarake kennakiere, ise, satkonseraksen satetsiraton, tosa nonwenton aserheke kerwaiesat. Iakenikwekon tsi konhiahristha ne sahaiatat Kristos Sonkwawenniiio. Ethonaiawen.

*Onen nonwa enhonisnonsaherhase ne rannontsine ne raksaa, enhenron:—*Tewaterennaien: Sewenniiio saiatatokenti, Iesanihia othenon tesianoronse, ok tsi sonnhe Niio, tsini satanitenron nok tisariwaieri kowa iatekakont, ise sason ne teioswathe nok noriwiio, konhiennitentase ne raoriwাকে ne kenhiken... hiaseronniennis, atsitenre tatswatheten tsini tesianikonhrathe kowa: aonsatsiatokewe, nok atsiatatokentistake:

atson nahaienterihake noriwiio, etho naontawe ahoterihontake nahaiena ne ioianerenstakwa iakowis ne iontatenekwahestha, aiohnironhake nahorhareke, iakaierike tsi tenhaiatorete, ahawake nowennatokenti. Iakwakwekon tsi kwennitentase ne Kristos Sonkwawenniio. Ethonaiawen.

Onen tenhnon ne Ratsihenstatsi enharen ne raonninaniaktha ranontsine ne rakṣaa, nok enhoiatiniente ononsatokentike, enhenron:—... Sataweiat raononskon ne Niio, aeseniiatarake ne Kristos, ne iatekakonte aetsiatsennonni. Ethonaiawen.

Onen nonwa sahonzwaiatenhawe ne rakṣaa tsironni enhotenekwaheste, ne Ratsihenstatsi nok iontatsennazwis zwathatiiena tsi ierihoktha:—

Tewakehtakon Niio Roniha...

Takwaienha ne karonhiake...

*Onen tenhnon are enhohriste notkonseraksen, enhenron:—*Wakwatekwate, sewatkonseraksenskwe okon, raosennakon ne Niio Roniha iah othenon tehonoronse †, nok raosennakon ne Iesos Kristos ne Roienha, Sonkwawenniio nok tesonkwaiatoretane †, nok raosatstenserakon ne Rotkon Roiatatokenti †, naonsasewaiakenne ne kenhiken... roiatison ne Niio, neh Sonkwawenniio, rotenron, thononkton raonon-

satokentike, nahaton raononsa ne Niio ronnhe onwe, nok ne Rotkon Roiatatokenti ahatatenonsotase raonhake. Iakwawennakwekon ne sahaiatat Kristos Sonkwawenniio, tentre tesakoiatoretane ne iakonnhe nok ne iakowentaon, nok nonwentsia otsirake. Ethonaiawen.

*Tsinaharihokten ne Ratsihenstatsi, raot-skeri waharho raweionkarake, wahorhose-ron ne raksaa rahontakeson, raton :—*Effeta, ne sakat aiairon, satennhotonko; *nok wahorhoscron tsi tehanionkaronton, raton :—*Wenserakhon akenhake. Ise, ok eken, sateko, satkonseraksen; aseken onen akta tsi wathaiatorete ne Niio.

Onen nonwa ne Ratsihenstatsi rorizwanontonnis ne ronekwahestane, wahawenhase :—... Wasiatonti ken noneshonronon?

*Ronwawennakarats ne iontatsennawis, tsieriwaserakwas :—*Wakiatonti.

R.—Wesarihonti ken naoriwa okon?

I.—Onkerihonti.

R.—Wesarihonti ken ne iakonikonhrotakwatha okon?

I.—Onkerihonti.

Onen tenhnon ne Ratsihenstatsi raweionkarake tenhoiasontakwe ne raksaa rontskwenake nok tsi thaneraroken, enhohienarho wenhienatokenti, nene iontatenekwahes-

tane akowenk konwaiats wenhienanoron, enhenron:— Wakonhienarho, ne konhiarhostha wenhienanoron iakotsennonniatenis, raonhake Kristus Iesos Sonkwawenniio, nasaientak iatekakonte nasonnheke. Ethonaiawen.

Nethoniore ne arizawakonhneha tsini wasokoten ne raonminaniaktha ne ratsihenstatsi rotstonne; onen nonwa nene kenraken nahoten enshennitiake. Nok iokontatie enshorizwanontonse ne ronekwahestane, enhawenhase:—

...Tisehtakon ken Niio Roniha iah othenon tehonoronse, roronhison raonwentsison oni?

Ne iontatsennawis tenieriwaserako: —. Tewakehtakwen.

R.—Tisehtakon ken Iesos Kristus raonhatsiwa Niio Roienha, Sonkwawenniio, onkwe rotonhon, nok roronhiakenhon?

I.—Tewakehtakwen.

R.—Tisehtakon ken oni Rotkon Roiata-tokenti, kentiohkwaïen Kentiohkwatokenti onwentsiakwekon saktiohkwat, teiontatseronniennis nakoïatatokentison, sewaterakewas tsi iakoriwaneren, entsiontonnhete uiakowentaon, iatekakonte entsiakonnheke?

I.—'Tewakehtakwen.

R.—...Isehre ken akatenekwaheste?

I.—Ne ikehre.

Onen kati enhonekwaheste ne wahonwaia-tenharwe iontatsennawis, ashen niorizwake tehaiasontakwa ranontsine tsi rohnekarweronhaties, raton oni:—... Wakonnekwaheste rasennakon Roniha †, nok Roienha †, nok Rotkon Roiatatokenti †.

Onen enshohienarho ranontsine ne raksaa, enhratste ne wenhienanoron iontatken-tsiokhastha, tenhaiasontakwe rarweionkarake nenhorho, enhenron:—Raonha ne Niio iah othenon tehonoronse, Roniha ne Sonkwawenniio Iesos Kristos, ne hientenron sassenakerate awenke nok raonhake ne Rotkon Roiatatokenti, ne oni hiawi aonsontet-rakewe kariwaneren ne ioiatoronne satonnhetston, (kento onen enhohienarho) † raonha kati ahienhienarho ne iontatiatokhastha iakotsennonniatennis, raonhake ne sahaia-tat Kristos Iesos Sonkwawenniio, ne iatekakonte asonnheke. Ethonaiawen.

Raton sekon:—Senikwekonhak ne skennen. Kenikwekonhak oni ne sanikonhra.

Onen enharen ranontsine ne raksaa oniataraa kaniatararaken, ne watenientenstakon ahotiatawiton atiatawitseriio nakwah kaniatararaken, enhenron ne Ratsihenstatsi:—

Asiena atiatawit ne kaniatararaken, aiawen tosa aioiatoron nensatiatawite, nonen tense-tane tsi tenhiaiatorete Sonkwawenniio Iesos Kristos, nasaientake ne iatekakonte asonnheke. Ethonaiawen.

*Onen tenhnon enhohahascron iotekha (ne iontatsennawis eniehawake), enhenron:—*Tsiena ne ionthaserontakwa iotekha, nok sateweienton tsi satenekwaheston, tosa othenon aiesaienhase: hetsewennaieritsek ne Niio, etho naontawe, nonen tentre ne Sonkwawenniio ratenniotane, askwenieseke tatsiateratana, ratikwekon nakoiatatokenti okon karonhiake, asaientake oni ne iatekakonte asonnheke, nok asonnheke onwe tsinenwe. Ethonaiawen.

Onen tenhnon nohnaken raton ne Ratsihenstatsi:—...Skennen ionsase, nok Sonkwawenniio senikwekonhak tiotkon. Ethonaiawen.

Nonen wahaweiennentane asakonekwaheste, ok sa ok sakosennarha neksaa nok ne iontatsennon; ne ionkwatokatennis tsi oriwii onen ieiatore ne Iesos Raotiohkwatokentike; onen waewistakarere, naontonseke aiakotokense ne sate ienakere tsini iotsennonniat tsini iawenhon, ionitiohkwatehiantie niakoriwiioston.

3. Tsi naieiere niaonsakahewe tsi iakotenekwaheston, nok tsi iakawentatokentases nakoiatatokentison sate iontatiats akawentawen:

Waontonnhahere tsi ieskahes tsi iakonakeraton, iontatatsennonniases ne teiontatenoronkwa. Iahta tekarensaron nethone aiontsteriste niakoriwiioston natonwesentsera sonha, ne rariwaswens ne Rawennii, ne tsi iakonikonhrotakwatha nonkwe. Ok eken, netho tsi kahawis, ken kaien ne tkariwaieri tsinaieiere:

1. Tahonwanonweraton ne Rawennii, tsi sakenron tsi iakotenekwaheston, kentiohkowanen nonkwe iah etho tesakowi.

2. Taieiatorete tsi nahoten wahonwarharatsten ne Rawennii saontenekwaheste, aonsahonwata-trewaten tsi iahte iakotatewennaieriton tsini ioteriwisonhonne, nok ase aonsaiakonni tsi nahoten ronwarharatstenni.

3. Akwa tekarensaron, netho tsi kahawis, aonsaiontateronkwase, aieiatarane oni; etho naontawe iawet aonsaionnakerate kariwiiostonke, aonsakaia-tiiohake nakottonnhetston tsini iohtonne saontenekwaheste.

4. Aiontatennitentase nakoiatatokenti sonha ne sate iontatiats, ase aonsaiakonni naiontatennakeratseke.

5. Ken kati niwaterennaientakserotens nenwatonkwiiiohake nethone aierihokten:

Tekonnonweratons, Sewennii, tsi takwariwiiostontserawi... sk. 213.

Sewennii, wakiatonti noneshonronon... sk. 236.

Saiatatokenti, ne sate teionkiiats... sk. 321.

IONTATKENTSIOKHAS.

Ioteriwison akwekon niakoriwiioston onen tsi iakonikonhroton, nok ieriwaienteri ne kontirwakweniioston kariwiiostonke, aiontsteriste nasakokentsiokhawe; aseken tsiniiot niahtiiekaieri tsi iakoriwiioston narekho teiakotkentsiokha, sotsi iakonoronse nakonwasenni notkon iakonikonhrotakwenhaties nonwentsiake. Raonha Ariwawakon ensesakoieritse tsi iakoriwiioston nensakokentsiokhawe.

Nonen enharihowanate ne Ratsihenstatsi sakorihonniennis tsi enrawe n'Ariwawakon nensakokentsiokhawe, akwekon narekho teiakotkentsiokha aiontatsennaren ok sa ok, aieiatarake tsi ensakorihonnien, oriwakwekon oni aeriwaiierite tsi nahoten ensakonatonhase.

Tsini haierha n'Ariwawakon tsi sakokentsiokhas.

Ne sakokentsiokhawe teiakotontsote tsi ieteron ononsatokentike, irate ne raonha Ariwawakon, kanoron sonha tsi rotiatawiton; ken niiot tsi raterennaiens:—

Rotkon Roiatatokenti atsisewatitatahase, nok ne raokweniatsera ne Raiatanorokowa aesewaiatanonstatseke ne kariwaneren.—Ethonaiawen.

Tehaiasontha n'Ariwawakon, raton:—

v. Ne ionkwaiatakennhastha raosenna ne Rawenniio.

R. Ne roronhison oni raonwentsison.

v. Sewenniio, satahonsatatsek tsi konhiennitentase.

R. Etho akewennatirhene tsi tsiteron.

v. Rawenniio sewakwekonhak.

R. Hnikwekonhak oni ne sanikonhra.

Onen nonwa watesakosnonsaherhase ne sakokentsiokhase, wahenron:

Tewaterennaien:—Niio iah othenon tesanoronse, ok tsi sonhe, shetenron ne ken ietaraien iesaseronniennis tsiakonakeraton ohnekake nok faonhake ne Rotkon Roiata-tokenti, sheiawi oni naonsonterakewe nako-riwanerahaksera okon; aontasheiatennietase, ne tsi tsiteron karonhiake, ne Sanikonhratokenti Sakonikonhrahnrats, tsia-tak nihoien nasakaon ne kariwanoronson.—Ethonaiawen.

Nene Rotkon ne sakowis aiakawekawe, nok aiakonikonhraientane ne Niio raoriwasonha.—Ethonaiawen.

Nene Rotkon ne sakotokatennis ne tkariwaicri, nok sakokatstennis.—Ethonaiawen

Nene Rotkon ne sakowis naieienterihake noriwatokenti okon, nok naiakoriwiioston hake.—Ethonaiawen.

Ashetenre naieiatihake nonikonhratoken-ti ne tsi iesatsanistakwa, nok asieronnitstake ieiateke ne watenientenstakon Raoiasa † ne Kristos, ne aiakoiatekennhastakwe naia-konnheke iatekakonte. Iakwawennakwekon tsi kwennitentase ne sahaiatat Iesos Kristos Hetsienha Sonkwawenniio, sate tsionnhe sate oni sewawenniio, sewakwekon ne sahaiatat Rotkon Roiatatokenti, iatekakonte tsinenwe.—Ethonaiawen.

Onen nonwa wahennitskwaren n'Ariwawakon, wahennonwaroroke, wasakokentsiokha ne tsionkwetatson wationtawenron teiakotontsote raiatakta, nok tsinasakokentsiokhawwe wasakonaton tsieiatatson akosennatokenti, kennieiontatierha onensake ne iontatsennawis; raweionkarake waharhostha ne wenhienatokenti iontatken-tsiokhastha, enskat wathaiasontakwe ekenkwarake, tenhnon ashen nioriwake watesakoiasonthase, tsinahenron:—

...Wakonhiataieronnitstakwe ne watenientenstakon † ne kaiasa; nok wakonhiatahniratste ne iontatkinsiokhastha iakotsennonniatennis, rasennakon † Roniha, nok † Roienha, nok Rotkon † Roiatatokenti.—Ethonaiawen.

Onen tenhnon skennenha wasakokon-saiake, wahrenron:—

Senikwekonhak ne skennen.

Nenhaweiennentane tsi sakokentsiokha, raton:—

Seriwahnirat, Niio, onwarh tsinasiere nonkwanikonhrakon, ne tsi tsiteron sanon-satokentike, iken ne Sirisarehne ni tkason-sote. Ahonwasennaïen Niio Roniha...

Enhennonwaroroksi n'Arizawakon, tenhatane, tsi ichasentakwa ienhatierate, enhaterennaïen:—

v. Askwanatonhase, Sewenniio, tsini satanitenraskon.

R. Nok askion ne tsi sheiatsennonniaten-nitha.

v. Sewenniio, takwatontats tsi konhien-nitentase.

R. Etho akewennatirhene tsi tesiteron.

v. Rawenniio sewakwekonhak.

R. Hnikwekonhak oni ne sanikonhra.

Tewaterennaïen: Niio, sheiawi ne Sewakwekonne nasakotienhase ne Rotkon Roia-tatokenti, nok seron: rononha ne Iakwakwekonne, nennee oni ne tenshonattenion-hatieseke raotinaktake, nensakonaterennaïenhase tiieiatate niakoriwiioston, ensakonon nensakotienhase n'Akenikonhratokenti; teskanerak niha tsini ionkwaierenhatie ionkwennitenton; ashetenre ne ken ieta-raïen onwarh iakotkentsiokha, kaïeron-

nitstakon ekenkwarake ne watenientenstakon ne Kaiasatokenti, ne sahaiatat Rotkon Roiatatokenti wasakotiatatahase asakaweriasanoronste, asakorihonten ne raononsa aonton nakaweriasa, ne roiatanehrakwat ensakotienniheke. Ne kwennitentase, ise Niio, sate tsionnhe sate oni sewawenniio, sewakwekon ne Hianiha nok ne sahaiatat Rotkon Roiatatokenti, iatekakonte tsinenwe.—Ethonaiawen.

Ken kaien netho neniontatiatateriste tsi-
niakon ne ronwatsanis ne Rawenniio.

*Onen nonwa tsinonwe waticntontsote
nonwarh sakokentsiokha kennon niahatic-
rate n'Arizawakon, tensakoiasonthase, en-
henron:—*

Atsisewentenre † ne Rawenniio ne tsi
thenteron Sionnke, naesewatkahtoseke ne
Sirisare aowenk ioianereson tsinenwe en-
tsionnheke, nok aesewaientake ne iateka-
konte aetsionnheke. Ethonaiawen.

*Onen ensakawenhase nok sa ok aierihok-
ten:*

Tewakehtakon Niio Roniha..., Tak-
waienha..., nok Wari tekonnoronkwa-
nions...

Ionterennaientakwa sonha aierihokten
ne sakokentsiokhafe:

Karo kase, Satkon Niio... sk. 204.

Karo kase, Satkon onwe... sk. 206.

Karo kase, Satkon Saiatatokenti... sk.
208.

Ionterennaientakwa sonha aierihokten
nonen iakotkentsiokha:

Satkon Saiatatokenti, Sewenniio... sk.
56.

Satkon Saiatatokenti, takwaiatison...sk.
209.

OKARISTIA.

Ne tsi tiotierenton naeiatarane.

Ne tsi sakorihonniennis eksa okonha ononsa-
tokentike.

Sakonoronkwakwe ne Sonkwawenniio neksa
okonha, onwentsiake tsi ireskwe, ratonhakwe:
“Tosa ietsinnhese neksa okonha aontaien tsi tki-
“teron, aseken akowenk ne karonhiake.” Ranon-
wes kati asakotienhase sekon tsi kenniakash.

Aieiatarane neksa okonha, onen tsi iakotewei-ienston, iontaterihonnienni ne kontiriwakweniison kariwiiostonke. Ioteriwison kati ne iakowiraients aiontatiatori nontatien okonha tsi **ionteriwaienstha**. Iah taonton nakwekon asakonikonhraiენტsten ne sakorihonniennis ratsihens-tatsi, tsi ok kariwes iakoteweiēnston. Nok oni ne iakowiraients, ontatien okonha ronwaiēnterhasere ne Sonkwawenniio, tosa iēnrhek, raon-haa ne sakorihonniennis enhatsteriste ahonwanaktaseronnien ne Iesos; iontatenikonhraknaieksatiiohake, nakonwatekwenniheke ne kari-waksen, naiakotehiarontie tsi iakoriwiioston; aiontataterēnnaiēnhase oni nasakotenre ne Ra-wenniio tosa nonwenton aiontiesate tsi ensakotienhase.

Ionterēnnaiēntakwa tsinaonteriwaiēnstane:

Iesos, ise takwanonwes iakionkwe, ase-ken ii takwanienton, onkwe tsi satonhon, seron akherihonnien nonkwe tsi naieiere naiontsenmonni karonhiake; teskanerak nonwa tsini ionkwentent, ken iakwataraiēn iakwateweiēnstane. Iahte watons ok sa othenon aiakwaweientēhtane niahtenskwaie-nawasere; takwentenr kati, takwanikonhro-wanat nisa, naiosnorenne aiakwaweientēhtane tsi naiakwaiere naskwaiatonweskwēn tsinenwe eniakionnheke, aiawens askwaiati-nionte karonhiake tsineniakwenheie. Etho-naiawen.

Ionterennaietakwa tsinaonteriwaienstako:

Niawen, Sewenniio, wasetsienten nonkwatonnhetston, saonkiri honnien sariwa sonha; takwanikonhrahnrirat nisa, tosa nonwenton aiakwariwaiesate ne kariwiioston; aiawens tenhnon tiotkon aiakwariwanoronkwake aiakinakeren nakoiatatokentonne, nok iaiakiiatorene katkeha ne karonhiake.

Wari saiatatokenti, Iesos hetsienha, Sose saiatatokenti, Wari teseniterontakwe, Iesos hetsisenehiaron, tetsiaron nisa hetsisenineken nasonkwaiatinionte karonhiake tsineniakwatonnhokten. Ethonaiawen.

Etho ionkwatekwashen... sk. 21.

Tsini kahawis ne tiotierenton aieiatarane.

Iah othenon tateskiatieren tsini wenniseranoron sahonwaienterhane Sonkwawenniio, tiotierenton waeiatarane. Ne tsini ionwesen, ne iawet watenientenstakon tsinenionwesenake ne karonhiake.

Onen akta tsi ienkahewe tsi ieiatarasere, eniontonnhakanonni nekisa okonha, eniontennikonhrahseronni, senha enionkwisron enionterennaien nahonwanaktaseronnien Iesos nakaweriane.

Onwarh tsi sakotienni, ase entsiakonni tsi iakoriwiioston, enshonwawennentase ne Rawenniio tsini iakoieren saontenekwaheste, enkonwaiatarako ne Wari ontatenistenha akenhake tsinenwe. — Ken kati naierihokten:

Sewenniio, wakiatonti... sk. 236.

Konwawis nakaweriasa ne Wari:

Wari saiatatokenti, Niio Hetsienha, nok oni nii takwaien okonha niakionkwe, ise kwaniahesen kowa, satanitenraskon; iawet wakwaiatianti, seriasakon iakwatekwasen. Askwanikonhrahnrirate tsi teiakwattonnhakarias nonwentsiake, aontaskwariwakennhase tsi thenteron n'Hetsienha Iesos, ne sakwanikonhraksaton. Askwaterennaienhase niate wenniserake, nok senha nonen othenon nenionkwaiatawen. Iawetowanen ise sakwenion tsiakohaharaon niakorihanerahakskon, takwanatonhas tsi iah taonton nok taiakostontste ne waesaniahese. Kwaniahesen kati, Rawenniio Hetsienha, naskwanikonhrahnrirate nonwa tsini ionkwanikonhroten, ne iaontkontakwe aionkwariwiioston, aontaskwanentsa tosa aiakwaiatenne noneshon. Aiawens aionkwateweientontieseke nonwentsiake, nok karonhiake aiakwatsennonni tsineniakwattonnhokten. Ethonaiawen.

Tsinaeiatarane ne teiakokonhentons.

Aiawen tosa onka ne iontonnhoktane iahtaieriwaierte naonsaiontateronkwase nok nasakotienhase Iesos; etho naontawe *atenatseranoron*

aiakotenatseraientake ne iontewentetane nonwentsiake, tosa aiakonoronseheke ne ionhtentionhe, tsini iohahanoron ne karonhiake ienhien; aiakorhareke ok eken tsi raonha ne sakotenron ronwaienterhaon, ronwanonwehon, shonwatatrewatenni nonwentsiake tsi iienskwé, ne sahaiatat katke sonha enshonwaienterhane, akwa tsini haiatoten ne karónhiake.

**Tsini ieieranions tsinasakokaristiannhontho
ne iakononwaktanionni.**

Nenhataweiate ne Ratsihenstatsi ne kanonskon tsinonni ieiationni ne iakononwaktani, raton:—Skennen kenhak ne ken kanonsote; nok oni skennen nakwekon ne kento ieteron.

Onen tenhnon tenhohnekentonwe olnekatokeni ne tehokonhentons, enhowennatrori ne Tafit, enhenron:—Asknekoserawe, Sewenniio, onentatokenlike nene *hisop* konwaiats, nok enskatiatokewe; askiatohare, nok senha enskiatakenratane tsiniot noniete.

v. Ne ionkwaiatakennhastha raosenna ne Rawenniio.

R. Ne roronhison oni raonwentsison.

v. Sewenniio, satahonsatat tsi konhien-nitentase.

R. Etho akewennatirhene tsi tesiteron.

v. Rawenniio sewakwekonhak.

R. Hnikwekonhak oni ne sanikonhra.

Tewaterennaian: Takwatontats, Sewenniio saiatatokenti, Iesaniha iah othenon tesanoronse, ok tsi senakere, Niio: nok tatsennhann niha ne karonhiake nonthare ne saronhiakehronon rotkonseratokenti, nene asakononnhaseke, aonsasakoiatatarihate, asakoiatanonstate, tasakotkensera nok asakoiatakenhaseke tsiniakon ieteron ne kento kanonsote. Iakwakwekon ne Kristos Sonkwawenniio. Ethonaiawen.

*Enshoronkwase ne rononwaktani. Onen tenhnon enierihokten ne ietaraian:—*Niio ise Sewenniio tsi iakionnhe, iah othenon tesanoronse, satontek...—*Enthenron ne Ratsihenstatsi, tsinonkati ne raiationni ken nenhatatierate:—*Ahientenre ne Niio iah othenon tehonoronse, aonsaharakewe ne sariwanerahaksera okon, nok iahiaiatenhawe tsi tiakonnhe iatekakonte. Ethonaiawen.—Ne Rawenniio iah othenon tehonoronse, rotanitenraskon kowa oni, ahientenre † naonsahonikonhren tsinikon sariwaneren, naonsonterakewe, nok taonsonteriwaserako. Ethonaiawen.

*Onen ne Ratsihenstatsi tehakwa n'Okaristia, ostonha rharatats nahonatonhase ne raiationni, raton:—*Ken hiken neneh ne teshiatieren ne teiotinakarontonha Niio raotsenen (*ne sakat aiairon: ne rotatewenteton ne raonha nonkwe okon akoriwake*

taonsasakoriwaserakwase): raonha ne te-
hokwen nakoriwanerahaksera okon nonwen-
tsiakwekon. *Nok ashen nioriwake enhen-
ron*: — Sewenniiio, iahte wakerihonte aonta-
sataweiate nakenonskon; enskat tenhnon
aontasatati, nok enskaiewentane nakwa-
tonnhetst.

*Ethone enhonnhontho ne rononwaktani,
enhenron*:—Tsiena, tiatateken, neh nate-
natseranoron, ne raieronke ne Sonkwawen-
niiio Iesos Kristos, nahiaiatanonstatseke ne
tsi ieselaswens noneshonronon, nok nahiaia-
tenhawe tsi tiakonnhe iatekakonte. Etho-
naiawen.

Onen tenhnon raterennaiens, raton:—
v. Rawenniiio sewakwekonhak.

r. Hnikwekonhak oni ne sanikonhra.

Tewaterennaien: Sewenniiio saiatatoken-
ti, Iesaniha, iah othenon tesianoronse, ok tsi
sonnhe, Niiio. tionkwehtakwen kwenniten-
tase, aiawen ne kenh thaiationni nonkwata-
tekenha, onwarh wahonwanonten ne raoie-
rontatokenti n'Hetsienha Sonkwawenniiio
Iesos Kristos, ne ahotsennonniatakwe, tsi-
niiot ne kanonkwatseriiio akenhake, nentsio-
tsiente tsinenwe ne raieronke raotonnhetst
oni. Iakwawennakwekon tsi kwennitentase
ne sahaiatat ronnhe onwe, ronwawenniiios-
tha oni, sewakwekon ne Rotkon Roiatato-
kenti Niiio, iatekakonte tsinenwe. Etho-
naiawen.

TEWATERANEKENSERATOKENTI.

“Kariwanoron neh noriwatokenkikowa, ne ki katon, raonhake ne Kristos nok aonhake ne Kentiohkwatokenti.” Ethoni hawennoten Kor roiatatokenti; tsiniiot ahawenhon : Ethoniiot tsi teiakorahnekenes ne tewateranekenseratokenti ne iakoniakon, tsini tehotirahneken ne Iesos nok ne Raotiohkwatokenti.

Sakonnhas ne Rawenniiio ne iakoniakon tahiatatenoronkwake, tahiatatienawaseheke, tahiatatewennarakwake oni. Raweron oni, tsahariwisa nakoniake, aionitiohkwatehiarontie niakoriwiioston nonwentsiake nok nakoiatatokentison karonhiake. — Ne tewateranekenseratokenti teiakorahnekenes, iawet tsionkwetat akenhake, ne teionkwetake, iakoienawase oni ne kariwiiostonke aiontatehiaron nontatien okonha enkenhake.

Iakotsennonniatennis, iakoiatatokentistha neh noriwatokenkikowa ne iakoriwaierton tsi naieiere naiakotennikonhraseronni naiakoniake; iken, ne ronwariwaienni ne Rawenniiio nasakonikonhron raonikonhratokenti, teiakoiatoreton Rawenniiioke onka ranonwes tahiaterahnekenhake, akwa tsiakotatrewatton tsi iakoriwaneren, iakaweron tosa akatiesate ne ioianerenstakwa iakowis ne tewateranekenseratokenti, neh teiakotonwentsioni aiehawake tsinenwe eniakonnheke. Tosa, kanekaroniakhe, ne ok ieken ethone ok ahonwaiatisake ne sesakoronkwennis, tsi ok akwa onen oriwakta tsi sakoterennaiennire. Tosa oni nothenon sonha

aiontsteriste ne iahte ionatenro noriwatokenti-kowa, tsinioriwake rariwaswens ne Rawenniiio.

Arens kenniwaterennaientakseroten enierihok-ten ne iakoniakhe:

Sewenniiio, ise sheiatison nonkwe... sk.
324.

Tsini ieieranions tsinasakoterennaienhase nakoniake.

Ne Ratsihenstatsi ensakorizwanontonse enskatson ne iakoniakhe tokat ken ronneh-re, wahonterientasa ken iatekakonte tahonterahneken, tsini sakorizwisahani Iesos nia-korizwiiston; nok nonen ensakowennah-ronken, akwa otokenhon tenhniwennineken-hon tsi hiatontats, tenhiatatenentsa; ethone enhenron ne Ratsihenstatsi: — Watkiarah-neken aeseniniake, rasennakon Roniha †, nok Roienha, nok Rotkon Roiatatokenti. Ethonaiawen. Nok ensakohnekoserawe oh-nekatokenti.

Onen nonwa wahaterennaienhase ennis-nonsawit, wahrenron:—

v. Ne ionkwaiatakennhastha raosenna ne Rawenniiio.

r. Ne roronhison oni raonwentsison.

v. Sewenniiio, satahonsatat tsi konhiennitentase.

R. Etho akewennatirhene tsi tesiteron.

V. Rawenniio sewakwekonhak.

R. Hnikwekonhak oni ne sanikonhra.

Tewaterennaien: Sewenniio, saterennaienhas † ne ken ennisnonsawit, ne sassenakon wakaterennaienhase †, etho naontawe ne ken enionisnonsawiton tiotkon raonhaa tahokanerake ne rone, skennen aonontonnionheke, aioriwaieritonhatieseke tsi-naiesawennarakwake, nók oni tiotkon tahiatatenoronkwake. Iakwawennakwekon ne Kristos Sonkwawenniio. Ethonaiawen.

*Wathahnekentonwe ohnekatokenti tsi-nontkaien ennisnonsawit, wahohion ne roniakhe, ne enhasnonsawite ne ioniakhe, tsi tehaiasontanihaties ne Ratsihenstatsi, raton:—*Rasennakon Roniha, † nok Roienha, nok Rotkon Roiatatokenti. Ethonaiawen.

Enthenron tsi nenhaterennaien:—

V. Seriwahnirat, Niio, onwarh tsinasiere nonkwanikonhrakon.

R. Ne tsi tsiteron sanonsatokentike, iken ne Sirisarehne nitkanonsote.

Takwentenr, Sewenniio. Kristos, takwentenr. Takwentenr, Sewenniio.

Takwaienha...

V. Sheiatanonstat ne iesaseronniennis.

R. Sewenniio tsi konnhe, iseke iakorharekwen.

v. Tasatenniet, Sewenniio, ne karonhia-
ke aontawe naiakoienawaseheste.

R. Nok ne tsi tsiteron Sionnke, tasheia-
takennha.

v. Iseke, Sewenniio, iawet tsinonni io-
nonsahniron, aiontekwashentakwe.

R. Ne tosa aiakosenni ne iakoswens no-
neshonronon.

v. Sewenniio, satahonsatat tsi konhienni-
tentase.

R. Etho akewennatirhene tsi tesiteron.

v. Rawenniio sewakwekonhak.

R. Hnikwekonhak oni ne sanikonhra.

Tewaterennaien: — Kwenitentase, Se-
wenniio, asheiatkahto ne ken hniteron iesa-
seronniennis, nok tsini satanitenron, asheie-
nawaseste ne tsi sariwison oriwatokentiko-
wa, naionitiohkwatehiarontonhatieseke non-
kwe nonwentsiake; etho naontawe nennee
ise watesherahneken, ise oni asheiatakeninha-
seke, ise asheiateweientonseke. Iakwawen-
nakwekon ne Kristos Sonkwawenniio. Etho-
naiawen.

Ionterrenaientakwa sonha tsinasakohasen- hase nakoniake:

Tsi iontarweiatakwa:—(Tobi rokstense-ratokenti raowenna:) Niio Israer tatsise-nirahneken; nok aesewakwekonhake ne sakotenron tehniase rononhatsiwa ken-hne; nok nonwa, Sewenniio, akananon sheienawas aiesasennaienheke.—(Tafit rao-wenna:) Iakotaskat akwekon ne ronwatsa-nis ne Rawenniio; ne iakotahitakhe raoia-nerenserake.

Tsi raterennaiens, rotenentsakaratonha-tie:—Sewenniio, iah othenon tesanoronse, satanitenraskon oni, askwatontatse; ne tsi-ni wakieren tsi wakaterihonte, ise ok eken asierite nise ashetenrheke. Iakwawenna-kwekon tsi kwennitentase ne Sonkwawen-niio Iesos Kristos, sate tsionnhe, sate oni sewawenniio, sewakwekon ne Rotkon Roia-tatokenti Niio, iatekakonte tsinenwe. Ethonaiawen.

Ehtake sonsahawite ranentsake:—(Kor roiatatokenti raowenna:) Tewatateken: Ioteriwison ne tsiakothonwisen ne iakoniakon aiontatewennarakwe ne rotiniakon, tsiniot tsi ronwawennarakwa ne Rawenniio: ase-ken ne roskenrakehte ne rokowanen ne tsio-thonwisen, tsiniot ne Kristos ne ronwako-

wanen ne Kentiohkwatokenti: Raonha sesakoskontakwas ne ieiatare Kentiohkwatokentike (ne iawet raoieronta iotonhon). Nok tenhnon tsiniiot ne Kentiohkwatokenti rowennarakwenhaties Iesos, etho kati niiot ne tsiakothonwisen, oriwakwekon tsi naiakoierenhatie, aiontatewennarakwake ne rotinia-kon. Sewaskenrakehte, ietsinoronkwak ne sewaniakon, tsi oni niiot ne Iesos ranonwehon Raotiohkwatokenti, nok rotatewenteton ne raonha ahaiaatokentiste, sahaiatoharete ohneka iontatenekwahestha nok ne raowenna iakaonnhetonhaties, etho aontakaientakwe nahatkahtotake ne Raotiohkwatokenti aioianehrakwatonhake, tosa othenon aioiatoron, tosa iawet aiotkonskeron, tosa oni othenon noia nok oni ostonha aioiataksaton, ok eken aioiatatokentonhake, tosa oni aioiatoron. Etho se niiot nakoskenrakehte iontatenoronkwak ne iontatronna, tsiniiot nakwa akoieronta akenhake. Kaneka ranoronkwa ne rone, akwa raonha ratatenoronkwa. Iah wahi onka teieswens nakaonha aowenk nieronke: ok eken ne konwanontens, tekonwasnie oni, tsinahaierase ne Kristos ne Raotiohkwatokenti: aseken ne teskiatieren tsini iakwaiatotens tsinaiohton ne iaonton ne raieronke, raierontake rastientake oni nitieionkwaientakon. Ne waonni ne rosken-

• rakehte ensakoiatonti ne roniha, oni ne ronenisha, nok enhateranentakten ne rone: nok skaierontat enwaton ne teionkwetake. Kariwanoron neh noriwatokenkikowa: ne ki katon, raonhake ne Kristos nok aonhake ne Raotiohkwatokenki. Sewakwekon kati nok tsisewaiatatson, ne roskenrakehte raronkwak ne ioniakon, tsiniot raonha ratatenoronkwa: ne tenhnon tsiothonwisen ahokonnienstake ne rone.

Arekho sontaeiatonserateni:—(Tafit rawenna:) Ne teseniteron ne taonsakiatierenhake, ne sanonskon, nonenhare wakaia-kate.—Ne sheien okonha, satekwaraktatie, ne taonsahontierenhake ne iokwiraronnion, aktatie tsi tkerhite, ne wahianiiontha wenhienio tioientakwen.—Areriia, areriia (*ne sakat aiaiaron*: Hetsisewasennaen ne Rawenniio). Aontatsiseniiatennietase ne Rawenniio naetsiiatakennhaste ne raonaktatokenkike naontawe: ne Sionnke aontatsiseniiatanonstatseke.

Tokat:—Ken neniawen, eniakoianerensten onka ki ok ronwatsanis ne Rawenniio.—Aontahiaianerensten ne Rawenniio ne Sionnke: nok asatkahto ne ioianere sonha Sisirare aowenk, niate wenniserake tsinenwe ensonnheke.—Nok asatkahto sakotien okonha ne sheien okonha. Skennen kenhak

tsi thenteron Israer (*ne sakat aiairon*: Sannonskon.)

Tsi tenieiatonserateni sontaiaetane:—(Iesos raowenna, tsini hoiaton Watio hnikwekonne:) Ethone wahonwaiatorene ne Iesos otiake ne Farisien nihatiiatogens, ronnehretasakwanikonhrakenni, wahoniron: Aonton ken ne ronkwe aonsahatewentete ne rone, tsi ok nahoten aontakarihonniate? Nok tontahatati, wahrenron: Iah ken tesewawennahnoton tsi kaiaton, ne tsi ne sakoiatison nonkwe sontahatasawen, roskenrakehte nok tsiiothonwisen nisakoiatotenston? nok rawen: Ne aoriwa ne ronkwe ensakoiatonti ne roniha oni ne ronistenha, nok enhateranentakten ne rone, nok iawet skaierontatensewaton tsi tenhnihasehake. Tsi kati nahoten tehorahneken ne Niio, tosa nonkwe tetiekhasi.

Tsinahorizwaienhase ne Rawenniio ne kanatarok nok otsitsia:—(Tafit raowenna:) Sonhaa, Sewenniio, konniahesen: waken, sonhaa Sewenniio tsi konnhe: sesnonsake tkaien nakwennisera okon enkenhake nonwentsiake, (*ne sakat aiairon*: ise tasennontontiotkon tsi nenwakiatawen tsinenwe enkonneheke).

Kwennitentase, Sewenniio, asiena tsi kwawis, nonwa kwawenniiostane tsiniiot tsi

hiawenniioston Iesos sasonkwaronhiakense ; ne askwentenrate tasherahneken ne tewateranekenseratokenti ; nok tsi nahoten ise waseriwisa, ise ki askwatako. Iakwawennakwekon ne Sonkwawenniiio Iesos Křistos Hetsienha, sate tsionnhe, sate oni sewawenniiio, sewakwekon ne Rotkon Roiatatokenti Niio, iatekakonte tsinenwe. Ethonaiawen.

*Tsinaharihokten PATER, ken nenhatierate tsi tehonatontsote ne rotiniakon, ensakotcrennaienhase, enhenron:—*Tewaterennaien : Askwatontatse, Sewenniiio, tsi kwanekennis ionkwennitenton ; nok seriwanerenstak, tsi ni satanitenron, neh ne sariwisahaton niontwatsiratehiarontie nonwentsiake ; etho naontawe, neh nise weteserahneken, ise oni asateweienton. Iakwakwekon ne Sonkwawenniiio Iesos Křistos, sate tsionnhe, sate oni sewawenniiio, sewakwekon ne Rotkon Roiatatokenti Niio, iatekakonte tsinenwe. Ethonaiawen.

Tewaterennaien : Niio, ne tsi iah othenon tesanoronse, iah othenon tesatstakwen oriwakwekon sasateweiennison : nok onen akwekon kaweiennentaon nonwentsiake, hetsiatison ne ronkwe, ise tibatatenientenston, hetsatenroserawi ne tsiothoiwisen, iatekakonte tahiaterahnekenhake, tahiata tienawa-seheke oni, ne raowaronk kenha sonniaton

ne kaieronke ; ne takwarihonniennitha, nene
ne tsionkwetat nitioientakwen tsi tehiate-
rahnecen, tosa nonwenton tahiateghasi:
Niio, netho nioriwanehrakwat tsi sariwato-
kentiston, sariwanoronston oni tsi iakoniaks,
tsi seron, ne enwatanientenstakonhake,
tsini iohniron tsi iakoniaks, tsiniiot tsi ioh-
niron tsi tehonterahnecen ne Kristos nok ne
Raotiohkwatokenti: Niio, ise tesherahne-
kens ne roskenrakehte nok ne tsiothonwi-
sen, ise sheiaterennaiennis tsi tehonatenro-
hon, otiohkwanonon aonton, ne aonhaa ken-
tiohkwaien, iah othenon teioriwakwenion
aonsakarisi tsini sheiaterennaienni tsini
kentiohkoten, ne thonatierenton nonkwe
raotiriwanerahaksera; iah oni nise tesa-
rision, tsasariwisa sonhnoton nonwentsia-
kwekon: teskanerak satanitenraserakon
ne ken teiotontsote saseronniennis, te-
hiaterahnecensere ne rone, waskaneks ise
aseiatakennha: aiawen akanoronkwake
nok skennen aontakariwaierite ne wa-
seianerenseron, iawet aohriena enwaton;
aiawen raonhake ne Kristos aioniake, aiako-
nakeren ne iotiiatatokenti kenha iotiniakon-
honne: ahonoronkwake ne rone, tsini ioie-
ren ne Rakel: aonttokhake tsini wattokha-
kwe ne Rebekka: aionnheson nok aontaio-
riwaierike tsiniiohtonne ne Sara: tosa non-

wenton notkonseraksen, ne raiatinionte ne kariwaneren nonwentsiake, aontatewenniooste nothenon tsinioriwake tsi nenkaiere: tiotkon aioranentakonhake naonikonhra tsi tiakawehtakwen nok tsi iesawennaierits: saiatat ok tahokanerake ne ronkwe, aontatennhese tsinikon niahte sheiawis ken naieiere: aontatenikonhrahnnirate naonha, tsi enkasatsteke kaianerenseratokentike: aontatkonnnienstake naonha atatkonnnienstatseratokentike, tsi eniotsehiaronhake, ne aontakarihonniate akonwakonnnienstake, akanonweseke akonwarihonnien ne karonhiake nitiawenon nowennatokenti: asitenre aiowiraientaseke oni aiowiriiohake, aonteweienton, tosa othenon aioriwaientake ne kariwaksen: nok aiawen eh iawe tsinonni iontorisens nakoiatatokentison, tsinonwe ientsienakeratserate onwe ne karonhiake: aiawen ne tehniatsiaron asakonatkahito nontatien okonha sakotiiien okonha, nok oni sikonatere okonha: tehniatsiaron ahiatiatisa, ahiatsennonni. Iakwawennakwekon tsi kwenitentase ne sahaiatat Iesos Kristos Sonkwawenniio, ne sate tsionnhe, nok sate sewawenniio, sewakwekon ne Rotkon Roiatatokenti Niio, iatekakonte tsinenwe. Ethonaiawen.

T'sinahiatarane: — ('Tafit raowenna:) Etho nensakotenre ne Rawenniiio tsiniakon ne ronwatsanis; aiawens taesewatatken ne ietsiaterere okonha; skennen kenhak tsi then-teron Israer.

Tsinaonsahaterennaiien tsi tehotaweiate, nonen roiatarakon:—Tewaterennaiien:Kwennitentase, ise Niio iah othenon tesanoronse, satanitenraskon, saiatanonwet oni, tiotkon tsiatarak ne tsi ioriwison ne sateriwatsteristakwatsera; etho naontawe, nennee watesherahneken noriwake oseronni tahiatien, asheiatanonstatseke, asheion oni ne skennen nok kariwes ahnonnheke. Iakwakwekon tsi kwennitentase ne Iesos Kristos Sonkwawenniiio, sate tsionnhe, sate oni sewawenniiio, sewakwekon ne Rotkon Roiatatokenti Niio, iatekakonte tsinenwe. Ethonaiawen.

Karoha tasakoiasonthase, ken nahatieratc tsi hniteron hiatatronna, akwa rononhaa tensakoiasonthase, enhenron: — Aesewakwekonhake ne Rawenniiio ronwawenniiioatakwe Abraham, Isaak, nok Sakob: akananon seninikonhra tsi nentsisenitenranjon: etho naontawe, taesewatatken ne ietsiien okonha enkenhake ne sakotiiien okonha nok sakonaterere okonha: onen tenhnon ne iatekakonte tsinenwe aesenonnheke; ne atsiseniiienawaschatieseke Iesos Kristos Sonkwawenniiio,

ne ratikwekon ne Roniha nok Rotkon Roia-
tatokenti, ronhe onwe nok ronwawenniios-
tha, Niio, iatekakonte tsinenwe. Ethonaia-
wen.

*Ethone watesakohnekentonwe ohnekato-
kenti, watesakoiasonthase oni.*

IONTATERIHONTAKWA NAIEHASEN.

Iontataterennaiennis ne ronaterihonton ka-
riwiiostonke. .

Ronwaterennaiennitha n'Ariwawakon kowa:

*(Nene Kentiohkwatokenti aowenna, rowennatro-
rihaties ne ronontiio Taft.)*

v. Hetsitewaterennaienhas n'Hetsitewa-
niseratokenti Ariwawakon kowa...

R. Aiawen ne Rawenniio ahoiatanonsta-
te, nok ahraonnhete, nok ahotsennonniaten
nonwentsiake, nok ahoiatakennha ne tosa
ahonwasenni ne ronwaswens.

Takwaienha..., Wari tekonnoronkwa-
nions...

Wasakotenre n'Ariwawakon kowa kenha Pie IX, 26 senvie 1876, tsiniakon nenierihokten ne ken iken ionterennaientakwa ronwaterennaiennitha n'Ariwawakon kowa, entiakonikonhrasahate tenhnon tsiakotatrewatohatie, enierihokten oni kenikwekon enskat *Takwaienha* nok *Wari tekonnoronkwaniens*, taiontentsa: 1) 300 niwenniserake ne tewateriwaserakwatha sonha, enskat ne sewenniserat; 2) Ne tewateriwaserakwatha kowa, enskat ne sewennitat, tokat niate wenniserake tsini wennites iakorihoktaon, kawenniio aonsaiontateronkwase, aieiatarane, iaiekwatho ononsatokentike, nok etho aionterennaien tsini haskanekseroten n'Ariwawakon kowa.

Ronwaterennaiennis ne Ronwahniha Ariwawakon:

(*Nene Kentiohkwatokenti aoterennaientaksera.*)

Niio, niakoriwiioston okon shenonnha, sheiatsteristha oni, satanitenraserakon thet-skanerak nene hiaseronniennis..., sakwaniha Ariwawakon, hetsiatarakwen asakwakowanenhake kariwiiostonke: atson, kwen-nitentase, ne rawennake oni raweiennake asakotsennonniaten ne sakotsteristha; etho naontawe, ratikwekon ne kentioh kwa hetsatakwenniaienni, iaahronnharane tsi iakonnhe iatekakonte. Iakwakwekon tsi kwennitentase ne Iesos Kristos Sonkwawenniio, sate tsionnhe, sate oni sewawen-

niio, sewakwekon ne Rotkon Roiatatokenti
Niio, iatekakonte tsinenwe. Ethonaiawen.

Ronwanaterennaiennis ne Ratitsihenstatsi okonha:

(Nene Arfons Roiatatokenti raowenna sonha.)

Niio, ise Sewenniio tsi konnhe, tewakeli-
takon ne tsi ionehrakwat tsini sheiatano-
ronston neneh sheiatarakwen nahontsteriste
ne sariwa sonha, sasherihonten netsihens-
tatsi iotonhon. Tsiniiot tsi iontonnions na-
koiatatokentison, iah onka nonwentsiake
ethonakanoronke teiakoterihonte, tsini hona-
terihonte ne iesawennenhawe okon; iah
etho tehatiitanorons ne rotinontiiison; ie-
kanihare, rawen Ambroes roiatatokenti.
tsiniiot tsi ronaterihonte ne ratitsihenstatsi-
son, ne iawet iotohetstennis ne tsi sherihon-
te neronhiakehronon. Ne wahi iesawen-
nenhawe netsihenstatsi iesakotinentsinon-
haties nonkwe, ne tsi ieiothahinon ne ka-
ronhiake; sakotinonnhaties ne Sentiohkwa-
tokentike ieiatate; tesakotiswathetenniha-
ties nonkwe nonwentsiake; sakonaterenna-
iennihaties noriwatokenti sonha; raonakta-
ke ne Iesos Kristos ronnes, ronwaienawa-
sehaties tsi sesakoskontakwas nonkwe ako-
tonnhetst.

Tewakehtakon, Sewenniio, ne tsinahaterennaienhase ne ratsihenstatsi ne kanatarok otsitsia oni, satekahaseriien, ethone n'Owenna, n'Hetsienha onkwe rotonhon, wahatathonkariake nahowennarakwe ne rohasen, wahatatiteron onwe nethone rasnonsake, tsi kaieronni ne kanatarok kenha, notsitsia kenha oni. Tewakehtakon oni, akwa ethone tsinahoterennaienhase ne skarakewatha, kaneka ne roriwanerahakskonne shotatrewatonhatie, ethone ionehrakwat tsinatesewattenies raonikonhrakon, eh nahasa ne hiawennenhawe: nene onwarh tehiatekhasionne ne Rawenniio, onen tehiatatenoronkwa; nene onwarh tehotentsonne noneshon ahotetsiraton, onen shoien nahorhareke ne karonhiake ahatsennonni. Ne waonni, aonton ahonwanatonkwake ne hiawennenhawe, ne tehatennhohanonne ne karonhiake.

Askwentenre kati, Sewenniio, iakwakwekon niakoriwiioston okon, askwanikonhrata etho naiakikonniienstake, etho oni naiakiwennarakwake ne iesawennenhawe okon, tsi akwa nise naonkwakonnienston, aonkwawennarakon oni; aseken rononha se sheienni, tsi isen: "Ne ietsiwennarakwa, ii "se ionkewennarakwa; ne ietsikenrense-
"ronnis, ii se ionkkenrenseronnis".

Onen tenhnon, Sewenniio, wakonneken ashetenre ne ratitsihenstatsi okon nonwentsiakwekon, senha ki nennee ne ionkitenronhaties, ne tsi rotiiotenhonhaties aionkiiatato-kentiste; ashetenre kati nakwa aiesanoronkwake, nahatikweni oni tsinahatiiere nakwa aiesanoronkwake nonkwe okon sakonatsteristonhaties; aontiesenhake nenhotiriwaieriton ne kariwiihose okonha, nenhonatataskennhen oni naiesasennowanaton nonwentsiake, tahontentsa ahotinaktaientake tsi nonwa nithatiteron ne Sewakwekonne, nok tsiniakon akwa otokenhon iesaseronniennihne nonwentsiake.

O Wari, Iesos Hetsienha, sheienawasehek, sheiatanonstatsek oni ne Iesos ronwawennenhawc okon! Ethonaiawen.

Ronwanaterennaiennis n'Etsihenstatsi watonsere:

Iesos Niio, sentiohkwison ne Kentiohkwatokenti nonwentsiakwekon saktiohkwat, nok ise satsteristonhaties, kwennitentase, tosa onka iontaweiat ne sanaktatokentike, niah akwa nise tatishenonkon. Kwanekennis, ne tsinihati sakoterennaiennire n'Ariwawakon, ethonashenikonhrotentak, naontiesenhake nahatiriwakonnienstag

ne ioianerenstakwa sheiawire; etho oni na-shenikonhrotenstake naontiesenhake ahati-riwaieritseke tsini ioriwake sheiatenienten-sere tsinenhonterihonten. Aiawen ne rotiio-tensere tsi kentiohkwaïen ne Sentiohkwato-kenti, ahotiiatatokentonhake nok ahotini-konhrowanenhake, ahonttokhake nok ahont-tataskennha, tosa tahotinonhianike nasako-tiiaklonhase nakoren ne tsi seianerenstakwa nakotonnhetston nonkwe. Asheion, o Iesos! aiesanoronkwake, ne tsini saniseriio; nok a-sakotinoronkwake sate iakonkwe, tsiniïot ne kaniseriio sakonoronkwa ne sakoïen okon-ha; ahontatewciennentahonhake nakwekon ahontewentete nakotonnhetston aoriwake. Sheiatanonstatsek, tosa aioiatoron ne raone-riasa; shewennahniratsek; sheiatahnirat kariwiiostonke; aiesanakeren, asakotiriho-renten oni ne sakonatsteristane ne kari-wiiose okonha; etho naontawe, akwekon a-sakotiiatenhawite ne karonhiake, tsinonni eniesanoronkwake, eniesasennowanate oni iatekakonte. Ethonaiawen.



IONTATIATOKHAS TEIAKOKON- HENTONS.

Ne *iontatiatokhas* konwaiats oriwatokenti kowa ne tsiotsientha tsi teiakokonhentons nako-tonnhetston, arens oni tsiotsientha nieronke, naonsaionton tsi iakononwaktani. — Kenni hawennoten Sak roiatatokenti, Iesos Hnikwekonne, neh noriwatokenti kowa aoriwake: “*Tokat ka-
neka ne ronkwe tahokonhentonseke tsi sewana-
kere, asakoiatinionte tsi rononsote ne Rawen-
niio ronwawennenhawwe; enhonwaterennaienha-
se, enhonwaiatokhawwe oni, ne Rawenniio rao-
sennakon enhatieratake: nok ne raonateren-
naintaksera thonehtakwen kariwiiostonke en-
kakweni enshaiewentane ne tehokonhentons;
nok tokat othenon sekon iore ne kariwaneren
raotonnhetstonhne, ensewaterakewe.*” (Sak, V, 14, 15.)

Tsini haierha ne Ratsihenstatsi tsi sakoiatokhas.

Ioteriwison, kaneka ranikonhrakwekon ne tehokonhentons, onen ok shonwaronkwenni, ethone ahonwaiatokhawwe, ne tosa aioiatoron ne raotonnhetst ne ioriwatsanit, tsi raienasere ne kanonkwatseranoron.—Iorennhaon oni, onen ok tsi iakoiataraon, naiontatiatokhawwe.

Onen kati tsi ieiohe nahoiatokhawwe, ne Ratsihenstatsi tohkara nikawennake wahoh-

*retsiaron ne tehokonhentos, wahonikonh-
rahnirate, wahorihonnien ne tsini kanoron
rotenrane; nok enhenron, tsi nenhatern-
naien:—*

v. Ne ionkwaiatakenhastha raosenna ne
Rawenniio.

R. Ne rorönhison oni raonwentsison.

v. Rawenniio sewakwekonhak.

R. Hnikwekonhak oni ne sanikonhra.

Tewaterennaien: Sewenniio Iesos Kris-
tos, nonwa sakataweiate ne kento wakenni-
tenton, seriwiniont ne iotsennonniat iateka-
kontha, ne kaiatatateritsera ne Rawenniioke
nitewe, natonwesentseriio, ne kanoronkwa-
tseratokenti wahios wahianiiontha, ne oni
kanonkwatseranoron ne tsiotsientha onwe:
tosa iotinaktaientak kento nonatkonse-
raksens: kenh ieterontak neronhiakehronon
okon, ne skennen teiakohawinonties: iakon-
teko ne ken kanonsote ne kariwanerahakse-
ra okon, ne iakokaronniatha. Satatsenno-
wanat, Sewenniio, tsi takwenteron; nok
takwentenr, saterennaienhas † ne tsini iak-
waierane: seriwatokentist ne tsi ionkwa-
taweiaton ionkwennitenton, ise saiatatoken-
ti nok saiatanonwet kowa, ok tsi sonuhe,
sewakwekon ne Hianiha nok ne Rotkon
Roiatatokenti, iatekakonte tsinenwe. Etho-
naiawen.

Tewaterennaien, nok hetsitewennitentas ne Sonkwawenniio Iesos Kristos, nasonkwentenre nahaterennaienhase † ne ken kanonsote, nok aiawen ne raonha tasakoiasontase nakwekon ne ken ieteron, nok asakaon ne rotkonseriio raoronhiakehronon nasakonnhake, nok asakonikonhrahnrirate nahonwaseronnien ne raonha, tsinatenieiatorete ne tsi ioriwanehrakwatanions nasakotententense: eren aonsahawite tsi ieteron, tsinikon akakweni naiakoiotatse: asakoiatatoko nateronhontsera okon, ne oni kariwaksen okon iakonikonhraksatakwa, nok asakoiatanonstatseke ne ken ieteron, asakotentrheke ne skennen aiakonnheke. Neneh sakwaniahesen ne, ratikwekon ne Roniha nok ne Rotkon Roiatatokenti, ronnhe onwe nok ronwawenniiostha, Niio, iatekakonte tsinenwe. Ethonaiawen.

Tewaterennaien: Takwatontats, Sewenniio saiatatokenti, Iesaniha, iah othenon tesanoronse, ok tsi senakere, Niio: nok tatsennhann niha, ne karonhiake nonthare, ne saronhiakehronon rotkonseratokenti, neneh nasakononnhaseke, aonsasakoiatatarihate, asakoiatanonstate, tasakotkensera nok asakoiatakennhaseke tsiniakon ieteron ne kentokanonsote. Iakwakwekon tsi kwennitentase ne Kristos Sonkwawenniio. Ethonaiawen.

Ierihoktha ne ietaraïen:—Niio, ise Sewenniio tsi iakionnhe, iah othenon tesanonse, satontek...—*Enthenron ne Ratsihenstatsi, tsinonkati ne ieiationni ken nenhatatierate*:—Ahientenre ne Niio, iah othenon tehonoronse, aonsaharakewe ne sariwanerahaksera okon, nok iahiaiatenhawe tsi tiakonnhe iatekakonte. Ethonaiawen.—Ne Rawenniio, iah othenon tehonoronse, rotanitenraskon kowa oni, ahientenre † naonsahonikonhren tsinikon sariwaneren, naonsonterakewe, nok taonsonteriwaserako. Ethonaiawen.

Sekon enhenron:—Rasennakon ne Roniha †, nok Roienha †, nok Rotkon Roiatatokenti †, aonswa ne sanikonhrakon ne notkonseraksen aokweniatserakwekon, ne tsi onwa tsiok enkonnisnonsaherhase, nok enkheiennitentase ne Ratironhiakehronon okon, ne Rotikstenseratokenti okon kenha, ne Rotitokensehakwe, ne Ratikwekonne, ne Kariwiioston ronwatiriohton, ne Rawenniio ronwasennowanatonne nonwentsiake, ne iahte ienakwaïenter, nok oni nakoïatatokenti okon. Ethonaiawen.

Onen tenhmon ne Ratsihenstatsi, raweionkarake, wahawenhienarho ne wenhienatokenti ne tehokonhentons, tehaiasontakwa tsini iaonton tsinonni ieharhos, rawenhatie:

Iekahrake:—Ne tsini ne ken nonwa konhiatokhas † iontatiatokhastatseratoken-ti, nok ne tsini hotanitenraskon kowa ne Rawenniio, ahientenre naonsahonikonhren tsi ok nahoten ne skahrake sariwanerahakton.

Ionhontakeson:—Ne tsini ne ken nonwa konhiatokhas † iontatiatokhastatseratoken-ti, nok oni tsini hotanitenraskon kowa ne Rawenniio, ahientenre naonsahonikonhren tsi ok nahoten ne sahontake sariwanerahakton.

Teienionkaronte:—Ne tsini ne ken nonwa konhiatokhas † iontatiatokhastatseratoken-ti, nok oni tsini hotanitenraskon kowa ne Rawenniio, ahientenre aonsahonikonhren tsi ok nahoten ne tsi sateswaton sariwanerahakton.

Tsi iesakaronte:—Ne tsini ne ken nonwa konhiatokhas † iontatiatokhastatseratoken-ti, nok oni tsini hotanitenraskon kowa ne Rawenniio, ahientenre aonsahonikonhren tsi ok nahoten ne tsi sahkwasonrion, nok oni ne tsi satataton sariwanerahakton.

Iesnonsake:—Ne tsini ne ken nonwa konhiatokhas † iontatiatokhastatseratoken-ti, nok oni tsini hotanitenraskon kowa ne Rawenniio, ahientenre aonsahonikonhren tsi ok nahoten ne sesnonsake nisatieraton sariwanerahakton.

Ionsitakeson:—Ne tsini ne ken nonwa konhiatokhas † iontatiatokhastatseratoken-ti, nok oni tsini hotanitenraskon kowa ne Rawenniio, ahientenre naonsahonikonhrentsi ok nahoten ne sahtentiaton sariwanerahakton.

Onen nonwa sahonitentase ne Rawenniio, sahenron ne Ratsihenstatsi:—Takwentenr, Sewenniio. Kristos, takwentenr. Takwentenr, Sewenniio. Takwaienha...

v. Aonsatsiatatako ne ken hiken hiase-ronniennis.

R. Ise Niio tsi konnhe, ne tsi iseke rorharekwenhaties.

v. Tasatenniet, Sewenniio, ne karonhia-ke naontawe nahoienawaseheste.

R. Nok ne tsi tsiteron, Sionnke, tatsiatakenna.

v. Iseke, Sewenniio, iawet tsinonni iononsahniron, ahatekwashentakwe.

R. Ne tosa ahonwasenni ne ronwaswens noneshonronon.

v. Tosa othenon aontkweni notkonse-raksen raonha raiatatake.

R. Nok neh ne kariwaneren ronwaienha. tosa aontenienten ahonwakaronni.

v. Sewenniio, satahonsatat tsi konhiennitentase.

R. Nok etho akewennatirhene tsi tsiteron.

V. Rawenniiio sewakwekonhak.

R. Hnikwekonhak oni ne sanikonhra.

Tewaterennaien: Sewenniiio Niio, wahia-wennatrori ne Sak Senikwekonne, tsi rawen: Kaneka rononwaktani tsi sewenteron? Tasakoiatiniont tsi rononsote ne Rawenniiio ronwawennenhawe, ronaterihonte tsi kentiohkwaian Raotiohkwatokenti, nenhonwaterennaienhase, enhonwaiatokhawe oni ne wenhienanoron, Rawenniiio raosennakon nenhontieratake: nok ne raonaterennaientaksera ne thonehtakwen kariwiiostonke enhatijatatako ne rononwaktani, nok enhoicwentote ne Rawenniiio: nok tokat othenon sekon iiore ne kariwaneren raotonnhetstonhne, ensewaterakewe: ise kati seskwaskontakwen, kwennitentase raoianerenstakwatsarakon ne Rotkon Roiatatokenti, aonsatsiente ne ken raiationni roronhiaken: hetsitenr aonsahaiewentane tsi iononwaktanitha ne raieronke, nok tsi iokarewaton ne raotonnhetst ne kariwaneren; eren aonsashawite ne raiatatake ne karonhiakensera okon, nene nonikonhra nok oni ne nieronke aowenk; akwa otokenhon aonsahaton nakon nok ehneken nonkati; aontiesenhake, nenshoiewentaon ne tsini satanitenron, aonsahakwenieseke nahariwaieritseke tsinaho-

riwaieritonne ne tiotierenton. Ise kwennitentase, sewakwekon ne Hianiha nok Rotkon Roiatatokenti, tsionnhe onwe, iesawenniiostha oni, Niio, iatekakonte tsinenwe. Ethonaiawen.

Tewaterennaien: Tetskanerak niha, Sewenniio, ne ken raiationni. . . , hiaseronnienis, ronoronsehatie tsi roronhiaken, nok tsiatahnirat ne seiatison raotonnhetston; etho naontawe, nenshotiatokewaton ne wetsatenientenseste karonhiakensera, ahattoke tsi ne sanonkwatseratokentike shotkwatkwaton. Iakwawennakwekon tsi kwennitentase ne Kristos Sonkwawenniio. Ethonaiawen.

Tewaterennaien: Sewenniio saiatatoken-ti, Iesaniha, iah othenon tesanoronse, ok tsi senakere, Niio, iahtiaiehewe tsini seniseriio, sheiatanonstatonhaties ne sheiatison, ne tsi shetenranions, sheriwatanihaties saianerenstakwa nakoierontake ne iakononwaktanionni; satontek tsi kwaniahesen, kwanekennis ne raoriwake ne ken raiationni, atsitenre, nenhotiatatako tsi rononwaktani, nonen enshotonhon, ise iawet sesnon-sake aonsatseketsko, satstenserake atsiatahnirate, sakweniatserake atsiatanonstatse-ke, nok aonsasciatsiakwarisien tsi ronnhe ne Sentiohkwatokenti, iakaierine tsinenhas-

kaneke ahatsennonni. Iakwakwekon tsi kwennitentase ne Kristos Sonkwawenniio. Ethonaiawen.

Tsinahoten aieriwaierite, nok aiairon ne iaiheionsere:

Aiontatehretsiaron ne iaiheionsere: *Aontaia-kawehtakönhake* akwa oriwiio tsinikon sonkwarihotasienni ne Niio, ne Kentiohkwatokenti ionkwarihonniennis. — *Aiakorhareke*, ne tsini hotanitenraskon Sonkwawenniio nok tsini sakorharatstenni, tsi oni nisakoriwisahani sasakorohiakense, nok tsi nensakonaterennaienhase ne Wari nok nakoiatatokentison, ensakotenre ne Rawenniio ensakotsennonniaten ne karonhiake. — Akaweriasakwekon *ahonwanonwehake* ne Niio, aionskaneke ethonahonwanonwehake tsini honwanonwes ne karonhiake. — Niatehaiati Rawenniio raoriwa, *aonsahonwatatrewaren* tsinikon ronwanikonhraksaton, nonkwe oni iontatenikonhraksaton. — Rawenniio raoriwake, aonsaiaikonikhren nothenon iontatenikonhraksaton. — *Aonsaiontatrewaten* tsiniakon iontatkaronnihon, iontatenikonhraksaton nakaonha. — *Aiaikonikonkatstate* ne tsi ieronhiakens, taonsaieriwaserako. — Aienrheke, nensakotenre ne Rawenniio aonsaieiewentane, *entiaikonikonhrasahate nakonwatekwenniheke* ne kariwaksen, nok nahonwawennaieritseke ne Rawenniio.

Arens kati oni aiontatenikonhrata, aiontatiennawase oni ne iaiheionsere *naiairon*:

Niio Iesaniha, takitenr. Niio Iesaienha, takitenr. Niio Satkon Saiatatokenti, takitenr.

Iesos, wakonwenniioste. Iesos, tewakehtakwen tsi takwariwiiostontserawi. Wakerhare tsini skwarharatstenni. Konnonwes akenikonhrakwekon, aseken iahtiiaiehewe tsini saianere.

Iesos, sakonhiatatrewaten, skatatswens tsini wakieren aseken konnikonhraksaton, niahtiiaiehewe tsini saiatanonwet.

Iesos, Iesos, Iesos, sakonhiatsiakwarisien tsi konnhe. Iesos, tosa takwatewentet, tosa takiatonti, tosa kienterhann noneshon.

Sonhaa, Sewenniiio, konhiaskaneks nonwa. Akwekon wakatewentete nonwentsiake. Ne ok skaskaneks ne karonhiake.

Sewenniiio, takitenr, nok shetenr akwekon nonkwe.

Wari, takwaterennaienhas. Iesos, Wari, Sose, takwentenr.

Iesos, Iesos, Iesos, onen wakhion nakwatonnhetston.

Nok oni tsi ok naonterennaientakseroten, noia sonha niwaterennaientakserasha. kennatekonteronha aierihokten.

Iaiheionsere teiontateriwakwases.

Onen, tiatateken, wahiiataienhase tsiatakwekon ne Rawennio ne hiaiatison, raonha enhiasteriste.

Tahonterane ne iotiohkwanehrakwat ne ronatkoseriios karonhiakehronon, nonen enkaiakenne satonnhetston kenha.

Tahonterane oni Iesos ratikwekonne, ne raweron Iesos, tensakotiiatoretana nonkwe kenha.

Taesewaterane kanenrakwekon nakoiatatoken-tison okon kenha, ne kariwiioston ronwatiriohton, tsini thotinikonhratsanitonne.

Taiesennitiohkwaton ne rotitiohkwakenrat, nakwa teioterontonte tsi ratikenniate, ne skennen tihotiriwiiostonne, kentiohkwiiio.

Taiesanonweratonnion naotitioh kwa niahte kontinakwaienteri, tsini ionatewek, tsini iononweskwat.

Aontaiesaiena ne rotikstenseratokenti, sakotini okon kenha, etho kati skennen asatien tsi ratiteron.

Skennen tahotsennonnihake ne Iesos, tsi tenhiakanerake, enhrerheke ahaiatarake nakitiohkwake iatekakont teniakwateranekenhake.

Aiawens aesanekherenseke tsini iosonwatancwarat nonwentsiakon. tsinateionnakaraniehons nothonkwakon.

Aesanekheren oni tsini iononwakte kowa tsi tetieseronniatha iontateronhiakentakwa.

Aiontehensek tenhnon, aiakotasetonhatiesek oni kanenrakwekon nonwentsiakonronon, tosa iesaiotats tsi iohahate ne karonhiake ieiothahinon.

Aiawens aonsaharakewe Iesos sariwanerahak sera okon, nok ahianaktaienhase tsi raweienteh-takon, tsi ratiteron nakwa rawerianeson.

Tetskanerastsihon ne sesonkwaskontakwen nonwentsiakon, iatekakonte ensanehrako tsini hotiesen ne Rawenniio.

Aontaiesaiatisakha rotitiohkwatokenti karonhiakehronon, tiesanaktarakwas tsi tkanataien kanatatokenton karonhiake.

Ahonwasennaen...

Iontataterennaiennis ne iaiheionsere.

Sewenniio tsi iakionnhe, sonhaa sanikonhriio, sonhaa satanitenraskon, sonhaa seriwahtontha tsi iakoriwaneren nonen tsiakotatrewon; hetsatkahto nisa hetsienha renheionsere; hetsatontats nonwa tsini hiennitentase natsitenre, aseken raonikonhrakwekon nonwa tsi shatatswens tsini hianikonhraksaton tsinahe; hianekennis nonwa naonsaserakewe raoriwanerahaksera. Tontatswatheten kati naonsahariwaienterene tsinikon roiatathonhon tsinahe; satsenonwennonwa tsini shatonnhakanonnis; tosa satsisterist tsini horiwatsenrion ne iotaksen; ne nonwa teshashentotha tsi iahte hiawennarakon tsinahe. Atsitenre kati ne hianiahesen tsini satiesen kowa; atsatontatse nonwa shianikonhraseronniatha tsi roronhiaken raonaktake. Atsenaktarakwasc tsi tesiteron karonhiake, iatekakonte ahiasennaaienheke tsinenwe. Ethonaiawen.

Sewenniio tsi iakionnhe, wakwaiataienhase raotonnhetston n'hetsienha tehokonhents; iakwawennakwekon ne ken iakwatarien, kwennitentase, ise sesheskontakwen nonkwe; tosa sateraiatak natsenaktaienhase tsi tieteron ne iesawennaieriton nonwentsiake. Sewenniio, satsienterenn n'hetsiatison; sonhaa hetsiatison, sonhaa kati ise hetsewenniio, iah kaneka nakoren etho teiewenniio. Asatsennonniaten kati ne raotonnhetston; tosa nennee sasehiarak nothenon iahtathoriwaieriton tsinahe; neh tenhnon asehiarake tsinikon hetsitenranion; sahetho sane sewatierens hianikonhraksaton, iatekakonte tiotkon thawehtakon tsini kariwanoron ne takwariwiiostontserawi; iah nonwenton tehotennowenton tsini sewennoten; nok sonhatsiwa hiasennaiens Niio Iesaniha, Iesaienha, nok Satkon Saia-tatokenti. Ethonaiawen.

Sewenniio tsi iakionnhe, kwennitentase, tosa sasehiarak noriwakaionson hianikonhraksaton ne thetsiatoretane; ne tenhnon sasehiarak tsini satanitenraskon, tsini saronhiakenhon oni nonkwe okon akoriwa, nansasheiatontako nonwentsiakon taiakotonnhakarihon. Sheiatontats Sanistensera-tokenti Wari, ratironhiakehronon nok na-

koiatatokentison, thonwaterennaiennis nonwa. Sasanikonhren tsini horiwaneren, saserakef raoriwanerahaksera okon, ne sekon notiake aonsaio ranentakonhake ne raotonnhetston, aonsonterisi, akwa aonsonteriwah-ton; aontiesenhake ne karonhiake iawe tsi tionwesen kowa, nonen enhoti ne raieronke kenha. Ethonaiawen.

Iesos Sewenniio, ii onkwariwa... sk. 76.

Iesos Kristos, Sewenniio tsi konnhe, saienterhaon nonwentsiake tsini kanoron ne iehetkentsihon niaiheionsere, ethone tsatkanekonkote tsiatakwekon onekwensa tekaieston, tsini sanikonhranonwakon tsi eniontiesate nonkwe ne saronhiakenseratoken-ti; konhiennitentase, aonsatsenatonhase Niiio Hianiha, iah othenon tehonoronse, sanekwensatokenti, ne aonsaharakewate raoriwanerahaksera okon n'hetsienha tehokonhents; ne ahoiatakennhaste nonwa, tosa ahennikonhroktake tsini ioronhiakensera-tsaniŋ roronhiakentha tsi roriwanerahakhon.

Iesos, Sewenniio tsi iakionnhe, iahta tesa-nonhianihekon ne tekaiasontne takwenhe-
iase; iahtiiaiehewe tsini saronhiakenhon
niate ioriwake tsinateiontonnhakariatha
nonkwe nonwentsiake naiheie; senha tenh-

non nethone sontakaiakenne satonnhetstse-
ratokenti sasiheie. Konhiennitentase, aon-
satsenatonhase, atson Niio Hianiha, iah
othernon tehonoronse, tsinatesatonnhaka-
riaton nethone; ne ahotenrate n'hetsienha
tehokonhentons, tosa ahennikonhroktake
tsini iotironhiaken nonwa ne raieronke oni
raonikonhra, skennen tenhnon ahiawenni-
iostake.

Iesos, Sewenniio tsi konnhe, ne tsini sata-
nitenraskon, teskwaiatatirontha tsi tsiteron,
konhiennitentase aonsatsenatonhase, atse-
wenniioste Niio Hianiha, iah othernon teho-
noronse, tsini skwanonwehon, ne saronhia-
kenton nok senheiaton. Ne kati nonwa
hetsitenrat n'hetsienha tehokonhentons; to-
sa hetswen tsi nonwa nihatonnhakanonnis,
tsi oni nihiaiatiks; tsiatanonstat raotonn-
hetston nonen enkaiakenne; tasennhohon-
tiense ne karonhiake, iatekakonte aсени-
kwekonhake, tosa nonwenton taonsetsia-
tekhasi tsinenwe iatekakonte. Ethonaiawen.

Ne Iehetkentsihon akowenk Takwentenr.

Takwentenr, Sewenniio. — Kristos, takwentenr.

— Takwentenr, Sewenniio.

Wari saiatatokenti, hetsaterennaienas (tokat)
seiatereennaienas.

Sewakwekon sewaronhiakehronon, hetsisewate-
rennaienas (tokat) ietsiaterennaienas.

Abel saiatatokenti,
Sewakwekon ne tisewariwaieriton nonwen-
[tsiake,

Abraham saiatatokenti,
Sawatis saiatatokenti,
Sose saiatatokenti,
Ise sewakstenseratokenti okon kenha, nok
[sewatokensehakwe,

Tier saiatatokenti,
Kor saiatatokenti,
Antre saiatatokenti,
San saiatatokenti,
Ise ne Iesos sewakwekonne, ise oni ne sewa-
[iatonserisahannhon noiatonserato-
[kentison,

Ise ne Iesos hetsisewanonteratieskwe non-
[wentsiake tsi ireskwe,
Ise sewaksa okon kenha, Iesos raoriwa ietsi-
[iawentohaton,

Ètienn saiatatokenti,
Roren saiatatokenti,
Ise sewaiatatokenti kariwiioston ietsiriohton,
Sirfester saiatatokenti,
Krekwer saiatatokenti,
Okisten saiatatokenti,
Ise sewakwekon sewariwawakonne sewaia-
[tatokenti,

Bennwe saiatatokenti,
Raswe saiatatokenti,
Kamir saiatatokenti,
San de Dieu saiatatokenti,
Ise sewaiatatokenti karhakon tisewanake-
[rekwe,

Wari Watere saiatatokenti,
Rusi saiatatokenti,
Ise sewaiatatokenti iahte sewanakwaiante-
[rhaon, sewaterehonskon oni,
Akwekon sewaiatatokentison kàronhiake se-
[watsennonnianion,

Hetsaterennaïenhas (tokat) hetsisewaterennaïenhas.

Askwatontatse, hetsitenr (setenr), Sewenniio.
 Askwatontatse, hetsiatanonstat (seiatanonstat),
 Sewenniio. (2)

Tosa ahaienterhane ne sanakwensera,	} Hetsiatanonstat, Sewenniio.
Tosa aiotteronke nahrenheie,	
Tosa ne wenheiontaksen tsinahatonnhoktake,	
Tosa tahaterientakari noneshon,	
Tosa othenon tahotieronnionse ne iotaksen,	
Tosa ahonwasenni notkonseraksen,	
Ne tsini sennakeraton,	
Ne tsini iesaiatanentakton, nok tsini iesaiesa-	
[ton,	
Ne tsini tsisatonnnheton, saiatanehrakwatan,	
Ne tsini ionehrakwat karonhiake ietsisenon-	
[ton,	
Ne tsinasakoianerenste ne Rotkon Roiatato-	
[kenti Sakonikonhrahnrats,	
Tsinatensheiatorete nonkwe.	

Ionkwariwanerahakskon, kwennitha takwatan-
 tats,

Atsitenre (asetenre) niha, kwennitha takwatan-
 tats.

Takwentenr, Sewenniio. — Kristos, takwentenr.
 — Takwentenr, Sewenniio.

Tewateriwaserakwatha kowa naieiena ne iaihe-
 ionsere.

Teiotoktanis ne Kentiohkwatokenti tsi iakoia-
 tanerenstakwa ne iontewentetane nonwentsiake,
 tsi iakowis noriwatokenti kowa sonha; sekon ki,
 tsini kanistenseriio, watsta tsinikon rakweniatse-
 rawi ne Iesos, sahaon ne iennhotonkwatha ne ka-
 ronhiake, tsi iakorihontha ne ratitsihenstatsi asa-

konaterennaienhase ne teiakokonhentons ne *te-wateriwaserakwatha kowa*; etho tkaientakwa iakowis, iawet akowenk akenhake, tsi teshoriwaserakwaton Iesos sasonkwaronhiakense nok ne iakotatenrase tsinatetsiakoriwaserakwen nako-iatatokentison iakoronhiakenhon.

Aienrheke nethone ne iaiheionsere: ahakitenre Iesos, ahakon ne raoronhiakenseratokenti takia-
 tieste nakeronhiakensera, naontkaroktakwe nake-
 riwanerahaksera; ahonwanonwehake akonikonh-
 rakwekon, tsini iahtiaiehewe tsini hoianere;
 akwa taiakonikonhrasahate taienoronkwanion ne
 kaiasatokenti, kenikwekon tsi enhonwataton Ie-
 sos; ahonwawenniioste tsi ieronhiakens nok tsi
 iakonnhe.

NE TEWATERIWASERAKWATHA AORIWAKE.

Ken kaiatonserakeson, aietsenri ne ionteren-
 naintakwa sonha, neh naierihokten, nok oni oia
 sonha aieriwaierite tsini watenienten, wathatine-
 renstanion Ratiriwawakon kowatson iaiontentsa
Tewateriwaserakwatha sonha. — Ioianere kati
 naiakoterientarake *tsini karihoten* ne tewateriwa-
 serakwatha, *toni iotitiohkwake*, nok *oh naieirc*
naienrheke takatentsa.

Ne *Tewateriwaserakwatha* konwaia's ne aka-
 kweni, tokat akariwahtonte, tokat takaseronnente
 ne karonhiakensera sonha, naiakoronhiakenton
 tokat nonwentsiake, tokat tsi tetieseronniatha, ne
 iakotkarote sekon Rawennioke, nonen tsiotera-
 kwen tsi iakoriwaneren

Ne tetsieriwaserakwatakwa, ne tsi iakoiakhon-
nis ne Kentiohkwatokenti, iawet akowenk aken-
hake nakoriwiioston, ne tsi iahtiaiehewe tsina-
tesesonkwariwaserakwase Iesos sasonkwaronhia-
kense, nok oni ne tsini iakotatenrase tsinatetsia-
koriwaserakwen nakoiatatokentison.

Nene kariwanoronson, ne iawet iohnawerota-
kwen atsokowatseratokenti sonha, ratakwen-
niaienni Iesos ne Raotiohkwatokenti; iokweniat-
seraien aiakotenre niakoriwiioston, aiakoiakhon-
niheke, nentiakoriwaieriton tsinaioriwison aiako-
tenientense.

Iah kati tekariwahtontha ne tewateriwaserak-
watha ne kariwaneren; ehki nikaierha ne Sewa-
tateronkwenni, nok oni tokat aonsaiakotatrewa-
takon ne senha oriwiiio konwaiats tsi tsiontatre-
watakwa; ok eken ne tewateriwaserakwatha ka-
riwahtontha ne kahrewatatsera, ne iatekenes ne
tsi iakoriwaneren.

Wahawenhase Iesos ne Tier, wahrenron: "*Wa-
konhion ne iennhotonkwatha karonhiake; tsi-
nikon ensaneren nonwentsiake, enkaneren ne
karonhiake; tsinikon ensanersion nonwen-
tsiake, entkanerensi ne karonhiake.*" Neh ne
ken kawennanoron ionkwatokatennis tsi rokwe-
niatseraien ne Tier, nok oni ne raonaktake israte
nonwentsiake, n'Ariwawakon kowa, ahariwah-
tonte tsi ok nahoten ne kaiotats ne karonhiake
aiontsennonni; rokweniatseraien kati aharakewe
ne kariwaneren, nok oni aharakewe ne kahrewa-
tatsera, ne karonhiakensera, ne kaiotats nok sa
ok aiontaweiate ne karonhiake, ne tsiakotatrewa-
ton tsi iakoriwaneren.

Ne sakawennat wasakawenhase oni Iesos ne
tekeni iawenre nihati Ratikwekonne. Ne ionkwa-
rihonniennitha tsi ronaterihonte oni ne ratiriwa-

wakonson asakotiiakhonhase niakoriwiioston ne tewateriwaserakwatha sonha taiontentsa; ne ok ieken tenhnon sakonawis ne sakonatsteristha, arens neh ne kaieri niwasontashen, iekanihare arens neh ne tsioserat ienatonkwa ne tewateriwaserakwatha sonha. Ok eken n'Ariwawakon kowa iah neneh othenon tetiotokte tsiniiot tsi roterihonte, nahrerheke, akheion niakoriwiioston okon taiontentsa ne tewateriwaserakwatha nahoten.

Ethonasakorihonten Iesos ne ronaterihonten kariwiiostonke, ne tsi rotanitenraskon kowa, ne oni tsi teiontatseronniennis nakoiatatokentison, raonha se akwa thotierenton irate tsini hotitiohkwa ne rotiiatatokenti okon.

Teiotitiohkwake ne tewateriwaserakwatha sonha: enskat, *ne tewateriwaserakwatha kowa*, nok enskat, *ne tewateriwaserakwatha sonha*.

Ne tewateriwaserakwatha kowa konwaiats, ne nakwa iewatkaroktakwa tsi satekenat tsi iakoriwaneren tsinahe tsi iakonnhe.

Ne tewateriwaserakwatha sonha konwaiats, ne iah akwekon tiiewatkaroktakwa tsi satekenat tsi iakoriwaneren; ok eken tenhnon ne iawet entewatiake nenwatkaroktakwe, othenon tentewatarako ne karonhiakensera nahoten. — Tsi iontons: kaien ne tewateriwaserakwatha sonha nene tokat 100, tokat 300 *niwenniserake*, tokat *tohka nioserake*, tokat oni *tohka nioriwake ne kaieri niwasontashen*; tosa aiairon: ne teiontentsas neh nahoten tewateriwaserakwatha sonha, teiakotentson nasakostotenni ne Rawenniiio nehni kariwes aia-koronhiakenhon tsi tetieseronniatha; ne tenhnon aiairon: ne satekenat tsi ne entsieriwaserakwate, tsiniiiohtonne naonnise, tsinaiakoriwaieriton ne teskariwaserakwen nahoten, watoken tsini kari-

wes are iakonnhaske ne Kentiohkwatokenti otiake ne kowanen, wehne oni, iakoriwanerenhenne, arens 40, arens 100 niwenniserake, arens oni tohka nioserake tsini kariwes niatekon iakotentensehakwe aieriwaierite aiontateronhiakentak. Ne kati tsi iataionenon naiakoriwaieriton nehnakahrewatatserotens, tsinikon teiontentsaskwe ne iakonitenton, tsiakotatrewatton, iontateronhiakentakwe nethone, ne nonwa sakat tsi teiakotentsonhaties ne ieriwaierits akwa otokenhon ne watenienten naieiena ne tewateriwaserakwatha sonha.

Iontsennonniatakwa ne tewateriwaserakwatha nahoten, niakoriwiioston, ne iakonnhenion iakoriwaieritonhaties, nok oni niakowentaon ne ieteron tsi tetieseronniatha, kawennio ne iiens nonwentsiake teiontatawis tsi teiontentsas taonsaieriwaserakwatake; arens Ariwawakon kowa enhatrori tsi watons naiontatitenre, aiontatton ne iakowentaon ne tewateriwaserakwatha kowa nok tewateriwaserakwatha sonha sakotenronhaties.

Raonha ne Rawennio enthennontton ohnaiohton naonsasakoiakhonhase ne iakotiaktani tsi tetieseronniatha. Iah tenhnon teiotennowent, tsini hotanitenraskon, tsi ensakowennarakwe ne ronwennitentase, ensakotenrate neneh iontataterennaiennihaties.

Aetewatataskennha kati iaetewatsiente tsi iohnawerote Kentiohkwatokenti aotsokowatsera nok Nio raotanitenrasera; aetewatsennonniatakwe nii, nok aietitenrate oni ne iakowentaon ne tewateriwaserakwatha sonha.

Ken tenhnon kaien ioteriwison *naieiere* ne *ienhre takatentsa*:

1° Tosa othenon aiakonikonhranentakonhake ne kariwaksen. Iah othenon teiakowenk ne tewateriwaserakwatha ne iakoriwaien ioriwatsanit, ne teiakotentson noneshon asakohrewatake ne Rawenniio. Aonsahonwatatrewaten kati ne Rawenniio ne ronwanikonhraksaton.

2° Aieriwaierite tsi nahoten watenienten etho ioranentakon tewateriwaserakwatha. Ken kaia-tonserake, tsinikon watroriatha tsi kaien ne tewateriwaserakwatha taiontentsa, watroris oni tsi akwa naieiere naieriwaierite.

3° Ioianere oni aiontennikonhrehawite, aien-rheke arahonne enskat orhonkehne nonkati: takatentsa onwa wenniserate tewateriwaserakwatha, ne aoriwa enkeriwaierite tsini watenienten; iaweronhatien, ohnaken tsini wenniseres, iahtaonsaiakehiarane, kawenniio ki iakoriwaieriton noriwa.





“ Wari watennetakwe naweriane Niio raowenna okon,
ne icnnontonnionkwenhatie.” (Ruk.)

KAIERIHATON NA'TEIoTIAKON
NE
KAIATONSERA.

IAKONATONNIS NE TESKAWENNATENION KAIA-
TONSERATOKENTI, WATRORIATHA TSINA-
HOIATAWEN, TSI ONI NAHAIERE
SASAKORIHONNIEN, NE IESOS
SONKWAWENNIIO.

Neh tsi iawentatokenton okonha tsini
ioseres, nok oni tsi iakawentontietha sonha,
rawennahnotha tsi rohasen, sontaietane.

Tiotierenton Niihne tsi Ratonniane.

RUK, XXI, 25-33.

Ethone wasakawenhase ne Iesos ne raotiohkwa, wahrenron: Karonhiake tenwatieron-nionhaton tsi karakwaronnion nentiekenekeha, asontenkha, nok tsi iotsistokwaronnion; nok teniakotonharenronnion nonkwe okon onwentsiake ienakeronnion, tsi neniorakarheke tsi kaniatarenion; iawet enieiatathenseke nonkwe, tsi neniakoteronhientenniheke, tsi eniakorhareke tsi neniakoiatawenseron nonwentsiakwekon nonkwe; aseken iawet tenwat karenron naosatstenser ne karonhiake. Ethone enhonwatkahto karonhiakeson natentre n'Onkwe ronwaienha, enthoiatanehrakwatonhatie, iah othenon tehonoronse. Kawenniiio kati enwatasawen neh naia-wenseron, sewatkahto nok sewatahraketsko; aseken onen ok etho, kennitsioreha entsisewatitotarisi. Ne tontahatenientenste nahotinikonhraientane: Sewatkahto, wahrenron, ne tsionionwarontonha kowa, nok oni notiake ne karonta sonha; kawenniiio ioientonnion, isewehre, ohen toha akennhake aonton. Etho kati neniawen, kawenniiio ensewatkahto eh neniawenseron, sewaterientarak ok etho iwe Niiio raonakeratsera. Tokenske onwe tsi kwahroris, iahtaonto hetste ne ken kawatsirate, ohenton neh neniawenseron. Enwatohetste ne karonhia, nok oni nonwentsia; nok iah nonwenton tiiakontohetste nakewenna okon.

Tekenihaton Niiohne tsi Ratonniane.

WATIO, XI, 2-10.

Onen nonwa ne Sawatis rannhotonkwe; eh kati wahariwahronke tsini hatieranions ne Iesos; tehniase ne raotiohkwa iasakotenniete tsi itres ne Iesos, rawenhatie: Ise ken nonwentsiake tasetane, katon ken oia ensakwarhareke? Ne kati tsi tontasakowennaweron ne Iesos, wahrenron: Satsiahtenti, satsisenihroriana ne Sawatis tsi nahoten tsiatkahton, nok tsi nahoten tsiatonte. Tsiekens ne teieronwekonne, tsionhtenties ne iontsinokatakwe, tsiontons ne iakotstawis onwe, tsionhronkha ne teionhontakwekonne, tsiontonnhets ne iakawenheion, nok ne kariwiiio ieriwahronkas ne iakotent. Iakotaskat kati neniekweni iahtaiontatenikonhrotako nii akeriwake. Sonsahiahtenti ne sakonnhaonne Sawatis, iahatati Iesos kanenrakon ne raoriwake, wahrenron: Nahoten sewatkenseronhonne karhakon? Okwire ken ne tewatkarenrons tsi iahote? Nahoten kati sewatkenseronhonne? Ne ken ne ronkwe ne iaonweskwat sonha rotseronniaton? Nene kanoronson iakotiatawiton, ieiatanorons akononskon tie-teron. Nahoten kati sewatkahtoseron? Roto-kense onte ken? Tokenske neneh kwahroris, nok sakotohetstennis ne rotitokensehakwe. Aseken ne se rotons noiatonseratokenti, tsi waton: Onen iahiiatenniete nakeronhiakehronon aontahiahteratana, neh enhiahaseronnien.

Ashenhaton Niiohne tsi Ratonniane.

SAN, I, 19-28.

Ethone ne Sirisare thatiterontakwe Sitaehronon, wasakonatenniete otiake ne ratitsihenstatsi oni ne raononkweta ne ratitsihenstatsi, tsi itres ne Sawatis, nahonwariwanontonse, ahoniron: Ohnasiatoten? Nok tahariwaierite, iahte hontonnhiien, wahrenron: Iah se ii teken ne Kristos. Sahonwariwanontonse: Onka kati nise? Ise ken ne Eli? Tahenron: Iah ii teken. Satokense katiken? Tontahenron: Iahten. Onka kati neken, sahoniron, naonsaiakihrori ne ionkinhaon, nahoten saton ne nise tsiatatake? Ii, wahrenron, raowenna ne telohenretonhatics karhakonson: Hetsisewahahakwarisien ne Rawenniio, tsini hoieren tsi thotati ne rotokensehakwe Isai. Farisien nahatiiatottenne ne iehonwanatenmietonne nahonwariwanontonse ne Sawatis. Sekon kati sahonwariwanontonse, wahoniron: Oh kati niiotiieren tsi senekwahestha, iah se ise teken ne Kristos, iah oni ne Eli, iah oni tesatokense? Tontahatati kati ne Sawatis, wahrenron: Kenekwahestha nii awenke; ok tenhnon saiatat tesewaiatoken tehotaon, iahtetsisewaienteri. Ne neken raknonteratiesere, takhentetson sane tsi thanakere; akwekons iahte wakerihonte nahiennikatsienanerensi tsi tehohtarion. Bethani nonwe, ethoni tiawenhon, isi nakahionhati Sortann, tsi ki nonwe nisakonekwahestakwe ne Sawatis.

Sosehne ne 4 Niokwenhraron tsi Ratonniane.

RUK, I, 26-38.

Ethone ne Rawenniio tahonnthane raronhiakehronon Kabrier, Nasaret tsi tkanataien niiahare, tsi tkenterontakwe skaiatat ne kaiatase, iahte kanakwaienteri, Sose ronwaiatskwe ne rone, Tafit rawatsiratatie, nok ne kaiatase Wari konwaiatskwe. Wahataweiaten ne raronhiakehronon, nok wahrenhase: Tekonnoronkwanions, tsiati ne ioianerenstakwa; Rawenniio senikwekon; sonhaa nakonnhetien tsi hiakonniienstha ne Niio. Tonton-neke tsi wahowennahronke ne raronhiakehronon, nok iaonnontonnion, oh onte niioiiieren tsinahaie-re tsi wathanonweraton. Ok sa ok sahenron ne raronhiakehronon: Tosa sahteron. Wari, hianikonhranonwehon ne Rawenniio; oia nensiatotenne, nok ensawiraientane roskenrakehte, nok Iesos entsenatonkwe. Raonha enhaiatanoronke, nok Niio Roienha enhonwaiatseke, enhokowanate ne Rawenniio raonaktake Tafit roniha; Sakob raowatsira enhonwanontiioke tsinenwe, nok iah nonwenton taontokten ne raonakeratsera. Ethone Wari wahawenhase ne raronhiakchro-non: Ohnaiawen naonton neneh, iah se tekenakwaienteri? Nok tahehron ne raronhiakehronon: Rotkon Roiatatokenti enhiatitatahase, nok Rawenniio raokweniatsera ensarakwawerhosten: Ne aoriwa roiatatokenti kowa nentsatweton, Niio Roienha enhonwaiatseke. Ken onikaian satokens, Arisawet tsiaraseha oia oni nene niionnhoten, watiatisas sane; onen kati iaiak niwennitake oia tsi kaiatoteh ne iahte iowiraientakwe; aseken iah othenon tehonoronse ne Rawenniio. Ethone onen wakenron ne Wari: Ken kiteron raonnhatsera ne Rawenniio, etho kati naonkiatawen tsini sewennoten.

Ronwaiatanentaktonne ne 4 Niokwenharon...

RUK, I, 39-47.

Ethone watkatane ne Wari, onhtenti, tsi tka-nataientakwe Sita konwaiats, tsi ionontenion waete, akwa iostorontie; iaontaweiate Zakari tsi thononsote, nok wationonweraton Arisawet. Kawenniio ok n'Arisawet waowennahronke tsi wationonweraton ne Wari, wahatorianeron kaiatakon ne raiatat, wahatienhase Arisawet ne Rotkon Roiatatokenti; nok watiohenrete, wakenron: Sonhaa nakonnhetien okon tsini hiakonnienstha ne Rawenniio, ok ne raiatat tsiatakon, raonhaa tsini honwasennaiens. Ka onte nontawe nonwa wakataweiattenni ne Rakewenniio ronistenha? Kawenniio ok wakonwennahronke tsi wateske-nonweraton, wahatorianeron ne raiatat kiatakon, tsinahatsennonni. Sataskat kati ne satontaton, aseken tokenske ethoneniawen tsini hiaierase ne Rawenniio thonnhaonne. Ethone wakenron ne Wari: Rosennaiens ne Rawenniio nakwatonnhetston; nok iotonnhahere nakenikonhra raonhake Niio, ne rakwatsennonniatennis.

Kaerihaton Niiohne tsi Ratonniane.

RUK, III, 1-6.

Onen wisk iawenre nioserake tsinahe sihonwanontiio Tiber Sesar, ethone tsi Konskwirat roterihontakwe Sitaehronon raononwentsjake, Herot Karirehne thatsteristakwe, tenhnon Firip, Herot, hiatatekenha, ne roterihontakwe Iture nok Tra-

konitis nonwe tsi tionwentsiaientakwe, nok oni Lisania nene Abilina nonkati thatsteristakwe, ethone tsi ronwatikowanenskwe ne ratitsihens-tatsi Anna tenhnon Kaif; ethone kati Sawatis, Zakari roienha, wahowennahronke ne Rawenniiio karhakon. Nok iahatatiatewe tsi ienakerenion kahionhaktatie Sortann konwaiats, sakohretsia-rions naiontatenekwaheste taonsaieriwasherakwa-seke, naonsonterakewe nakoriwanerahaksera; ne are rotonhon Sawatis ne rotokensehakwe Isai, tsi rawen: Ken nihawennoten ne tehovenretonhatic karhakon: Hetsisewahahaseronnien ne Rawen-niiio; sewahahakwarisi ne raohaha okon. Akwe-
kon tsi ionhrakwanion enskaharataton, nok akwe-
kon tsi ionontenions, tsi ionhmiaronnions oni, enskanontienenton; tsinikon teiotsakton enska-takwarision, nok entsionwentsiarision tsi nonwe niiononniokotonkwe; nok akwekon nonkwe en-iontkahto tsi sakotsenmonniatennire ne Rawen-niiio.

Entakta Nenhatonni.

WATIO, I, 18-21.

Wari, Iesos ronistenha, Sose rotiniakoune, ok taontierentsi oia naonnhotenne, iah sane tatehia-tatienterihne, aseken Rotkon Roiatatokenti etho-ni hannhotenston. Thoriwaiarikwe ne rone, Sose ronwaiatskwe, iahte hokwenion nahatehate, ok eken wahrere otasetonke tetsiakiatekhasi. Akwa ethoni honikonhroten, nok raoserentakon waho-tianeronkwen ne Rawenniiio raoronhiakehronon, wahawenhase: Sose, Taft hiaienha, tosa tesa-nonhianik taetsiaterahnekenseke ne teseniteron,

aseken ne raiatat kaiatakon, *ne Rotkon Roiata-
tokenti roiatonni. Eniowiraiantane roskenrakeh-
te, nok Iesos entsenatonkwe; aseken ne ensesa-
koiatokewe raonkweta okon nakoriwanerahak-
sera.

Asonthen tsi Nahatonni.

(*Tiotierenton eniehasen.*)

RUK, II, 1-13.

Etho si kahawis, ronwanontiiokwe nonwentsia-
kwekon Sesar ronwaiatskwe, wahariwisa naon-
taionsete ne raonkweta okon. Ne kati tiotieren-
ton saontatsennarion nethonc, thoterihontakwe
Sirihronon tsi ienakeronnion, ne Sirinus ronwa-
iatskwe. Akwekon kati ne ienakeronnion ieionh-
tentieskwe, tsinon tiakotonnisentakwe ieientakwe,
naiontatsennaronnion. Nasaret thanakerekwe ne
Sose; wahahtenti oni ne raonha; Bethleem
warete, tsi thotenataientakwe Tafit kenha, aseken
etho nithotenekwensinon, nahonwatisennaren
tetsiaron ne rone wawetonne. Tsi kati iahane-
we iakaierine naiowiraiantane. Nok wahoiate-
weton ne roienha, ne thotierenton (1), oniataraa
sonha wahowenonniate, nok wahoteron katsenen
tsi iotinonsote, aseken iahte hotinaktatsenrion
onkwe tsi iontekwashentakwa. Ok ethoson ron-
neskwe ne ratinonnhakwe iotitiohkowanen teio-
tinakarontonha asonthenne, ratiiewatakwe kati.
Oktaontierentsi wathatane ne raronhiakehronon

(1) Ne sakat aiaron: Iah ohenton tehowi-
sientakwe.

tsi ratiteron; wathotiwannhake Niio raoswathetsera, nok wahotihteronne nakwah. Nok wasakawenhase ne raronhiakehronon: Tosa sewah-teron, aseken watsennonniatserowanen kwariwenhawisere, nakwekon nonkwe aiontsennonniate: aseken hetsisewanakerati nonwa, Tafit raonatakon, nensetsisewaskontako, ne Kristos Rawenniio nahaiatoten. Ken kaien entsisewaientereste, entsisewatsenri raksaa, oniataraa sonharonwawenonniaton, katsenen tsi iotinonsote ranats. Sekon rohtare raronhiakehronon, nok wathontonte iahtiiaiehewe tsini hotitiohkwa ne raronhiakehronon, wathonwariwakwase ne Rawenniio, rontonnions: Ahonwasennaen ne Niio karonhiake, nok skennen kenhak nonwentsiake nonkwe iakonikonhriio.

Tontewentarenho tsi Nahatonni.

(Tekenihaton Entsiehasen.)

RUK, II, 15-20.

Kawenniio sahonhtenti ne ratironhiakehronon, karonhiake iaonsahonnete, wathatihtaronnion ne katsenen ratinonnhakwe, wahonironnion: Ietewe niha tsi tkanataien Bethleem; tewatkahto nii tsinaawen nonwa, wasonkwatokaten ne Rawenniio. Tahonhtenti kati, tahotistorontie tahonnewe, nok wahontkahto Wari, Sose nok raksaa, katsenen tsi iotinonsote ranats. Sahontkahto kati, oriwiiio wahonnonni tsini honwatihrori ne raoriwake ne raksaa. Ok tsiniakon waeriwahronke, wakoriwanehrako tsini honwatihrorianion ne aoriwake ne katsenen ratinonnhakwe. Ken

kaien ne Wari, iawet watennetakwe naonikonh-
 rakon tsinaawenne, ne ionnontonnionkwenhatie.
 Ok ne katsenen ratinonnhakwe, sahontenti, te-
 honwanonweratonties, ronwasennaientaties ne
 Rawenniio, ronatsennonnihaties tsinikon ronah-
 ronken nok tsinikon ronatkahton tsini honwatih-
 rori.

Entiekehne tsi Nahatonni.

(*Ashenhaton Entsiehasen.*)

SAN, I, 1-14.

Tsi tiotasawe, ranakerekwe n'Owenna, nok
 n'Owenna raonhakon Niio raiatatakwe, nok Niio
 nihaiatotenne oni n'Owenna. Akwa ok he siiot
 tiotkon tsinahe siiatekakonte, raonhakon Niio.
 Oriwakwekon raonha roteweinnison, nok niah-
 tahaiatarake ne raonha, iah othenon teiotieranion
 tsinioriwake niotieranion. Raonhake kaientakwe
 atonnhetst, nok natonnhetst neh akoswathetatse-
 ra nonkwe okon. Ne kaswathetsera watioswa-
 thene tsinonwe nitetiokaras, nok iahte konwaien-
 tereron ne teioswathe, nasatakon ienakere-
 kwe. Thonnyaon ne Rawenniio saiatat ne
 ronkwe, Sawatis ronwaiatskwe. Ne aoriwa iro
 nahariwahnirate, nok ne raonha asakotokaten
 nonkwe ne kaswathetsera, nakwekon aontaiaka-
 wehtakon, ahonwatontatse. Iah raonha tekenhne
 ne kaswathetsera, ok eken ronwannhaon asako-
 tokaten nonkwe ne teioswathe. Ranakerekwe
 nakwa teioswathe nahaiatoten, ne tesakoswate-
 nennis tsiniakon iakoketotonhaties nonkwe non-
 wentsiake. Ireskwe nonwentsiake, raonha oni
 raonwentsison; iah kati tehonwaientereron non-
 wentsiake ienakerekwe. Eh tarawe tsinonni ha-

wenniio, ok nene sakowenniio iahte honwanaktotani. Tsi tenhnon nikentiohkwá ronwatontati, sakokweniatserawi ne Rawenniio sakoien okonha ahonton, nene tiakawehtakon raosennakon: nene iah onekwensake, iah oni nieronke, iah oni nonkwe akonikonhrake tetiakoientakon, akwa tenhnon Nioke tiakoientakon. Nok n'Owenna onkwe rotonhon, nok sonkwennakerati; nok ionkwatkahton tsini hoiatanehrakwat, tsi onte nihoiatanehrakwat ne raonhatsiwa Nio Hiata-tienha, raiati nioianerenstakwa, iahte hoien ne kanikonhratha.

Etienn, Thotierenton Kariwiioston Ronwariohton.

WATIO, XXIII, 34-39.

Ethone wasakawenhase Iesos ne ratiatons nok ne Farisien nihatiatotens, wahrenon: Ken kaien watkwatennietase ne rotitokense, ne ronttokhas, nok ratiatons, nok sekon enietsiawenthon notiake, otiake enietsisokwakesonnion, tsinonni sewatken-nisahatha; otiake enietsiiatisereson tsi kanataienton; naesewatketate tsinikon nonekwensatokenti nonwentsiake tionekwensahrihon. aontontierende ne raonekwensa roiatatokenti Abel, tsiniiore thonekwensahrihon ne Zakari, Baraki roienha, neh tsina tekiatere nononsatokenti nok tsi iehasantakwa hetsisewario. Akwa tokenske tsi kwahroris, ne nonwa ienakere, ne eniakorane tsi ehniawenseron tsinahe. O Sirisare, Sirisare! ise sheiawenthos ne rotitokense, nok shenenhio-iaks ne tiesatennietenni naiesarihonnien, toni iaweta ne kehrakwe aontakheiataroroke sheien okonha, tsiniiot ne kitkit kanerenhotsokon tiako-

iataroroks nakoien okonha, nok iahte satontaton! Onen kati iakahewe, eniakonatonti tsi sewanake-re, iahtentsienakereke. Nok wakwahreri, iahtaonsaskwatkahto tsiniiore ne katke sonha iensenron: Ronwasennaen ne thare raosennakon ne Rawenniio.

San, Iesos Hnikwekonne.

SAN, XXI, 19-24.

Ethone wahawenhase Iesos ne Tier, wahrenron: Taknonteratie. Tontahatkarhateni ne Tier, nok wahotkahto, sakononteraties, ne saiatat rononkwakwe Iesos, ne oni Iesos raontskwenake rakonhentakwe tsini kariwes tehonatskaon, ne oni roriwanontonni, rawen: Sewenniio, onka ne ken enhiatenhninon? Ne kati sahoken ne Tier, wahoriwanontonse ne Iesos, wahrenron: Sewenniio, oh nennene nenhoiatawen? Tahenron ne Iesos tsi tahatati: Kenonwes eh ahenterontake tsiniiore iaonsakewe, nahoten* naa tesariwake? Taknonteratie, katon. Watewateriwareni kati tsi ratiteronton ne rontateken okonha, (Ratikwekonne Iesos), tsi iahtahrenheie ne thohiken. Iahse tehawen Iesos: Iahtahrenheie; ne ki ok rawen: . Kenonwes nahenterontake tsiniiore iaonsakewe, nahoten naa tesariwake? Ne thohiken hnikwekonne Iesos, raonha iken ne sakotokaten-nihaties, nok oni ne thoiaton ne ken kaiaton-nion, ne aoriwake tsini hoiatawenhon Iesos; nok ionkwaterientare oriwiio nothenon wasakotokaten.

Eksa Okon Kenha.

WATIO, II, 13-18.

Ethone wahotianeronkwen Sose ne Rawenniio raoronhiakehronon raoserentakon, wahrenron: Satketsko, tesheiatak ne raksaa nok ne ronistenha, nok Esiptke iasatekwashen; etho iatsiterontak tsiniiore ienskonhrori. Aseken n'Herot enhoiatisake ne raksaa, nahoiahtonte. Wahatketskwate Sose asonthenne, ok sa ok watesakoia-takwe ne raksaa nok ne ronistenha, Esiptke wahonnete. Etho ieshatiterontakwe tsiniiore niahrenheie n'Herot; ethoniiakaierite tsini haven ne Rawenniio, tsi ratonhakwe naonnise ne rotokensehakwe (Osee): Esiptke ieshinonkon ne riienha. Ethone Herot, sahattoke tsi ronwani-konhratenni ne ratisennowanens, ontonkohte tsi wahonakwen. Ok sa ok wahatennhane ahonwanawenthon ne ratiksa okonha, kanatakon Bethlehem nok kanataktatiesonha, ne teioserake, karoni tsi ratinakere, ne kati tsi sakoriwanontonnihne ne ratisennowanens. Ethone iakaierite tsini hoierenne ne rotokensehakwe Seremi, ratonhakwe: Iontatewennahronken tsi tkanataien Rama, teionshentoserons, teiakohenretanions, Rakel watstarhakwa, iakonnhatens nakoien okon kenha, wennikonhroktha ne skennen aonsaonnontonnion, iah se teshononnhe.

Niiohne tsinahe Thotonni.

RUK, II, 33-40.

Ethone rotinehrakwaskwe Sose nok Wari, Iesos ronistenha, tsini iontonhakwe ne raksaa raoriwake. Nok wasakoterennaienhase Simeon, nok

wahrenhase ne ronistenha Wari: Ne kenhiken raksaa, raonha raoriwa eso eniontkaronni, nok eso eniontsennonni Israerronon, nok oni tenion-tennikonhratihatanionkwe; nok nise tenseriasaweheste, tsiniiot nasare kowa, ne kanikonhraksensera, ethone enwatotasi eso nonkwe tsini iakonikhrotens. Eh oni tkanakerekwe Anen konwaiatskwe, iotokense, Fanuel ronwaiatskwe ne ronikenha, Aser kawatsiratie; onen eso tsi watiatisa, tsiatak nioserake tehnihasene ne roniakonhonne. Eh nahe tsi ioterehons, onen satekon nioserashen kaieri iawenre tsi kanakere; iah heren tewetakwe nononsatokentike; awentakon, aterennaientserakon oni, tsi rosennaiens ne Rawenniio, entiehkehne, asonthenne oni. Ethone oni naonha iotaweiatonne ononsatoken-
tike, tehononweratonskwe ne Rawenniio, nok iakohtaranihakwe ne raksaa raoriwake tsini kentiohkwa ronwarharekwe ne sesakoskontakohe Israerronon. Kawenniio sahniriwaierite tsini hoianerenserotenne ne Rawenniio, Karirehne niionsahne, tsi thatinakerekwe, Nasaret tsi tkanataien. Nok ne raksaa rotehiarontie, ronikonhrowannhaonhatie oni, raiati nattokhatsera; raonhakon oni watakwe Niio raoianerenstakwa.

Tsinaontatenoronkwanion.

(Ne oni iontstha Iesos Raosennatokenti tsi awentawen.)

RUK, II, 21.

Ethone, nonen tsi iakahewe satekon nonta tsinahe thonakeraton ne raksaa, onen wahonwawa-

rakwetare, tsini kaianerenseroten, nok Iesos wahonwanatonkwe, nene thosennawi ne raronhia kehronon, arekho tsi raiatat ronistenha kaiata kon.

Entakta Nenthonwanoronkwanion.

WATIO, II, 19-23.

Onen tsi rawenheion Herot, are ne Rawenniiio raoronhiakehronon sahotianeronkwen Sose raoserentakon Esiptke, wahrenon: Satketsko, nok tonsasheiatlak ne raksaa nok ne ronistenha, nok eh ionsase tsi tienakere Israerronon; aseken ronheion ne ronesakskwe nahonhionnhiiake ne raksaa. Wahatketsko Sose, tonsasakoiatlakwe ne raksaa nok ne ronistenha, nok eh sarete Israerrononke. Nok sahariwahronke tsi Arkelaus shonontiiio ne Sitaehrononke, raonaktake n'Herot, ronikenha, wahatsanike netho niaonsahawenon; raoserentakon are sahonwahreri, Karirehne nonkati warete. Nok wahennakerate tsi tkanataien Nasaret konwaiats; etho are nikaierine tsini hotierenne naonnise ne rotitokenschakwe, tsi ronon: Aseken Nasaretronon enhonwaiatseke.

Iesos Sathonwanoronkwanion.

WATIO, II, 1-12.

Onen tsi ronakeraton Iesos, Bethleem tsi tkanataien, Sitaehrononke, ethone tsi ronwanontiiokwe Herot, tahonnawe Sirisarehne ratisennowanens, tsi tkarakwinekens nonkati nontahonne,

rontons: Kanihenteron nonwarh sakonakerati ronwanontiio akenhake ne Sitaehronon? Aseken ionkwatkahton ne raotsistok tsi tkarakwinekens nonkati, nok taiakwe nasakwawenniiostana. Sahariwahronke kati Herot, wahoteronhienten, ratikwekon ne kanatakwekon Sirisare. Nok wasakoiataroroke tsinihati ne ronwatikowanens ne ratitsihenstatsi okonha, nok ne ronwatiiatonnis ne kanenra, nok wasakoriwanontonse, kanon nenhennakerate ne Kristos ronwaiats. Tahoniron: Bethleem tsi tkanataien Sitaehrononke, aseken ehniot tsi roiaton ne rotokensehakwe, raton: Ise wahi (iawet wahrenhase tsi tkanataien) Bethleem, Sitaehronon raononwentsiake isete, akwah iahte ionatakenrat tsini senatoten, tsi tkanataientons ne Sitaehronon raonatenata, kanatakweniios okonha; aseken ne tsi tisenataien, eh enthaiakenne ne roianer nenhaiatotenhake, nasakotsteriste nakitiohkwa Israerronon. Ethone Herot otasetonke ionsasakononke ne ratisenno- wanens, akwa wathasniene, wasakoriwanontonse katke akwa nithonatkahton notsistok, ne rotira- on. Nok sasakotkawe Bethleemke iahonne, wa- henron: Wasewe, akwa oni sewariwisak raori- wake ne raksaa; ok nonen entsisewaiatatsenrion, taontaskwahrوريا, aontiesenhake nahiweniiios- tana oni nii. Sahonatonteke tsi nahawen ne ro- nontiio, tontahatiiakenne. Nok ken kaien notsis- tok, ne thonatkahtonne tsi tkarakwinekens non- kati, iakohentetonhatieskwe, tsiniiore iaonwe, nok eh iatkatane ehneken tsinonwe nihenteron- takwe ne raksaa. Sonsahontkahto kati notsistok, iahtiaiehewe tsini watsennonniatserowanen tsi- nahontsennonni. Wahontaweiate ne kanonskon, wahonwatkahto ne raksaa, hnikwekon ne Wari- ronistenha, nok wahontiskwentaren tsi renteron,

wahonwawenniioste; nok wahatinonteksi ne raotinatak, wahonhion ne ronwaienni, owistanoron otsinekwar, kahnetakhon, nok kanonkwatseranoron iontatiatokhastha. Nok raotiserentakon wasakotokaten ne Rawennio tosa iaonsahontohetste Herotne, heren kati nonkwati nieshonenonton isi thatinakere.

Tiotierenton Niiohne tsinahe Thonwanoronkwation.

RUK, II, 42-52.

Kawennio Iesos wahroseraierite tekeni iawenre, are wahonterennaienhna ne ronwaienha Sirisarehne, tsini hotirennhaonne nonen wentanonserene ne kenkwitehne; nok saententaseron ne wenniseranorons, tontahiahtenti tetsiaron, ok eh iehenteron ne raksaa, kanatakon Sirisare, iah-te honattoken ne ronwaienha. Wahnehre, kaneka itres ne tontahonenontonhatie; sewenniserat niiore niiahahne, nok ronwaiatisakonhatie tsi ieteronton ne sakotinonkwe nok ne tehontatien-teris. Nok iah kaneka tehonwaiatatsenrion, ioriwentaon eh sahnete Sirisarehne, sahonwaiatisakhonhatie. Nok iakahewe, ashen nonta ohnakenke, sahonwaiatatsenri ononsatokentike, ethorentskwahere ashennen tsi ratitskwaronnions ne sakotirihonniennis, sakotahonsate nok sakoriwanontonnis. Tsini kentiohkwa ronwawennahronkas iakonehrakwas tsini hattokha, nok tsiniiot tsi tethatatis. Nok sonsahonwaken, wahotinehrakonakwa. Nok wahawenhase ne ronistenha: Kohienha, ohniiotiieren tsi ethoniskeniierase, ionkeninikonhraksens nakwah ne hianiha nok oni nü,

tsi keniiatisakskwe. Nok tasakawenhase ne raonha: Nahoten aoriwa takeniiatisakskwe? Iah ken tetsiaterientare tsi ioteriwison nakatsteriste ne raoriwa sonha ne Rakeniha? Nok rononha iahte hotinikonhraiентаon nahoten wahenton tsi nahaiere. Tontahonne nonwa, Nasaretke tontahonnete; nok sakowennarakwakwe. Ok ne ronistenha taioteweientontie naweriasakon tsini ioriwake, tsi oni nikawennake tsinaawen. Ok ne raonha Iesos tsi rotehiarontiene, iokentaonha-tieskwe tsini hattokha, nok tsini haiati ioianerenstakwa, Rawennioke nok onkwehne nonkati.

Satekonhaton nonta tsinahe Thonwanorokwanion.

SAN, I, 29-34.

Ethone Sawatis wahoken ne Iesos eh nontahawenonhatie tsi itres, nok wahrenron: Ken kaien ne teiotinakarontonha owira neh Niio raotsenen (I), ken kaien ne sharakewas nonkwe akoriwanerahaksera. Nene ritonhon, tsi waken: Ohnaken thare ne ronkwe, ne ohenton tsi tkenakere thanakerekwe ne raonha, aseken eso thakwatohetstenni. Iahte hiienterihne, nok ne aoriwa tewakenon nakhenekwaheste awenke, nahonwaienterhane Israerronon. Roriwahniraton kati ne Sawatis, rawen: Aseken wahiken ne Rotkon Roiatatokenti, orite rotiatontakwenhatie, tahats-

(I) Ne sakat ahawenron: Ken kaien ne rata-tewentetane tsi ronnhe, nahowenniiostake ne Niio.

nente karonhiake, wahotienhase. Iah niare tehi-
ienterihne; nok ne thakennhaon, nakhenekwa-
heste nonkwe awenke, rakrori, rawen: Kaneka
entsatkahto nenhotienhase Rotkon Roiatatokenti,
karonhiake nenthawenontohatie, neneh raon-
hake Rotkon Roiatatokenti sakonekwahestha.
Ii kati wakatkahton, nok wakhetokaten tsi to-
kenske neh Niio Roienha.

**Tekenihaton Niiohne tsinahe Thonwanoronkwa-
nion.**

SAN, II, I-II.

Ethone wakoniake tsi tkanataien Kana Kari-
rehne; kaiatarakwe Iesos ronistenha. Wahon-
wahonkaron oni ne Iesos, nok oni ne raotioh-
kwa, tsi waontennioten. Ontokten notsitsia;
wahohrori kati ne ronistenha, wakenron: Iah
se ken teshotitsitsiaien. Tahenron ne Iesos: Tsi-
sathonwisen, nahoten aetiatsteristakwake? arek-
ho teio tsi kawistaheks nii akwawenk. Ronisten-
ha ionsakawenhase ne kannhatsera okon, waken-
ron: Tsi ok nenhaiere nentsisewenhase, etho
nasewaiierh. Eh katsetotonkwe iaiak nikon,
onenhia nahoten, ne iontstakwe naiontatiatohare,
tsini hotirennhaonne ne Sitaehronon, tokat teke-
nison, tokat ashenson niotieni, tsini iontenien-
tenstakwe. Wasakawenhase Iesos: Sewahneka-
nann nohnekanos ne ken katsetoton; nok waha-
tihnekatha akwa tontakontirane, nok sahenron:
Sewatsient nonwa, nok hetsisewanatonnira ne
raiatakweniio tsi iakotennioten. Nok iahatihawe
Sahatkense ne ranonsakweniio nohnekanos otsi-
tsia iontonhonhatie, iah ki tehoterientare kanon

taiehawe, ronaterientarakwe tenhnon ne rontstearistha, rononha se rotihnekotsientonne nohnekanos, wahononke ne roniakon, nok wahawenhase: Akwekon, wahrenron, niare taontierente eh wahren ne katsitsiio, ok nonen eso iakohnekiren, ethone niah akwa tekahnekiio; ise, ok eken, tsi nonwa niio, takwaienni ne katsitsiio. Etho nonwe, Kana Karirehne nonkati, ni thotasawe Iesos tsini hotieranion ne ioriwanehrakwatentions; nok waharihotasi ne raoiatanehrakwatsera, nok tahnwehtakwe ne raotiohkwa.

Ashenhaton Niiohne...

WATIO, VIII, 1-13.

Ethone satontahanontatsnente Iesos, wahonwasere kentiohkowanen. Nok eh warawe, tsi ires Iesos, saiatat ne rotstawis onwe, wathotontso-tase, wahrenron: Sewenniio, neh nasehre, iahte sanoronse naonsasketsiente. Nok ne Iesos, iahonisonsaherhase, kenniiehoierase, wahrenron: Ne ikehre, satsiewentann. Nok ok sa ok sonterakewe tsi rononwaktani. Nok wahawenhase Iesos, wahrenron: Senikonhrarak, tosa onka shehroni; was tenhnon, eh iase tsi thenteron ne Rawenniio rowennenhawe, nok atseriwaienhase tsini horiwison Mois, naiokentonhake tsi tokenske tsi-satonhon. Tsi iahakwatho Iesos Kafarnaom tsi tkanataien, wahoiatorene saiatat ne rasennowanen, ronitentasehatie, ratonne: Sewenniio, akenonskon thaitationni ne rinnhas, roiatakenheion, nok eso tsi roronhiaken. Tahenron ne Iesos: Etho ienke, nok enshitsiente. Tontahenron ne rasennowanen: Sewenniio, iah se tewakerihonte

aontasataweiate nakenonskon; enskat tenhnon aontasatati, nok enshaton ne rinnhas. Aseken konkwe se nii, ne khekowanens ionkennhaonhatie, tenhnon ionkkowanen wakitiohkwaieen so-tar okonha; saiatat nakonkweta enhienhase: Was; ok sa ok etho ware; tihaiatate: Kats; ok sa ok thare; ok ne rinnhas: Eh natsier; ok sa ok etho nenhaiere. Sahahronke Iesos, wahoneh-rako, nok wasakohrori ne ronwanonteraties, wahrenron: Akwa tokenske tsi kwahroris, iahte waketsernion etho naontaiakawehtakönhake Israerononke. Kwahroris kati, eso tsi tkarakwinekens nok tsini iatewatsothos nentienseron, nok tenhontonte Abraham, Isaak nok Sakob, aonekeratserakon ne karonhiake. Ok nennee, ne kanakeratsera iawet akoien okonha, atste ieniontatia-tonti tsinon tetiokaras onwe: etho nonwe tenionsenthoseron, tenionnokaraniehonheke oni. Nok wahawenhase Iesos ne rasennowanen: Was, nok tsini tisehtakon, etho nasiatawen. Akwa eh nikahawi, sahaton ne raonnhatsera.

Kaierihaton Niiohne...

WATIO, VIII, 23-27.

Ethone Iesos iahatita oniarotakon, eh iahonwanonteratie ne raotiohkwa. Nok iakahewe ontorianeron akwa ionehrakwat kaniatarake, skanorons ahatihonhionne, rotas tenhnon ne raonha. Eh kati wathatitane ne ratikwekonne, wahonwaiete, wahoniron: Sewenniio, takwaiatakennha, watiakwenheie. Nok tasakawenhase Iesos, wahrenron: Nahoten sewahteronkwen, sewanikonhratsiioha kati naa? Ethone tontahatane, wahahriste tsi iahote, nok tsi kaniatare, nok

skennen kowa onton tsi kaniatare. Ne tsinaa-
wenne, wakonehrakohaton ne teiekaneronnion.
waironnion : Oh onte nahaiatoten, ne kenh,
ronwawennarakwa tsi iahote nok tsi kaniatare!

Wiskhaton Niiohne...

WATIO, XIII, 24-30.

Ethone wasakawenhase Iesos ne raotioh^hkwa,
tontasakawenhase ne teioriwakenwaton, wahren-
ron: Ne teskiatiëren ne aonakeratsera ne ka-
ronhiake, ne ronkwe kanenhiio roienthon raohe-
takon. Nok tsinahe sihotitaskwe ne raonkweta
okon, eh iaharawe ne roswenskwe, nok ehneken
sahoti ne kanenhaksens tsi kaienthon, nok saha-
teko. Nok nonen sontakahontonten, nok waka-
natsionten, ethone wahotikentane tsi tekaiestan-
nion ne kanatsiaksen. Eh kati wathatitane ne
ronwatinnhas tsi thenteron ne raiatakweniio,
wahonwenhase, wahoniron: Sewenniio, iah ken
ne kanenhiio tesaienthon ne sahetake? Ka kati
nontakonne ne kanatsiaksen? Nok wahrenron ne
raiatakweniio: Kanekhere nene rakswens etho-
ni hoieren. Nok tontahoniron ne raonnhatsera:
Senonwes ken etho iaiakwe, nok aiakwako ne-
neh? Iahten, wahrenron, ketsanis se, ne tsi ense-
wakwenhatie ne kanatsiaksen, ensewahterotsion-
ko oni ne kanatsiio. Niare satekontehiaron te-
tsiaron tsiniore ienienthoko, ethone kati enkhe-
ienhase nenhatinatsiiake: Ne taesewatierente,
sasewarorok ne kanatsiaksenskwa, nok sewento-
konnianion naiakontho; ken kaien ne kanatsiio,
akenonsohareke nennee niiasewahaf, netho aka-
natsiakerontake.

Iaiakhaton Niiohne...

WATIO, XIII, 31-35.

Ethone wasakawenhase Iesos ne kentiohkowanen, tahariwakenwatanion, wahrenron: Ne teskiatieren ne karonhiake aonakeratsera kennikanen-haa (otsinekwar kanen ieientotha), watrakwe ne ronkwe, nok wahaienthon raonwentsiake. Ne tsi aonhaa sane nitkanen-haa, tsinikon ne kanen sonha; nok tenhnon nonen iotehiaron, ne wakotohetsten notiake okwire sonha, nok karonta iaonton, iakahewe ki notsiten okonha aonenhrokon akontstinakonniheke. Oia are tontahariwaken-watakwe, wahrenron: Ne teskiatieren ne karonhiake aonakeratsera ne ioserhatken, watakwe ne tsiiothonwisen, nok othesera ashen nikon tsi iontenientenstha watkaieste, tsiniiore akwa ienwat-tenko noriwakwekon. Ethoni haierhakwe Iesos, tsi sakotatiskwe nonkwe sonha, teioriwaken-waton sonha ratstakwe. Nok iahte sakotatiskwe, niahtakarake ne teioriwakenwatanions; ne nenneh naontakaierine tsini thotati ne rotokensehakwe, tsi rawen: Tenkatskwekse nok tenkeriwakentonwe, enkerihotasionko ne ioteriwaseton-ne tsinahe tsi ionwentsiate.

Tsiatak Niwasontashen.

WATIO, XX, 1-16.

Ethone wasakawenhase Iesos ne raotiohkwa, tahariwakenwatanion, wahrenron: Ne teskiatieren ne aonakeratsera ne karonhiake, tsiniiot ne ronkwe sakonnhas, ne wahaiakenne orhonketsi

nahannhatsërisakha, naiakoioten tsi thotenenharhare. Sahonteriwiisa kati ne rotiiotenserene tsi-nikon ahonatkariakse skawistat (ne ki ne kenni-kawistaa) sewenniserat, iasakotenniete tsi thotenenharhare. Ashen si iowistahehatie (tsinahe tiorhenhon), are sahaiakenne, nok wasakoken kathanen ratikenniate, iah othenon tehontierha. Wasakawenhase kati, wahrenron: Wasewe oni nise, sewaiotensera tsi tewakatenenharhare, nok enkwakariakse tsini tkariwaiëri. Eh nennee wahonnete. Sekon are sahaiakenne iaiak, oni ne tiohton siiowistahe, nok are etho nonsahaiëre. Onen enskat iawenre siiowistahehatie, sahaiakenne sekon, nok are sasakoiatatsenri ratikenniate, nok wasakawenhase, wahrenron: Nahoten aori-wa ken sewakenniate kenwentatie ok sewatieren? Tahoniron: Iah onka teionkinnhaon. Wahrenron kati: Wasewe oni nise tsi tewakatenenharhare. Saokarawe, wahawenhase ne raiatakweniio tsi teiotenenharhare ne raonnhatserakweniio: Tontashenonk ne rotiiotenion, nok shekariaks, ne aontasheiatierenten nakwah ohnaken roti, ohnaken ne ratihentene. Tahatitane kati niare enskat iawenre siiowistahe nihotihne, nok wahatiiena skawistatson. Tahonnewe oni ne thonatierenton thonwatinnhaon, ronnehre eso kati naa nii eniakwaiena; ok eken skawistatson ok oni nennee tahonwennon. Sahatiiena kati, wathotihtaron-nions, niatekon wahonwenhase ne raiatakweniio, wahoniron: Ken kaien nohnaken thonenonton, enskat ok wakawistaheke tsiniiore nahotiioten, nok sate skwaiërase, nii tenhnon ne kenwentatie teionkwathonkwaraon. Nok wahawenhase ne raiatakweniio ne saiatat tsini hati, wahrenron: Tiatenro, iah othenon tekonkarommis: iah ken teionkiateriwison ne skawistat aësatkariakseke?

Tesek ne sawenk, nok sasahtenti; kenonwes nii ehnikon naontahiion ne kenh ohnaken iro tsi ki nise niiot. Iah ken taontakennonton tsi nakiere? Ne ken tsini tewakeriwaieri, nise aeserientak-senne? Etho kati niiot tsi waken, otiake ne tiakotierenton ohnaken eniontohetstakwe, nok ohnaken tiakawenonton nec ohenton eniontohets-takwe; aseken eso sane teiontatenonkon, nok kenniikonhaa iontatiatarakwen.

Iaiak Niwasontashen.

RUK, VIII, 4-15.

Ethone kentiohkowanen wahontkennisa, tsi kanataienton tientakwe, nahonwaiatisakha ne Iesos; wasakawenhase kati, wathariwakenwaton. wahrenron: Raienthos wahaiakenne nahaienthosere. Nok etho tsi raienthos, otiake ohahakta wakakerontane, wathontskwaseren nonkwe, takonne oni ne tsiten okonha, nok wakonneke. Nok otiake tsi ionenhiake wakaientane, wakanio ki nennec, nok onstathen, aseken iah se teionanawen tsi iohteronte. Nok otiake ohiktokonson iakakerontane; nok oseronni wakontehiaron nohikta, nok wakontiriohte ne kaienthonne, iawet ontonrihokten. Nok otiake tsinonni ionwentsiio iakaientane, wakontehiaron nennec, nok ontonnisa, enskat tewenniawe watkananeta tsi ontehiaron. Wathohenrete tsi iaharihokten, wahrenron: Iakotontek, ne teionhontakaronte. Nok wahonwariwanontonse ne raotiohkwa, nahoten watenientenstakon nene teioriwakenwaton. Tontasakohrori, wahrenron: Ietsiiawi nise naesewaien-

terhane ne ioteriwaseton aowenk ne Niio raonakeratsera; nok ken kaien ne tihatite, akwekon nenneh tehonwatiriwakentonkwennis, ne tsi tehatikanere, tosa tahatikahraientane; nok tsi ronatonte, tosa ahotinikonhraientane. Ken kati kaien kenton ne tekariwakentonkwen: Kanen, neh ne Niio raowenna. Ok ne nohahaktatie ieteron, ne niakotahonsate; onen tenhnon tawe notkon, nok tekakwas nowenna nakaweriane, katsanis se entiakawehtakonhake eniontsennonni. Ken kaien ne tsi ionenhiake iakoienthon, ne nennee, niare tsi iakohronken nowenna, iakaonweskwanihon, nok iakoiena, nok iahte kaien naioteron-tane nakonikonhrakon; watoken ok tsiniiore tiakawehtakon, ienkaheve tenhnon othenon aia-konikonhrotako, entsiontohtarho. Nok ne nohiktokon ieioientaon, ne nennee, iakohronken sane, nok entsionhtenti, nok tsina teiakotatewe-iennharakwenni, tsini iakotsokowa, nok tsini ion-tonwesens nonwentsiake, ne iawet teniakohon-riake, nok iah othenon tiiewatonnisahas. Ken kaien ne tsinonni ionwentsiio ieiokerontaon, ne nennee, nakwa teiakonikonhrasahaton iakohronken nowenna, nakaweriane iakaweten, iakote-weienton oni, nok kanikonhriiotserakon tsiakotehiaronnis.

Wisk Niwasontashen.

RUK, XVIII, 31-43.

Ethone tasakoiatohtarho Iesos ne tekeni iawenre nihati, nok wasakawenhase, wahrenon: Onen wahi Sirisarehne iaonkwenontonhatie, akwekon kati ienkaierine tsini hotiiaton ne roti-

tokensehakwe, ne raoriwake Onkwe Ronwaienha. Enhonwatiwenniioste tsi ronnhe niahte hotiriwiioston, enhonwatentoriatianion, enhonwasokwawesonniion, enhonwennitskeroserawe; nok nonen enhonwasokwawesonniion, enhonwario, nok ashenhaton nenwata enshatonnhete. Nok iah othenon tehotinikonhraientaon neh nikarihoten, nok neh nikawennoten ronateriwasetennihne, nok iahte honhronkhakwe tsinahoten ratonhakwe. Ken nonwa niawenhon, toha tsi iaharawe Iesos Seriko tkanataien, ronkwe teharonkwekon ohahakta rents kwahere, tehatsarites. Sasakowennahronke kentiohkowanen iakotohetstonhatie, wahariwanonton oh niiotierenhatie. Wahonwahrorkati tsi ne ire Iesos Nasarethronon. Ok sa ok iahatewennaientonwe, wahrenron: Iesos, Tafit hiaienha, takitenr! Ok eken nohenton ronneshahonwahriste, ne tahatotate. Ok ne raonha tahakwisronne tsi tehohenretha, raton: Tafit hiaienha, takitenr! Wathatane kati Iesos, nok iahatennhane naontahonwaiatenhawite tsi irate. Nok nonen eh sathatane, wahoriwanontonse, wahrenron: Nahoten teskwatonwentsioni? Tahenron ne ronkwe: Sewenniiio, akken! Nok Iesos tontahawenhase, wahrenron: Isken, ne wesatsiente tsini tisehtakon tsi waskeniahese. Nok ok sa ok wahaken, nok wahosere ne Iesos, rosennaientaties ne Rawenniiio. Nok oni nonkwe okon, tsi ne wahontkahto, wathonwanonweraton oni nenne ne Niiio.

Sosehne Tsinaontatakenroserawe.

WATIO, VI. 16-21.

Ethone wasakawenhase Iesos kentiohkowanen ronwawennahronkanions (onontoharake), wa-

henron: Kawenniiio sewentontietha, tosa aio-kentonhake naesewanikonhraksenseke, tsini ieierha ne teiakonikonhranet; oktateiontskanenontha, naiontkahto nonkwe tsi iakawentontietha. Akwa tokenske tsi kwahroris, ronatat kariaki ne rononha. Ise tenhnon, kawenniiio sentontietha, satokha ne senontsine, asatkonsohare oni, tosa aionttoke nonkwe tsi sentontieton, raonhaa aho-terientarake ne Hianiha, ne notasetonke thenteron; nok ne Hianiha, ne tehakanere notasetonke, enshiaieritse. Tosa sewatienitak natsokowatsera sonha nonwentsiake, tsinonwe ioskenrharas, nok konneks otsinonwa, nok oni tsinonwe ne ratinenskwas enhatikaronten ne tahatikwen. Sewatienitak natsokowatsera sonha ne karonhiake, tsi ki nonwe iahta ioskenrharane, iah oni takonneke notsinonwa, iah oni netho tahatikaronten ne ratinenskwas ne tahatikwen. Aseken tsinon tkaien ne satsokowatsera, ethonon tkaien oni ne seriasa.

Okaristiahne onen saontatakenrosera.

WATIO, VIII, 5-13.

Ethone tsi iahakwatho Iesos Kafarnaom tsi tkanataien, wahoiatorene saiatat ne rasennowanen... (*nok oia sonha tsi tkaiaton, sk. 413, chtake nonkati.*)

Ronwaiatanentaktonne onen saontatakenrosera.

WATIO, V, 43-48; VI, 1-4.

Ethone Iesos wasakawenhase ne kentiohkowanen nonkwe, wahrenron: Sewahronken tsini

honwatiierase ietsini okon kenha: Enshenoronkwake ne sate tsionkwe, nok ensheswenseke ne ieszaswens. Nok nii katon: Ietsinoronkwak ne ietsiswens, ietsitenrhek ne iahte ietsinoronkwa, ietsiaterennaienas ne ietsikenrenseronnis nok ietsiennowentanionnis; etho naontawe ne tokenske hetsisewaienha aonton ne karonhiake thenteron, ne tesakorakwinekentennis ne tiakoriwaieri nok ne iakonkwetaksens, sakokennoretennis oni ne iakoiatatokenti nok niakoriwanerahakskon. Aseken tokat ne ok aietsinoronkwake ne ietsinoronkwa, nahoten nennene tensewatentsa? iah ken eh teieierha ne ratiienas (publiken ronwatiats) (1)? Nok tokat ne ok taietsinonwertonseke ne sewatateken okonha, nahoten nennene kanoron? Iah ken oni eh tehatiierha niahte honwaienteri ne Rawennio? Etho kati natesewariwaierik, tsini thoriwaieri n'Hetsisewaniha karonhiake thenteron. Sewanikonhrarak tosa nakarihonni naontesewariwaieriton nonwentsiake naietsiatkahto nonkwe; aseken iahtaesewatkariakse n'Hetsisewanihneha karonhiake thenteron. Kawennio kati washetenre nonkwe, tosa satennhann aiehonrawate tsi ises, tsini hatiierha ne ronatonkonwarorokton tsi tionterennaientakwa, nok tsi tkanataientons, ronnehre taionkirensaronnion nonkwe. Akwa tokenske tsi kwahroris, onen ok

(1) Ne ronwatinatonkwakwe otiake ne ronaterihontakwe nahatiiena nowista sonha, ronwakariakihakwe ne Romronon ronwanontiio ne sakosennionne tsi wateriio; raticariakskwe neneh ne Sitaehronon. Sakotiswenskwe ne *ratiienas-kwe*, ne tsi rononkwetaksenne, nok sakotikenrenseronnihakwe ne iakotent okonha.

ronatkariaki. Ise tenhnon nonen washetenre nonkwe, tosa iotokens tsi sesenekwati tsini kakerha tsi tiseweientehtakon, aiotasetonke tsi shetenras nonkwe, nok aonsahiaieritse ne Hianiha, otasetonke tehakanere.

Entakta nonen saontatakenrosera.

MARK, VI, 47-56.

Onen taiokarawe, kaniatarhen isi thatihonhiontie ne Ratikwekonne, nok ne Iesos raonhaa ehtioke itres. Nok tsinasakotkahto serenkehneha tihonahtentionhatie, tsi ratikawe, aseken rotiweraraonhatie, onen tsi iotasontatihen, eh niiahare tsi thatihonhionties, ohnekakeson thire; akwa oni anio nahrerheke, akheiatohetsten. Ok rononha, sahonwaken awenkeson thare, wahonnehre, waukwatianeronne kati wahi, nok wathotihenrete. Aseken akwekon ronwatkahtonne, ne waonni wahonateronhienten. Nok iokontatie iasakowennarane Iesos, wahrenron: Skennen sasewennon-tonnion, ii wahi ne ken, tosa sewahteron. Nok wahatita raotiniarotakon, nok tonsakaweriiake. Senha kati ieshotinehrakwaskwe tsi ronnon-tonnion: aseken iahte hotinikonhraiентаon ne (wisk) nikanatarake aoriwake, tsi seken niilot tetiokaraskwe ne raoneriane. Onen tsatehotiniatarjiakon, iahonnewe Senesaret tienakere, nok eh iahonrarho. Ok sa ok tenhnon sonsahontitako, sahonwaienterene nehtienakere; wationtstekafa kati, akonakeratserakwekon oktateiokwatasehon, wateiontatiiaatake ne iakononwaktanionni, kanaktake ieiationni, nok he ieiontatiiatenhawitakwe tsi ok non nenieriwahronke, eh nonwe itres.

Nok tsi ok non iehataweiatakwe tsi kanataien-
tons, ionatakwenhraron, kanatakonson, ok eh ni
kanathensonhatie, ieiontatiteronskwe ne iakoia-
takenheionha sonha, nok ronwennitentasehakwe
nahatontate ne ok oni kenniaieiere tsi tetkakwa-
thon ne rotiatawiton; nok tsiniakon kenniieier-
hakwe, tsiontonskwe.

Tiotierenton Niiohne tsi Iakawentontietha kowa.

WATIO, IV, I-II.

Ethone wahoteronhnon Iesos ne Rotkon Roia-
tatokenti karhakon, naontenienten notkonserak-
sen ahonikonhrotako. Nonen sahawentontiete
kaieri niwasontashen, ethone wahatonkariake.
Ethone oni watkatane raiatakta ne iakonikonhro-
takwas, wakenron: Tokat Niio Hiaienha aken-
hake, tsiron: Kanatarok waton ne ken kanenhia-
keron. Tahatati Iesos, wahrenron: Kaiaton: Iah
ne ok teiakonnhekwen nonkwe ne kanatarok.
iakonnhekon oni tsi ok nakawennoten tkaiakens
tsi rashakaronte ne Niio. Ethone notkon watho-
iatakwe, kanatatokentike wahoiatenhawite, tsi
kanonsakenhiate nononsatokenti wahoteron; nok
wakenron: Tokat Niio Hiaienha akenhake, iasa-
tiantent; aseken kaiaton: Sakonnhaon ne Ra-
wenniio ne ratironhiakehronon nise sariwake,
nok ratisonnsake teniesaiatakwe, ne tosa taesasi-
tiake nonenhiake. Tontahrenhase ne Iesos: Kaia-
ton oni: Tosa entsatenientense ne Rawenniio
Niio tsi sonnhe. Sekon tonsahoiatakwe notkon,
onontoharake nakwah ionontowanen ionsahote-
ron; nok wahonatonhase nonwentsiakwekon, ro-
binontioson tsini hotiiatanehrakwat; nok wa-

kenron: Akwekon ne entkonhion, kawenniiio aontasatiskwentaren tsi kiteron, naskewenniioste. Ethone onen wahrenhase Iesos notkon: Heren saset, satkonseraksen; aseken kaiaton: Raonhatsiwa ne Rawenniiio tsi sonnhe entsewenniioste, raonhatsiwa oni entsewennarakwe. Ethone notkonseraksen wahotkawe, nok ok sa ok ne rati-ronhiakehronon wahonnewe tsi renteron, nok wahonwanonte.

Awententaonke.

WATIO, XXV, 31-46.

Ethone wasakawenhase Iesos ne raotiohkwa, wahrenron: Kawenniiio tenhnon tentre ne Onkwe ronwaienha, enthoiatanehrakwatontatie, tenthonwennitiohkwatontie oni ne raoronhiakehronon okon, ethone enhennitskwaren ne raonitskwarat-seranehrakwatserakon. Nok eniontkennisahamihon raohenton akaonwentsiakwekon nonkwe, nok tensakokhasionko akwekon, tsiniiot ne teiotinakarontonha ranonnha tesakokhasions kontiitakeras nakontiiatotens nok ne teiotinakarontonha. Tsi raweientehtakon ensakoteron ne teiotinakarontonha, ok ne kontiitakeras, tsi shanekwati. Ethone ne ronontiiio ensakawenhase ne tsi raweientehtakon ietaraian: Karo kasene, n'hetsisewanoronkwa ne Rakeniha, sewaientak onen nene kawenniiosera, ne ietsiwenniioseronnienni sontonwentsionni. Aseken wakatonkariakon, nok takwanonten; wakeniatathenhon, nok takwaniatanawenton; iahte wakenaktaientakwe, nok takwanaktotani; akenotstoskonne, nok takwaiatawiton; wakenonwaktanihakwe, nok takwatken-
se; kennhotonkwe, nok takwatkenseron. Etho-

ne ne tiakoriwaiieris tenthonwawennaweron, enia-iron: Sewenniio, katke nikwatkahton nasatonkariakseke, nok akwanontenke; aesaniatathenseke, nok akwaniatanawenton? Katke oni nikwatkahton niahtaesanaktaientake, nok akwanaktotanike; sanotstoskonne, nok akwaiatawiton? Katke oni nikwatkahton aesanonwaktaniheke, tokat asennhotonke, nok akwatkenseron? Tenthatat ne ronontiio, enthenron: Akwa tokenske tsi kwahroris, tsini ioriwake nethoni hetsisewaierase ne saiatat tsini hati ne kenh nakwatateken-son nok oni nakwa nieiakaa, akwa ii ethoni skwaiierase. Ethone oni nennec ensakawenhase tsi shanekwati entietaraientak: Heren sasewet, nise, sewatiatahtonhon onwe, eh iahasene otsirake iahte waswas, ne konwatsirisahani notkonseraksen nok naotiohkwa, eronhiakehronon okonkenha. Aseken wakatonkariakon, nok iahte skwanonten; wakeniatathenhon, nok iahte skwaniatanawenton; iahte wakenaktaientakwe, nok iahte skwanaktotani; akenotstoskonne, nok iahte skwaiatawiton; wakenonwaktanihakwe, kennhotonkwe oni, nok iahte skwatkenseron. Nok ethone tenthontati oni nennec, enthoniron: Sewenniio, katke nikwatkahton asatonkariakseke, tokat aesaniatathenseke, tokat iahtaesanaktaientake, tokat iahtasatseronnihaake, tokat aesanonwaktaniheke, tokat asennhotonke, nok iahtakwaiatakennhaon? Ethone tentesakowennaweron, enthenron: Akwa tokenske tsi kwahroris, tsinikon iah etho natetsisewaierase ne saiatat tsini hati ne kenh nakwa nieiakaa, iah ki oni nii eh teskwaierase. Nok eniente nenneh tsi tiakoronhiaken iatekakonte; ok ne tiakoriwaiieris tsi tiakonnhe iatekakonte.

Ratironhiakehrononke.

WATIO, XXI. 10-17.

Kawennio iahataweiate Iesos Sirisare, kanatakwekon ontsaroko, waironnion: Onka ne ken? Nok iontonhakwe nonkwe sonha: Nene ken Iesos rotokense, Nasaret Karirehne nithawenon. Nok iahataweiate Iesos ononsatokentike; akwekon tontasakoiatinekenwe tsiniakon ne iontenhinnonskwe nok ne iehninnonskwe ononsatokentike, wahakarhathoseron oni ne raonatekwarak ne tehontatwistawiskwe, nok raonennitskwarak ne iontkeronskwe norite sonha. Nok wasakawenhase: Kaiaton, waton: Akenonsa, ionterenaientakwa kanonsotakon enkonwaiatseke; nok nise iontekwashentakwa ne ienenskwat sionnia-ton. Nok tahonne tsi thenteron, ononsatokentike, ne teieronwekon nok iontsinokatha, nok sasakotsiantanon. Sahontkahto ne ratitsihenstakwenios nok ne ratiiatons, tsini ioriwanehrakwatennions tsi nahatieranion, nok oni sasakonatkahtoneksa okonha iontewennaientonions ononsatokentike, iontonions: Ronwasennaien ne Tafi roienha! akwa wahotiswaten, wahonwenhase, wahoniron: Satonte ken tsi nahoten rontonnions? Tontasakawenhase Iesos: Wakatonte, wahenron: Ok nise, iah ken nonwenton tesewawennahnote ken nikawennoten: Ise sason ne senha aieweienthton taiesanonweraton neksa okonha, nok oni ne sekon ienonkerha? Nok eh wasakoiatonti, heren warete, iah kanatakon teken, tsi tkanataien Bethani konwaiats, nok eh iahanonwete.

Sosehne.

WATIO, XII, 38-50.

Ethone otiake ne ratiiatons, nok oni ne Fari-sien ronwatiats wahonwenhase Iesos, wahoniron: Ise takwarihonniennis, teionkwatonwentsioni aiakwatkahto othenon nasiere ne ioriwanehrakwat. Tontasakowennaweron, wahrenron: Nene ken kawatsiraien nonwa, kawatsiraksen. kanakwaiesen oni, wesaks naontkahto ne ioriwanehrakwat; nok iahtakonhion naontkahto, ne ok tsini hoiatawenhon ne rotokensehakwe Ionas. Aseken tsiniiot ne Ionas, ashen niwenniserake, ashen oni niwasontake, tsionnhowane kaiatakon raiatatakwe, etho oni neniawenne n'Onkwe Roneniakoriwasten ne ken kawatsirate: aseken waienha raoriwake: ashen niwenniserake, ashen oni niwasontake enhaiatatake kaiatakon onwentsia. Tsina tensakoiatorete ne Rawenniio nonkwe, tenhatitane Ninifronon, nok ensakotiriwasten nonwa kawatsiraien; aseken ok sa ok shonatatrewaton, sontasakotati ne Ionas; nok senha raiatanoron nonwa hetsisewatatis tsini haiatanoronkwe Ionas. Ionontiiokwe entie nonkati nitiawenonhne, tenkatane oni nethone, nok eniakoriwasten ne ken kawatsirate; aseken tsi iotonwentsiokte nitiawenon, ne ok naiontonteke tsini hattokha ne Salomon; nok senha rattokha nonwa ken ires tsini hattokhakwe ne Salomon. Kawenniio notkonseraksen tioiakenhon ne raiatakon ne ronkwe, watewatstekafa onwentsiathensne, iawesakonhaties aiaoriséntane, iah tenhnon takatsenri. Ethone waton: Eh ienske tsi wakenonsote, tsimonwe tewakiakenhon. Tsi ionsonwe kati, sakanonsatsenri, ononsoskon, tsionhewen, nok skaseronniianion. Ok sa ok heren sawete, nok ionsaiakohonkaron tsiatak nikon-

ti nonatkonseraksens, ne senha kontiseroheus tsiniot naonha, ionsakontaweiate, nok akwa ionsakontatiteron: nok ne ronkwe senha sahaiatak-senne nohnaken tsiniiohtonne tiotierenton. Etho kati nenioiatawen ne kawatsiraksenskwa ne ken kawatsirate. Nok sekon ok tsi sakohtarani nonkwe okon, atste tontahatitane ne ronistenha nok ne rontatekenha (1), tchonatonwentsioni tahatih-taren. Nok saiatat wahohrori, wahrenron: Ken ratikeniate atste sanistenha, nok sewatatekenha, iesaiatisaks. Nok tontahowennaweron ne tahohrori, wahawenhase, wahrenron: Onka ne ionkienha nok ne iakwatatekenha? Nok iahatsiatate tsinonkati ne raotiohkwa, nok wahrenron: Ken kaien ne ionkienha nok iakwatatekenha. Aseken onka ki ok ne ronwawennarakwa Rakeniha, karonhiake thenteron, ne tohiken onkiatatekenha, nok onkiatennosenha, nok oni ionkienha.

Okaristiahne.

WATIO, XI, 21-28.

Ethone Iesos sahahtenti tsi renterontakwe, nok etho nonkwah warete tsi tkanataientakwe Tir nok Sidon. Nok skaiatat ne tsiothonwison, Kananehronon nakaiatoten, ehnon tkanakerekwe, eh waoketote, watiohenrete, wakenron: Takitenr, Sewenniio. Tafit hiaienha! Keienha iotienni notkon, nok akwah iokenrenseronnis. Iah othenon niare tatethotati Iesos. Ok eken ne raotiohkwa,

(1) Satkens, sk. 467, ehtake kaiaton, iakonikhraientastenni nahoten wenton tsi waton: *rontateken okonha*.

eh wathatitane, wahonwariwaneken, ronton: Sasciatekwat ne ionkwatewennaientonnis. Nok tahatati Iesos, wahrenron: Ne ok se tionkwannhaon, naonsakheiahaharate ne n'Israer raowenk teiotinakarontonha sonha, iakoiatahtonhon. Ok eken senha ok tawe, ontiskwentaren rasiakta, waton: Sewennio, takiatakennha. Tontahawennaweron Iesos, wahrenron: Iahta tkariwaiertiakewe nontatien okonha akonatarok, nok akonwatinonte herhar okonha. Aonha kati tontakenron: Tokenske, Sewennio; nok ki ens sane, n'herhar owira konneks ne iakokhwiion tsini tkaniserens nakotsenen okon raonatekwarane. Ethone ne Iesos tontahawennaweron, wahrenron: O tsisathonwisen! kowanen tsi tisehtakon; eh niawenn tsiniiot tsi isehre. Nok tokenske ethone skennen sonton nakoienha.

Ronwaiatanentaktonne.

SAN, V, 1-15.

Ethone are onen ionsakahewe tsini honentanon ne Sitaehronon, Sirisarehne kati niahare ne Iesos. Sirisare nonwe niiohnawerote, konwati-iatoharetakwa ne teiotinakarontonha, tsini hatiwennotens ne Sitaehronon, Bethsaida konwaiatskwe, wisk nikon tsi iontaweiatakwa naktatie. Eh kati ieiatakerontakwe kentiohkowanen ne iakononwaktanionni, teieronwekon, iontsinokatha, nok oni ne iakoiatakenheion, iakorharekwe ne taionwenrie nohneka. Aseken ne Rawennio raoronihiakehronon, watoken tsiniore, thatsnentakwe tsi tiohnawerote, nok tehawenrieskwe nohneka. Ethone kati ne nenthatiegente iehatsnentakwe tsi tiohnawerote, onen tekahnekawenriehon, shaiewentaskwe tsi ok nakannroten ahononwaktanita-

ke. Eh iehenterontakwe saiatat ne ronkwe, onen ashen nioserashen satekon iawenre tsinahe tsi rononwaktani. Sahoken ne Iesos, iahtehres, roterientaratsihon oni tsi onen wahonnise rononwaktani, wahawenhase, wahrenron: Tesatonwentsioni ken naonsasiewentane? Tontahatati ne roiatakenheion, wahrenron: Sewenniio, iahte wakkonkwetaien, ne iahakiatewe tsi tiohnawerote, nonen tekahnekawenriehon; aseken, ne ikehre eh iake, ok sa ok tishaiatate tenhakskeni, ienthatsnente. Wahawenhase ne Iesos: Satketsko, tesek ne sanakta, nok sasahtenti. Ok sa ok ne ronkwe sahaton, nok watrakwe ne raonakta, nok sahahtenti. Awentatokentike ken iken wenniserate eh naawen. Ronwennihakwe kati Sitachronon nonwarh shotonhonne: Iawentatokentononwa, wahtiawenre nasatketate ne sanakta. Wahrenron tsi tontasakowennaweron: Nene sahaket-siente ne wahakrori, rawen: Tesek ne sanakta nok sasahtenti. Wahonwariwanontonse kati: Onka ne ken ne hiahrori, rawen: Tesek ne sanakta, nok sasahtenti? Ok ne shotonhonne iahte hoterientare onka ne kenh. Aseken ne Iesos ok sa ok shotohtarhonne tsi ionkwehnene nethononwe: Ohnaken teshonateraon Iesos ononsatokentike, nok wahawenhase: Onen wahi tsisatonhon; tosa kati onen saseriwanerak, ne tosa senha kanoron tsi naesaiatawen. Sahahtenti kati ne ronkwe, nok sasakohroriana Sitachronon tsi Iesos ne shotsienton.

Tekenihaton Niiohne tsi Iakawentontietha kowa.

WATIO, XVII, 1-9.

Ethone wasakoiatenhawe Iesos Tier, Sak, nok San hiatatekenha, nok wasakoiatenhawite onon-

toharake nakwah ionontowanen, oktihononhatsiwa; nok wathatiatateni raotihenton. Eh natioswathene ne rakonsake tsiniiot tsi iorakote, nok eh nakenrakenne ne raotseronniat tsiniiot noniete. Ok taontierentsi wasakonatianeronkwen Mois tenhnon Eli, tehatihtarha ne Iesos. Onen Tier wahawenhase ne Iesos, wahrenron: Sewenniio, ioianere ne kento aetewenterontake; nasatontatseke, ashen naetewatatoseroton, enskat nise sawenk, enskat ne Mois, nok enskat n'Eli. Nok sekon ok nihohtaratie, eh teiotsataientontie teioswathe ne waakorhoroke. Nok etho otsatikon takawenninekenne, waton: Ne ken hiken ne Riienha, rinoronkwa onwe, raonhake akwa wakonweskwaniha, neh hetsisewatontatihek. Nok sahatiwennahronke ne Ratikwekonne, akwa eh take wahatiiatakerontane, okenrake wahontkon-sanentakte, tsi nahonateronhienten. Nok eh wathatane Iesos, kenniiahaiere tsi ronatiskwentare, nok wahrenron: Tontesewatann, nok tosa sewah-teron. Ethone tonsahontkakwarisi, nok iah onka nakoren tesesakotiken, raonhatsiwa ok ne Iesos. Nok nonen satontahonanontatsnentonhatie, wasakonnhanne Iesos, wahrenron: Tosa onka ietsih-rori tsi naawen tsi wesewatkahto, tsi ok onen enshotonnheton n'Onkwe Ronwaienha.

Awententaonke.

SAN, VIII, 21-29.

Ethone Iesos wasakawenhase kentiohkowanten ne Sitaehronon, wahrenron: Heren wakete, nok enskwaiatisake, ok eken sewariwanerahakserakon ensewenheie. Tsinon wake, iahtaesewakweni

nise niaesewete. Nok rontonhakwe Sitaehronon: Raonha kati ken enhatatonnhiiake, ne tsi raton: Tsinon wake, iahtaesewakweni nise niaesewete? Nok ne raonha sakawenniskwe: Eh-take nise sewanakere, ok nii ehneken tkenakere. Kento nise onwentsiake sewanakere, ok nii iahte kiatare nonwentsiake ienakere. Waken kati tsi kwahrori, ne tsi sewariwanerahakserakon ensewatonnhokten; aseken niahtensewatontathe tsinakiatoten, oriwiio tsi sewariwanerahakserakon ensewenheie. Sahonwariwanontonse kati, wahniron: Oh nise nasiatoten? Tontasakawenhase ne Iesos: Oriwakwekon ii tkeriwakweniio, nonwa ken kwahtarani. Eso wakeriwaien nakatrori nise sewariwake, nok nakwariwastenniheke. Ne tenhnon thakennhaon iahte honowen; ok nii ne nonwa waktarakwen nonwentsiake, ne raonhaa raktokatenni. Nok iahte hotinikonhraiентаon tsi ne rohtarakwenne tsi raonha Roniha ne Niio. Sekon sahenron ne Iesos: Kawenniio entsisewaiatakarataton ehneken n'Onkwe Ronwaienha, ethone ensewatokense tsinakiatoten, tsi oni iah othenon tekatierha noktaontakennonton, nok oni tsi ne ok waktarakwen ne Rakeniha rakerihonnienni. Nene thakennhaon iakenikwekon, iahte hakwatewenteton nakonhaa akenhake; aseken tsi ok nihariwanonwes, tiotkon ethoni wakierenhatie.

Ratironhiakehrononke.

WATIO, XXIII, 1-12.

Ethone Iesos wasakotati ne tekanenraronwe, nok oni ne raotiohkwa; wahniron: Tsi rentsckwarakwe Mois, nonwa shatitskwaronnions ne rati-

iatons nok ne Farisien nihatiatotens. Tsi kati nikon enietsihrori tsi enietsirihonnien, akwekon sewaiena nok etho nasewaiierhak; tosa tenhnon ietsinakeren tsini hotiierenhatie; aseken ronton, nok iah eh tehatierha. Aseken ratihrienonnia-nions ne iohrienakstes, ne iah taonton aiontketa-te, nok akoren sakotihrienaketats; iah tenhnon ne rononha ken tiiahatiire enskat oni ne ratis-nonsake. Akwekon tsini hotiierenhaties, ne ok ne ronnehre, aionkiiatkahto nonkwe; ne aoriwa kenhnowanens ronanimaniionton, nok iions ne tionwentatstha ne raonatiatawit. Ratinonwes tsi iontekwalherha ohenton ahonmitskwaren tsinonni kanaktiios, nok oni tsi tionterennaientakwa ohen-ton ahonwatinaktotase, nok oni nasteson tahon-watinonweratonnion, nok oni tsi ronwatinaton-nions nonkwe okon, aiontonheke, Ronkiwen-niio. Tosa kati nise aietsinatonkwake, Takwa-wenniio; aseken enskat ok Hetsisewawenniio, nok nise sewatatekenha akwekon. Tosa oni ka-neka nonwentsiake naietsinatonkwake, Takwaien-ha; aseken enskat ok Hetsisewaienha ne karon-hiake thenteron. Tosa oni ietsinatonkwak Tak-wakowanen, aseken enskat ok Hetsisewakowa-nen ne Kristus (1). Kaneka tsinitision rakowa-

(1) Ne tsinahahtiawenrate Iesos, tsi ehniha-wennoten, iah ne teken notiake aiakoterihonten. Raonha se wasakoiatarako ne Ratikwekonne, wasakounhane oni, tsi ki niihtonne thonnhaonne ne raonha ne Roniha; tokenske wasakorihonten ahonwaticowanenhake, nok iawet ontateni okon-ha akenhake niakoriwiioston; oriwiio oni aiain-ton, tsi sate sakorihonte Iesos tsiniakon ne non-wa teshonattenionhaties nonwentsiake ne ronwa-

nen, sewannhatsera enhatatonni. Aseken kaneka enhatatkonnienste enhonwakenhron, ok nenhatatkenhron enhonwakonnienste nennee.

Sosehne.

WATIO, XX, 17-28.

Ethone ne Iesos, tsi wahawenontonhatie Sirisarehne, otasetonke tasakononke tekeni iawenre Ratikwekonne, nok wasakawenhase, wahrenron: Onen wahi Sirisarehne iaonkwenontonhatie, nok Onkwe Ronwaienha enhontatenaskonnien tsi ronnhe ratitsihenstakweniios, nok ne ratiatons; enhonwariwente enhonwario, nok enhonwatiwenniioste tsi ronnhe niahte hotiriwiioston, enhonwatentoriatanion, enhonwasokwawesonmion, nok enhonwaiatanentakte; nok ashenhaton niwenniserake enshatonnhete. Ethone eh watkatane, tsi thenteron Iesos, Zebede rone, wahonwaiatorenni oni nakoien okonha, ontiskwentaren tsi thenteron, nok ronitentasehatie othenon ahentenre. Wahrenhase, wahrenron: Nahoten isehre? Tontakenron: Asatontatseke ne ken ihnes kheien okonha, saiatat tsi seweientehtakon ahentskwarake, nok saiatat sesenekwati, nonen ensewenniioke. Tontahenron Iesos, (wasakawenhase nakoien okonha): Iahte tsiaterientare tsi nahoten

wennenhawe okon. Ne tenhnon wahahtiawenrate ne kanaiesera, ne tosa aiontatewenniiostake ne ronaterihonton, ne tsi ronaterihonte. Raonhaa ok eken ahonwawenniiostake ne Rawenniiio, ne ronwariwawasehaties.

seninekha. Ensenikweni ken nensenihnekirha tsina kahnekoten nii nenkehnekirhate? Tontah- niron: Eniakenikweni. Tontasakawenhase: Tokenske, wahrenron, entsienhnekwane tsina kahne- koten ii enkehnekihrate; nok ken kaien naetsia- tien kiataкта, oktatetsiaronkon, iah taonton nii akenon, ne nennee akowenk ne sakoienni ne Ra- keniha. Sahotitokense oieri nihati, wahotina- kwen tsi nahniiere ne tehniase hiatatekenha. Iesos tenhnon tasakononke tsi renteron, nok wahrenron: Sewaterientare, ne iontatennakeraton niate ionwentsiake, ieiatakweniios tsi ok naonta- teriwisahase, nok oni tsi tionnontons ne iekowa- nens, tiontatennontonses ne iontatkowanens. Iah kati nise eh taiawen; kaneka tsinitision enhrer- heke, aionkkowanen. ok eken raonha sewannhat- sera akenhake. Nok oni onka ki ok tsinitision irehre, ii akiatakwenniioke, ok eken sewanaskwa enwaton. Tsi ki niit n'Onkwe Ronwaienha, iah ne tethonienton nahonwaseronnienniheke, ne tenhnon asakoseronnienniheke, nok ahatatewen- tetase tsi ronnhе, ne kentiohkowanen aonsasa- koiatatako.

Okaristiahne.

RUK, XVI, 19-31.

Ethone wasakawenhase Iesos ne Farisien ron- watiiatskwe, wahrenron: Saiatat ne ronkwe ro- kwatsehne, rotiatawitonne ne kanekwaratsi ni- wasokoten, nok kanoronson, nok niate wennise- rake kakwanoron ratekhonniskwe. Saiatat oni ne rotent, Rasar ronwaiatskwe, tsi ronnhakaron- te ne rokwatse raiationnikwe, raiatakwekon

rotkenseraronnion, raskanekskwe narahona neh ahrake ne rokhwiion ne rokwatse, ne tkaniserens raotekwarane, nok iah onka tehonwawiskwe; ok oni tkonnetakwe herhar okonha tsi thaiationni, nok kontikanontskwe tsi rotkenseraronnion. Iakahewe kati nahrenheie ne rotent, nok ratironhiakehronon iahonwaiatenhawe ranaskwakon Abraham (1). Wahrenheie oni ne rokwatse, nok onwentsiakon wahatiatata. Eh kati tsi thenteron karonhiakenseraikon, ehneken tahatkahraierate, nok inon iahoken Abraham, nok ranaskwakon, ne Rasar; iahatewennaientonwe kati, wahrenron: Rakeni Abraham, askitenre, nok aontatsatenniete Rasar, enskat tsi rasnonsokte iatahen-nisnonsowe nawenke, naonsahakwennasanoste, aseken wakeronhiaken nakwah ken nonwe ofonkokon. Nok tahawenhase Abraham: Sehiarak, kien, tsini sakatekwe ne ioianerese okonha, tsi sonnhekwe; ok eken ne Rasar ne ok nennec rotkahton tahatonnhakariate; onen nonwa raonha wahatennikonhrahnrirate, ok nise waseronhiakente ieronhiakensersatsanit. Tikate, ne tsini iah-tiaiehewe tsina tetewatere, ieronhiowanen tsi iotonwentsiikhon ne teionkwakhasiaton; iah kati nonwenton tiaaonton ne kento iaionhtenti, nok eh iaien tsi tesewenteron, iah oni neh aontaiionhtenti, nok kento naontaien. Sahenron: Wakonneken kati, rakeni, iatsiatori tsi rononsote ne rakeniha; aseken wisk niwakatatekensen. asakotokaten, tosa ken naontahonne tsi tkenake-

(1) Ne sakat aiairon: tsi thonaktekwe ne rokstenseratokenti Abraham, ratikwekonne ne tiakoriwaieri okon kenh, arekho tsasakonnhotonkwase Iesos ne karonhiake,

re, iononwaktenserakon. Tontahenron Abraham: Rotiien Mois nok rotitokensehakwe, rontontat tsini hatiierha. Sahenron: Iahten, rakeni Abraham; kaneka se ne iakawenheion eh iaïen tsi thatiteron, enshontatrewate. Sahenron Abraham: Tokat iahtensakonatonatse Mois nok rotitokense, iah ki senha tahontontate nok oni naonsaia-kottonnheton ne iakawenheion.

Ronwaiatanentaktonne.

WATIO, XXI, 33-46.

Ethone Iesos watesakoriwakenwaten ne Fari-sien nahatiiatotens, wahrenron: Ronkwe raon-kwetakatekwe, wahanenharaienthos, nok aktatie-son wahatenhenronniate, wahasonhionni oni na-iehnekonniate otsitsia, nok eh iahanonsonni ne iononsahniron, nok wasakoni ne ratinenharaien-thos, nok wahahtenti, inon niiahare. Kawenniio iakahewe tsini ionhiakwas, iasakotori ne raonn-hatsera tsi thatiteron ne ratinenharaienthos, naontahatinenharotako. Ok eken ne ratinenha-raienthos wasakotiiena ne raonnhatsera; saiatat wahonwaientanion, saiatat wahonwario, nok saia-tat wahonwanenhioiake. Sekon ionsasakotori oia, onen senha kentiohkowanen, ne raonnhatse-ra; eh ki oni neñneh nasakotiierase. Onen tenhnon iahotori tsi thatiteron ne roienha, wa-henron: Tokat naa enhonwakonnienste ne riien-ha. Kawenniio kati ne ratiienthos sahonwaken ne roienha, wahonpontonñionwe, wahoniron: Ken thare ne raowenk watonsere tsi tewenteron; ietewe, hetsitewario niha, nok ii onkwawenk en-waton tsi nahoientaon. Wahonwaiena kati, isi

naontenhenrati ionsahonwaiatonti, nok wahonwario. Kawenniiio kati ensrawe ne raiatakweniiio tsi iotenenharhare, oh onte nensakoierase ne tohiken ratiienthos? Tahoniron: Rononkwetaksens enhakwisron tsi ensakohrewate, ensakowentho, nok akoren ensesakoni tsi rotenenharhare, nenhonwahiawiseke nennee ne iakaierine. Tontahenron ne Iesos: Iah ken nonwenton tese-wawennahnoton tsi waton noiatonseratokenti: Nene rotinenhiaswenhon ne ratinonsonnis, ne kanenhiakweniiio iotonhon tsi teiotiesate; Rawenniiio ethoni horiwison, nok ionkwanehrakwas nonwa tsi tewakahrake tewatkahtos. Ne kati aoriwa wakwahrori: Entsietsikwa ne Niio raonakeratsera, nok ientsiontaton nakte tienakerenion; enieriwaierite nennee, eniakehiaron. Nok ken kaien ne kanenhiakweniiio iotonhon, tokat eh enietakerane, teniakoiatahrite; nok tokat entiakonenhiense, teniakoiatorarake nennee. Tsi wahonhronke ne ratitsihenstakweniiios, nok ne Farisien ronwatiiats, tsina thariwakenwatanion, wahatiienterene tsi rononha sakoton. Ne se wannoni, ronnehrakwe asakwaiena; nok wasakotitsanike nonkwe, aseken tsiniiot ne Rotokense tsi tehonwakanere.

Entakta.

RUK, XV, 11-32.

Ethone wasakawenhase Iesos ne Farisien nahatiiatogens, nok ne ratiatons, wathoriwakenwatan, wahrenron: Saiatat ne ronkwe tekeni tehowiraientakwe. Nene kennihraa wahawenhase ne roniha, wahrenron: Rakeni, takon onen tsinikon

nii akwawenk tsini kaien ne kento. Watesakokhasiase kati tsinikon roien. Iahte iaonnisehon, nene kennihraa ne roienha saharoroke tsinikon ne raowenk, nok wahahtenti, inon tienakere eh niahare; nok eh nonwe iahatiesatanion tsini hoiën, kanakwaiesatserakon tsi ronnhekwe. Onen akwekon sihotekwison, waontonkariake nakwah eh tienakere, nok oni ne raonha tontasawen wahotentane. Wahahtenti, nok wahoteranentaktesaiatat neh nonwe thanakerekwe, ne iahotori tsi thaonwentsiaientakwe, asakonikonhrratieseke raotsenen okon kwiskwis. Nok raskanekskwe ne ahrake norhotsera sonha, ne konnekskwe ne kwiskwis; nok iah onka tehonwawiskwe. Saha-tonnhakanonni kati, wahrenron: Toni kentiohkwa raonnhatsera rakeniha raononskon, rotinatarakate nennee; ok nii, ken kiteron, katonkariaks onwe, skanoron akiheie. Tensektane kati, nok rakenihneha iienske, nok enhienhase, enkiron: Rakeni, rinikonhraksaton nene karonhiake (thenteron), nok oni nise konnikonhraksaton; iahte sewakerihonte naonsaionkenatonkwake, hetsienha; eh kati naskierase, tsiniïot ne sannhatsera akenhake. Tontasahatane, tontahoiatisakha ne roniha. Sekon inonha itres, ok naa tahoken roniha, wathaweriasasihare tsi nahotenre, iatharatate iathoteratana, ok tsi ire wahoniasa, nok wathonoronkwanionton. Ethone takenron ne roienha: Rakeni, wakennhikon, risentenni ne karonhiake (thenteron), nok oni nise konsentenni, iahte sewakerihonte naonsaskenatonkwake, konhienha. Ok eken ne roniha iasakawenhase ne raonnhatsera okon: Ok sa, wahrenron, kasewaniha nakwah atiatawitseriio, nok satsisewaseronniat, satsisewasnonsawit oni ennisnonsawitseranoron, sâtsisewahtha oni ne wahtakwiios;

sewesak oni ne ioresen tionnhonskwaron owira. sewario; tetewatskahon, akwah aetewatekhonni: aseken ne ken riienha rawenheionne, nok shotonnheton; rotiahtonhomme, nok shonwaiatat-senrion. Nok tahontasawen nahontekhomni. Ken kaien ne thakowanen ne roienha, kahehtake ireskwe; tsatonhawenontonhatie, toha sonsarawe tsi rotinonsote. wahofieren ok, iakoterennotatie. iakohonrawatonhatie oni, iahononke saiatat ne kannhatsera, nok wahoriwanontonse ohniiotiieren. Tahohrori kati, wahrenron: Hetsekenha sarawe, nok wahario hianiha ne tionnhonskwaron owira ne ioresen, aseken skennen sahotkahto. Tsi nahonakwen, iahte shatontatskwe niaonsahataweiate. Onen ki ne roniha iahaiakenne, tahatasewen ronkennihatie. Tontahowennaweron ne roniha, wahrenron: Onen eso nioserake tsi konhiotense, iah oni nonwenton tekonwennontion, nok sane iah nonwenton teskwatewentetase arahona kaia-takeras owira akenhake, ne taiakwatonte nonkwatenro. naiakwatowesonkwe; kawenniiio tenhnon sarawe ne ken hiken hetsienha, rokwentan ne raowenk, iahte konttokha satehonatekwison, ok sa ok waserio ne ioresen tionnhonskwaron owira. Nok tontahenron ne roniha: Kien, tiotkon wahi tenikwekon, nok tsinikon wakien ise sawenk. Teiotonwentsiohonne ki aiontennioten nok aiontonnharen, aseken ne kenh hetsekenha rawenheionne, nok shotonnheton, rotiahtonhomme, nok sahoketote.

Ashenhaton Niiohne tsi Iakawentontietha kowa.

РУК, XI, 14-28.

Ethone Iesos wahaiatekwate notkonseraksen (rotiennihne saiatat ne ronkwe), nok ken kaien

notkon iahte watatis. Nok sahaiatinekenwe notkon, sahatati ne iahte hatatiskwe; nok wako-nehrakohaton iakotiohkowanen. Otiake sane ne teiekanere iontonhakwe: Ne thonatenrohon Beelsebub, ne konwakowanen noneshonronon, tsi sesakotekwatha nonatkonseraksens. Nok otiake ronwatenientensehakwe, ronwariwanontonniskwe nothenon asakonatonhase ne kanoron, ne karonhiake nontaiawenon. Sahatkahto Iesos tsini hotinikonhrawens, wasakawenhase, wahrenron: Tsinini kanakeratserake, iah skanikonhrat teken tsi tienakere, enienakeratserakari; nok skanonsat, kanonsahere tsi kanonsote noia, tenkaiatenne. Tokat kati notkonseraksen ok aonhake teioriwa-tironte, oh kati niit tsi enkatake ne aonakeratsera? Sewatons se wahi, aosennakon Beelsebub tsi sekheiatekwatha nonatkonseraksens. Tokat nonwa aonkienawaseheke Beelsebub, tsi sekheiatekwatha nii notkonseraksen, onka kati akosen-nakon skonwatekwatha ne ietsiien okonha? Ne se waonni, ok rononha tenietsiiaforete. Nok tenhnon tokat Rawenniio tionkiatenrohon tsi sekheiatekwatha nonatkonseraksens, oriwiio kati tsi onen sewaiatorenhon ne Niio raonakeratsera. Kawenniio ne rotsanit ne ronkwe ranonne tsi ronnhokaronte, akwekon skennen tikaien tsini hoiën. Nok tokat ne senha rasatste aonthare, aho-senni, akwekon enhokwa tsini hatatiatakennhas-takwe ne raniahesenne, nok enhaiakhon ne rao-wenk kenha sonha. Kaneka iahte iakenikwekon, rakeriwaswase, nok kaneka iahte iakenikwekon tsi raroroks, ratiesatha. Kawenniio notkon ne kanakwaiesen tioiakhon ne raiatakon ne ronkwe, watewatstekafa niare tsinonni ionwentsias-tathen, iawesakhonhaties ne skennen; nok tsi iahte katsenries, ethone waton: Eh ienske nake-

nonskon, tsini tewakenon. 'Tsi ionsonwe kati, sakanonsatsenri tsionhewanion nok skaseronnianion. Ok sa ok saonkete, oia saiakononksa tsia-tak nikonti nonatkonseraksens, senha kontisero-hen tsi aonha niio, ionsakontaweiate, nok akwa ionsakontatiteron. Nok ne ronkwe senha sahaia-taksenne nohnaken, tsiniiohtonne ne tiotierenton. Ethone tsi rohtarakwen ne Iesos, ontewennaien-tonwe skaiatat tsiothonwisen tsi ietaraien, wa-kenron: Iakotaskat ne eiatakon tsiatatakwe, nok iesastaronte. Nok tontahenron ne raonha: Sen-ha naa iakotaskat ne iakotahonsate ne Niio rao-wenna, nok ronwawennarakwa.

Awententaonke.

RUK, IV, 23-30.

Ethone Iesos wasakawenhase ne Farisien miha-tiatotens, wahrenron: Kanekhere ne enskwen-hase, tsi nahoten iontons nonkwe: Satetsients, ise satatetsient; tsinikon ionkwahronken tsini satieranion ne kariwanorons tsi tienakere Kafar-naomke, ok he nonsatsier ne kento tsi tesenakere. Wahrenron kati: Akwa tokenske tsi kwahroris, kaneka rotokense, iahtahonwakonnienste tsi akwa nithanakere. Oriwiiio tsini kwahroris, ethone tsi ranakerekwe Israerrononke ne Eli, iotitiohko-wanenne ne ionaterehontskonne, sonteronhia-kweke nashen nioserake nok iaiak niwennitake; ne se waonni wahontonkariake ne raononwen-tsiakwekon; nok sane iah oni nenskat tesakoia-takennhaseron ne Eli, ne ok ne Sarepta nonwe nikanakerekwe Sidonrononke, skaiatat ne iotere-hons. Nok oni rotitiohkowanenne ne rotistawis

onwe Israerrononke, ethone tsi ranakerekwe ne Rotokensehakwe Elisee; iah kati onka tesesakotsienton, ne ki ok enskat Naaman ronwajatskwe, Sirihronon. Ok eken tahotinakwen tsinihati ronatonte tsi nahaiere. Wathatitane, sahonwaiatinekenwe ne raotinatakon; iahonwaiatenhawite akwa tsi ionontakenhiate, ne nōnontakon tkanataientakwe, ronnehtrakwe asakwāiatente. Ok ne raonha tehatiatokenson tonsahatohetste. nok sahahtenti.

Ratironhiakehrononke.

WATIO, XVIII, 15-22.

Ethone wasakawenhase Iesos ne raotiohkwa, wahrenron: Tokat enhianikonhraksate ne tsiatatekenha, was, hetsahrist, nok senonhatsiwa kenhak. Tokat enhiatahonsatathe, tentsenikonhratsa ne tsiatatekenha. Nok niahtenhiatahonsatathe, ethone aesaiaatawentatieseke tokat saiatat, tokat teionkwetake, etho naontawe tsi nenhonatonteke ne teionkwetake, tokat oni nashen, aontkwatako noriwakwekon. Nok tokat sekōn iahtasakotahonsatathe, srōri ne kentiohkwatokenti; nok tokat iahtahawennarakwe ne kentiohkwatokenti, etho natsierase tsinaonsheieren niahte iakoriwi-ioston nok ne ratiienas (1). Akwa tokenske tsi kwahroris, tsinikon ensewaneren onwentsiake, entkaneren oni ne karonhiake; nok oni tsinikon ensewanerension nonwentsiake, entkanerension oni ne karonhiake. Sekon sakwahrori, tokat

(1) Satkens, sk. 422. watroriatha tsinahatiiatoten ne *ratiienas*.

tehnihase tsinitSION skanikonhrat ahmonni non-wentsiake, tsinikon enhniriwanonton, akwekon entesakaon ne Rakeniha karonhiake thenteron. Aseken tsinonwe tehnihase, tokat ashen nihati ksennakon nihonatkennison, eh se kiatare iatekenihoken. Ethone ne Tier wahoteranentakten Iesos, nok wahrenron: Sewenniio, toni ioriwake nonhakenikonhraksatanionke nonkiatatekenha, nok enshinikonhrensene? tsiatak onte ken nioriwake? Tontahenron ne Iesos: Iahte katon, tsiatak nioriwake niaseniharho (naonsatsitenre); tsi tenhnon nikon ne tsiatak niwashen nioriwake ne tsiatak.

Sosehne.

WATIO, XV, 1-20.

Ethone wathatitane tsi renteron Iesos ne ratiatons nok ne Farisien nihatiatotens, Sirisare nontahonne, wahonwenhase, wahoniron: Ohniiotieren ne isewes sentiohkwa iahte hatiriwaiierits tsini ionkiriwisahani ne rotiksten okon kenha tsinahe? Iah se wahi tehontsiohares nonen wathatinatarake. Tontasakowennaweron, wahrenron: Ohniiotiiieren nise iahtetsisewawennaierits ne Rawenniio, ne tsini tsisewatateriwisahani? Aseken rawen ne Niio: Shekonniienstak hianiha oni ne sanistenha; nok oni: Kaneka ensakoienhratonse roniha ok ne ronistenha, ne enhostonte enhonwario. Ok eken nise sewatons: Kaneka enhawenhase ne roniha, tokat enhrenhase ne ronistenha, ahenron: tsinikon enhiwenniioste nii ne Rawenniio akwawenk sonha, ne ensatsennonniate; ne thohiken oktihawenniio niahta sakokonnienstag ne ronwaienha. lawet kati sewari-

sions tsini horiwison ne Rawennio, ne tsini tsi-sewatateriwisahani. Tesewanikonhranet, thori-waieriton tsini hetsisewentonhon ne rotokensehakwe Isai, tsi rawen: Nene ken ienakere tsi iesakaronte ok ionksennaiens, nok inon nateiakwatere nakaweri. Ok se sewatieren tsi ionksennaiens, ne se ok iontaterihonniennis nonkwe tsini iakorihotens. Ethone tontasakononke akwekon, nok wahrenron: Takwatahonsatats, nok sewanikonhraiennentann. Iah se teken neh wataweiatha nesakon nonkwe, ne iakoiataksatha; ne tenhnon neh nesakon tkontiiakens, neh iakoiataksatha nonkwe. Ethone wathatitane tsi renteron ne raotiohkwa, nok wahoniron: Saterientare ken tsi nahontatenikonhrotako ne Farisien, tsi nasiere tsi tasatati? Nok tahatati, wahrenron: Tsi ok nakakwiroten niahte hokwirote ne Rakeniha karonhiake thenteron, enwatterotsi. Roneronhatie, tosa ietsiiatsterist: tehatironwekon, nok sakotinentsines ne teieronwekon; tokat ne teharonwekon enhonentsineseke ne teharonwekon, tetsiaron osonwakon ienhniiatenne. Tier wahowennarane, wahrenron: Askwanikonhraiennentasten tsina tesariwakenwaton nonwatsi. Nok wahrenron ne Iesos: Ise ken oni iahte sewanikonhraientas? Iah ken tesewanikonhraientas tsinikon kontaweiatha esakon, onekwentakon kontohetstha, nok tsi tiotaseton ieskontiiakens? Ne tenhnon nesakon tkontiiakens, akaweriane tkonnes, ne kati iakoiataksatha nonkwe. Aseken nakon nakaweriasakon tkontiiakens wennontonniontseraksens, atataseton, kanakwaiesatsera sonha, kanenskwen, iontatennowentennis nonkwe, ronwasennaiesatha ne Rawennio. Nene ken (kariwaksenskwe okonha) ne iakoiataksatha nonkwe. Ken tenhnon kaien taiontskahon niahte iakotsiohare, iah neneh teiakoiataksatha nonkwe.

Okaristiahne.

RUK, IV, 38-44.

Ethone tontahaiakenne Iesos tsi tionterennaientakwa, nok tsi rononsote Simon ionsahataweiate; iothonkwarhoskwe nakwah ne Simon ronwennhonsa, nok wahonwennitentase Iesos nahentenre. Eh kati wathatane tsi tkaiationni, wahahriste ne kannra, nok iokontatie, saiontethonkwarako. Ok sa ok kati saontketsko, nok iakoseronniennihakwe. Nok onen tsi iatewatsothosere, eh iontatiatheskwe tsi thenteron, tsiniakon ne niate kannrake iakononwaktanitakwe. Ok ne raonha ne skatson iatesakonisnonsaherhase, nok wasakotsientanion. Tohka oni nonsasakoiatinkenwe nonatkonseraksens, nene kontewennaientonskwe, nok kontonnionskwe: Tokenske isc Niio Hiaienha; nok sakohristakwe Iesos, sakomhesehakwe nehnahoten nakontrori, ne tsi ionaterientarakwe tsi tokenske raonha Kristos nahaiatoten. Akwa ne ok waorhene sahaiakenne, eh nonwe niahare tsinonwe iah onka tetiens, nok nonkwe okon shonwaiatisakskwe, nok iahonwaiatorenne; nok wahonwaiatannhe, ne tosa aonsahahtenti tsi ratiteron. Wasakawenhase kati, wahrenron: Ioteriwison se oni noia nitkadataientons akeriwihewe tsini iorihoten ne Niio raonakeratsera; aseken ne aoriwake tionkennaon. Nok sakotatiskwe tsi tionterennaientakwanionkwa ne Karire nonwe.

Ronwaiatanentaktonne.

SAN, IV, 5-42.

Ethone iahanatarane Iesos, Samarihronon raononwentsiake, Sikar konwaiats tsi tkanataien, ok etho tsi thaonwentsiawihne naonnise Sakob ne roienha Sose. Etho oni nonwe nihotnawerotakwe Sakob. Iesos kati, wathawishenheie tsi rathahine, eh wahatien akta tsi iohnawerote. Onen tokat ne iaiakhaton tsi iowistahehatie. Eh onwe ne ionkwe Samarihronon, kahnekotsientane. Nok wahrenhase ne Iesos, wahrenron: Takehnekarhas. Aseken ne ronneskwe Iesos, tsi tkanataien ronatenatserahninonseronne. Nok tontakenron ne ionkwe Samarihronon: Ohniiotiieren tsi takeriwapontonnis nakonhnekarhase, Sitaehronon wahi nasiatqten, nok nii Samarihronon nakiatoten? Iah se tatehonatenrohonhatie ne Sitachronon nok ne Samarihronon. Tontahawennaweron Iesos, nok wahrenron: Naesaterientarake tsi nahoten sakowis ne Rawenniio, natsienterihake oni nonwa wahariwanontonse natsehnekarhase, ise ok eken atseriwanontonnike, nok ahiahnekawike ne kahnekanoron iakaonnhetha nonkwe. Tontahawenhase ne ionkwe: Sewenniio, iah othenon tesaien nasetsientakwe, iosonwes tenhnon tsi iohnawerote; ka kati naontashawe ne saton kahnekanoron iakaonnhetstha? Senha onte ken ise tsiatanoron tsiniiot ne sakwanikenha Sakob, ne sonkwawi ne ken iohnawerote, eh rahnekihratakwe ne raonha, nok ne sakoien okonha, ok ne raotsenen okon? Tontahatati Iesos, sahrehase: Tsiniakon ne ken kahnekare eniehnekihra, sekon entsiakoniataathenseke; ok nenhalnekihra ne ii enihhnekon, iah nonwenton taonsahoniatathen

seke tsinenwe; aseken tsini kahnekoten nenhihnekon, ienwatnaweronni ne raonhake, nene eniohnekotake niio tsiakonnhe iatenwatkonten. Tontahawenhase ne ionkwe, wakenron: Sewennio, takehnekon niha netho nakahnekoten, niahtaonsonkeniatathenseke, niahta taontonkehnekotsientana ne kento. Sahrenhase ne Iesos: Was, iatsinonk teseniteron, nok tontase. Sakenron ne ionkwe tsi tontontati: Iah se tewakeniakon. Sahenron ne Iesos: Tokenske taseriwaierite tsi saton, iahte wakeniakon. Aseken wisk nisanikonhonne, nok nonwa isenes iahte seniniakon; taseriwaierite kati tsi tasatati. Tahawenhase ne ionkwe: Sewennio, tsi tekkanere, oriwiio tsi satokense. Iakini okon kenha ken iken tsi iononte ronwasennaienskwe ne Rawennio, ok nise sewaton, tsi Sirisarehne ok nioteriwison nahonwasennaien. Tontahenron ne Iesos: Tsisathonwisen, satontat tsi waktare, onen ieiohe, tsi iah tsi ok teken iken tsi iononte, iah oni tsi ok ne Sirisarehne tatsisewasennaien ne Roniha. Neh sewasennaiens tsi nahoten niahte sewaienteri; ok nii neh iakwasennaiens tsi nahoten iakwaienti, aseken Sitaehrononke nentewe naiontsenonni. Iakahewe kati, onen oni ieiohe, ne ronwasennaiens onwe enhonwasennaienheke ne Roniha akonikonhrakon, oriwiio oni. Aseken ne resaks ne Roniha nethoniiot tsi ronwasennaiens. Raonikonhroskon ne Niio: ne kati waonni ne ronwasennaiens, akonikonhrakon nok oriwiio ahonwasennaienheke. Sakenron ne ionkwe: Wakaterientare tsi thare ne Sesakoskontakohe, ne Kristos ronwaiats; kawennio kati enhrohake, raonha oriwakwekon ensonkwarihonnien. Wahrenron ne Iesos: Ii wahi ne ken, ne watitenih-taren. Ethone sahonnewe ne raotiohkwa; nok

wahotimehrako tsi tehotihtare ne tsiotionwisen. Iah sane onka teiakawen: Nahoten seriwanontons, oh oni nahoten tesenihtarakwen? Ok he iekatsetaien ne ionkwe naotse, kanatakon niionsakatakhe, nok waakohrorianion ne ienakere, wakenron: Kasene, hetsisewatkahto ne ronkwe, ne wahakrori tsi wakatieranion; iah ken raonha onte ne Kristos nahaiatoten? Taionhtentionko kati, taionwe tsi renteron ne Iesos. Nok ronwaiatanekaronkwennis ne raotiohkwa; rontons: Sewenniio, tesatskahon. Nok wasakawenhase, wahrenron: Wakekhwaien ne takatskahon, niahte sewakhwaienteri. Rontonhakwe kati ne raotiohkwa, tsi tahatihtarakwe: Otiake kati ken naa thonwahawiseron ne tahatskahon? Wasakawenhase Iesos: Ne nii akehwa nahiwenmarakwake ne thakennhaon, nakwa akierite ne raotitensera. Iah ken tesewatons, sekon kaieri niwennitake tsiniiore ienieienthoko? Ok nii katon tsi kwahroris: Tesewatkahkwarisi, nok sewatkahto tsi ienakerenion, iotonnisahannhon naieienthoko. Nene raienthokwas, rotkariaki tsi roiotenhon, ratienitha nahatsennonniate niatekakonte ahronnheke, eh naontawe nene satahiatsennonni ne raienthos nok ne raienthokwas. Tokenske kati tsi nahoten iontonnions nonkwe ne aoriwake: Saiatat raienthos, nok tishaiatate raienthokwas. Ii iekwannhaon naesewaienthokoha, tsimonni iahte sewaiotenhon; tihatite thotiiotenhon, nok raotiiotenserakon eh ionsesewataweiaton. Iso ne Samarihronon, ok etho tkanataien tienakerekwe, taiakawehtakwe ne raonhake, tsini kaierhakwe ne ionkwe ne kariwahniratstakwe, tsi watonhakwe: Akwekon rakerihotasienni tsi ok niwakatieranion tsinahe. Nok sahonnawe ne rononha Samarihronon tsi renteron Iesos, wahonwaneken

ahenterontake tsi ratinakere. Tewenniserake kati nikariwes etho iehenterontakwe. Nok senha nonwa eso taiakawehtakwe, nonen sahonwawennahronke. Nok skonwennihakwe ne tsiiothonwisen: Iah nonwa satroriatserake teioriwake tsi tionkwehtakwen; aseken nonwa ii ionkwatonte, nok ionkwatierentare tsi tokenske raonha sesakoskontakohe nonkwe okon.

Entakta.

SAN, VIII, I-II.

Ethone Iesos ch warete tsi tiononte Orif. Tsi waorhene orhonketsi, are sahatatiteronhna onon-satokentike, nok nonkwe okon wahonwaiatorenne; nok wahatien, sakorihonniennihakwe. Nok ne ratiations oni ne Farisien nihatiatotens wakonwaiatewe tsiiothonwisen, neh ne kanakwaiesatserakon konwaiena, nok thatinihoken watkonwastate, nok wahonwenhase Iesos, wahoniron: Takwarihonniennis, ne neh ken tsiiothonwisen akwa her konwakennion kariwanerahakserakon. Kaianerenserakon ki wasonkwannhane Mois nethoni iakotieren naiontatenenhioiake. Nahoten kati nise saton? Tsi ne rontonhakwe, ne ok ne ronnehakwe asakwatanientense, nahatikweniescke nahonwariwarho. Ok tenhnon ne Iesos wathatsakete, nok rasnonsake wahaiaton okenrake. Nok tsi ok onen tsiniot ronwariwanontonnis, sahatakwarisi, wasakawenhase, wahrenron: Onka tsinitson niah othonon tehoriwanagerahakseraien, neh thatierent iahanenhionti. Nok are tonsahatsakete, sahaiatonnion nokenrake. Nee kati sahonwawennahronke, sahatiatiatsonha sahatiia-

kenne, nee tahontierentonhatie ne senha rotikstenha, nok raonhaa Iesos sahotatenre, nok ne tsiathonwisen etho katakwe. Tontahatiatakwarisi Iesos, nok wahrenhase, wahrenron: Tsiathonwisen, kanon thatiteron ne iesariwarhoskwe? iah ken onka teiesariwenton? Takenron: Iah onka, Sewenniio. Tontahenron kati Iesos: Iah oni nii takonriwente; was, nok onen tosa nonwenton saseriwanerak.

Kaierihaton Niiohne tsi Iakawentontietietha kowa.

SAN, VI, 1-15.

Ethone wathaiiaike Iesos tsi kaniatare Kari-rehne, ne Tiberiat konwaiats: nok kentiohkowanen wahonwasere, aseken iontkahtoskwe ne ioriwanehrakwatanions tsini sakoierasehakwe ne iakononwaktanionni. Onontoharake kati niahare Iesos, nok eh iahatien nok oni ne raotiohkwa. Onen toha tsi iakahewe ne raonentanoron Sitchronon, Paska konwaiats tsini wentoten. Ethone wathakahkwarisi Iesos, nok wahatkahto tsini iotiohkwatanit karo nontaiakawenontonhatie tsi renteron, wahawenhase ne Firip: Kanonwe ientewanatarahninon, ne tahontskahon ne ken ratiteron? Ne ok aoriwa ne ratonhakwe nahotenientense; aseken roterientarakwe tsi nenhaiere. Tontahenron ne Firip: Tekeni tewenniawe tsini tewawistoten aetewanatarahninonte, iahta kakweni ne ok oni ostonha aiontatenonte ne tsionkwe-tatson. Tahatati saiatat ne raotiohkwa, Antre ronwaiats, nene hiatatekenha ne Simon Tier. wahrenron: Kento ires saiatat ne raksaa, roien wisk nikanatarake teiotikonstonhres nikanataro-

ten, nok tekentsiake; nahoten kati nemnee kasta, tsini kentiohkwa? Sahenron kati Iesos: Ietsih-
 rori nakwekon iontien nohontakeson, aseken
 akwa iothontonnihne netho nonwe. Eh kati naha
 tiere; toha wisk niwenniawetserashen tsiniho-
 titiohkwa, ne ok ne rononhaa rotiskenrakehte.
 Watrakwe kati ne Iesos ne kanatarok okonha;
 nok sathononweraton (ne Rawennio), wasakoiak-
 honhase tsiniakon ne ieterontakwe, etho oni
 nahaiere ne kentsionk okonha aoriwake, wasako-
 nonte tsinikon teiakotonwentsioni. Nonen kati
 saakohtane, wasakawenhase ne raotiohkwa: Sa-
 sewarorok, wahrenron, tsinikon iakohkwiion, tosa
 othenon akaiesha. Sahatiroroke kati, nok waha-
 tinane tekeni iawenre niwatherake ne iotkweta-
 ron okonha ne wisk nikanatarake teiotikonston-
 rhes nikanatarotens, ne iakotatenrase tsiniakon
 watiakotskahon. Tsi wahontkahto ne ken ro-
 natkennison tsini ioriwanehrakwat tsi nahaiere
 ne Iesos, wahoniron: Tokenske ne kenhiken ne
 rotokense, ne kariwison naonthare nonwentsiake.
 Nok sahotokense ne Iesos tsi tahonnetane tahon-
 waiatakwe nok ahonwanontiioste, sahateko are
 onontoharake iahatekwashen raonhatsiwa.

Awententaonke.

SAN, II, 13-25.

Onen toha tsi iakahewe ne raonentanoron ne
 Sitaehronon, ne Paska konwanatonkwa, Sirisare
 niionsare Iesos; nok wasakoiatatsenri ononsato-
 kentike ronatenaskwatkeronton tionnhonskwa-
 ron, teiotinakarontonha, orite, etho oni ratits-
 kwaronnions tehontatwistawis. Ok iawet ienon-

warehestha wahakwironniate ne kenniwaseriies-
 tha, nok akwekon sasakotekwate nononsatoken-
 tike, oni ne raotitsenen okon teiotinakarontonha,
 nok tionnhonskwaron; nok ne tehontatwistawis
 wahawerontho raotiwista, nok wahakarhathose-
 ron ne raonatekwarak. Nok wasakawenhase ne
 orite ronatenaskwatkerontakwe, wahrenron: He-
 ren sewahawit neh ne ken ne kenh nonwe, tosa
 ne iontenhminontha aetsionniate ne Rakeniha tsi
 rononsote. Ethone sahonnehiarane ne raotioh-
 kwa tsi kaiaton, waton: Tsini wakaskennhen
 tsi sanonsote, ne iawet iwaks tsi konnhe. Ta-
 hontati ne Sitaehronon, wahoniron: Oh nahoten
 aiakwatokatakwe naesakweniatseraientake neh
 nasiere? Tontasakowennaweron Iesos, wahren-
 ron: Sasewanonsarisi ne ken kanonsote, nok
 ashen nenwata enskenonsisa. Tontahoniron ne
 Sitachronon: Kaieri nioserashen iaiak iawenre
 niiekanonsison ne ken kanonsote, ise kati ken
 ashen ok nenwata ensesenonsisa? Ne se ne
 raonha rentonhakwe ne raoieronta, iawet tsiniot
 ne kanonsa akenhake. Nok ohnaken, nonen soñ-
 sahatonnhete, sahonnehiarane ne raotiohkwa, tsi
 ne rentonhakwe, nok tahonnehtakwe tsini kai-
 aton, nok oni tsini thotati ne Iesos. Tsinahe ieres
 Iesos Sirisarehne, onen tsi iakahawe ne wenta-
 noron Paska, kentiohkowanen watiakawehtakon
 ne raosennakon, ne tsi waontkahto ne ioriwaneh-
 rakwatanions tsini haierhakwe. Ok ne raonha
 Iesos tesakonikonhraraskwe, aseken sakoiente-
 rihne akwekon, iah oni tateiotonwentsiohonne
 ahonwatokaten tsini ieiatotens nonkwe; aseken
 roterientare ne raonha tsi nahoten iwat nakawe-
 riane nonkwe.

Ratironhiakehrononke.

SAN, VII, 14-31.

Ethone, ashennen tsi kahawis tsi iawentatoken-ton, wahataweiate Iesos ononsatokentike, nok sakorihonniennihakwe. Nok rotinehrakwaskwe Sitaehronon, rontonhakwe: Ohniiot tsi raiaton-seraienti, iah se tehoteweienston? Tontasakowennaweron Iesos, wahrenron: Tsi nahoten kerihonniennis, iah iihne tetioientakon, eh tenhnon nonkati tioientakon tsinonkati ne thakennhaon. Tokat kaneka ahrrerheke aontahinikonhraieritse-ke ne Rawennii, enhotokense ne aoriwake tsi kerihonniennis, Rawenniioke ken nitiawenon, tokat ken okti tkennontons nii tsi waktare. Ne nokti thennontons tsi rohtare, ne resaks raonha raorensarontsera; nok ne resaks raorensarontsera ne thonnhaon, neh noriwiio tsi rohtare, iahte kaien raonhake ne iahte tkariwaiieri. Iah ken tetsisewaiianerenserawi ne Mois? nok sane iah onha tsinitision teieriwaiierits ne kaianerensera. Nahoten takwaiatisaktha naskwario? Tahontati ne ronatonte, wahoniron: Satkonseraien; onka iesaiatisaktha naiesario? Tontahatati Iesos, nok wahrenron: Tsioriwat tsini wakieren (ronkwe shitsienton awentatokentike), nok sewakwekon tisewatonne. Ne aoriwa katon, Mois hetsisewawi ne iontatewarakwetarons, (iah sane akwa ne Moisne tetioientakon, ne tenhnon tsinonkati ne kanisera). Sewakwenies kati akwa awentatokentike hetsisewarakwetarons ne ronkwe. Tokat nonwa ratewarakwetarons ne ronkwe awentatokentike, ne tosa aonsontewate ne Mois raoianerensera, nahoten aoriwa takwanakwase, ne ronkwe raiatakwekon shitsienton nawentatoken-

tike? Tosa ne tesewaiatoretak tsiniiot tsi kaieronni, ne ki tesewaiatoretak tsini tkariwaieri. Rontonhakwe kati notiake Sirisarchronon: Iah ken neh teken ne ratiriwisaks nahonwario? Onen tenhnon nonwa tehatikanere akwekon tsi rohtare, nok iah othenon tehonwenni. Onen kati ken rotiriwaientereron ne ratiatakwennios tsi tokenske raonha ne Kristos? Nok ionkwatierentare nennee tsini thawenon; ken kaen ne Kristos, kawennio enrawe, iah onka teiakoterientare karon thare. Ethone wahatewennakwisron Iesos tsi sakorihonniennis ononsatokentike, nok wahrenon: Takwaienteri, sewatierentare oni tsini tewakenon; nok iah okti tewakennontonhon teken tsi tewakenon, nok ki tenhnon iahte hanikonhrapha ne thakennhaon, neneh iahtetsisewaienteri. Rienteri nii, aseken raonhake tewakientakon, nok raonha thakennhaon. Ratiriwisakskwe kati nahonwaiena, nok iah onka ken tiiehonwaieren, aseken arekho tehotenniserihewi. Eso ok eken, ne tsini kentiohkwa ietaraientakwe, wahontonta-te tsinahaia toten.

Sosehne.

SAN, IX, 1-38.

Tsi ire ne Iesos, etho wahoken ne ronkwe ok sateharonwekon sahennakerate. Wahonwariwanontonse ne raotiohkwa, wahrenon: Takwarihonniennis, onka iakoriwaneren, ken hiken, katon ken ne ronwaienha, ne tsi ok sateharonwekon tsi ronakeraton? Tontahenron ne Iesos: Iah ne raonha tehorowaneren, iah oni ne ronwaienha; ne ki tenhnon netho naontawe wehne aonton

raonhake tsini hatieranions ne Niio. Ioteriwi-
 son nahiiotense ne thakennhaon. iotieseon ok se-
 kon wente: onwa tsi ok entiokarawe, tsinonwe
 ne jah onka taonsaiekweni naiakoioten. Tsini
 kariwes ikes nonwentsiake, tekheswathetennis
 nonkwe okon. Saharihokten, wahonitskeronti
 nonwentsiake, ok nene raotskeri wahanawatston-
 ni, nok wahanawatstarhoseron rakahrake. Nok
 wahawenhase: Was, satatiatohareha tsi iohna-
 werote Siroe konwaiats, (nene sakat aiairon:
 Tewatennieton). Eh kati niahare, wahatatiato-
 hare, nok tonthare, wahaken. Ne aoriwa ne te-
 honnonsanekhaon, nok oni ne niare ronwaken-
 ne, aseken tehatsariteskwe, waironnion: Iah
 ken ne teken ne thentskwarakwe nok tehatsari-
 teskwe? Otiake iontonhakwe: Neh se onte. Ok
 notiake iontonhakwe: Iahten wahi, ok eken ne
 teshiatieren. Ok ne raonha ratonhakwe: li
 wahi ne ken. Ronwariwanontonniskwe kati:
 Ohni iawenhon tsi tiesatkahkwarision? Tahen-
 ron: Nene ronkwe, ne Iesos ronwaiats, wahan-
 watstonni, ok wahanawatstarho ne kkarhake.
 nok wahrenron: Was, tsi iontawenstha Siroe ia-
 hase, nok satatiatohareha. Etho kati iewakenon,
 nok wakatatiatohare, nok ikkens. Tontahonwa-
 riwanontonse: Ka nires nene ronkwe? Tahen-
 ron: Iahte wakaterientare. Iahonwaiatenhawe
 ne teharonwakonne tsi thatiteron ne Farisien ni-
 hatiiatotens. Iawentatokenton se kenhne netho-
 ne sahanawatstonni ne Iesos, tsatonsahokahkwa-
 risi. Sekon kati sahonwariwanontonse ne Fari-
 sien nihatiiatotens, ohniawenhon tsi teshoron-
 weksion. Wasakohrori kati, wahrenron: Waha-
 nawatstarho ne kkarhake, nok wakatatiatohare,
 nok ikkens. Otiake kati ne Farisien iontonha-
 kwe: Iah onte Rawenniioke tethawenon ne ron-

kwe, ne tsi iahte hariwaierits niawentatokenon. Otiake ok eken iontonhakwe: Aonton ken ne roriwanerahakskon nahakweni netho nahaiere tsini ioriwanehrakwat? Iah kati sahotionhrat tekenhne ne aoriwake. Sekon kati sahonwenhase ne teharonwekonne: Oh nise nisarihoten ne raoriwake ne tehiaronweksion? Tontahariwaserako: Rotokense. Nok tenhnon wahontennowente ne Sitaehronon ne raoriwake tsi teharonwekonne, nok tsi ne sahaiatat nonwa shaken, tsiniore iasakotihnonke ne ronwaienha nonwa shakenhakwe. Wasakotiriwanontonse kati, wahniron: Ne ken kenhiken hetsiseniienha, nene tsiaton ok sateharonwekon sahennakerate? Oh kati niawenhon tsi nonwa shaken? Tontahiatati ne ronwaienha, wahniron: Ionkiaterientare tsi neh sakeniienha, nok tsi ok sateharonwekon sahennakerate. Ken kaien oh niawenhon tsi nonwa shaken, iahte ionkiaterientare; nok oni onka iateshoronweksion, iah nii nenne teionkiaterientare; raonha hetsisewariwanontons: onen eso tehaoseriiaakon, raonha thatrori ne nakwa raonha raoriwake. Ne waonni etho nahniere ne ronwaienha tsi tahiatati, ne tsi sakotitsaniskwe ne Sitaehronon; onen se tsi rotiriwisonhonne ne Sitaehronon, tokat onka eniairon ne raoriwake: tokenske neh ne ken Kristos, ok sa ok ensesakotiiatinekenwe tsi ionterennaientakwa. Ne aoriwa wahniron ne ronwaienha: Aseken iatekaieri tsina tehaoseriiaakon, raonha hetsisewariwanontons. Ionsahonwennonke kati, ne tekenihatton, ne ronkwe teharonwekonne, nok wahnwenhase: Tetsenonweraton ne Niio. Ionkwatierientare nii tsi roriwanerahakskon ne thohiken ronkwe. Nok tontasakawenhase, wahniron: Iah nii tewakaterientare nahoriwanerahakskon; tsioriwat ki tenhnon wa-

katerientare, ne tsi tekeronwekonne, nok nonwa wakken. Tontahonwariwanontonse: Oh kati nihiaieren? Oh niit tsi tehiaronweksion? Tontahenron: Onen se kwahrori, nok sewatonte; nahoten sekon isewehre naiakwatonteke? Katon ken nise oni isewehre aiakwatiataren ne raotiohkwake? Kariwaksenskwe okon tontahonwenhase, tontahoniron: Ise niha tsiatarak ne raotiohkwake; ii tenhnon nene Mois raotiohkwake iakwaiaatare. Ionkwatierientare tsi Niio rowennarahon ne Mois; nok ne ken kaien iahte ionkwatierientare ka nithawenon. Tontahatati ne ronkwe, wahrenron: Ionehrakwat wahi tsi iahte sewatierientare ka nithawenon, raonha se tenhnon teshakeronweksion. Ionkwatierientare wahi tsi iahte sakotahonsatatis ne Niio niakoriwanerahakskon; nok tenhnon ne rosennaiens ne Niio, rowennaierits oni, neh rowennarakwa. Tsinahe tsi ionwentsiate iah nonwenton teiakohronken ne ronkwe tasakoronweksion nok sateieronwekon nonkwe saonton. Niah kati ne Rawenniooke taontahawenon ne kenh, iah ki othenon tahariwakweni neh nahaiera. Tontahonwawennaweron, wahoniron: Tsiatakwekon kariwanerahakserakon onkwe satonhon, nok isehre akherihonien? Atste kati tontahonwaiatonti. Wahariwahronke Iesos tsi atste tethonwaiatontion; kawennio kati sahoiatatsenri, wahawenhase: Tisehtakon ken nise raonhake ne Niio Roienha? Tontahenron ne ronkwe: Onka neneh, Sewennio, naontakehtake raonhake? Tontahenron ne Iesos: Wahetsken wahi, nok neh nonwa tesenihtare, ne akwa raonha. Tahenron ne ronkwe: Tewakehtakon, Sewennio. Nok wahatiskwentaren, wahowenniooste.

Okaristiahne.

RUK, VII, 11-16.

Ethone eh ware Iesos tsi tkanataien Naim konwaiats, ronne ne raotiohkwa nok kentiohkowanen nonkwe. Onen toha tsi iaharawe tsi kannhokaronte nehnon tkanataien, ontieren ok taichawine ronkwe kenha, ioterehontskor ne roien kenha, ne ok oni enskat iowiraientakwe; kentiohkowanen nehnon tienakere konwahriskontonhatie. Tsiniiot tsi wahatkahto ne Rawenniio, wahatenikonhranhetskate tsinahentenre, wahrenhase, wahrenron: Tosa satstaren. Nok akta niahare, ken oni niahaiere tsi ierontotseraratie. Nok wathatitane ne ratirontotserenhawi. Nok wahrenron: Senekenteron, ii wakonhrori, satketstko. Tahatketsko ki ne rawenheionne, nok tahatasawen wahatati. Nok (ne Iesos) sahawiron ne ronistenha. Akwekon kati ok taiontonneke; nok tehonwanonweratonsionskwe ne Rawenniio, iontonhakwe: Oriwiiio tsi rotokense kowa nahoketote nonkwentiohkwa-kon, nok wasakotkensera ne Niio ne raotiohkwa.

Ronwaiatanentaktonne.

SAN, XI, 1-45.

Ethone saiatat rononwaktanihakwe, Rasar ronwaiatskwe, Bethani nonwe thanakerekwe, tsi tionatenatakwenrare ne Wari nok Wartha, kiaten-nosenha. Ne sakaiatat Wari ne wenhienakhon wenhienanoron raokhakwe ne Rawenniio, nok ok ne aononkwis tsiorakewatonne ne rasi take; nok aonha hiatennosenha ne Rasar rononwaktaniha-

kwe. Iatiateriwaniete kati ne rontennosenha tsi
 itres (Iesos) nahonwahrوريا, naiairon: Se-
 wenniio, rononwaktani n'hetsenoronkwa. Saha-
 riwahronke ne Iesos, wasakawenhase, wahrenron:
 Iah ki neneh teiakoriohtha neh nikanroten, ne
 ok tenhnon ne Niio raosennaientak aoriwake, eh
 naontawe nahonwasennowanate ne Niio Roienha.
 Sakonoronkwakwe wahi Iesos ne Wartha nok ne
 kiatatekenha Wari, oni ne Rasar. Kawenniio
 kati wahahronke tsi rononwaktani, sekon tewen-
 niserake watoken shenterontakwe. Ethone onen
 wasakawenhase ne raotiohkwa: Ietsitewet Si-
 taehrononke. Tahoniron ne raotiohkwa: Takwa-
 wenniio, onwarh iesaiatisakhonhatieskwe ne Si-
 taehronon naiesanenhioiake, onen kati ok are eh
 iensese? Tontahenron ne Iesos: Iah ken tekeni
 iawenre tekawistaheks ne sewenniserat? Onka
 entiekehne enhahtenti, iahtahositiake, aseken te-
 hakanere tsi teioswathe tsi ionwentsiate; nok
 tokat asonthenne ahahtenti, enhositiake, aseken
 iahta teioswathe raonhakon. Etho nahaiere, nok
 wasakohrori, wahrenron: Rotas nonkwatenro
 Rasar; nok etho wake naonsahiiete. Wahoni-
 ron ne raotiohkwa: Sewenniio, tokat rotas, en-
 shaton. Neh se rentonhakwe Ieso's ne tsi rawen-
 heion; ok ne rononha ronnehakwe, ne ken wa-
 henton noserenta tsi iakotas nonkwe. Ethone
 kati akwah wasakohrori ne Iesos, iahte sesako-
 riwasetenni, wahrenron: Rasar rawenheion; nok
 wakatsennonni nise sewariwake, tsi iahtiiekite-
 rontakwe, etho naontawe naontesewehtakonhake.
 Eh kati ietewe tsi thaiatat. Ethone n'Atonwa,
 Didim ronwanatonkwa, wasakawenhase ne ron-
 tenro, wahrenron: Eh niha ietewe oni nii, ne sa-
 taetewenheie ne raonha. Iaharawe kati ne Iesos,
 nok wahatsenri onen kaieri nonta si thonwaiata-

ten. Wisk iawenre niwateniententserake tsina-
tekiaterekwe ne Bethani tenhnon ne Sirisare.
Nok kentiohkowanen ne Sitaehronon etho ieho-
tihne tsi tkeniteron ne Wartha nok ne Wari,
konwatinikonhrahnrathe, raoriwake ne ronten-
nosenkenha. Akwa ne ok wakariwahronke ne
Wartha tsi thare ne Iesos, ok sa ok wathotera-
tana; nok ne Wari kanonskon tekentskwahere.
Wahawenhase kati Wartha ne Iesos, wakenron:
Sewenniio, kento ens aseseke, iah naa tahawen-
heion nonkiatennosenkenha. Nok ki tenhnon
wakaterientare, ok oni nonwa, tsi ok nahoten
atseneken ne Niio, enthion ne Niio. Tontahen-
ron ne Iesos: Enshatonnhete ne tsiatennosenha.
Tontakenron ne Wartha: Wakaterientare tsi
enshatonnhete, nonen entsiontonnhete, neh nonen
ohnaken tsi tewenniseronte. Tontahenron ne Ie-
sos: Ii wahi sekheionnhetha, ii oni kheionnhetha;
kaneka thawehtakwen iike, nok oni aha-
wenheion, enhronnheke: nok onka ki ok ne ia-
konnhe nok tiakawehtakwen iike, iah nonwenton
tiiaontkontakwe neniaiheie. Tisehtakon ken ne-
neh? Tontakenron: Tokenske, Sewenniio, te-
wakehtakwen tsi ise Kristos, Hiaienha ne Niio
ronnhe onwe, ne ken onwentsiake tisenonton.
Waharihokten, nok eren sawete, otasetonke saio-
nonksa ne kiatatekenha Wari, wakenron: Ken
itres ne Rawenniio, nok thiennonks. Akwa ne
ok onhronke, ok sa ok tontakatane, nok tahoia-
tisakha. Aseken arekho tsi iehero Iesos tsi tio-
natakwenrare; sekon eh ireskwe tsinon nateho-
teratanonne ne Wartha. Ken kaien ne Sitaehro-
non, ne kanonskon ronataweiatonne konwani-
konhrahnratskwe, tsi wahontkwahto tsini iosno-
re tsi watkatane ne Wari, nok tsi iakaiakenne,
wakonwasere, nok wahoniron: Eh se wahe tsi

thaiatat, watewasenthosere. Nok tsi iaonwe ne Wari tsi itres ne Iesos, sahoken oni, ontiskwentaren rasiakta, nok wahawenhase, wakenron: Sewenniio, ken asiterontake, iah se tahawenheion nonkiatennosenkenha. Ok ne Iesos, tsi wahaken tewasenthos, oni ne Sitachronon ronnene tehonsenthos, wahonikonhrontawete, nok wahonikonhrakararen. Nok wahrenron: Ka nonwe nisewaien? Tontahoniron: Sewenniio, kats, nok satkahto. Nok wahatstaren ne Iesos. Ne waonni wahoniron ne Sitachronon: Sewatkahto tsini honoronkwakwe. Nok otiake iontonhakwe: Ne kenhiken, teshoronweksion nene sahennakerate teharonwekonne, iah kati onte ken tahokwenion ne tosa ahawenheion ne ken ronkwe? Sekon are ne Iesos sahonikonhrontawete, eh warete tsi thaiatat. Kahrarakonne notstenrokon, nok onenhia kanontektonne. Wahrenron ne Iesos: Sewanenhiairako. Ok ne Wartha, ne hiatennosenkenha ne rawenheion, wahawenhase, wakenron: Sewenniio, onen ne kenh wakeras, aseken onen kaieri nonta eh si haiatat. Tontahenron ne Iesos: Iah ken tekonhrori, entisehtakonhake, ensatkahto tsini hoiatanehrakwat ne Niio? Wahatinnenhiarako kati. Nok ne Iesos ehneken iahatkahto, nok wahrenron: Rakeni, tekonnnonwera-ton tsi takwatontati. Wakaterientarakwe sane tsi tiotkon takewennarakwa: ne ki ne akoriwake ne ken ietaraen tsi ne katon, eh naontawe aiontontate tsi ise teskennhaon. Nok sahawennentane, wahatewennaientonwe, wathohenrete: Rasar, tontatsiakenn. Lokontatie tontahaiakenne ne rawenheionne, tehasitaneren, tehanensteren oni, kannheks okonha ronwanerenstonne, nok oniataraa karhorokton ne rakonsake. Wasakawenhase Iesos, wahrenron: Hetsisewanerensi, nok tetsise-

watka naonsahreseke. Ne se waonni kentiohkowanen ne Sitaehronon, tesakotinatarenawihne ne Wari nok Wartha, nok ronatkahonne tsi nahaie-re ne Iesos, thonehtakwen raonhake.

Entakta.

SAN, VIII, 12-20.

Ethone wasakotati Iesos kentiohkowanen ne Sitaehronon, wahrenon: Ii akoswathetatsera nonwentsiakwekon; nene raknonteraties, iah asatakon thires, ok eken enhoientane ne taioswatheke tsi ronhe. Ethone wahonwenhase ne Farisien nihatiitatotens, wahoniron: Ok ise tisateriwahnirati; iah kati teoriwiiio ne sariwahniratsera. Tontahatati Iesos, wahrenon: Sahetho tsi ok tikatateriwahnirati, oriwiiio naa nakeriwahniratsera, aseken wakaterientare tsini tewakenon, nok tsini iaonkwenonhatie; ok nise iahte sewaterientare kanon take nok kanon wake. Tsi ki niorihoten nowaronk, neh nise tesewaiatoretha, nok nii iah onka tatekheiatoretha; nok ki sane ne takiatorete, tkariwaiieri ki nakiatoretatsera, aseken iah akonhaa teken; ne tenhnon ii, nok ne Rakeniha ne thakennhaon, teiakenihase. Ethoni kaieren tsi kaiaton ne sewaianerensera, ne teionkwetake ne sakat aontahiatrori, oriwiiio iotonhon ne raotiriwahniratsera. Ii katateriwahnirati; nok ne Rakeniha ne thakennhaon rakeriwahnirati oni neneh. Nok rontonhakwe: Ka nihenteron ne Hianiha? Iesos tontahariwaserako: Iahte sewaterientare onka nii, iah oni ne Rakeniha; aseken naskwaienteri, ioriwentaon atsisewaienteri oni ne Rakeniha. Ethonikon thotati ne Iesos,

tsi iewistarorokstha nonwe, ononsatokentike tsi sakorihonniennihakwe; iah ki tenhnon onka tehonwaiena, ne tsi arekho tehotenniserihewi.

Niiohne, Iesos Raoronhiakensera awennisera.

SAN, VIII, 46-59.

Ethone wasakawenhase Iesos ne Sitaehronon, wahrenron: Onka tsinitcion aiekweni naionkeriwarho ne kariwaneren? Tokat oriwiio tsini kwahroris, ohniiotiieren tsi iahta teskwehtakwa? Kaneka ne Nioke thoientakon, ratahonsatats ki ne Niio raowenna. Ne kati aoriwa nise iahte sewatahonsatats, aseken iah Nioke tetsisewaientakon. Tontahontati ne Sitaehronon, wahoniron: Iah ken naa tetionkwariwaieriton tsi ionkwen. Samarihronon nasiatoten, nok satkonseraien? Tontahenron ne Iesos: Iahte wakatkonseraien: rikonnienstha tenhnon ne Rakeniha. ok nise takwariwakenhronni. Iah nii tekesaks nii akiatanehrakwatsera; tihaiatate neh ne ahresake, nok tahaiatorete. Oriwiio, oriwiio tsi kwahroris, kaneka enhateweienton nakewenna, iahtahatkahto ne kenheion tsinenwe. Wahoniron kati ne Sitaehronon: Onen nonwa oriwiio waakionni tsi satkonseraien. Abraham rawenheion, rotitokensehakwe oni; ok nise saton: Kaneka enhateweienton nekewenna. iahtahaienterhane ne kenheion tsinenwe. Senha ken ise tsiatanoron tsiniiot ne sakwaniha Abraham rawenheion? rotitokensehakwe oni ne roneneion? Onka kati ne ken nise satatonnis? Tontahariwaserako Iesos, wahrenron: Tokat nonwa ii akatatiatanehrakwatete, iah othenon teken nakiatanehrakwatsera;

Rakeniha se rakiatanehrakwatha, neh ne sewatons ii Sonkwawenniio Niio. Iah se sane tetsisewaienterehon, nok tenhnon ii riienteri; nok nakiron, iahte hiienteri, aonsonkwaieren, aonkenowenton. Riienteri ki, kateweientons oni ne raowenna. Abraham hetsisewaniha rotonnhahe-re, tsinahoskanekon nahatkahto nakwennisera; rotkahton, nok rotsennonnihon. Tontahoniron Sitaehronon: Arekho wisk tesoserashen, nok hetsken Abraham? Tontasakawenhase Iesos: Oriwiiio, oriwiiio tsi kwahroris, ohenton sahren-nakerate n'Abraham, tsi kenakere. Ethone wathatinenhiakwanion nahonwaiente; nok tenhnon ne Iesos wahatatasete, tontahaiakenne non-satokentike.

Awententaonke.

SAN, VII, 32-39.

Ethone ne ratiitakweniios oni ne Farisien nahatiatoten, wasakotinnhane ne raotinnhatsera nahonwaiena Iesos. Nok ne Iesos wasakawenhase, wahrenron: Sekon kennikariwesha entewakwekon, nok etho sake tsi thenteron ne thakennhaon. Enskwaiatisake, nok iahtaskwaiatatsenri; nok tsinonwe nenkiterontake, iahtaescwakweni iaesewawe. Tahontatrorianion kati ne Sitaehronon, wahnnonnion: Ka onte niienhenre ne ken hiken, ne tsi iahtatsitewaiatatsenri? Eh onte ken nonkwati niienhenre, tsinon nateiakorenion nonkwe ienakeronnion, nasakorihonnien niate iakaonwentsiake? Nahoten kenton tsi rawen: Enskwaiatisake, nok iahtaskwaiatatsenri; nok tsinonwe nenkiterontake, iahtaescwa-

kwemi niaesewawe? Nok tsi iakahewe neh noli-
naken niwenniserate ne aonhaa wenniseranoron
ne tsi wentanorons, ratakwe Iesos ononsatoken-
tike, nok ratewennakwisronskwe, ratonhakwe:
Kaneka roniatathens, itret tsi kiteron, nok rahne-
kihra. Kaneka thawehtakon iike, tsiniiot tsi
waton noiatonseratokenti, entkaniatarinekenseron
ne raiatakon ne kahnekiio iakaonnhetha. Ne
nennee wahoton ne Rotkon (Roiatatokenti),
nohnaken ensakotienhase tsiniakon entiakaweh-
takon ne raonhake.

Ratironhiakehrononke.

SAN, VII, 1-13.

Ethone Karirehne ireskwe ne Iesos; aseken
iahte hanonweskwewe Sitaehrononke tahatstekafa-
seke, ne tsi ronwaiatisakskwe nahonwario. Onen
toha iaonsakahewe tsini honentanoronse ne Si-
taehronon, ratinatonkwa tsi iakoteniataroton
wentanoron. Wahonwenhase kati ne Iesos ne
rontateken okonha (1), wahoniron: Sasahtenti
ne kento, nok Sitaehrononke iahase, aontiesen-

(1) Ne sakat aiairon: Ne ronrase okonha, ne
sakononkwe. Iah tenhnon tewenton ne tehonten-
nontere ontatekenha; aseken Iesos raonhatsiwa
Niio Roienha, raonhatsiwa oni roienha ne Wari,
iah nonwenton tekanakwaienteri. — Iawet ethoni
hatiweiennotenne ne Sitaehronon aiontatenaton
ne ronrase okonha, tsi ki niieweiennoten oni non-
kwe onwe: arens wahi tehiatatenatonkwa ne hia-
raseha, *tiateken*, iah sane akwa tokenske teken.

hake ahontkahto oni nennce ne sentiohkwa tsini satieranion; iah se onka teiakotasetonhaties tsi iakoiotaties, niienhre akatotasi; tsi ehnsierha, satotasi ki tsi ionkwehne. Aseken ne rontateken sonha iah oni nennce tethonwehtakwenne. Ton-tasakawenhase ne Iesos, wahrenron: Arekho teio nakwennisera; ok tenhnon nise sewawennisera tiotkon kaweienntaon. Iah nise taiekweni non-kwe naietsiswen; ok nii ionkswens, aseken ii ori-wiio kheionniennis tsi kariwaksen tsini iakoieren-hatie. Ise niha eh iaasewe nonwa eniakawenta-tokentase; iah nii nonwa eh tiiake, aseken arek-ho tewakatenniserihewi. Sahawennentane ne wa-sakohrori, ok iehenteron Karirehne. Ok tenh-non onen tsi ronahtention ne rontateken okonha, ethone ne raonha wahahtenti, eh warete ne tsi eniakawentatokentase, iah ki tenhnon wehne te-kenhatie, ok tsiniiot notasetonke. Nok ronwaii-tisakskwe ne Sitaehronon, ethone tsi iawentato-kentonne, rontonhakwe: Kah nires? Nok eso iakotsarokwatonne ne raoriwake ne kanenhrakon. Otiake se iontonhakwe: Thoriwaieri; nok otia-ke iontonhakwe: Iahten, ok eken sakonikonhra-tennis nonkwe sonha. Iah sane onka wehne teiakohtarakwe, ne tsi ronwatitsaniskwe ne Si-taehronon.

Sosehne.

SAN, X, 22-38.

Ethone are sontontanoronne Sirisarehne ne n'Ononsatokenti awentawen; koserake kenhne. Nok ireskwe ne Iesos tsi waskwennontakwe no-nonsatokenti, nene Salomon raoskwenna ratina-

tonkwa. Eh kati wathonwanenhronni ne Sitaehronon, nok wahonwenhase: To nenwe tenskwa-terientaren? Tokat ise akenhake ne Kristos, takwahreri onen, akwa seriwatokenst. Tontasakowennaweron Iesos, wahrenron: Kwahroris tsi waktare, nok iahte tisewehtakwen? Tsini katie-ranions raosennakon ne Rakeniha, ne wakeri-wahnirati. Ne waonni iahte tisewehtakwen, ne tsi iah ise teken naketsenen okon teiotinakaron-tonha. Konhronkas naketsenen nakewenna; khe-ienteris oni nii, nok nononha ionkenonteraties. Nok nii neh kheiwis naiakonnheke iatekakonte, iah nonwenton takontkaronni⁴ tsinenwe, iah oni onka taionkekwa tsi kheienawakon. Tsi nahoten rakwawi ne Rakeniha, akwekon iotohetstenni tsi kanakere ne kanoron; iah oni onka taiekweni nahonwakwa, ne rasnonsake rahawe ne Rakeniha. Ii tenhnon ne Rakeniha, akwa saiatat ok neh ken, teiakenihase. Ethone ne Sitaehronon wathatinenhiakwe nahonwanenhioiake. Tontasakowennaweron Iesos, wahrenron: Iawetowanen ne kariwiose kwanatonni, Rakenihneha nitionenon; ka kati nikaien aonkstonte naskwanenhioiake? Tontahatiriwaserako ne Sitaehronon, wahoniron: Iah ne tesastonts nakwanenhiohiake ne kariwio tsini saieren, ne tenhnon aoriwa tsi hetse-sennaiesatha ne Rawenniio, nok tsi Niio sataton-nis, onkwe se nasiatoten. Tontahenron ne Iesos: Iah ken tekaiaton sewaianerenserake, (*Rawenniio rohtare*) waken: iawet Niios nisewaiatots? Tokat nonwa Niios iakonatonkwa ne iakoraon Niio raowenna (iah se sane taonton aonsonterisi ne kaiatonseratokenti), senha kati ok neh ne Roniha roiatatokentiston, nok thonnhaon nonwentsiake, hetsisewennis, sewatons: Satiesatha ne Niio raosenna, ne tsi waken: Niio Ra-

kienha? Tokat iah Rakeniha tehoriwa sonha tsi-ni wakierenhatie, takwennowentak ki wahi. Tokat tenhnon neh niwakierenhatie, nok iahtaontas-kwehtakwane nii, tasewehtak niha neh nikaweien-noten; eh naontawe aeseewaterientarane, aontese-wehtakonhake oni tsi ne Rakeniha iike renteron, nok tsi nii raonhake ne Rakeniha kiteron.

Okaristiahne.

RUK, VII, 36-50.

Ethone saiatat ne Farisien nahaiatoten waho-honkaron ne Iesos oseronni tahiatskahon. Iaha-taweiate kati tsi rononsote ne Farisien, nok wa-hatekwaren. Eh oni nonwe kanatakon kanake-rekwe skaiatat ne tsiiothonwisen, ioriwanerahaks-kon meneh; saotokense tsi iahotekwahere rao-nonskon ne Farisien, takatsetenhawi ne wenhie-nanoron, wenhienakhon ikare; ohnaken nonkwa-ti watkatane rasitakta, nok neh naokaseri waho-sitoharete, ok naononkwis tetkarakewatakwe, te-kanoronkwaniionskwe oni rasitake, nok ne wen-hieniio skarhostakwe. Sahatkahto ne Farisien, ne rohonkarawihne Iesos, wahrenron ne raoni-konhrakon: Ne kenh ahotokenseheke, oriwiio ki ahoterientarake onka, oh oni niionkwetoten, ne kenh tsiiothonwisen rotentoriatha; neh se wahi ioriwanerahakskon. Nok ne Iesos tahatati, wahawenhase, wahrenron: Simon, wakeriwaien othenon akonhrori. Nok tahenron: Sewenniio, satrori. Sahenron ne Iesos: Saiatat ne rowis-takatekwe tehniase sakokarotanihue: saiatat wisk tewenniawe nikakwenistake rotkarotakwe, nok saiatat wisk niwashen. Nok tenhnon tetsia-

ron iah othenon tehotiientakwe nahnikariakte: tetsiaron kati wasakaon. Ka kati nikaien ne teh-nihase senha enhonoronkwake? Tontahatati Simon, wahrenron: Kanekhere neh neso rowi. Tontahenron ne Iesos: Tasierite tsi watesiatorete. Ethone ken nahatierate tsinonkati kenteron ne tsiothonwisen, nok wahawenhase ne Simon: Iskens wahi ne kenhiken tsiothonwisen? Sanonskon wakataweiaton, iahte skelnekarani naonkwarasitohareton; ok tenhnon naonha aokaseri wakasitanawentakwa, nok aononkwis skarakewatha. Iahta teskenoronkwanion; ok naonha tsi-nahe tiotaweiaton, iahte iotorisen tsi tekanoronkwaniontons ne kasitake. Iahte sarhoston ne kenhie ne kenontsine; ok naonha neh nakwa wenhienakhon wakasitarhoston. Ne aoriwa wakonhrori, tsi sonterakewe naoriwanerahaksera, sahetho eso ioriwaneren, aseken eso tsi wakanonwene. Onka tenhnon ne tikenha tsi ronwentenre, tikenha tsi ranonwes. Ethone wahrenhase: Sonterakewe ne sariwanerahaksera. Nok tsinihati ne tehontonts wahonironnion raotiinikonhrakon: Onka onte ne kenh, nok oni ne kariwaneren sharakewas? Nok wahrenhase Iesos ne tsiothonwisen: Ne tsi tisehtakon, ne wesaiatatako; was kati, nok skennen tasennontonnion.

Ronwaiatanentaktonne.

SAN, XI, 47-54.

Ethone wahatitsironni ne ratitsihenstakwenios, oni ne Farisien nahatitotens, nok wahoniron: Oh nitewatierha, aseken ne kenh ronkwe eso tsini hatieranions ne ioriwanerakwatanions?

Tokat aetewerheke raweronhatie, akwekon ok enthonwehtakwe; nok enthonne ne Romronon, enionkionwentsiakwa, nok enionkiatahtonte. Saia-tat kati tsinihati, Kaif ronwaiatskwe, neh ratsi-henstowanenne neh tsi kahawi tsi ioseratatie, wasakawenhase, wahrenron: Iah othenon tese-wanikonhraitas, iah oni tatesewaiatoretha tsi ne sewatsennonniatakwa ne saiatat ok ahrenheie ne kanenhrakwekon akoriwake, ne tosa aiontkar-onni nakotiohkwakwekon. Iah se raonha tehotennikonhra tsi ne rawen; ne tenhnon ne tsi ratsihenstatsi kowa kenhne nethone ioserate, tahonnenne tahatrori tsi sakawenheiasere Iesos neh tienakere, iah oni ne ok teken ne neh tienakere, ne ki oni nenskatne asakoiataroroke ne Niio sakoi-en okonha, nokti iateiakorenihonne. Ethone kati wenniserate tiotasawe ne ok tishonnontonnionkwa nahonwario. Ne waonni ne Iesos iah onen akwah tsi ionkwehne tateshatstekafaskwe ne Sitaehrononke; heren kati sarete, karhakta tienakerekwe, Efrem konwaiats tsi thotinataientakwe, eh kati wahontien Iesos nok raotiohkwak

Entakta.

SAN, XII, 10-36.

Ethone ne ratitsihenstakweniios roneron, asakwario oni neneh ne Rasar, ne tsi eso ne Sitaehronon, raonha raoriwake sesakotiiatontieskwe, nok Iesos ronwatontatihakwe. Tsi waorhene iakotiohkowanen, tiakawenontonne naiakawentatoken-tase ne tsi wentanoronsere, waeriwahronke tsi thare Iesos Sirisarehne, wahatikwiriake ne teioteneratakwenonni, nok ontenenhrahtenti wa-

thionwateratana, rontewennaientskwe, ronton-
hakwe: Hosanna (*ne sakat aiairon*: ratensen-
ni), ronwasennaien ne thare raosennakon nê Ra-
wenniio, ronwanontiio Israerronon. Nok ne Ie-
sos wahanaskwatsenri tewahontes owira, neh
wahosaten, tsi ki niot tsi kaiaton: Tosa sahte-
ron, Sion saienha; onen thare ne hianontiio,
tewahontes owira tahose. Iah nethone tehotini-
konhraientaon ne raotiohkwa tsi naawen; tsi ok
niore nonen iahonwasennowanate Iesos, onen sa-
honnehiarane tsi raonha raoriwake tsi ehniot tsi
kaiatonne, nok oni tsi akwa neh tsinahatiere tsini
honwaierasehne. Ronwariwahniratihakwe tsini
kentiohkwa ratikwekonne satontahononkse ne
Rasar tsi thaiatatakwe, nok sonsahraonnhete tsi
rawenheionne. Ne oni aoriwa kentiohkowanen
tahonwateratana. aseken iakohronkanion tsi eh
nihoierenne ne ioriwanehrakwat kowa. Wathon-
tatorianion kati ne Farisien nahatiiatogens, wa-
honiron: Sewatkahtos wahi tsi iah othenon te-
tewatkwenies? onen are ken kaien nonkwe okon
ronwanonteraties. Tsiniakon iakohne, ronwasen-
naiennire ne Niio neh nonwe tsi wentanoronse-
re, ratiatarakwe otiake ne akte nithonenonhne.
Neh kati wahonwaiatorenne ne Firip Karirehne-
ronon, Bethsaida kanatakon nithohtentionne; nok
wahonwaneken, wahoniron: Rawension, ia-
kwaskaneks asakwaken ne Iesos. Sarawe Firip.
Antre sahoorori; nok n'Antre tenhnon Firip
ionsahonwahrori ne Iesos: Tontasakowennawe-
ron kati Iesos, wahenron: Onen iakahewe na-
hatsennowanate ne Onkwe Ronwaienha. Oriwi-
io, oriwiio tsi kwahroris, tokat iahtenkenheion-
sere nonatsia kanen nonwentsiokon iosenhon, ok
aonhaa tenskenhake; nok tokat enkenheie, eso
ki enskanenhontane. Onka ranoronkwa tsi ron-

he, enhohtonse tsi ronnhe; ok ne raswens tsi ronnhe ne kento onwentsiake, ratatiennis nah-ronnheke iatekakonte. Onka rakeriwawase, rak-nonteratie ki; nok kanon nenkeseke, etho oni nonwe enhreseke nakennhatsera. Onka enhak-seronnienniheke, enhoiatanoronste ne Rakeniha. Onen nonwa ioronhiaken nakenikonhra. Oh onte nahoten enkiron? Rakeni, askiatanonstate neh tsi wakatenniserihewire, neh se sane tewakenienton tsi ken tewakenon. Rakeni, tsennowanat ne sasenna. Ok sa ok karonhiake nontawe nowenna, waton: Onen wakatatsennowanaton, nok sekon enskatatsennowanate. Tsiniakon iekenniatakwe, nok iakotonte tsi naawen, waironnion: Wakawere onte wahi. Nok otiake iontonhakwe: Raronhiakehronon wahowennarane. Tontahatati Iesos, wahrenron: Iah ii akeriwake teken tiawenonton nowennatokenti, ise tenhnon sewariwake. Onen ieiohe takonwaiatorete nonwentsia; onen atste enskonwatekwate ne konwakowanen nonwentsiake. Nok nii nonen ehneken enionkiatakaratate, akwekon entkatatiatatihenthose; ne rentonhakwe tsini wenheiontoten enhrenheiate. Nok tontahawenhase nonkwe sonha: Ionkwahrori ne kaianerensera (kaiatonseratokenti) tsi iatekakonte ronnhe ne Kristos; oh kati niiotiieren tsi saton: Ioteriwison tsi ehneken enhonwaiatakaratate n'Onkwe Ronwaienha? Onka kati ne kenh n'Onkwe Ronwaienha? Tontasakawenhase ne Iesos, wahrenron: Sekon kennikariweshase sewaswatheha. Sewesek kati, sekon ok natesewaswathe, tosa aesewaiatannhake ne teitokaras; asen nasatakon iiens iahte iakoterientare ka nieiakawenonhatie. Kawenniio tesewaswathetseraien, tisewehtakonhak tsi teioswathe, netho naontawe sewaienha akenhake ne teioswathe. Ehnikon tahatati Iesos; nok eren sarete, wasakohniakense.

Niiohne tsi Iontatenenton.

WATIO, XXI, 1-9.

Ethone kanatakta tsi iahonnewe ne Sirisare, Iesos tenhnon ne ratikwekonne, iathatitane tsi tkanataien Bethfage, tsi iononte Orif konwaiats; ethone Iesos iasakotori tehniase ne raotiohkwa, wahrenon: Eh iahasene ken ok etho tkanataien, teiotenatokenton tsi seniteron, ok sa ok ense-nitsenri tewahontes hiatatienha hiasharonte; iet-sinerensi, nok ka ietsiiatenhaf tsi kiteron; nok tokat onka ki ok othenon eniairon, enseniron tsi Rawennio neh tehotonwentsioni, nok akwa ok sa ok entkonwanatkawe. Oriwakwekon eh naa-venne, ne iakaierike tsini hoieren ne rotokense-hakwe, tsi rawen: Ietsihrori ne Sion oienha: Ken thare tsi tsiteron ne hianontiio, ronikonh-riio, roshe, ronitskwaratie tewahontes nok ne roienha ne tewahontes ne iohrienakehte. Wa-hiahtenti kati ne tehniase, nok etho nahniiere tsini sakonnhaonne ne Iesos. Tasakotiiatenha ne tewahontes oni ne roienha, raonatiatawit sonha wasakotirase, nok eh tahonwentskwaren. Iotioh-kwatsanit wahatitskaron nohahakeson raonatse-ronniat: nok otiake ratinnhatiakhonskwe tsi karontoton, nok ohahake tehonreniatakwe. Eh oni niot ne iakotiohkowanenhatie iehenteskwe nok oni ne nohnaken thonwanonteratieskwe, ion-tewennaientonnionskwe oni nennee, iontonnions-kwe: Hosanna (*ne sakat aiairon: ratensenni*) ne Taftit roienha! ronwasennaian ne thare rao-semakon ne Rawennio.

Tsini hoiatawenhon Iesos sahonwaiesatanion.

TSINI HOIATON WATIO, XXVI, XXVII.

Ethone wasakawenhase Iesos ne raotiohkwa, wahrenon: Sewaterientare tsi tesewenniserake ok, onen ienskahewe ne wentanoron Paska, nok enhonwatewentete n'Onkwe ronwaienha ne tahonwaientannharen. Ethone wahontkennisa ratitsihenstakweniios oni ne rotiksten okonha, raononskon ne ronwakowanen ne ratitsihenstatsi, Kaif ronwaiatskwe; nok neh wahatitsienhaientakwe ka naontahatiierate tsi ahonwaiena Iesos nok ahonwario. Nok tenhnon rontonhakwe: Tosa ki tsini wentanoron akenhake, onwa sotsi enkariwanakerate kanenrakon. Ethone, Bethani tsi itres Iesos, raononskon ne Simon rotstawis, eh onwe tsi renteron skaiatat ne tsiiothonwisen katsetenhawi, titewenhienahere nakwa wenhienakhon, wenhienanoron oni, nok ranontsine wahowerontase tsi rotekware. Sahontkahto ne raotiohkwa, iahotinehrako, wahnirõn: Nahoten kasta enwaton nikon wakaiesha? Eso se naa iaitaionenon naontenhniinonke, nok iakotent aiontatitenraton. Thoterientare Iesos (tsini hotinikonhroten), wasakawenhase kati, wahrenon: Ohniiotiieren tsi sewariwastani ne kenh tsiiothonwisen? Kariwiiõ se tsinonkwatierase. Aseken tiotkon sewakwekonhaties ne iakotent, ii tenhnon iah tiotkon taetewakwekon. Tsi onkwenhienarho ne kiatake ne wenhienanoron, ioriwaieriton naonkiatata. Oriwiiõ, oriwiiõ tsi kwahroris, ka ok nonwe tsi onwentsiakwekon tenionreniate ne kenh kariwiiõ, enwatroriheke oni tsinaikaie ne kenh, naonsakonwehiarakwennitake. Ethone saiatat ne tekeni iawenre nihati, Sitas

Iskariot ronwanatonkwakwe, iahahtenti, sakoia-tisakha ne ratitsihenstakweniios; nok wasakawenhase, wahrenron: To naskwakariakse, nakwatsiakwarisien? Wahonteriwisa kati ahonhion ashen nikawistashen. Nok ethone tiotasaweraterientisakskwe asakowenniioste tsi ronnhe. Nene sontontenniseratierente tsini ienataraks ne iahte watienkwaton, wahonwaiatorenne ne Iesos ne Ratikwekonne, wahoniron: Kanonni senonwes niakwaseronniana atenniotatseratokenti, ne (nonwa wentanoron) Paska aowenk? Tasakawenhase Iesos, wahrenron: Eh iahasewe kanatakon, saiatat ne ronkwe tsi thenteron, entsisewahrori, ensewenron: Raton ne Rawenniiio: Onen toha iakaierine nakwennisera; ise kati sanonskon nonwa teniakwatskahon nakitiohkwa natenniotatseratokenti Paska aowenk. Eh kati nahatiiere ne raotiohkwa tsini sakonnhaon Iesos, nok wahatiseronni nahontennioten ne Paska. Tsaokarawe wahatekwaren Iesos, wathontonte ne tekeni iawenre Ratikwekonne. Nok tsi tehonatskahonhatie, wasakawenhase Iesos, wahrenron: Akwa tokenske tsi kwahroris, saiatat tsinitson enhakwatewentete. Wahotinikonhraksen nakwa, nok sahatiiatatson tahontasawen wahonwariwanontonse, ronton: Ii kati ken Sewenniiio? Tontahenron: Ne nonwa kenni iakeniierha ne ken watentaraien, neh rakwatewentetane. Nok sane n'Onkwe ronwaienha shahtentionhe, tsini kaia-ton ne raoriwake; rotentasare tenhnnon ne ronkwe nenhotewentete n'Onkwe ronwaienha! Senha aioianerenhon ne tosa ahonakeraton neh ronkwe. Tahatati ne Sitas ne rotenhnnon, wahrenron: Ii onte ken, Sewenniiio? Tahenron ne Iesos: Ne taseriwaierite. Sekon ronatekwara-kwe, wathanatarakwe ne Iesos, wathaterennaien-

hase ne kanatarok, wathaiake, nok wasakaon ne ratikwekonne, tenhnon wahrenron: Tesewak nok isewak: KEN IKEN`NE KIERONKE. Nok oni wathatsetakwe, wathononweraton ne Rawen-niio, nok wasakaon, wahrenron: Sewakwekon neh sewahnekihra: KEN SE IKEN AKENEK-WENSA, aonekwensa noianerenserase, ne eso akoriwake eniotenekwensarise, naonsonterakewate nakoriwanerahaksera. Ne tenhnon wawkwahreri, iah onen taonsaknekihra neh ne kenh onenhare aoik, tsiniore ienwatenniserihewe neh ase entsitewahnekihra raonakeratserakon ne Rakeniha. Tahatirennote norennatokenti, tsi tiononte Orif iahonnete. Ethone wasakawenhase Iesos, wahrenron: Onka ken wasontate sewakwekon ensewatatenikonhrotako nii akeriwake. Aseken waton tsi kaiaton: Enhikonreke ne rannonha, nok okta tenkonreni ne raotsenen okon teiotinatakarontonha. Nok tenhnon nonen ensewakatonnheton, enkwahentete Karirehne niienhenke. Tahatati ne Tier, tahrenron: Ok oni nakwekon ahontatenikonhrotakwaseke nise sariwake, iah ki nii nonwenton takatatenikonhrotakwate. Tontahrenron ne Iesos: Akwa oriwiio wakonhrori, tsi onwa ken wasontate arekho tateniotatike ne kitkit, nok ashen tenskwatonnnhiase. Tontahrenron ne Tier: Ok onte oni ne tenwatonwentsiowe ne sataeteniheie, iah nonwenton takonhiatonnnhiase. Akwekon ok eh nahatiiere ne ratikwekonne. Ethone wahonnete Iesos, oni ne rononha, atenhnenrakon Gethsemani konwanatonkwa; nok wasakawenhase ne ratikwekonne, wahrenron: Ken sewatien, niare isinonni iake, nakaterennaien. Iasakoiatenhawe ne Tier, nok tehniase ne Zebede sakoien okonha; onen ton-tasawen wahonikonhraksen, oni wahariasapon-

wake. Ethone onen wasakohrori, wahrenron: Skanorous aonkeriohte tsini wakenikonhranon-waks; ken kati sewenterontak nok tewatiewateren. Nok isinonha niionshare, watharakwentarane, wahaterennaien, wahrenron: Rakeni, aontonseke, heren aontkwite tsi kiteron ne ken katse (1): ok sane (neh tsini wakiatawensere) tosa tsini kenonwes nii, ise ki tsini senonwes eh-niihohtonhak. Nok eh natontare tsi ratiteron ne ratikwekonne (ashen nihati), nok wahatsenri tsi rotitas; wahawenhase kati ne Tier: Etho ken niiot, iahte sewakwenion enskat aiowistaheke enskatne aetewatiewaterake? Sewatiewateren nok sewaterennaien, ne tosa aeseawasenni ne iakonikonhrotakwatha. *Aseken kasnore nonikonhra, nok ioiatakenheion nowaronk. Sahahtenti sekon tekenihaton, nok wahaterennaien, raton: Rakeni, niahtaontonsere nonwa neren naontohteste ne ken katse niahtaknekihrane, eh ki niiawenn tsi nahoten isehre. Eh are natontare, nok wasakoiatatsenri rotitas; ne tsi wahi wathotikahrakstente. Sasakotkawe, nok sekon sahatohtarho, nok onen ne ashenhaton nahaterennaien, ok ne sakawennat rawenhatie. Ethone onen tontahatkontakwe tsi ratiteron ne ratikwekonne, nok wasakawenhase: Sewentaf onen, nok sewatorisen; onen ieiohe n'Onkwe ronwaienha enhonwatewentetase niakorihanerahakskon. Tesewatann, itewe; onen thare ne rakwatenhninonre. Sekon ok nihohtare, eh wahoketote ne Sitas, enskat ne tekeni iawenre nihati, kentiohkowanen rotiohkwine, ronsharenhawinontie, kannhien sonha ratihawanion, neh ne

(1) Ne wahenton ne ieronhiakensersatsanit raronhiakentane.

ratitsihenstakweniios oni ne rotiksten okonha neh tienakere sakonatorihatie. Sakoteniententsera-wihne ne rotenhninon, rawenhne: Neh ne tenhinoronkwanion, ne raonha hiken; neh hetsisewaiena. Ok sa ok iathatane tsi itrate Iesos, wahrenron: Sewenniio, watkannonweraton. Nok wathonoronkwanion. Nok tahawenhase Iesos: Tiatenro, wahrenron, nahoten seniente tsi tase? Ethone wahonwatiatontieseron Iesos, nok wahonwaiena. Nok saiatat tsini hotiohkwa ne Iesos wahatsiakwarisi tahasharotsiate ne raoshare kowa, nok wahoiente saiatat ne ratsihenstatsi kowa raonnhatsera, akwa iahohontiakte. Ethone tahawenhase ne Iesos: Saseta ne sashare kowa tsi-nonwe nionakte; aseken tsiniakon enieiena nashare kowa, ashare kowa eniakoriohte. Iah ken taonton, tsi sennontonnion, nahineken ne Rake-niha, nok iokontatie aontahakwatennietase isinonkwa ne tekeni iawenre nikentiohkwake neronhiakehronon? Oh kati naiawen naiotiwennaierine tsini kaiatonnion, ne se kontroris tsi ioteriwison eh naiawenne? Ethone wasakawenhase Iesos kentiohkowanen ne ietaraien, wahrenron: Tsiniot ne ranenskwas hetsisewaseronhatie, ashare, kannhien oni sewahawinontie tsi takwaienasere; niate wenniserake kitskwarakwe tsi sewenteron, ononsatokentike kwarihonnienniha-kwe, nok iahte skwaiena. Akwekon etho naawenseron, ne iakaierine tsini hotiiaton ne rotitokensehakwe. Ethone ne raotiohkwa wahonwaiatonti, akwekon wahonteko. Nok ne ronwaiena Iesos iahonwaiatenhawe Kaifne, ronwakowanen ratitsihenstatsi, eh thonatkennisonhonne ne ratiatons, rotiksten okonha oni. Ok ne Tier aheren tihosereskwe Iesos, tsiniore ratsihenstowanen raotenhenrakon: etho ki iahataweiate, eh iaha-

tien tsi ieteron ne kannhatsera okon, ratkahto to s'iken neniawen. Ken kaien ne ratitsihenstakweniios, nok oni ne katsienhakwekon ratiriwisaks-kwe kaneka ahonwennowenten Iesos, ne ahatiierate ahonwario; iah tenhnon tehatiriwatsenries-kwe, eso sane ronatketoton wahontrorianion nowen sonha. Ok are onen eh watenitane tehniase, wahniron: Rawen naa ne ken hiken: Akkweni akēnonsarisi Niio raononsa, nok ashen niwenniserake aonsakenonsonni. Onen wathatane ne ronwakowanen ne ratitsihenstatsi, wahawenhase, wahrenron: Iah ken othenon tatesatatis tsinikon iesariwarhos ne ken hniteron? Ok kentihoieren Iesos, iahte thatatis. Nok ne ratsihens-tatsi kowa tontahenron: Wakonriwaneken, raosennakon ne Niio ronnhe onwe, naskwahrori, ise ken ne Kristos, Niio Roienha? Tahenron ne Iesos: Tasewaierite. Oriwii se wakwahrori, katke sonha entsisewaken n'Onkwe ronwaienha, enhanitskwaren tsi raweientehtakon ne Niio iah othenon tehonoronse, nok karonhiakeson tentre nonwentsiake. Ethone ne ratsihenstatsi kowa waharatsionko ne rotiatawiton, wahrenron: Wahosennaiesate wahi ne Niio! Nahoten kati tetsiotonwentsiohon ne temoin? Akwa ise sewatonte wahatewennaiesate. Nahoten kati isewehre, neh tsinahaiera? Tahontati, wahniron: Tehotentson nahrenheiate. Onen tenhnon otiake wahonwennitskeroserawe rakonsake, nok wahonwakonrekhon; otiake wahonwakonsaiahakhon, rontonnions: Takwahrori, Kristos, onka waesakonreke? Ken kaien ne Tier atste atenhnenrakon rentsckwarakwe; eh nontawe tsi renteron skaia-tat ne kannhatsera, nok wakenron: Ise wahi isen-skwe ne Iesos Karirehronon. Nok wahatonn-hije, akohenton nakwekon, waheliron: Iah othe-

non tekeriwaienteri tsi nahoten saton. Nok nonen tsi iahotohetstonhatie tsi kannhokaronte, tikaiaate ne kannhatsera sahoken, waakawenhase netho ieteron, wakenron: Neh oni ken hiken hnjkwekonne ne Iesos Nasarethronon. Sekon are sahatonnhiiie, akwa wahariwahnirate, wahrenon: Iah se tehiiienteri ne kenh ronkwe. Kennikariweshah onnakenke iahonwaiatorene netho ratikenniatatwe, nok wahonwenhase ne Tier: Tokenske wahi tsi ok ne seseniatat, aseken tsi sahtare ne watrori tsinasiatoten. Ethone onen tahatasawen kawennaksenskwe okon wahatatiate, wahariwahnirate oni ne tsi iah othenon tehoienteri ne ronkwe ronwenton. Ok eh karatie, ton-tati kitkit. Ok sa ok sahrehiarane ne Tier tsini thotatihne ne Iesos, rawenhne: Ohenton naontontati ne kitkit, ashen nenskwatonnhiiase. Sahaiakenne, nok otsitowanen wathasentho,

Kawenniiio ok waorhene, wahontkennisa ne ratitsihenstakweniios okonha, oni ne rotiksten okon neh thatinakere, wahonwatsienhaien ne Iesos, nahonterientatsenri nahonhtonte tsi ronnhne. Wahonwanerenke, iahonwaiatenhawe Konskwiratne, ne ronwakora. Ethone ne Sitas, ne rotenh-ninon, sahatkahto tsi ronwariwentane, sahatate-riwahesten, nok ionsahawe nashen nikawistashen, sasakaon ne ratitsihenstakweniios oni ne rotiksten okonha, ratonne: Sewakateriwatewaton, wakatenhninon nonekwensatokenti. Tontahonwenhase: Nahoten nene aetewatsteristakwake? Ise ki satatiatakennha. Ok eh tiionsahoti ononsatokentike nowista, sahahtenti, nok iahatniaterenke. Ken kaien ne ratitsihenstakweniios sahatiiena nowista, nok wahoniron: Iahte ioteriwison aotsokowatserakon nononsatokenti

ne iataonsetewaieste, ne tsi onekwensa iateione-
non. Wathatiiatorete kati, nok saiatat ne rak-
sonnis wahonwahetahninonte, ne naiontatiatata-
hastake nakte nitiakawenon. Ne waonni sekon
nonwa konwanatonkwa ne rononwentsiahninon
Hasertama, ne sakat aiairon, Onekwensa aoheta.
Ethone niieioierihon tsini hawen ne rotokense-
hakwe Seremi, raton: Wahatiiena nashen nika-
wistashen, ne ne iatehonenon ne ronwatenhninon
Israer sakoien okonha; nok neh sahonwahetah-
ninonte ne raksonnis, tsi ki nihakenatonni ne
Rawenniio. Wathatane Iesos tsi thenteron ne
ronwakora (Sitaehronon); nok tahoriwanon-
tonse ne Kwirat, wahrenon: Ise ken iesanontiio
ne Sitachronon? Tahenron ne Iesos: Akwa
tasierite. Nok eh nonwe nahonwariwarhoseron
ne ratitsihenstakweniios oni ne rotiksten okon-
ha, iah othenon tatethoriwaserakwen. Ethone
ne Kwirat wahawenhase, wahrenon: Iah ken
tesatonte tsini iaweta iesariwarhoseron? Nok
iah enskat tatethotati ne taontahowennaweron;
ne se waonni wahonehrako nakwah ne rakora.
Tsini kahawi ne wentanoron, rorennhaonne ne
ronwakora ahonnhotonkwase ne tsi iennhoton-
kwe enskat, ne neh nenhonwariwanonton non-
kwe okon. Saiatat ki rannhotonkwe nethone ne
ronkwetaksenskwa, Barabbas ronwaiats. Wasa-
kawenhase kati ne Kwirat ne kenh ronatkenni-
sahannhon, wahrenon: Kanikaien sewanonwes
aontahiiatkawe? ne Barabbas, ok ne ens Iesos,
neneh Kristos ronwanatonkwa? Aseken rote-
rientarakwe tsi kanosatsera aoriwa tsi ronwanas-
konniennihne. Ethone tsi rentsikwarakwe tsi te-
haiatoretakwa, ontennhane ne rone nahonwahro-
ri: Tosa, iaken, wairon, hetsasterist ne kenh
roiatatokenti; aseken eso wakeronhiakenhon

raonha raoriwake, wahakwatetsaten onwa wenni-serate. Ok eken ne ratitsihenstakweniios nok ne rotiksten okonha wasakotinikonhrata nonkwe okon nahonwariwanonton ne Barabbas, Iesos tenhnon ahonwahtonte. Sekon sahenron ne Kwirat tsi wasakawenhase: Kanikaien sewanonwes nakwatkawase ne tehniase? Tontahoniron: Barabbas. Tontahatati ne Kwirat, sahenron: Oh kati nahiiierase ne Iesos, Kristos ronwaiats? Akwekon wahoniron: Tahonwaiientannhare ki neneh. Sahenron ne rakora: Nahoten neneh shoteriwatewat? Nok senha thotiriware, rontewennaientonnions, ronton: Tahonwaiientannhare. Sahatkahto ne Kwirat tsi iah othenon tehatkwenies tsini horihoten, ok eken senha tahonakwisrontie Sitaehronon tsini hotirihoten, ohneka wahariwanonton, nok akohenton nonkwe okon wahatsiohare, wahrenron: Iah othenon tewakiatoron ne raonekwensa ne ken hiken roiata-tokenti; ise kati ensewatkeriwaketate. Akwekon kati taontati, waironnion: Ii, oni ne iakiien okonha, iakwateriwaketat ne raonekwensa. Ethone ki tasakotkawase ne Barabbas: ken kaien ne Iesos, wahatennhane nahonwasokwawesonniion, nok wasakowenniioste ne tahonwaiientannharen. Ok ne kora raosotar okonha tsi teieriwakennliatha niihonwaiatenhawe ne Iesos, nok raiataktatie tasakotiiataroroke ne raotitiohkwakwekon. Nonen sahonwaiatawitasi ne rotiatawitonne, atiatawit kowa onekwentara nakaniataroten sahonwarase; nok ohikta wahonnonwarotseronni, neh wahonwanonwaroroke, okwire oni wahatien ne rasnonsake; tehonwatontsotanihakwe, oktihonwaieronnionskwe, rontonhakwe: Watkwanonweraton, Sitaehronon iesanontiio. Ronwanitskeroseraskwe, okwire (ne rahawakwe Iesos)

tehatikwaskwe, tehonwanonwarehekhonskwe. Nok nonen sahonaterihonkohton tsi ronwatentoriatha, sahonwaseronniasi natiatawit kowa (ronwaseronniatonne), nene raotseronniat sahonwaiatawite, nok wahonwahtentiate wathonwaientannharana. Onen tsi rotiiakenhonhatie, eh wathonterane saiatat ne ronkwe Sirennronon, Simon ronwaiats; neh wahonwasteronse nahatiasaketate ne (Iesos) raoiasa. Nok eh iahonne tsi nonwe ne Kolkotha, ne oni Karwer konwanatonkwa, ne sakat aiairon: Tsi ienontsistate onontsi kenha. Wahonwahnakanonte otsitsia otsate tekaieston; ne ok ne wahatkense, iahte hotontaton ahahnekihra. Nok nonen wahonwaiatanentakte, wahatiwastiakon tsi wahontatiakhonhase ne raotiatawit sonha; ne niakaierite tsini hawen ne rotokensehakwe: Wahontatiakhonhase ne katseronniatha, nok wahatiwastotsi nakwatiatawit. Nok eh wahontien ronwanonnhe. Nok ehneken tsi rotenontsistate (wahatiswenkanentakte), eh kaiaton watrori tsinahoten rostonton, waton: Ne ken hiken ne Iesos, ronwanontiio Sitaehronon. Ethone oni wahonwatiitanentakte tehniase hninenskwaskwe: saiatat tsi raweientehtakwen, nok saiatat shanekwati. Neneh iontohetstakwe ronwasennaiesatakwe, teionnonkarenronskwe, iontonhakwe: He! ise ne senonsarisions ne Niio raononsa, nok ashen nenwata sesenonsonnis, satatiatakennha onen nonwa; tokat Niio Hiaienha akenhake, tontasatsnent nonwa ne kaiasake. Eh oni neneh nihatiierhakwe ne ratitsihenstakweniios oktihonwaieronskwe, nok ne ratiatons oni ne rotiksten okonha, rontonhakwe: Akoren sesakoiatatakwen, nok wahonoronse ne raonha ahatatiatakennha; tokat nahonwanontiiohake Israerronon, tethatsnent

nonwa ne kaiasake, ethone onen entionkwehtakonhake raonhake. Niio roniahesen: aonsahoiatatako kati nonwa, nahononwene; rawen wahi: Niio Rakienha. Iakahewe oni ok ne tehniase hninenskwas sate hotiitanentakon tekaia-sontne, ronwenhratonnihakwe oni nennee. Iaiak siowistahehatie (1), tsiniore ne tiohton siowistahe, taiokarawe onwentsiakwekon. Neh nahoten tiohton siowistahe, wahatewennaientonwe lesos, wahrenon (tsini hatiwennoten ne Sitaehronon): *Eli, Eli, lamma sabacthani!* Ne sakat ahawenke: Niio; ise Niio tsi konnhe, ohniotiieren tsi takiatontion? Nok otiake neh ratikenniatakwe, iakotonte nehnikawennoten, wahoniron: Eri iehononks. Ok sa ok saiatat ratakhe, tekanekakwa iahatrakwe, wahananawenste ne ichontoseratha, kanakarakenhiate wahroharen, nok wahohnekanonte. Rontonhakwe notiake: Saterharat, ka si ken entre n'Eri, naonsahoiatatako. Onen kati are sekon tonsahohenrete Iesos, tahaiatinckenwe raotonnhetston.

Eh nikahawi, ok ne ioniatarentonhakwe onon-satokentike ashennen watewatoren, ehneken tontasawen tsiniore nehtake; nok watiaonwentsisonkwe, watewatstenrorenseron oni, nok ontenthotonkwenhaton tsi ieiataarihon, nok saiontonnheton eso nakoiatatokentison kenha, tontaiciakenne tsi ieiatakwe nonen sonsahatonnhete (Iesos), kanatatokentike niiahonne, wasakotianeronkwen kentiohkowanen. Ken kaien ne ronwakowanen ne sotar okonha, oni tsini hati ron-

(1) Tsini honshetaskwe ne Sitaehronon, ne sakat aiairon nonwa, entie si ikare.

wanonnhakwe ne Iesos, wahontkahto watiaon-wentsisonkwe, tsi oni nikon naawenseron, wahnateronhienten nakwa, nok wahoniron: Tokenske Niio Roienha kenhne ne kenhiken. Eso ne tsionathonwisen Karirehne niore thonwaseron ne Iesos, tehonwasniehakwe, isiniha nennee tekontikenniatakwe; eh tekontiatarakwe Wari-Watere, Sak tenhnon Sose rotinistenha, oni rotinistenha ne Zebede sakoien okonha. Onen tsi iokarahane, Arimathihne nontarawe saiatat ne ronkwe rokwatse, Sose ronwaiats, neneh oni raiatarakwe ne Iesos raotiohkwake. Iahataweiate Kwiratne, wahoneken Iesos raoieronta. Ok sa ok wahonnhane ne Kwirat ahonwatewentetase ne raieronke. Wahaiena ne Sose noieronta, nok neh nakwa kaniatariio kaniatararaken wahowenonniate. Nok eh wahata tsinonwe nakwa raonha ahonwaiataten, rohrarakonne notstenrake, arekho onka eh tsi ieiata; nok kanenhiowanen wahakarhateniate tsi iokaronte tsinonwe thonwaiataten, nok sahahtenti. Eh konneskwe Wari-Watere, oni ne skaiatat Wari, etho kenitskwarakwe akwa teiotokenton tsinonwe raiatat.

Tsi wajorhene, iotenniserohetstakwenne tsi niekwatakwas (ne tsi wentanoronsere), wahontkennisa Kwiratne ne ratitsihenstakweniios, oni ne Farisien nahatiiatoten, wahonwenhase, wahoniron: Saianer, tsionkwehiaraon tsi rawen ne ken ranikonhratakwe, sekon tsi ronnhekwe: Ashen nenwata enskatonnhete. Satennhann kati aienonnhaha tsi raiatat, tsiniiore nashen nenwata, ne tosa aontahonne ne raotiohkwa, taonsahonwaiatakwe, nok asakotihrori nonkwe okon, ahoniron: Shotonnheton tsi rawenheionne; onen senha kanikonhratowanen enwaton tsiniiohtonne

ne tiotierenton. Tontahenron ne Kwirat: T'sionkwetaien nahatinonnhake; wasewe kati, ise sewanonha tsini sewaterientare. Sahonhtenti kati, akwa wahatihnirate tsi raiatat, wahatihnetarho nonenhia, nok wasakotiteron nahatinonnhake.

Awententaonke.

SAN, XII, 1-9.

Iaiak nonta karo naiakawentatokenfase ne Pas-ka, Bethani sarawe ne Iesos, tsinonwe nihawenheionne ne Rasar, neneh Iesos shaonnheton. Ethonon nahonwakhonnien nokarasneha tahatskahon; ontsteriste ne Wartha natekwarane, nok ne Rasar etho oni neneh rotekwarakwe. Ok ne Wari watkakwe skakontserat ne nakwa wenhienakhon wenhienanoron iakoiatakhnstha, wahositarho ne Iesos, nok aononkwis wahositokewate; nok wakanane kanonsakwekon tsini wenserkhon. Saiatat kati ne raotiohkwa, ne Sitas Iskariot, neneh rotenhninonre, tahatati, wahrenron: Ohniiotiieren iahte iakotenhninon ne ken wenhienanoron, ashen tewenniawe nikakwenistake iataionenon, nok aiontatitenraton ne iakotent? Eh niiot tsi tahatati, iah sane teioriwake tsi sakotsteristakwe ne iakotent, ne ki tenhnon tsi rakenskwaskwe, nok raonha ranatatserenhawakwe, raonha rahawiskwe tsinahoten iaketahaskwe. Tahenron ne Iesos: Tosa othenon sewatsterist ne kenh, eh naontawe aonteweienton nene wenhienanoron, naontste nonen enionkiatata. Tiotkon wahi ensewakwekonhake ne iakotent; ii tenhnon iah tiotkon taetewakwekonhake. Kentiohkowa-

nen ne Sitaehronon wakotokense tsi etho ires; taionhtentionko kati, iah ne ok teken ne Iesos raoriwake, ne tenhnon oni nahonwaken ne Rasar, ne shaonnheton tsi rawenheionne.

Sosehne.

Tsini hoiatawenhon Iesos sahonwaiesatanion.

Tioterakwen ne Ruk raoiatonserake (XXII, XXIII), othenon sonha ne iahte hotroriaton ne Watio.

... (XXII, 14-19). — Kawenniio iakahewe tahontskahon, wahatekwaren Iesos, wathontonte ne tekeni iawenre ratikwekonne. Wasakawenhase kati, wahrenron: Wakaskanekon nakwa taetewatonte, tsi ken nonwa ieskahes ne Paska aotenniotatseratokenti, ohenton nakeronhiaken. Wakwahreri kati, tsi iah onen noia taonsakiatake neneh, tsiniiore ienkaierine raonakeratserakon ne Niio. Ethone wathatsetakwe, wathononweraton ne Niio, nok wahrenron: Tesewak nok sewatiakhonhas. Aseken wakwahreri, tsi iahte seknekirane nonenharakeri, tsiniiore aontawe ne Niio raonakeratsera. Ethone wathanatarakwe ne Iesos... (Okaristia sahaşa).

(XXII, 24-44). — Ethone wahontkenni (ne ratikwekonne) onka tsini hati senha ahakowanen. Nok wasakawenhase Iesos, wahrenron: Rotinontios, tsi ienakeronnion, akwa oktisakotiwen-

niio nonkwe okon, tsi ratiatakweniios tsinonni hatinakere ronwatinatonkwa thotiriwaieris. Iah kati nise eh taiawen; ok eken nene senha rakowanen tsinitson, raonha ahatatastote, tsiniiot ne kenniraskwa ahaton? ok ne ohenton ronaktaien, ethoni hatatier tsiniiot ne kannhatsera. Kani-kaien senha rakowanen, ne rotekware, ok ne ens ne sakoseronniennis, kannhatsera nahaiatoten? Iah ken onte nene rotekware? Ok nii, sewentiohkwien, ethoni wakatatieren tsiniiot ne kannhatsera. Ise wahi tiotkon tewakwekonhaties tsinahe wakeronhiakenhaties; ne aoriwa wakwanakeratseronnienn, tsi ki niiot tsi rakwanakeratseronnienni ne Rakeniha, ne kanakeratsera, nenskatne iataonsetewatskahon, iaonsetewahnekirha oni akatekwarane akenakeratserakon, nok ennitskwaratseranoronke aontesewentskwarake, taietsiiaforete ne tekeni iawenre nihotitiohkwake Israerronon. Wahrenron oni ne Rawenniio: Simon, Simon (wahawenhase ne Tier), ioriwanonton notkonseraksen naesewawake, tsiniiot tsi ionwaks nonatsia; nok ki tenhnon ii konhiaterrennaienni, ne tosa akariwentane ne tsi tisehtakon; ne kati oni nise, nonen ensatatrewatonsheikonhrahniarat ne sewatateken okon. Tontahrenron ne Tier: Sewenniio, wakatateweiennentaon akonhiahriskonte, tokat tsi iontatennhotonkwa, ok oni ne kenheiatne. Iesos tontahowennaweron, wahrenron: Tier, wakonhrori, tsi iah-taontontati ne kitkit, nonwa ken wenniserate, niah niare ashen taskwatonnhiiasere tsi askienterihake. Nok tontasakawenhase, wahrenron: Kaneka nikwatennieton tsinahe, iahte sewatennatseraientakwe, iahte sewawistaientakwe, sewaskawe, othenon ken tisewatoktanihon? Tahoniron ne rononha: Iah othenon. Nok tontahrenron:

Onen nonwa teiek ne iakoiaraïen, teiek oni ne iakonatatseraïen; ok niahte iakoiën, iontenhui-non nakotiatawit, nok iehnïnont nashare kowa. Aseken wakwahrori, tsi ken oni niïot tsi kaiaton, neh ioteriwison iakaierine nii akeriwake: Ronahriskonhon ne rononkwetaksens. Oriwïio kati onen toha ienkaierine tsinikon (tiotati noiaton-seratokenti) ne ii akeriwake. Nok tontahoniron: Sewenniïo, kaien ne kento tekeni nashare kowa. Tontahenron ne raonha: Etho iatekaieri. Tontahaiakenne, warete tsi tiononte Orif, tsi ki nihorennhaon; nok wahonwasere ne raotiohkwa. Nok onen siïaharawe neh nonwe, wasakawenhase, wahrenron: Sewaterennaïen, ne tosa aesewasenni ne iakonikonhrotakwatha. Nok isinon iathatane, tsini iesennes naiakonenhionti, etho niïore iathatontsoten, nok wahaterennaïen, wahrenron: Rakeni, asatontatseke, heren askhawiten kenhiken katse; ok sane tosa ii tsini wake-nikonhroten eh naiawenne, ise tenhnon tsini sanikonhroten. Nok tahoketote saïatat ne raronhiakehronon karonhiake nonthare, wahonikonhrah-nirate. Nok tsiniïot nahetkentsïhon, senha ok wahakwisron nahaterennaïen. Nok wathatarihen-seronkohte tewatsannhonniïons tsiniïot onekwensa, onwentsiake wakanekwensarane...

(XXII. 66-71).—Kawenniïo ok waorhene, wahontkennisa ne rotiksten okonha neh thatinakere, ratikwekon ne ratitsihenstakweniïos oni ne rati-iatons, tahonwaiatinionte Iesos tsi rotitsienhaien, nok wahoniron: Tokat tokenske ise ne Kristos akenhake, takwahrori. Nok tasakawenhase: Tokat enkwahrori, iahtaesewatontate; nok tokat enkwariwanontonse othenon, iahta taontaskawawennaweron, iah oni taonsaskwatkaue. Nok io-

riwentaon tsi n'Onkwe Ronwaienha enhennitskwaren tsi raweientehtakon ne Niio iah othenon tehonoronse. Tahoniron akwekon: Ise katiken Niio Hiaienha? Tahenron: Tokenske tsi nahoten sewaton, ii Niio Rakienha. Tontahoniron: Nahoten kati noia tei-tonwentsiohon nahonwariwahniratse? Akwa wahi nonwa ii ionkwatonte tsi tahatati. Ok sa ok akwekon tontahatitane, nok Kwiratne niahonwaiatenhawe...

(XXIII, 5-12). — Rontonhakwe: Tesakoni-konhrarha nonkwe okon, roteriwanoaties kanakeratserakwekon ne Sitaehrononke, Karire tiotasawe tsiniore ne kento. Sahasennahronke ne Kwirat ne Karire, wahariwanonton Karirehronon ken nahaiatoten. Kawenniio kati wahotokense tsi Herot raoianerenserakon roiatontieton, eh kati iahotenniete tsi renteron Herot, Sirisarchne oni neneh ireskwe, netho tsi kahawiskwe. Herot wahatsennonni nakwa sahoken ne Iesos; aseken onen wahonnise tsi raskaneks nahoken, ne tsi eso ioriwake roriwahronken ne raoriwake; nok rorharekwe othenon nahatiere naioriwanehrakwaton. Eso kati nioriwake wahoriwanontonnionse; nok iahta tethatatiskwe ne Iesos. Eh ratikenniatakwe ratitsihenstakweniios oni ne ratiatons, ok iatekakonte ronwariwarhoserons ne kariwaksenskwe okon. Ken kaien ne Herot, oni ne raonkweta, wahokenron ne Iesos, nok ok-tahoieron, wahatennhane kenraken wahonwaseronniate; nok Kwiratne ionsahotenniete. Ethone ok wenniserate wahiatenroseronni ne Kwirat tenhnon ne Herot; tethiatatswenskwe se nohenton...

(XXIII, 27-34). — Ronwanonteraties ne Iesos (tsi roiasakehte) kentiohkowanen nonkwe, nok

oni ne tsiakothonwisen kontstaranes, ronwann-
 hatens. Tontahatkarhateni kati Iesos tsi konnes,
 nok wasakawenhase, wahrenron: Sirisare sewa-
 ienha, tosa ii akeriwake sewatstaren, ne tenhnon
 sewatstarakwak ne ise sewariwake nok ne ietsi-
 ien okonha akoriwake; aseken ienwatenniscri-
 hewe neniontonheke: Ionataskat niahte konte-
 wetons, oni ne iahte iotiwiraientaon, nok oni niahte
 kontstarontha. Ethone onen eniontatenhase
 tsi ionontenion, eniaironnion: Takwanontie-
 nent; oni tsi ionniaronnion: Takwaiataset.
 Aseken tokat nonwa eh nakonwaierase noientase,
 oh kati neneh nenkonwaierase ne ioientathen?
 Tehnihase oni ne tenonkwetaksenskwa satehon-
 watinaskwenhawiskwe ne Iesos, nahonwatirio.
 Nonen tsi iahonnewe tsinonwe ne Kalwer kon-
 wanatonkwa, eh nonwe wahonwaiatanentakte
 tekaientannhareke; eh oni nahonwatiere ne
 hninenskwaskwe, saiatat tsi raweientehtakon,
 nok saiatat shanekwati. Iesos tenhnon ratonha-
 kwe: Rakeni, shetenr, iah se tehonaterientare
 tsini hontierha...

(XXIII, 39-46). — Saiatat tenhnon ne tehni-
 hase hninenskwaskwe ne ronahriskonhon rawenhra-
 tonnihakwe, ratonhakwe: Tokat tokenske ise ne
 Kristos, satatiatakennha, nok oni nii. Nok taha-
 tati ne saiatat, akwa wahoriwasten, wahrenron:
 Iah ken tetsetsanis ne Niio, eh se oni nise niie-
 sariwenton? Ionkenistonton se nii, ne ok ne
 tsionkiieritis tsini ionkiatieranion; ken tenhnon
 kaien iah othenon tehostonton. Nok iahatati tsi
 roiatenton ne Iesos, wahrenron: Sewenniio, tak-
 wehiarak nonen sanakeratserakon natentese.
 Nok tontahawenhase Iesos, wahrenron: Oriwiio
 tsi wakonhrori, onwa ken wenniserate enteni-
 kwekhene karonhiake. Neh nahoten ne iaiak

siiowistahelatie, onwentsiakwekon taiokarawe tsiniore ne tiohton. Onterakwahnton, ononsa-tokentike oni ioniatarentonhakwe ashennen wawetatoren. Ethone wathohenrete Iesos, wahrenron: Rakeni, onen wakonwenniioste nakwatonnhetston. Tsi ne wahrenron, wahrenheie...

Okaristiakowahne.

SAN, XIII, 1-15.

Tsi iawentatokentaserene ne wentanoron Pas-ka, roterientare ne Iesos tsi rotenniserihewi naon-sahahtenti tsi ionwentsiate, Ronihnela niaonsa-re, tsini sakonoronkwakwe ne raonkweta non-wentsiake ienakerekwe, oh ki eh niiheiot tsi-niiore ieiotoke sakonoronkwa. Nok nonen sa-hatikwentane nokarasnela, onen tsi ronikonhra-ten notkonseraksen ne Sitas, Simon Iskariot roienha, nahotenninon, nok tsi roterientare (ne Iesos) tsi akwekon rorihontietenni ne Roniha, nok tsi Niioke thoientakon, tsi oni Niioke nion-sahawenonhatie, sahatekwarako, wahatiatawita-si; watrakwe noniataraa, nok tahatiatannhake. Onen tenhnon akeratne wahahnnekaren, nok ta-hatasawen nasakositohare ne ratikwekonne, nok ne sesakositokewatha ne rotiatannhaktonne onia-taraa. Iaharawe tsi thentskwahere ne Simon Tier. Tahatati ne Tier, wahrenron: Sewennii, tokenske onte ken isehre ahiasitohare? Tonta-howennaweron Iesos, wahrenron: Tsini wakie-renhatie, iah nonwa tesaterientare, ohnakenke ki ensatokense. Tontahenron ne Tier: Iah non-wenton taskwasitohare tsinenwe. Tontahawen-

hase Iesos: Tokat iahtenkonnoharesere, iahtae-sanaktaientake tsi kiteron. Simon Tier tontahenron: Sewenniio, tosa ne ok ne kasitake, akwekon kesnonsake, oni kenontsine asenohare. Tontahawenhase Iesos, wahrenron: Nene rotia-tohare, ne ok tetsiotonwentsiohon naharasitohare, nok iah kaneka tehoiatoron. Onen kati nise, iahte sewaiatoron, iah ki tenhnon akwekon teken. Aseken roterientare onka rofennhinonre; ne se waonni rawen: Iah sewakwekon teken niahte sewaiatoron. Kawenniio wahaweienntane tsi sakositohare, sahatiatawite, nok sahatien atekwaratserakta, wasakawenhase, wahrenron: Sewaterientare ken tsi nahoten tsi nakwaierase? Takwanatonkwa: Takwarihonniennis nok takwawenniio; akwa neneh tisewariwaierits, aseken tokenske ethonakiatoten. Ne kati tsi ii kwasitohare, ne kwawenniio, nok kwarihonniennis, etho kati oni nise ioteriwison taesewatatsitohareseke. Kwateniententserawi wahi, ok tsinakwaierase, eh oni nise naonsesewaiere.

Ronwaiatanentaktonne.

Tsini hoiatawenhon Iesos sahonwaicsatanion.
Tsini hoiaton SAN, XVIII, XIX.

Ethone eh warete Iesos, wahonne ne raotiohkwa, isi nakahionhati ne iohionhenton Sedron konwaiats; ethononwe niwatanhenraientakwe ioterontonnihne; eh kati iahataweiate, oni ne rati-kwekonne. Sitas, ne rotenhninonrene, raienterihne oni neneh nehnonwe, aseken iotkate ne Iesos eh iehonnetakwe ne raotiohkwa. Rotiohkwa-

roronhatie kati ne Sitas notiake ne sotar okon-
 ha, nok ne raotinnhatsera ne ratitsihenstakwe-
 niios, oni ne Farisien nihatiiatogens, etho iahon-
 nete, ratihaserenhawinontie, iontatientha oni ra-
 tihawanion. Nok ne Iesos, akwekon roterientare
 tsini hoiatawensere, iathatane, nok wasakoriwa-
 nontonse, wahrenron: Onka hetsisewaiatisaks?
 Tahoniron: Iesos Nasarethronon. Tahenron ne
 Iesos: Ii wahi. Etho oni neneh raataratie ne
 Sitas, ne rotenhninonrene. Kawennio kati ne
 wahrenron: Ii wahi, ok sa ok tahontonneke, nok
 ehtake wahatiiataientane. Sekon sasakoriwanon-
 tonse: Onka hetsisewaiatisaks? Nok tontaho-
 niron: Iesos Nasarethronon. Tontahenron ne
 Iesos: Kwahreri wahi tsi ii ne ken; tokat kati
 ii takwaiatisaks, iaietsiiatkawate ne kenh ron-
 nete. Ne nennee ne iakaierite tsinahoten rawen,
 sahenron: Tsini hati takonkwetawi, iah onka
 tewakatonkwetahtonni. Ken kaien ne Simon
 Tier, rosharaientakwe ashare kowa, tahasharot-
 siate, nok wahoiente ne ratsihenstatsi kowa ron-
 has, nok iahohontiake tsi raweientehtakon non-
 kati. Malkus ronwaiatskwe ne ken kannhatsera.
 Nok tenhnon ne Iesos wahawenhase ne Tier:
 Sasasharorok. Iah ken taknekirhane neh ne
 katsetoten tsini haknekarani ne Rakeniha? Etho-
 ne onen ne sotar okonha, nok ne ronwakowanen,
 tenhnon ne raononkweta ne Sitaehronon, wahn-
 waiena' ne Iesos, nok wahonwanerenke. Eh niare
 niahonwasarine Annke; aseken rawennhonsa
 kenhne ne Kaif, ne ratsihenstakweniokwe ne-
 thone ioserate. Raonha ne Kaif sakorihotakwen-
 nihne Sitaehronon, (rawenhne): Tei-tonwen-
 tsiohon ne saiatat ahrenheie, asakawenheiasa ne
 kanenrakwekon. Rosereskwe ne Iesos Simon
 Tier, oni saiatat ronwanonteratiene ne Iesos. Ok

nene saiatat roienterihne ne ratsihenstakweniio, ok ihne ne Iesos tsi iahataweiate raotenhenrakon ne ratsihenstowanen. Tier tenhnon atste ratakwe tsi kannhokaronte. Ionsahaiakenne ne saiatat ne roienterihne ne ratsihenstakweniio, nok iatnihtaren ne tewatennhohanonne, nok iahoia-tinionte ne Tier. Wahawenhase ne Tier ne kenh kannhatsera tewatennhohanonne, wakenron: Iah ken nise oni tesiatate ne raotiohkwa ne kenh ronkwe? Tahenron: Iah ii teken. Eh ratiken-niatakwe ne ratinnhatsera, oni ne ratiriton at-sienhakta, aseken iothorekwe, nok shontenhienskwe; etho oni neneh rajatarakwe ne Tier, ratenhienskwe oni neneh. Ethone ne ratsihenstowanen wahoriwanontonse ne Iesos, ne raotiohkwa ratiiatatake, tsi oni nihorihoten. Tontahawenhase Iesos, wakenron: Tsi ionkwehne wakatati nonwentsiake, tiotkon tsi ionterennaientakwa, ononsatokentike oni, tsinonwe nihontken-nisahatha Sitaehronon okon, kherihonnienni; iah oni nonwenton notasetonke tewaktare. Nahoten kati takeriwanontonnitha? Neh niha sheriwanontons ne iakotontenion tiotkon tsinahoten waken; neh se ronaterientare tsini tewakatati. Nonen neh sahenron ne Iesos, saiatat kariton, eh ratakwe, wahokonsaiake ne Iesos, wakenron: Etho ken niiot tsi tetetsewennawerons ne ratsihenstowanen? Tontahenron ne Iesos: Tokat iotaksen tsi tewakatati, satrori kanonni wahetken, nok tokat takeriwaierite, oh kati niiotiieren tsi waskkonreke? Ranerenhatiene ne Iesos, Ann iahotennietase Kaifne, ne ratsihenstakweniio. Nok ne Simon Tier eh ratakwe, nok rotenhientakwe. Wahonwenhase kati: Iah ken naa tesiatate ne raotiohkwa? Sahatonnhie, nok wakenron: Iah ii teken. Saiatat tsini hati ne sakonn-

has ne ratsihenstatsi kowa, hiatatenonkwe nene Tier rohontiakonne, wahawenhase: Iah ken naa nise eh tetkonken atenhénrakon, tesewaiasehne? nise eh tetkonken atenhénrakon tesewaiasehne? Sekon are sahatonnhie ne Tier, nok ok sa ok tontati ne kitkit. Satontahonwaiatenha Iesos ne Kaifne, iahonwaiatinionte tsi teieiatoretakwa. Onen si iorhenhon; nok iah ne rononha tiiehonataweiaton tsi teieiatoretakwa, ne tosa ahotinnhistakwe, senha ok oni ahonneke ne natenniotatseratokenti Paska. Tahaiakenne kati ne Kwirat atste tsi thatikenniate, nok wahrenron: Nahoten hetsisewariwarhos ne kenh ronkwe? Tontahonwawennaweron, nok wahoniron: Iahtahronkwetaksenhake, iahtaontasakwaiatenha tsi tsi-teron. Tontasakawenhase ne Kwirat, wahrenron: Ise niha hetsisewaiena, nok tetsisewaiatoret tsini sewaianerenscrotén. Tontahoniron kati ne Sitaehronon: Ne ionkwahtiawenre nonka ki ok aiakionnhiiake. Ne are ne iakaierite tsini kawennoten thotati ne Iesos, sahatrori tsini wenheiontotén tsi enhrenheiate. Sekon ionsahataweiate ne Kwirat tsi teieiatoretakwa, nok iahononke ne Iesos, nok wahawenhase, wahrenron: Ise ken iesanontiio ne Sitaehronon? Tontahenron ne Iesos: Ise ken satennikonhra tsi ne wasiron, katon ken akoren iesahróri nii akeriwake? Tontahenron ne Kwirat: Katiken nii Sitaehronon nakiatoten? Nene satesewanakere, nok ratsihenstakweniios tiesanaskwenhawí tsi kiteron; oh nisatieren? Tontahenron ne Iesos: Iah onwentsiake tetiawenon nakenontiiotsera. Tokat onwentsiake aontaiawenon nakenontiiotsera, kanekhere ahonaskennhaon nakonkweta, ne tosa aionkiiena ne Sitaehronon; ok ki iah kenh tetiawenon nakenontiiotsera. Tontahawenhase ne

Kwirat: Senontiio kati ken? 'Toutahenron ne Iesos: Taseriwaierite, tokenske tsi kenontiio. Ne aoriwa tewakennakeraton, onwentsiake tewakenonton nakeriwahnirate ne noriwiio. Onka ne noriwiio thoientakon, rotonte nakewenna. 'Tahenron ne Kwirat: Oh ne nahoten ne noriwiio? Ok tsi ne wahrenron, ionsahaiakenne tsi thatikenniate ne Sitaehronon, nok wasakawenhase: Iah othenon tekeriwatsenries aontahoriwaientake nahonwariwente. Ne kati, tsini sewarennhaon tsinonni wentanoron Paska, enskat aontakwatkawase ne iennhoton; sewanonwes ken naonsahiatakwe ne ronwanontiio Sitaehronon? Akwekon arc taontewennaientonwe, waironnion: Tosa raonha kenhak, Barabbas niha. Ok neneh Barabbas ranenskwas nihaia totenhne.

Ethone onen Kwirat wahatennhane nahonwaiena ne Iesos, nok ahonwasokwawesonnon. Ok ne sotar ohikta wahonnonwarotseronni, neli wahonwanonwaroroke, nok atiatawit kowa onekwentara nakaniataroten tahonwaseronniate. Onen tenhnon karo tahonnete tsi renteron, rontonhakwe: Watkwanonweraton, Sitaehronon iesanontiio; nok ronwakonsaiakhonskwe. Sekon arc ionsahaiakenne ne Kwirat atste, nok wasakawenhase: Kenh riatenhawi tsi sewenteron, naesewatokense tsi iah othenon tekeriwatsenries nahoten ahoiwaientake. 'Tontahaiakenne kati ne Iesos, ohikta rononwaroronhatie, nok tsitakonkowa rohere. Nok wahrenron ne Kwirat: Ken kaien ne ronkwe. Akwa ne ok sahonwaken ne ratitsihenstakweniios ok ne raononkweta, wahontewennaientonwe, wahoniron: Tetsientannharen, tetsientamharen. Tasakawenhase ne Kwirat: Ise niha hetsisewaiena, nok tetsisewaiantannharen;

aseken nii iah othenon tekeriwatsenries nahon-
hikon nahonwariwente. Tontahoniron ne Sita-
ehronon: Ionkwaianerenseraien; tsi kati nionk-
waianerenseroten, tehotentson nahonwario, ase-
ken Nii Roienha rotatonni. Kwirat sahawen-
nahronke neh nikawennoten, onen senha waho-
teronhienten. Nok ionsahataweiate sekon tsi
teiciatoretakwa, nok wahawenhase ne Iesos, wa-
henron: Ka nitisenon? Nok iah othenon tate-
thotati ne Iesos. Sahenron kati ne Kwirat: Iah
ken tataontaskeriwaserakwase? Iah ken tesate-
rientare tsi wakkweniatseraien ne takonhientann-
haren, nok tsi wakkweniatseraien naonsakon-
hiatkawe? Tontahenron ne Iesos: Iah se othe-
non taesakweniatseraientake nii kiatatake, niah
chneken taontaiesawi. Ne se waonni senha ko-
wanen roriwanerahakseraien ne hianaskwawi tsi
konnhe. Eh nontahatasawen, ne Kwirat wahas-
kennha naonsahotkawe. Ok eken ne Sitaehro-
non tehotihenretha, ronton: Tokat entsatkawe
ne ken hiken, iah ki tetsiatenro ne Sesar; ase-
ken onka ratenontiiostha, iah ki tehiatenro ne
Sesar. Sasakowennahronke ne Kwirat tsi naha-
tiere, atste niahoiatenhawe ne Iesos, nok wa-
hennitskwaren, tsiniot tsi tahaiatorete, tsinonwe
ni konwanatonkwa Kentstenrakwentarhon, Si-
taehrononkeha Kabbatha. Onen neh entakta ne
wentanoron Paska, nok neh nahoten iaiak siio-
wistahehatie (1) neh tsi kahawi. Nok ne Kwi-
rat wasakawenhase ne Sitaehronon: Ken kaien
n'hetsisewanontio. Tahontewennaientonwe ne
rononha, wahoniron: Heren, heren shetsiaten-
hawit, tetsientannharen. Tahenron ne Kwirat:

(1) Ne sakat aiairon nonwa: entie sitken.

Teuhiiientannharen ken n'hetsisewanontiio? Ton-
 tahoniron ne ratitsihenstakweniios: Iah noia
 teionkwanontiiotseraien, ne ok enskat ne Sesar.
 Ethone onen wasakotsiakwarisien ne tahon-
 waientannharen. Wahonwaiena kati ne Iesos,
 nok iahonwaiatenhawe. Nok ne raonha waha-
 tiasaketate, tsiniiore iaharawe tsinonwe ni kon-
 wanatonkwa Kalwer, ne Sitachrononkeha Kol-
 kotha; eh nonwe nathonwaiientannharen, tehni-
 hase wahonwahriskonte, oktatetsiaronkon, ashen-
 nen nihoiatenton ne Iesos. Wahatennhane ne
 Kwirat waeiatonkwaieronnitste, kaiasake waha-
 ranentakte. Eh tkaiaton: Iesos Nasarethronon,
 ronwanontiio Sitachronon. Eso ne Sitachronon
 wahatiwennahnoton ne ioiatonkwanentakon, ase-
 ken kanatakta ki tsinonwe nihonwaiatanentakton
 ne Iesos. Nok ne ioiatonkwanentakon, Sitach-
 rononkeha, Krekneha, Ratenneha oni kawennon-
 takwen. Wahonwahrori kati ne Kwirat ne ron-
 watitsihenstakweniios Sitachronon, wahoniron:
 Tosa siaton: Ronwanontiio Sitachronon; ne
 tenhnon tsi raonha rawen: Ii ionkenontiio ne
 Sitachronon. Tahenron ne Kwirat: Tsi naho-
 ten wakiaton, ne ki wakiaton. Ken kaien ne so-
 tar, kawenniio wahatiweiennentane tsi ronwaia-
 tanentakton karontake, wathonnekwe ne raotia-
 tawit sonha, kaieri nathatiiake, tsini hati ne so-
 tar enskatson; wathonnekwe oni ne ehneken ro-
 tiatawitonne. Iah neneh kaneka tekanikhon, ok
 he niiheiot tsi iakaonni. Wahoniron kati tsi
 wathatihtaren: Tosa neneh tetewahrit, tetewaien
 tenhnon onka si ken raowenk enwaton. Eh
 naawenne niakawennaierine noiatonseratokenti
 tsi waton: Wahontatiakhonhase ne katseronnia-
 tha, nok tehotien nakwatiatawit. Eh kati naha-
 tiere ne sotar. Kaiasakta kontikenniatakwe ne

Iesos ronistenha, oni ne ronistenha kiatatekenha (1), Wari Kleofas rone, nok oni ne Wari-Watere. Nok ne Iesos, sasakotkahto etho ihnete ne ronistenha, nok saiatat ne raotiohkwa neh ronronkwakwe, wahrenhase ne ronistenha, wahrenron: Tsisathonwissen, neh ken hiken ne hetsienha. Onen tenhnon wahawenhase ne hnikwekonne: Ne ken hiken ne sanistenha. Nok eh nontontasawen wathatiasete. Onen kati ne Iesos, tsi roterientare tsi onen akwekon ioieriton, naontakaierite tsini kawennoten noiatonseratokenti, wahrenron: Wakeniatathens. Ok he kaksaientakwe titkahere ichontoseratha. Otiake kati wathatikwe tekanekakwa, wahatinanawenste ne ichontoseratha, kanakarakenhiate iahonnoharen, nok iahatiiien tsi rasakaronte. Onen kati sahanekirha Iesos ne ichontoseratha, wahrenron: Onen akwekon onteweiennentane. Nok tahananienne, wahatonriserahton.

Ne Sitaehronon, ne tsi ronentanoronsere, ne tosa kaiaasake ahotiiatentonke nawentatokentike, asken wentanoronkwe nakwa neh niawentatokenton, wahonwaneken ne Kwirat ne tahonwatisinarite, nok aonsahonwatiiatanentasi. Tahonne kati ne sotar, nok wathonwasiniakon ne tiotierenton roiatenton, nok oni ne saiatat nenskatne ronwaiatanentakton. Nok tsi wathatitane tsi roiatanentakton Iesos, wahontkahto tsi onen rawenheion, iahta tehonwasinariton: saiatat tenhnon ne sotar asikwe wahohaste ranahatake; ok sa ok takontiiakenne onekwensa nok ohneka. Nok ne rotkahton, neh rotrori, nok neh oriwiio

(1) Ne sakat aiairon: onaraseha.—*Satkens* sk. 467.

ne raotroriat. Neh oni roterientare tsi thari-waierits tsini hatrori, eh naontawe aonteseweh-takohake oni nise. Ne aoriwa eh naawenseron, ne iakaierine tsini kaiaton: Iah oni nenskat ne raostien sonha taesewahrite. Nok oni oia kaiaton, tsi waton: Enhonwatkahto ne ronwahason. Ethone onen ne Sose Arimathihronon, ne tsi raiatarakwe ne Iesos raotiohkwake, nok ki tenhnon otasetonkeha, aseken sakotsaniskwe ne Sitaehronon, nench iahoneken ne Kwirat nahotsiakwarisien ne Iesos raieronke. Wahatontate ne Kwirat. Eh kati warete ne Sose, sahaiatanentasi Iesos raieronke. Eh oni warawe Nikotem, neh ne aonen sonha ashontenne roiatisakhonne ne Iesos, rahawinontie kahnetanoronson tekaiestanion, enskat tewenniawe nikakontserake tsi satekenat. Watnekwe kati ne Iesos raoieronta, oniataraa sonha wahniwawenheke, nok watniieste ne wenhienakhons, tsi ki nihotirennhaon ne Sitaehronon nasakotiiatata. Ok etho tsinonwe natehonwaientannhare, watenhenraientakwe, etho oni atehenrakon kahrarakon notstenrokon naiontatiatata, nok arekho onka tsi ieiatat. Etho kati iahonwaiatata ne Iesos, ne tsi onen ronentanoronssere ne Sitaehronon, oni tsi akta nehnnon naiontatiatatahaste.

Entakta Nenshatonnhete.

WATIO, XXVIII, 1-7.

Ethone tsi iawententaonhatie (ne raonentanon Sitaehronon), onen toha sahorhene, Wari-Watere, oni ne skaiatat Wari, eh wakenewe kiakensere ne tsi raiatatakwe. Oktontaiawenstsi

watiaonwentsisonkwe nakwa; aseken ne Rawenniio raorouhiakehronon tahatsnente karonhiake, eh iathatane, wathanenhiakarhateni, nok he wathatien. Eh nihakonsoten tsiniiot natewennimekarawe, nok ne rotiatawiton ehnikenraken tsiniiot noniete. Tsinahonateronhienten sahonwatkahto ne ratinonnhakwe, eh nahotiiatawen tsiniiot nahonenheion. Nok tahatati ne raronhiakehronon, wasakawenhase ne tsionathonwisen, wahrenron: Tosa nise senihteronsek; wakaterientare se wahi tsi hetsiseniiatisaks Iesos ne tehonwaiantamhare. Iah kenh teshenteron; aseken shotonnheton tsini hawen. Kasene kati, nok tsiakahto tsi nonwe nihonwaiatattenne ne Rawenniio. Tesenisterihen tenhnon satsiahtenti, ietsihroriana ne ratikwekonne tsi shotonnheton, nok entsisewahenteste Karirehne; eh ienshetsisewaken. Onen kati wakwahrori.

Sonsahatonnhete.

MARK, XVI, 1-17.

Tsi wahententane ne wentanoron, Wari-Watere, oni Wari, Sak ronistenha, nok Salome wakontihninin iakoiatakhonstakwa sonha, wakonnehre, ne Iesos asakwaiatakhonste. Orhonketsi onwarh iawententaonhatie, wakonnewe tsi thaia-tat, onwarh ok sontakarakwinenne. Nok kontonhakwe tsi teiotihtare: Onka naa enionkinenhiarakwase ne tsi iokaronte tsi raiatat? Nok nonen tsi iakontkahto, wakontierentsi ok heren kanenhiakwiton; ok sane akwa iken tsi kanenhiowanenne. Iakontaweiate tsi iokaronte, nok

wahonwaken ranekenteron, tsi kaweientehtakon nonkati rents kwahere, kenrakenseroskon rotiata-witon; nok wationateronhienten. Tahenron ne raonha: Tosa sewahteronsek; Iesos wahi Nasarethronon hetsisewaiatisaks, ne tehonwaientaanhare; shotonnheton, iah kenh teshenteron: kento wahi ronwaiatatenhenne. Wasewe tenhnon, ietsihroriana ne raotiohkwa, oni ne Tier, tsi Karirehne ware atsisewahenteste; ethonon iensetsisewaken, tsi ki niiot tsi hetsisewahrori.

Awententaonke.

RUK, XXIV, 13-35.

Ethone tehniase tsini hotiohwa ne Iesos, ne sahenniserat (sonsahatonnhete Iesos), iahone-nontonhatie tsi tkanataien Emmaus, neh nahoten ne iaiak niwashen niwateniententserake tsinatekiatere ne Sirisare. Nok neh tehotihtarakwenhatie tsinaawenseron. Tsi kati nahe neh ronatorihaties, eh wasakononterane ne Iesos, nok wahonenontonhaties. Tsiniiot noia naawenne ne hnikahrake; ne se waonni iahte shonwaienteron. Nok wasakawenhase, wahrenron: Nahoten ne ken tesenihtarakwenhaties tsi isenes, nok seninikonhraksens? Saiatat, Kleofas ronwaiats, tahatati, wahrenron: Sonhaa onte ken, nakte nisenon ne tsini hati Sirisare nonwa iiens, iah ken oni tesatokense tsini iawenseron ne kanatakon nonwa wenniseratenions? Tontahenron ne Iesos: Oh ne ken nahoten? Tahniron: Ne ki raoriwake ne Iesos Nasarethronon, ne rotokensehakwe, raweiennakweniatserowanenne, rawen-

nakweniatserowanenne oni, raohenton ne Niio nok oni akohenton nonkwe okon; nok tenhnon tsiniiot tsi ronwatewentetenni ne ratitsihenstakweniios, oni ne iakikowanens, ahonwariwente nahrenheie, nok tehonwaiientannharen. Ionkwarrharekwe ki nii tsi raonha onte ensesakoiatotarisi n'Israerronon; nok kati onen neh nakwekon, onwa ashenhaton nonta ethoni tiawenhon. Sekon ki sane otiake ne tsionathonwissen ne iakwakwekonne, ionkiteronhonkwenni neneh; eh ieiotikwathon tsi thaiatat, arekho si wente, nok iahte iotitsenrion ne raoieronta; ok sa ok tetionenon, ionenhatie tsi wasakonatianeronkwen ratironhiakehronon, ne rontroris tsi sronnhe. Otiake oni tsini iakion eh wahonnete tsi thaiatat; eh ki niiot tsi wahatitsenri, tsiniiot tsi tsionatrori ne tsionathonwissen, nok ne raonha iah kaneka tehonwaiatatsenrion. Ethone onen tasakawenhase Iesos, wahrenron: Oh! (ionehrakwat tsi) iahte sewanikonhra, tsi oni niseweriashaion naesewaton-tate oriwakwekon tsini thonatati ne rotitokensehakwe! Iah ken teioteriwisonhonne neh niiot tsi aharonhiaken ne Kristos, nok ethonaiohton aonsahataweiate ne raoiatanehrakwatsérakon? Onen ne Moisme tahatasawen, tsiniore nakwekon rotitokensehakwe, wasakonikonhraiëntaste tsini hotiiatonnion ne raonha raiatatake. Onen toha tsi iahonnewe tsi tkanataien étho iehónenontonthaties, eh nahaiere tsiniiot nisinon niahare. Nok ne rononha wahonwaiatannhe, wahniron: Tewakwekonhak niha, aseken onen iokara, onen oni toha aiokarawe. Wahonne kati sathontaweiate. Ken kati naawen, tsi ronatekwahere, wathanatarakwe, wahaterennaienhase, wathaiake, nok tasakaon. Ethone onen tsiniiot nathiatéronweksi, nok sahonwaiënterene; ok ne

raonlia ok eh tonsahatahtonte tsi tehnikanere. Wahniron kati tetsiaron tsi tahiatati: Iah ken naa tetiotarihenskwe nonkeneriane, tsi rohtarakwe nohahakeson, tsi sonkenirihotasienniskwe noiatonseratokentison? Ok sa ok kati nethone tontahnitane, Sirisare niionsahne: nok wasakotiiatatsenri nenskat iawenre nihati oseronni ratiteron, oni ne ronatiake, rontonhakwe oni nennee: Oriwiiio tsi shotonnheton ne Rawenniiio, Simon teshonatatken. Ok ne rononha sahiatrori tsini iawenhon nohahakeson, oni eh nonsahonwaien-terene sathanataraiake.

Ratironhiakehrononke.

RUK, XXIV, 36-47.

Ethone eh wahoketote ne Iesos tsi thatiteron ne ratikwekonne, nok wasakawenhase, wahrenron: Skennen tikenhak niseke: ii ne ken, tosa sewah-teron. Ok ne rononha tsinontahontonneke, nok tsinahonateronhienten, wahonnehre, waonkwatianeronne wahi. Nok wasakawenhase: Nahoten sewahterontakwa, nok niatekon tsini sewanikonhrawens? Sewatkahto kesnonsake, oni kasitake: akwa se ii; kenniatakwaier, nok takwakahenhion; aseken nonikonhira ok iahte iowarare, iah oni teiostientare, tsina tesewakanere nii wakewarare nok wakstientare. Nok eh tsi rohtare, wasakonatonhase rasnonsake oni rasitake. Ok tenhnon ne tsi sekon rontennowentakwe, nok oni tsi rotinehrakwaskwe tsinahontonnharen, sahenron: Sewaien katiken ne kento othenon naieke? Wahnwaherhase kaskonte ne kentsionk, nok otsina-

kontakwane otsikheta. Wathatskahon raotihenton, nok sasakaon nahotatenrase. Nok wasakoh-
 rori, wahrenron: Ne wahi kwahtaranihakwe, se-
 kon tsi tewakwekon, tsi ioteriwison akwekon ia-
 kaierite tsini kaiatonnion ne Mois, oni ne rotito-
 kensehakwe, nok oni ne Tafit raotiiatonserake, nii
 akeriwake. Ethone watesakonikonhraswathete
 nahotinikonhraitane noiatonseratokentison, nok
 wasakawenhase: Etho, wahrenron, niiot tsi kaia-
 ton, eh oni nateiotonwentsiohonne aharonhiaken
 ne Kristos, nok nashenhaton nonta taontahat-
 ketsko ne kenheiatne; nok raonha raosennakon
 aionterihowanaton akaonwentsiakwekon nonkwe,
 naonsaiontatrewate nok naonsonterakewe tsi ia-
 koriwaneren.

Sosehne.

SAN, XXI, 1-14.

Ethone are sasakototasiase Iesos ne ratikwe-
 konne, kaniatarakta ne Tiberiat. Nok ken na-
 haiere sahatotasi. Enskatne roneskwe Simon
 Tier, nok Atonwa ne Titim ronwanatonkwa,
 tenhnon Nathanaer, Kanahronon Karirehne non-
 kati, nok Zebede sakoien okonha, tenhnon sekon
 tehniase ne raotiohkwa ne Iesos. Wahrenron
 ne Simon Tier: Wakariokawinehe. Tahoniron:
 Itewe niha. Wahonhtenti kati, nok kahonwakon
 iahontita; iah tenhnon othenon tehatiskokwen
 neneh wasontate. Nok siiorhenhonhatie nonkati,
 eh iathatane ne Iesos atsiakta; iah tenhnon te-
 honwaienterehon ne raotiohkwa tsi raonha ne
 Iesos. Wasakawenhase kati ne Iesos, wahrenron:

Sewanekenteron, iah ken tesewahkwaien? Tahoniron: Iahten. Tontahenron: Tsi kaweien-tehtakon nakahonwati iasewaharonti, nok ensewatsenri. Wahonaharonti kati; nok iahte shatikwenieskwe taontahontihentho nahare, tsini iawetowanen wahotinawe. Ne se waonni ne saiatat tsini hotiohkwa, ne ronoronkwakwe ne Iesos, wahawenhase ne Tier: Neh wahi ne Rawenniio. Sahahronke ne Simon Tier, tsi neh ne Rawenniio, sahatiatawite nehneken rotiatawiton-ne, aseken rotiatawitasionne, nok kaniatarake ia-hatatiatonti. Ok ne ronatiake, kahonwakon nennee nontahonne, aseken iah inon kaniatarhen tielhonneskwe, ne ok ne toha tekeni tewenniawe nikaiosake tsiniore, ronharisere titkentsiahere. Nok nonen sonsahontitako ehtioke, wahontkahto eh iotekha, nok kahere otsirake ne kentsionk, oni kanatarok. Wahrenron ne Iesos: Kasewentsienhaf nonwarh ok sewaskokwenhatie. Eh niahare ne Simon Tier, nok atsiakta taharatironten, wisk ioshenserote ashen iawenre ne kentsiowanens kontiataratie. Sahetho sane niiaweta, iah ki tateiotahariakon. Tasakawenhase Iesos: Kasewe tesewatskahon. Nok tsinihati wathontskahon, iah onka tehrehrakwe, ahiriwanontonse, ahenron: Onka nise? onen se ronaterientare tsi raonha ne Rawenniio. Nok eh iathatane Iesos, watrakwe kanatarok, nok tasakowihon, oni ne kentsionk. Onen neh nashenhaton sonsasakototasiase ne Iesos ne raotiohkwa, tsinahe satethotonnheton tsi rawenheionne.

Okaristiahne.

SAN, XX, 11-18.

Ethone ne Wari-Watere eh katakwe atste tsi raياتatakwe, tewasenthos. Etho tsi tewasenthos, watewatsakete iaontkahto nakon. Nok eh waa-koken tehniase hnihronhiakehronon kenraken ronaton, saiatat ranontsine nonkati, nok ne saiatat rasiatke nonkwa, tsinonwe nihonwaiata-tenhenne ne Iesos. Wakonwenhase, wahniron: Tsisathonwisen, nahoten satstarhakwa? Tontakenron: Ne ki tsi teshonwaiatakwen ne Rake-wenniio, tenhnon iahte wakaterientare ka onte niichonwaiataien. Nonen tsi iaontewennokten, watewatkarhateni, nok wahoken ne Iesos, eh irate; iah ki tenhnon teioterientare neh onte kenh ne Iesos. Tahrenhase ne Iesos, wahrenron: Tsisathonwisen, ohniiotiieren tsi tesasenthos? Onka hetsiatisaks? Waehre naonha, tsi onnontonnion, ne kenh ne raienthos tsi ok etho watenhenraien; wahawenhase, wakenron: Saianer, tokat ise teshetsiatakwen, takrori kanonni saien, nok ii tenshiatakwe. Tontahrenhase ne Iesos: Wari! Tonsontkarhateni, wahawenhase: Rabboni! (ne sakat aiairon: Takewenniio). Tontahenron ne Iesos: Tosa kenniatakwaier, aseken arekho Rakenihneha tiiesewakenon. Was tenhnon, tsi ratiteron nonkwatateken okonha iahase, iashehro-riana: Etho sake Rakenihneha, nok Hetsisewaniha oni nise, tsi thenteron ne Niio tsi konnhe, nok ne Niio tsi tsionnhe oni nise. Ionsonwe ne Wari-Watere, saiakohrori ne ratikwekonne, wakenron: Sahiken ne Rawenniio, nok ken nika-rihoten tsi rakrori.

Ronwaiatanentaktonne.

WATIO, XXVIII, 16-20.

Ethone nenskat iawenre nihati ne ratikwekon-
ne Iesos Karirehne niahonne, onontoharake, tsi
ki nonwe nisakonatonnihne Iesos. Eh iahonwa-
ken, nok wahonwawenniioste; nok otiake tsi-
niiot sekon nahontennowente. Nok akta warete
ne Iesos, wasakotati, wahrenon: Kakweniatse-
rakwekon ionkwawi ne karonhiake oni nonwen-
tsiake. Wasewe kati, ietsirihonnien nonkwe okon
nonwentsiakwekon, ietsinekwahest rasennakon
Roniha, nok Roienha, nok Rotkon Roiatatokenti;
ne ki ietsirihonnien noriwakwekon aieriwaie-
ritseke tsini kwarihonte. Nok ken kaien tiotkon
tewakwekonhatie niate wenniserake tsiniore ien-
sewatonwentsiarisi.

Entakta.

SAN, XX, 1-9.

Ethone, orhonketši onwarh iawententaonhatie,
sekon ok satetiokaras, eh waete Wari-Watere
tsi thaiatatakwe; nok ontkahto tsi kanenhia-
rakwen ne kanontektonne. Tonsonratate, saiakoh-
roriana ne Simon Tier, nok oni ne saiatat ne ra-
tikwekonne ne Iesos ronoronkwakwe; waken-
ron: Teshonwaiatakwen ne Rawenniiio tsi raia-
tatakwe, iah oni teionkwaterientare ka nieshon-
waiataien. Ok sa ok wahaiakenne ne Tier, tenh-
non neh ne saiatat, nok eh wahnete tsi thaiata-
takwe. Wathiaratate tetsiaron, nok neh saiatat

hnikwekonne wahotohetsten ne Tier, rahente iaharawe tsi thaiatat. Nok iathatsakete iahatketoten, wahatkahto eh kakeron noniataraa sonha; iah ki tenhnon tiichotaweiaton. Iaharawe oni ne Simon Tier, rononteratieskwe, iahataweiate neneh tsi raiatatakwe; wahatkahto oni ne raonha oniataraa sonha ehtake kakeron, nok neh noniataraa rotenontsistororoktonne ne Iesos, iahtia-tekaieston notiake noniataraa sonha, akwa neneh akte nikaien, tenhnon kawenonni. Ethone onen ne rahentene, tsi iahanewe tsi thaiatatakwe, iahataweiate oni neneh; nok wahatkahto, nok wathawehtakwe; aseken arekho tehonaterientarakwe, tsiniiot tsi kaiaton noiatonseratokentike, ne tsi ioteriwisonhonne naonsahatonnhete.

Tiotierenton Niiohne tsinahe Sonsahatonnhete.

SAN, XX, 19-31.

Ethone, okarasneha nonkati, neh wenniserate ne tiotenniseratierenton noiaiakserake, akwekon kannhoton tsi kannhokaronte tsinonwe nihonat-kennison ne ratikwekonne, ne tsi sakotitsaniskwe ne Sitaehronon, eh warete ne Iesos, raotinenhriien etho wathatane, nok wasakawenhase: Skennen tikenhak iseke! Nok nonen saharihokten, wasakonatonhase rasnonsakeson, oni ranahatake. Wahontsennonni kati ne raotiohkwa, sonsahonwaken ne Rawenniio. Nok sekon sahenron: Skennen takenhake tsi sewenteron. Tsiniiot tsi thakennhaon ne Rakeniha, etho oni nise niiot tsi iakwannhane. Ehnon sahaicre, iaharontate tsi thatikenniate, nok wahrenron: Atsisewatienhas

ne Rotkon Roiatatokenti. Tsiniakon entsietsi-rakewase nakoriwanerahaksera, entsiakoterakewase; nok tsiniakon enietsinerenkse, eniakotnerenkse. Ken kaien n'Atonwa ronwanatonkwa Titim, enskat raiatarakwe ne tekeni iawenre nihati, iah eh tehenterontakwe sahakwatho ne Iesos. Sahonwahrori kati ne ronatiake, wahoniron: Sesakwaken ne Rawenniio. Nok tasakawenhase, wahrenron: Iahtenkatkahtosere ne rassonsake tsi karonwaraieronnianion, iah oni tiakennisionnsorokhe tsinonwe nikaronwarotonkwe, iah oni tiakienasere ne ranahatake, iah ki taontakehtakwe. Nok satekon nonta ohnakenke, kansonkon are ratiteron ne ratikwekonne, raiatare oni n'Atonwa, eh wahoketote ne Iesos, kannhottionnion saue tsi kannhokaronton, raotimenhriien eh wathatane, nok wahrenron: Skennen tikenhak niseke. Ethone iahawenhase n'Atonwa, wahrenron: Kenh tasennisionnsoroke, nok skahenhion/ne kesnonsake: karo oni tasatsiatat, nok iatsiena ne kenahatake; nok tosa sasatennowentatskonhak, tisehtakonhak tenhnon. Tontahatati n'Atonwa, wahrenron: Ise ne Takewenniio, nok ne Sewenniio tsi konnhe! Tontahenron ne Iesos: Ne tsi waskken, Atonwa, tisehtakwen; iakotaskat nennee iahte iakotkahton, nok tiakaweh-takwen. Eso sekon noia sonha ne ioriwanehrakwatenions tsini hotieranion Iesos, tsi tehatikannere ne ratikwekonne, ne iahte kaiaton ne kento kaiatonserakon. Kenh tenhnon kaien tsi kaiatottionnion, neh ki naontawe naontesewehtakonhake tsi Kristos, Niio Roienha, nihaiatoten ne Iesos, nok tsi entisewehtakwe ne raosennakon, aese-waientane naetsionnheke.

Tekenihaton Niiohne...

SAN, X, 11-16.

Ethone, wasakawenhase Iesos ne Farisien ni-hatiiatotens, wahrenron: Ii ne ranonnhatseriio. Ranonnhatseriio sakotewentetennis tsi ronnhe ne raotsenen okon teiotinakarontonha. Ok ne rannhatsera, oni ne iahte hanonne, iah oni raonha tehotsenen okon, nenhaken tawe okwaho, wasakotewentete ne teiotinakarontonha, nok wahateko; nok nokwaho teiakoiatakwa, teiakoreniatha oni ne katsenen. Ne aoriwa wahateko ne rannhatsera, ne tsi kannhatsera nahaiatoten, iah oni othenon tatesakoterientarhe ne katsenen. Kennonnhatseriio nii, kheienteris naketsenen okon, oni ionkiienteri nononha, tsi ki niiot tsi rakienteri ne Rakeniha, nok tsi riienteri ne Rakeniha; nok kheiatewentetennis tsi konnhe naketsenen okon. Sekon oia wakenaskwaien ne teiotinakarontonha, iah nennée tekontikwekon ne ken konnes naketsenen; nok ioriwentaon oni nennée entekheiatenhawe, nok enionkewennahronke, enskat ok enkentiohkwaientake, saiatat oni nensakonnhake.

Ashenhaton Niiohne...

SAN, XVI, 16-22.

Ethone, wasakawenhase Iesos ne raotiohkwa, wahrenron: Akwa niskariweshā, onen iahtaonsaskwaken, nok sekon kennikariweshā, nok enseskwaken, aseken Rakenihneha sake. Otiakene raotiohkwa wathontateriwanontonnionse, wahō-

niron: Nahoten onte renton tsi sonkwahroris, tsi raton: Iahte skariwes, onen iahtaonsaskwaken, nok sekon are kennikariweshas, onen enseskwaken, nok oni: Ne tsi Rakenihneha sake? Rontonhakwe kati: Nahoten onte kenton nehnikawennoten: Kennikariweshas? iahte ionkwanikonhraitas tsi nahoten renton. Nok ne Iesos, roterientaratsihon tsi ronnehre, asakwariwanontonse, wasakawenhase: Tesewatateriwanontonnionni tsi nahoten wakiton, tsi wakiron: Kennikariweshas, onen iahtaonsaskwaken; nok sekon kennikariweshas, onen enseskwaken. Oriwiiio, oriwiiio tsi kwahroris, tsi tensewasenthoseron, nok entsionsenanion nise, ok nonkwe okon eniontonnharonnion; ise ok eken ensewanikonhraksenseron, nok ki tenhnon ne sewanikonhraksensera tentesewatteni, atonnharatsera iensewatton. Tsiiothonwisen iowiraitasere, ionikonhraksens, aseken onen ieiotenniserihewe; nok tenhnon nonen iowiraitaon, iah onen tesewehiare naoronhiakensera, ne ok ne tsiotsennonni tsi onen are enskat nonkwe saionnakerate nonwentsiake. Etho kati oni nise niiot, nonwa sane sewariwaicn ne kanikonhraksensera; sekon ki tenhnon enskwaken, nok ensewattonnharen seweriasakon, nok iah onka taonsaietsikwa ne sewatsennonniatsera.

Kaierihatton Niiohne...

SAN, XVI, 5-14.

Ethone, wasakawenhase Iesos ne ratikwekonne, wahrenon: Onen nonwa eh sake tsi thenteron ne thakwatorion; nok iah onka tsinitson

tehakeriwanontonnis, nahenron: Ka wase? Ok eken ne tsi wakwahrori neh nikarihoten, kani-konhraksensera ioteten seweriasakon. Oriwio se tsini kwahrori: ise sewatsennonniatak naon-sakahtenti; aseken ne iahtenskahtentionhe, iah ki taontatsisewaiatorenne ne Sakonikonhrahni-rats; nok tenhnon nenskahtenti, enthiatenniete tsi sewenteron. Nok nonen enrawe, ensakoni-konhrasenni nonwentsiakehronon ne aoriwake ne kariwaneren, oni ne ioteriwakwarisiontsera, nok oni ne kaiatoretatsera. Ne ki aoriwake ne kariwaneren, ne tsi iahte thonehtakwen niike. Ne tenhnon aoriwake ne ioteriwakwarisiontsera, ne tsi Rakenihneha sake, nok onen iahtaonsaskwakenseke; nok ki ne kaiatoretatsera aoriwake, ne tsi onen tekonwaiatoretakwenton nonwentsiakehronon konwakowanen. Sekon eso ioriwake wakien nakwahrori: iah ki taesewakweni nonwa aesewatketate. Kawenniio tenhnon enrawe neh ne Ronikonhratokenti, iahte honowen, neh entsisewarihonnien ne kariwiiotserakwekon. Aseken iah raonha tehotennikonhra tsi enhatati; ne tenhnon enshatrori tsinikon enhohronken, nok entsisewatokaten tsi neniawenseronne. Raonha enhaksennowanate, aseken neh nakwawenk tenhrakwe, nok entsisewahrori. Tsinikon roien ne Rakeniha, ii akwawenk. Ne se aoriwa katon: Tsi tenhrakwe nakwawenk, nok neh entsisewahrori.

Wiskhaton Niiohne...

SAN, XVI, 23-30.

Ethone, wasakawenhase ne Iesos ne raotioh-kwa, wahrenron: Akwa tokenske, akwa tokens-

ke tsi kwahroris: tsi ok nahoten entsisewaneken ne Rakeniha ii aksennakon, entsitsion. Tsiniiore nonwa, arekho othenon tesewanekhen nii aksennakon. Sewanek, nok ensewarane, niiakaierine tsinaesewatsennonni. Takeriwakentonkwa nonwa tsi kwahrori. Ienwatenniserihewe, onen iah-taonsakatste ne tekariwakenwaton tsi enkwatati, akwa tenhnon otokenhon tsi enkwarihotasien ne Roniha raoriwake. Ethone onen ii aksennakon ensewaneke; nok iahtakiron, enhineken ken ne Roniha nise sewariwake; raonha se ne Roniha hetsisewanoronkwa. ne ki tsi takwanoronkwa nise, nok tisewehtakon tsi Niiohne nitewakenon. Rakenihneha tewakientakon, nok onwentsiake tewakenonton; skahtentionhe nonwentsiake, nok Rakenihneha sake. Tahoniron ne raotiohkwa: Onen wahi nonwa otokenhon tsi sahtare, iah oni othenon tateseseriwakenwatha. Onen nonwa ori-wiio waakionni tsi oriwakwekon nitsienteri, iah oni tei-tonwentsiohon onka aiesariwanontonse nothenon; ne kati waonni tionkwehtakon tsi Niioke tisaientakwen.

Tsi Ienenhrinekens.

RUK, XI, 5-13.

Ethone, wasakawenhase Iesos ne raotiohkwa, wahrenon: Onka tsinitsion ahotenrosentake, ahonwaiatisakha asonthen, nok ahonwenhase, ahenron: Tiatenro, askeni ashen nikanatarake, aseken rakwataweiatenni nonkiatenro rohtentionne, nok iahte wakien nahoten ahirhase; nok ne kanonskon thenteron aontahenron: Tosa

othennon taontakenikonhraren, onen wahi waka-
 tennhoton, iakwanats ne kheien okonha; iah
 kati taonton ne taontakatketsko, nok aontakon-
 hion? Tokat, ok eken, senha ok ahannhontison-
 seke tiotkon, kwahrori, tsi iahta taontahatketsko
 nok aontahaon, ne tsi ronatenro; nok sane ne
 tsi tehonikonhrarani, tenthatketsko, nok enhowi-
 hon tsinikon tehotonwentsioni. Nok ii wakwah-
 rori, katon: Sewanek, nok entietsiion; sewe-
 sak, nok ensewatsenri; sewannhontison, nok
 entietsinnhotonkwase. Aseken kaneka ranekha,
 raianas; neh resaks, ratsenries; nok neh rann-
 hontison ronwannhotonkwennis. Onka oni tsi-
 nitsion, ne roniha ahoneken ne kanatarok, onen-
 hia onte ken enthaon? tokat ne kentsionk aho-
 neken, ohniare ken ahononte, aonaktake ne ken-
 tsionk? Nok tokat onnhonsa ahoneken, takwa-
 hasont kowa onte ken enthonatonhase? Tokat
 kati sewaweiente nise, iah sane tetisewariwaieris,
 ne ioianere sonha aitsiiawiseke ne ietsiien okon-
 ha, to onte senha n'Hetsisewaniha, karonhiake
 thenteron, ensakaon nonikonhratokenti nenhon-
 wanekenniheke?

Entakta karonhiake Sonsharete.

SAN, XVII, 1-II.

Ethone, karonhiake niiahatkahraierate ne Ie-
 sos, nok wahrenron: Rakeni, onen ieiohe, het-
 sennowanat n'Hetsienha, nahiasennowanate oni
 nise n'Hetsienha. Tsiniot tsi hetsiatakwenios-
 ton nonkwe okon, nasakaon ne raonha naiakonn-
 heke tsinenwe tsiniakon hetsonkwetawi. Nok

ken nikarihoten naiakonnheke onwe: ne naie-saierthane, sonhaa tokenske Sewenniio, nok oni ne thetsatorion, Iesos Kristos. Konsennowanaton nonwentsiake; onen wakeriwaieriton tsini skwawi tsi nakiere. Onen kati nonwa nise tontaksennowanat, Rakeni, ise tsiatakta, tsinisk-sennowanatakwe tsinahe, arekho tsi tionwentsiatekwe. Kherihowanatenni ne sasenna tsini hati takonkwetawi nonwentsiake. Ise sonkwetakenha, nok ii takonkwetawi; nok ne sawenna ronateweienton. Ronaterientare nonwa tsi iseke nitionenon tsinikon teskwawi; aseken ne sawenna okon ne teskewennawi, iesekheiwawi, nok rotiiena, oriwiio oni tsi rotinikonhraientaon tsi iseke tewakientakon, nok thonehtakon tsi ise teskwatorion. Rononha kheiterennaiennis; iah onkwe okon tekheiterennaiennis, ne tenhnon ne kenhi tsini hati ne takonkwetawi, aseken ise sonkweta. Nok tsinikon wakien, ise sawenk; nok tsinikon saien, ii akwawenk; nok wakatatsennowanaton rononhake. Nok onen iahte skiteron nonwentsiake, ok ne rononha onwentsiake ronnes, nok nii iseke sake.

Karonhiake Sonsharete.

MARK, XVI, 14-20.

Ethone, tsi ronatekwahere ne tahontskahon nenskat iawenre nihati ratikwekonne, etho sasakototasiase ne Iesos; nok wasakotteten tsini honatennowentatskon, nok tsini honateraiatak-watskon, tsi sakenennowenton ne shonwakenhne tsi shotonnheton. Nok wasakawenhase, wahrenon: Wasewe nonwentsiakwekon, akwa nonkwe

okon ietsirihonnien ne kariwii. Nentiakaweh-takon nok neniakotenekwaheston, eniontsennonni karonhiake; nok neniontennowente eniontkaronni. Ken tenhnon kaien ne ioriwanehrakwatenions enkaieronnitstakon nentiakawehtakohake: aksennakon enskonwanatekwate nonatkonseraksens; niate kawennake enionhronkake; enkonwatiiena nohniare; neniehnেকira oni ne iakorihtha, iah othenon taiakokarewate; nensakonanisnonsaherhase ne iakononwaktanionni, entsieiewentane. Nonen saharihokten ne Sonkwawennii Iesos, tsi sakotati, wahatharatate karonhiake niionsare, nok iahatien tsi thaweientehtakon ne Niio. Nok ne rononha wahonhtenti, oktiwakwekon wasakotirihonnien, sakoienawasehates ne Rawennii, wahariwahnirate ne raotiwen-na, ioriwanehrakwatenions tsinahatieranion.

Niiohne onen Karonhiake Ieshawenonton.

SAN, XV, 26-27; XVI, 1-4.

Ethone, wasakawenhase ne Iesos ne ratikwekkonne, wahrenron: Kawennii enrawe ne Sakonikonhrahnrats, nehne Rakenihneha enthinnhane tsi sewenteron, nene Ronikonhtratokenti, iahte honowen, oni Rakenihneha thoientakon, raonha enhakeriwahniratse. Ise oni enskwariwahniratseke, aseken, tsinahe tewakatasawe, tsi tewakwekon. Ne waonni wakwahreri nehnikarihottens, ne tosa aesewatatenikonhrotako. Enietsi-iatekwate tsi ronterennaientakwa: ienkahewe oni, tsiniakon nenietsirio, enienrheke wasakwawenniioste ne Niio. Nok ne aoriwa eh nenietsi-

ierase, ne tsi iahte honwaienterchon ne Rakeniha, iah oni nii. Neh kati waonni wakwahrori, eh naontawe, nonen ienkahewe, aonsesewehianane tsi ii kwatokatenni.

Entakta ne Rotkon Roiatatokenti Rawennisera.

SAN, XIV, 15-21.

Ethone, wasakawenhase Iesos ne raotiohkwa, wahanron: Tokat takwanoronkwa, sewateweienton ki nakewenna okon. Nok enhiiennitentase ne Rakeniha, nok oia entsitsion natsisewanikonh-rahniiratseke, neh tiotkon aesewakwekonhatieseke tsinenwe: nehne Ronikonhratokenti, iahte honowen, neh iahtaonton nonwentsia ahonaktotase, aseken iahte hokens, iah oni tehoienteri. Ok nise entsisewaienterhane, aseken entsisewatienhase, nok iseke enhenterontake. Iahtakwaia-tonti naesewententane, tsiniiot ne iahte tsiakonis; tentkwatkensera. Sekon kennikariwesha, nok iahtaonsaionkken nonwentsiake tiakoientakon; ise tenhnon enskwakenseke, aseken konnhe nii, nok entsionnheke oni nise. Ethone ensewanikonhraitane tsi raonhake ne Rakeniha kiteron, nok nise akonhake sewenteron, nok oni nii iseke kiteron. Nene rahawe nakewenna okon, neh oni rateweientons, neh thohiken rakenoronkwa. Nok ne rakenoronkwa, enhonoronkwake ne Rakeniha; ii oni enhinoronkwake, nok enhia-totasiase tsini kiatoten.

Sasakotienhase Rotkon Roiatatokenti.

SAN, XIV, 23-31.

Ethone, wasakawenhase Iesos ne raotiohkwa, wahrenron: Kaneka rakenorokwakenhateweienton nakewenna; nok enhonoronkwake ne Rakeniha, nok ieniakene tsi renteron, nok ensakiiatienhase. Ne iahte hakenoronkwa, iahte hateweientons nakewenna. Nok ne sewawennahronken, iah ii akewenna teken, ne tenhnon raowenna ne thakwatorion, ne Rakeniha. Ethoni kwaierase, sekon tsi tewakwekonhaties. Nok tenhnon ne Sakonikonhrahnrats, ne Rotkon Roiatatokenti, neh enthonnhane ne Rakeniha aksennakon, raonha oriwakwekon entsisewarihonnien, nok enshetsisewehiarakwen tsinikon kwahrorianion tsinahe. Kwenrase ne skennen, neh nakwa ii akwawenk ne skennen, neh kwawis; iah tenhnon elteiot tsi iontatawis nonkwe sonha, ii tsi kwawis. Tosa tesewaterientaren, tosa oni tesewatonharenron. Sewatonte tsini kwaierase, tsi waken: Skahtentionhe, nok tentke tsi sewenteron: Ne naskwanoronkwake, oriwiiio tsi aescwatsennonni tsi Rakenihneha sake, asken raonha Rakeniha senha rakowanen tsi nii niio (1). Nok nonwa wakwahrori ohenton eh naiawenne, eh naontawe aontesewehtakwe nonen eh neniawen. Iah onen eso tataonsetewahtaren. Onen se tawe ne konwakowanen ne ken ionwentsiate, iah sane othenon tewakewenniio; ne tenhnon

(1) Ne raton, ne tsi onkwe nahaiatoten; asken, tsi Niio nahaiatoten ne Iesos, satehniiatoten ne Roniha.

aoriwa tawe, naiakotokense nonkwe tsi rimoronkwa ne Rakeniha, nok oni tsi eh niwakierenhatie tsini hakennhaon ne Rakeniha.

Awententaonke.

SAN, III, 16-21.

Ethone wasakawenhase Iesos Nikotem tsi telnitarakwe, wahrenron : Ethoni sakononwehon Niio nonkwe, sakowi n'Enskat ok ne Roienha; etho naontawe, tsiniakon tiakawehtakon raonhake tosa aiontkaronni, ok eken tenhnon aiakoientake naiakonnheke iatekakonte. Aseken ne Niio, iah ne tethotoriaton ne Roienha tsi ionwentsiate, ne tasakoiatorete nonkwe, ne tenhnon ne raonhake aonsaiontestontakwate nonkwe. Neneh thawehtakwen raonhake iahta tehonwaiatoretha; neh tenhnon iahta thawehtakwen raonhake, onen ok nene tehonwaiatoreton, ne ki tsi iahta thawehtakou raosennakon ne raonhatsiwa Niio Roienha. Ken tenhnon kaien ne tekaiatoretatsera : aseken iio nonwentsiake ne teioswathe, nok nonkwe senha neh iakononwehon ne taontaiakokaraseke, tsiniiot ne taiakoswatheke : aseken iotaksen tsini iakotierenhaties. Ne kati ne iotaksen tsini iakotierenhatie, ieswens ne teioswathe, iah oni akta teientha tsi teioswathe, onwa sotsi eniontateriwasten tsini iakoierenhatie. Ok neneh ne kariwiiio tsini iakoierenhatie, akta ki ientha tsi teioswathe, eh naontawe wehne aonton, tsini iakoierenhatie, aseken raonhake ne Niio tsi kaieren.

Ratironhiakehrononke.

SAN, X, 1-10.

Ethone wasakawenhase Iesos ne Farisien niha-tiiatotens, wahrenon: Akwa tokenske, akwa tokenske tsini kwahroris, onka iah kannhohakweniioke tethataweiatha tsinonni kontiteron ne teiotinakarontonha, akte tenhnon nonwe thaientakwa tsi ieharathens, neh thohiken ok tihonenskwen, oni ranenskwas. Ok nene nakwa tsi kannhokaronte nitres, neh thohiken sakononniha ne teiotinakarontonha. Neh ronnhotonkwennis ne tehonn-hohaien, nok ronwawennahronkas ne teiotinakarontonha; akwa oni tesakonatonniions tsi iesakononks ne raotsenen okon, nok atste niiesakoiatenhawis. Nok nonen sakoiatinekenhon ne raotsenen okon, raonha ohenton ware; nok ronwanonteraties ne teiotinakarontonha, aseken ronwawennaienteri. Iah tenhnon tehonwaseres nakoren akenhake, ok eken ronwatekwennis, aseken iahte iakotiwennaienteri nakorenon. Ne wahatennakerate Iesos tsi wasakohtarase; ok ne rononha iahte hotiienterehon tsi nahoten renton. Sekon kati ne Iesos sahenron: Akwa tokenske, akwa tokenske tsi kwahroris, ii aotinnhoha ne teiotinakarontonha. Akwekon tsini hati thonenon, okti hotinenskwen, oni ratinenskwas, iah oni tehonwatiwennarakon ne teiotinakarontonha. Ii ne tsi kannhokaronte; tokat onka ki ok iihne enhataweiate, enhatsennonni; enhataweiateke, oni thenthaiakenseke, nok enhatsenri ne kahkwiiio. Ne nokti honenskwen ne ok raniente nahanensko, nahario, oni nahahtonte. Ok nii, ne aoriwa tewakenon naiakonnheke, nok senha isinison aiakonnheke.

Sosehne.

SAN, VI, 44-52.

Ethone, wasakawenhase ne Iesos kentiohko-
 wanen ne Sitaehronon, wahrenon: Iah onka ta-
 hakweni ahakiatorene, niahtaontahoiatatironta-
 ne ne Rakeniha ne thakennhaon; nok ii enshi-
 ionnhete, nonen ohnaken tewenniseronte. Waton
 tsi rotiiaton ne Rotitokensehakwe: Ienkahewe
 raonha ne Nii ensakorihonniien nakwekon tsini
 hati. Neh kati onka ki ok ne enhowennahronken
 ne Rakeniha, raonha oni enhorihonnienni, neh
 thohiken enhakiatorene. Iah sane onka nako-
 ren tehoken ne Roniha, ne ok ne Niioke nitha-
 wenon, neh roken ne Roniha. Oriwii, oriwii
 tsi kwahraris, neh thawehtakon iike, roien nah-
 ronheke iatekakonte. Ii ne kanatarok ne iaka-
 onnhetha. Ietsini okon kenhah ronnekön karha-
 kon ne kahkwanoron, nok ronenheion. Ken
 nonwa kaien ne kanataranoron, karonhiake nitia-
 wenon; kaneka enienatarake nehnakanataroten,
 iahta iaiheie. Ii ne kanatarok ne ionnhete onwe,
 ne karonhiake nitewakenon. Kaneka enienata-
 rake nehnakanataroten, iatekakonte eniakonn-
 heke; nok nenkhenataranonte, ne nakewaronk,
 nonkwe okon naiakonnhekon.

Okaristiahne.

RUK, IX, 1-6.

Ethone, wasakotkennisahate Iesos ne tekeni
 iawenre nihatikwekonne, wasakorihonten nok

wasakokweniatseron nonatkonseraksen okon nasakotisenni, oni naonsasakotitsiente niakononwaktanionni. Nok iasakotori asakotirihonnien-nira ne Niio raonakeratsera, nok aonsasakotitsiente niakononwaktanionni. Wasakawenhase oni: Tosa othenon iasewaha tsi sewahentionhe, iah natennits, iah ne kaiare, iah ne kanatarok, iah oni nowista; nok tosa tekeni tesewatiata-witseraientak. Kaneka ienietsiataweiaten, sewenterontak nakononskon, nok tosa tisewaia-kenn netho nonwe. Nok tsiniakon iahtaetsi-naktotase, nonen tentisewaiakenne nehnonwe ni-kanataien, nok oni nokenra ne ioranentakon se-wasitake ensewawake, neh aiakoriwahniratstake. Wahonhtenti kati, ok tiathonreni tsi ionatak-wenraron, sakotirihonniennihatie, oni sesako-titsientonhatic oktiwakwekon.

Ronwaiatanentaktonne.

RUK, V, 17-26.

Ethone, iakahewe rentsckwarakwe Iesos, sako-rihonniennihakwe. Raiataкта ratitsckwaronnion-tie otiake ne Farisien nahatiiatoten, oni ne ra-tiiianerenseraweienhon, neh ne tsi kanataienton Karirehne, Sitaehne, nok oni Sirisarehne nitho-nenonseron; nok ne Niio raosatstensera etho ontotati, naonsaionton ne iakononwaktani. Nok ken kaien etho wahonnewe notiake tehonwai-tenhawi kanaktake saiatat ne roiatakenheion; nok ronesakonhaties ka nonwe niiahonwaiati-nionte, nok raohenton iahonwanaktaien. Waho-tiioha kati ka nonwe iahonwaiatiniontakwen,

sotsi se kentiohkowanen; kanonsake iahatira-then, eh oni nonkati tahonsentakwe tsi raiation-ni ne roiatakenheion, satekanenhriien tsi renteron ne Iesos. Sahatkahto tsini thonehtakon tsinaha-tiere, wahrenron: Sonkwe, sonterakewe ne sariwanerahaksera okon. Nok tahontasawen ne ra-tiitons, oni ne Farisien wahonnontonnion, wa-honiron ne raotinikonhrakon: Oh naa nahaiato-ten ne ken hiken, neh ratewennaiesatha? Onka enhakweni aonsaharakewe ne kariwaneren, aon-tahaiatate ne Niio? Ok tenhnon ne Iesos sako-nikonhraienteritsihon, tontasakowennaweron, wa-henron: Nahoten sewennontonnionkwa ne se-werientakon? Kani kaien senha watiesen, ok ne-neh naiairon: Sonterakewe ne sariwanerahakse-ra; ok neh naiairon: Satketsko, nok sahtenti? Naesewaterientarake kati tsi rokweniatseraien nonwentsiake n'Onkwe ronwaienha naonsahara-kewe ne kariwaneren, wahawenhase ne roiata-kenheion: Ii wakonhrori, satketsko, tesek ne sanakta nok sasahtenti, tsi sanonsote ionsase. Nok ok sa ok, akwekon teiekanere. sahatketsko, watrakwe ne raonakta tsi raiationnikwe, nok sa-hahtenti, tsi thononsote sarete, tehononweraton-tie ne Niio. Akwekon ok taiontonnekhon, nok tehonwanonweronnionskwe ne Niio. Nok wa-kohteronne nakwa, waironnion: Oriwiio tsi we-tewatkahto onwa wenniserate othenon ne iori-wanehrakwat.

Entakta.

RUK, IV, 38-44.

Ethone, tontahaiakenne Iesos... (nok oia son-ha, tsi kaiaton, sk. 447).

Ashenseratokenti Siawentawen.

WATIO, XXVIII, 18-20.

Ethone, wasakawenhase Iesos ne ratikwekon-ne, wahrenron: Ionkwawi nakewennioke karonhiakwekon, oni onwentsiakwekon. Wasewe kati, ietsirihonniennira nonkwe okon tsi ienakeron-nion; ietsinekwahest rasennakon Roniha, nok Roienha, nok Rotkon Roiatatokenti; neh ki ietsirihonnien noriwakwekon aionteweienton tsini kwarihonte. Nok ken kaïen tewakwekonhatie, niate wenniserake, tsiniïore iensewatonwentsiari-si.

Ne Sahenniserat. — Tiotierenton Niiohne tsinahe
R. Rti. sihawentawen.

RUK, VI, 36-42.

Ethone, wasakawenhase Iesos ne raotiohkwa, wahrenron: Etho nisewatanitenraskonhak, tsi ki nihotanitenraskon n'Hetsisewaniha. Tosa teietsi-iatorete, iah ki oni nise tataietsiiautorete; tosa ietsiriwent, iah ki oni nise taietsiriwente; ietsi-tanitenr, nok entietsitanitenre oni nise. Ietsiion, nok entietsiion: akwa enwateniententseriïohake tsi enietsiïennetha, enwatsioron, akwa oni tenion-tahniraton, nok sekon enwatawenrate. Aseken ok tsinensewatstakon nise tsi nenietsiïatenientase, ok he nentsionstake tsi tentsiïetsiïatenientase nise. Sekon are oia tonsasakoriwakentonkwen, wahrenron: Aonton ken ne teharonwekon ahonentsine ne teharonwekon? Iah onte ken te-

nitsiaron tiiahniiatenne tsi teiontiakon? Iah wahi senha tehaiatanoron ne rateweienstha tsi-niiot ne rorihonniennis; iah tenhnon othenon tataontokten ne thoriwaieri akenhake, naonsa-hoierenhake ne rorihonniennis. Oh naa niiotiieren tsi neh satkahtos ne tsiatatekenha rokahrise ononskeri, ok tenhnon ne karonta iwat ne sakahrise iahte sattokas? Nok ohniiot tsi enwaton natsienhase ne tsiatatekenha: Tiatateken, niare sektako ononskeri ne skahrakon, ok nise iekarontat ne skahrakon iahte sattokas? Satkon-warorokton, neh tasatierent sastako ne skahrakon karontat, ethone onen ensennontonnion to nasiere naonsastako ononskeri ne tsiatatekenha rokahrise.

Niio Rawentawen.

SAN, VI, 56-59.

Ethone, wasakawenhase Iesos ne kentiohko-wanen Sitaehronon, wahrenon: Akwa oriwiiot tsi kahkwa nakewaronk, nok iehnekirhatha nake-nekwensa. Ne iraks nakewaronk, nok rahnekirha nakenekwensa, akonhake thenteron, nok ii raonhake tkiteron. Tsi ki niiot ne Rakeniha ne thakwatorion, ronnhe onwe, nok ii konnhe raonhake ne Rakeniha; eh kati oni niiot ne iraks nakewaronk, raonha oni enhronnheke akonhake. Ken kaien ne kanatarok, ne karonhiake nitiawenon. Iah eh tekanataroten tsiniiot ne rotinatara-kon ietsini okon kenha, nok ronenhieion. Ken tenhnon kaien enienatarake, iatekakonte eniakonnheke.

Tekenihatón Niiohne...

RUK, XIV, 16-24.

Ethone, wasakawenhase Iesos ne Farisien nahatitaten, wahrenon: Saiatat ne ronkwe atenniotatserowanen wahatennioten, nok kentiohkwonanen wasakohonkaron. Kawenniio iakahewe taiontskahon, raonnhatsera iahotenniete nasakohroriana tsiniakon ne sakohonkarawi, tsi onen kaweinnentaon akwekon. Nok akwekon, akwa enskat tsinontahatiere, wahonteriwateko nahonwahrtentise. Wahrenon ne tahatierente: Wakonwentsiahninon, tewakatonwentsioni nakia-
 -kenne nakatkensera; takitenr kati, tosa seriwarako. Nok ne saiatat wahrenon: Wisk miiioianake ne teiotinakares wakenaskwahninon, iatekakonte kati tsi enkheiatenienten; takitenr kati, tosa seriwarako. Nok tihaiatate wahrenon nehne: Onwarh onkeniake, iah kati takiere netho iake. Sonsarawe ne kannhatsera, sahohrori ne raiatakweniio tsi nahoiaatawen. Tsinahonakwen ne raiatakweniio, wahawenhase ne ronnhas, wahrenon: Was, ok sa ok kanatakonsen, oni tsi tekanatokenhaton iase; nok ne iakotentenion, oni ne iakawenheionha, ne teieronwekon, oni ne iontsinokatha, akwekon kenh nontasheiatenhaf. Tontahenron ne rannhatsera: Sewenniio, onen ethoniawenhon tsinaseriwisa, nok sekon ionaktote. Tontahenron ne raiatakweniio: Was, oha-
 -hakeson, atenhennraktatieson oni; nok shesterons naontahontaweiate, nakanonsike tsi wake-
 -nonsote. Aseken kwahroris tsi katon, tsini hati ne khehonkarawihne, iah onka tiaontennhontha nakwatennatsera.

Ashenhaton Niiohne...

RUK, XV, 1-10.

Ethlone ne ratiienas (1), oni ne rotiriwanerahakskon sonha ronwateranentakwennihakwe ne Iesos, nahonwawennahronke. Nok ratiriwakatenskwe ne Farisien nahatitiatoten oni ne ratiiatons, rontonhakwe: Nisakonaktotanis niakoriwanerahakskon, akwa oni tehontonts! Nok ne Iesos tontasakoriwakentonkwen, wahrenron: Onka tsinitision, enskat tewenniaawe ahonaskwaientak teiotinakarontonha, tokat skaiatat ahotenaskwahtonse, iah ken ok he tasakoiatonti karhakon ne tiohton niwashen tiohton iawenre, neh ahaiaitisakha ne iotiatahtonhon, tsiniiore iaonsahaiatatsenri? Ok nonen enshaiatatsenri, tenshaiatakwe, enhennensaren, rotsennonniliatie; nok nonen ensrawe tsi rononsote, tesakononks ne rontenroson oni ne tehonnonsanekhaons, raton: Tontakwatsennonnias, aseken skiatatsenrion ne wakatenaskwahtonnihne teiotinakarontonha. Etho niiot tsi wakwahrori, tsi senha entiontsennon-nianion karonhiake, ne saiatat roriwanerahakskon enshatatrewate, tsiniiot ne tiohton niieiata-sheñ tiohton iawenre ne tiakoriwaiieris, iah othenon teiakotonwentsioni taonsaieriwasherako. Onka oni ne tsiiothonwisen oieri niowistaien, enskat aioti, iah onte ken takahaseroten; nok aionhewe ne kanonsakwekon, nok aontonteweienton awesake tsiniiore iaonsakatsenri? Nok nonen enskatsenri, ieiakononks ne tekontatenoronkwa,

(1) Satkens. sk. 422. wãtroriatha tsi nahoten kenton tsi waton: *ratiienas*.

oni ne tekonnonsanekhaons, watonne: Tontakwatsennonnias, aseken sewaketsenrion nenskat wakwistontionne. Etho kati tsi kwahroris, nentiontsennonnianion ne Niio raoronhiakehronon okon, ne tsieiatat iakoriwanerahakskonne entsiontatrewate.

Kaierihaton Niiohne...

RUK, V, I-II.

Ethone, onen iotiohkwatsanit iahonwaiatorenne ne Iesos iontahonsatathe ne Niio raowenna; ratakwe ne raonha kaniatarakta Senesareth. Nok iahatkahto tekahonwake atsiakta tkahonwaien; ronatatikwenne ne rontaharoskwe (ne raotihonweia), shonharanohareskwe. Enskat kahonwakon, nene Simon raoniarota, iahatita, nok wahoneken isinon ostonha niiatakātane; eh tahatien, nok noniarotakon tahatati, nasakorihonnien ne ietaraientakwe. Kawenniiio wahatkawe tsi saktatis, wahawenhase ne Simon: Kanonhon niahase, nok sewaharonti ne naesewanawe. Nok tahatati ne Simon, wahrenron: Sewenniiio, asontakwekon ionkwaiotenhon, iah othenon teionkwawawi; nok ki tsi ise tasatati, ensewakaharonti. Eh kati nahatiiere, nok tsini iawetatsanit wahotinawe ne kentsionk, tekariskwe ne rontaharokwa. Iasakotinonke kati ne rontenro, ne nenskat noniarota ratiitatikwe, naontahonne asakotiienawase. Eh wahonnewe, nok tetsiaron wahonthonwike, sekon skanorons ahonatnekitahase. Tsi neh wahatkahto ne Simon Tier, wahatiskwentaren rasitakta ne Iesos, raton: Heren asete ne kiatakta, aseken nii wakeriwanerahakskon, Se-

wenniiio. Elnahaiere, sotsi se tahatonneke, nok oni ne rontenro okon, tsini iaweta wahotinawe ne kentsionk; eh oni nahotiiatawen ne Sak, nok oni ne San, Zebede sakoien okonha, neh ne Simon rontenrotieskwe. Ethone ne Iesos wahawenhase ne Simon: Tosa sahteron; isi enkahawite, onen onkwe ensesheariokawineseke. Nok onen sahatihrarho atsiakta, ok he tahonati tsinikon rotiientakwe, nok wahonwasere.

Wiskhaton Niiohne...

WATIO, V, 20-24.

Ethone, wasakawenhase ne Iesos ne raotioh-kwa, wahrenron: Iah senha tentisewariwaierike tsiniiot ne ratiiatons, ok ne Farisien nihatiiatons, iahtiaesewataweiate aonakeratserakon ne karonhiake. Sewahronken tsinahonwatihrori ne rotikaientonkenha: Tosa sheiaset nonkwe; aseken neh nensakosete, enhostonte tahonwaiatorete. Ok nii, katon tsi kwahroris, onka ki ok enhonakwase ne hiatatekenha, enhostonte tahonwaiatorete. Nok kaneka enhawenhase ne hiatatekenha: Iahte sanikonhra, enhostonte niiahato-hetstakwe tsi katsienhaien. Nok nenhawenhase: Sanonwarori, enhostonte nahonwariwente nahatetsirate. Othenon kati hetseriwawire ne Rawenniiio ononsatokentike, nok eh aonsasehiarane tsi ronikonhraksens ne tsiatatekenha ise sariwake, ok he iasatsiakwarisi ononsatokentike tsi nahoten shawi, nok niare saseniriwaseronni ne tsiatatekenha; ethonerh tentese natsewenniioste ne Rawenniiio nahoten hetsawire.

Iaiakhaton Niiohne...

MARK, VIII, 1-9.

Ethone, ne tsi kentiohkowanen ronwateranen-takwennihakwe ne Iesos, nok iah othenon teia-koientakwe naieke, iasakononke Iesos ne raotiohkwa, nok wasakawenhase: Khetenre ne ken kentiohkowanen, aseken onen ashen nonta tsi itewes, iah oni othenon tehonatennatseraien; nok tenlinon ne raonentakon aonsakheiatori ne raotinonskon, enhotinoronse nohahake; otiake se inon nithonenon. Tontahoniron ne raotiohkwa: Ka kati naontaichawe ne kenh nonwe, ne karhakon, ne kanatarok nikentiohkwa aiakohtane? Nok wasakoriwanontonse: To, wahrenron, nikon sewanataraien? Tontahoniron: Tsiatak. Ethone wasakonnthane nonkwe okon ehtake aiontien. Watrakwe ne tsiatak nikanatarake, wahaterennaienhase, wathanatariake, nok iasakaon ne raotiohkwa nasakotiiakhonhase; nok ne rononha ne kanenrakwekon iesesakonon. Rotiientakwe oni tohkara nikentsiasha; wahaterennaienhase oni nennee, nok wasakonnthane nasakotiiakhonhase. Wathontskahon kati, nok wathonahthane; nok tonsahonnekwe ne rotikhwiiion iotatenron ne teiohriseron, tsiatak niwatherake. Toha kaieri niwenniawetserashen nionkwetake ne wathontskaon; ethone onen tonsasakoreniate.

Tsiatakhaton Niiohne...

WATIO, VII, 15-21.

Ethone, wasakawenhase Iesos ne raotiohkwa, wahrenron: Ietsinikonhrarak ne rotitokensetse-

raksens rotinowen, enietsiiatorenne teiotinaka-
rontonha enhonatiatontakwenhatie; ok se nakon,
okwaho nahatiiatotens, ratikwanions. Ne enietsi-
ientereste tsini hatierenhaties. Katiken aionhia-
ko nonenhare tsi iotkwironni nohikta, oni ne
wishon tsi iotonni teionionwaronte? Etho kati
niiot, ne karontiio wahio ki wahianiiontha, ne
tenhnon karontaksen wahiaksen ki wahianiion-
tha. Iah taonton ne karontiio wahiaksens aon-
hianiionten, iah oni taonton ne karontaksen wa-
hiios aonhianiionten. Tsini karontake niahte
wahianiiontha ne wahio, enkaiakon, nok enia-
kontho. Ne kati enietsiientereste tsini hotiieren-
hatie. Iah ki akwekon teken ne ionkwennis:
Sewenniiio, Sewenniiio, eniontaweiate aonakerat-
serakon ne karonhiake; neh tenhnon ronikonh-
raierits ne Rakeniha karonhiake thenteron, raon-
ha ki ienhataweiate aonakeratserakon ne karon-
hiake.

Satekonhaton Niiohne...

RUK, XVI, 1-9.

Ethone, watesakoriwakentonkwen ne Iesos ne
raotiohkwa, wahrenron: Saiatat ne rotsokowa
enskat ronnhatseraientakwe ne rororokihakwe;
neh ken hiken wahonwariwahro, tsiniiot ahatie-
satanionheke ne raowenk sonha. Tahononke
kati, nok wahawenhase: Nahoten kahronkas ne
sariwake? Askrori toniiot tsi sateriwahtentiaton
tsinahe tsi saterihonte, aseken iah ki sekon noia
ken tiiaonsasiere nakwawenk sonha. Wahrenron
ne raroroks ne raonikonhrakon: Oh nenkiere,
onen se wahi sahakerihontako ne raiaatakweniiio,

tsi katsteristakwe ne raowenk sonha? Nakientho, iahtakkweni; ne takatsarite, katehens neh nakiere. Wakaterientare tsi nenkiere, naontetsenri, nonen entsionkerihontakwen, naionkenaktotase otiake tsi iakononsoton. Ethone wasakotkennisahate enskatson ne sakokarotonni ne ronnhaon, nok wahoriwanontonse ne rahente, wahrenron: Tonikon hiakarotani ne rakennhas? Tahenron ne ronkwe: Enskat tewenniawe nikanakwake kenhie. Wahrenron kati (ne raroroks): Satsiena ne saiatonsera, nok ken sanitskwaren, siaton wisk niwashen. Tihaiatate sahoriwanontonse: Ok nise, wahrenron, tonikon satkarote? Tahenron ne ronkwe: Enskat tewenniawe nikawinotserake onatsia. Wahrenron (ne raroroks): Satsiena ne saiatonsera, nok siaton satekon niwashen. Nok ne raiatakweniio wathorensaron ne raroroks iahte thoriwaieri, ne tsini hattokha tsinahiariere; aseken ne ken onwentsia akoien okonha. tsi ienakerenion, senha iontatenikonhrame, tsiniiot ne kaswathetsera akoien okonha. Nok nii kwahroris: Sewatenroseronni tsiniiot tsi nensewatstake ne watsokowatseraksen, aiawens, nonen ensewatokten, aietsinaktotase tsinonwe iatekakonte enienakereke.

Tiohtonhaton Niiohne...

RUK, XIX, 41-47.

Ethone, onen akta tsi ire Iesos ne Sirisare, wahatkahto tsi kanataien, nok wahatstarhase, wahrenron: Aesariwaienterrehon oni nise, arahonna nonwa senniseraien, tsi nahoten akakweni

skennen akenhake tsi tesete! Nok nonwa neh-nahoten satateriwasetenni, iahta teskanere. Onen ensatenniserihese, ne iesaswens teniakontiate senataktatie teniesanatannhakte, nok oktiwakwekon teniesaiatorarake; nok ehtake eniesanatente, oni ne sheien okonha niseke tienakere, nok iah oni tahonenre nenskat takanenhiaserake; ne tsi iahte senniseraienterehon tsi iesanatarenawi. Nok iahataweiate ononsatokentike, ok sa ok tahatasawen tontasakoiatinekenwe ne iontenhninonskwe, oni ne iehninonskwe neh nonwe, wasakawenhase: Kaiaton: Ne tsi akenonsa ne ionteren-naientakwa kanonsontakon. Ok nise iontekwashentakwa ne ienenskwat sionmiaton. Nok niate wenniserake sakorihonniennihakwe ononsatokentike.

Oierihaton Niiohne...

RUK, XVIII, 9-14.

Ethone, wasakawenhase Iesos' notiake, ne iontatkonniensakwe tsiniiot nakoiatatokentonhake, nok iontatkenhronnihakwe nakoren, watesakoriwakenwatan, wahrenron: Tehnihase wahiateren-naienna ononsatokentike; saiatat Farisien nahaiatoten, nok ne saiatat raienas (1) nehne. Ira-te ne farisien, raton tsi roterennaian: Niio, tekonnnonweratons tsi iah etho tekiatoten tsiniiot notiake nonkwe sonha, ratinenskwat, iahte thotiriwaieri, ratinakwaiesen; tsi oni niiot ne kenh

(1) Satkens, sk. 422, watroriatha tsi nahoten kenton tsi waton: *ratiienas*.

raienas. Tekeni tewakentontiettha ne tsioiaiakse-
rat, kkariaks oni noierihaton ne tsinikon wa-
kien. Nok ne raienas ohnaken wathatane, nok
tehononhianiks ne karonhiake niahatkahraierate;
ok eken rontskwenake rakonrekhs, raton:
Niio, takitenr wakeriwancerahakskon. Kwahroris,
ne ken hiken shotiatokewenhatie sonsahataweiate
tsi rononsote, nok iah ne saiatat; asken onka
iontatharatats eniontatkenhron, nok ne iontat-
kenhronnis nakaonha, eniontatharatate.

Enskathaton iawenre Niiohne...

MARK, VII, 31-37.

Ethone, sahahtenti ne Iesos ne tsi thonaton-
wentsiokte ne Tir tienakere, tsi tkaniatare Kari-
re natontare, kanatakon Siton wahohetste, wa-
tronwentsiiake ne Dekapolis. Nok eh wahon-
waiatewe tsi renteron ne ronkwe tehahontakwe-
kon nok iahte hatati, wahonwennitentase naho-
nisonnsaherhase. Wahonentsa ne Iesos, wahoia-
tohtarho tsi ionkwehne, iahennisonnsatha raho-
takon, nok raotskeri waharho ne rawennason.
Nok iahatkahto karonhiake, wahahonsene, nok
wahawenhase: Effetha, ne sakat aiairon: Sate-
nonteksi. Ok sa ok tonsahatahontakweksi, sont-
nerensi oni ne rawennason tsi kanerenne, nok
akwa tkaieri tsi tahatati. Nok wasakohtiawen-
ratse nonka ki ok aiontatrori. Ok eken tsi senha
sakonnhesehakwe nahontrori, senha ne rononha
sahatirihowanatanion, senha oni isinison iakoneh-
rakohatonskwe, iontonhakwe: Akwekon ioianere
tsini hotierenhaties; tesakohontakweksion ne

teionhontakwekonne, nok sesakowennawi niahte iontatiskwe.

Tekenihaton iawenre Niiohne...

RUK, X, 23-37.

Ethone, wasakawenhase Iesos ne raotiohkwa, wahrenron: Iakotaskat ne iontkahotos tsi nahoten sewatkahtos. Aseken oriwiio tsi kwahroris, ro-
 nentiohkowanen ne rotitokensehakwe, oni ne ro-
 tinontiiioson ronaskanekhon nahontkahto tsi na-
 hoten sewatkahtos, nok iahte honatkahton; nok
 oni nahonhronke tsi nahoten sewahronkas, nok
 iahte honahronken. Ethone tontathatane saiatat
 ne raianerenseraweienhon, wahrehre tahnikonh-
 rakenni, wahrenron: Takwarihonniennis, oh na-
 kiere naonkientake niatekakonte akonnheke?
 Tontahawenhase ne Iesos, wahrenron: Nahoten
 kaiaton ne kaianerenserakon? Oh oni niiot tsi
 sewennahnotha? Tontahowennaweron ne ron-
 kwe, wahrenron: Entsenoronkwake ne Rawen-
 niio, Niio tsi sonnhe, akwa seriasakwekon, nok
 satonnhetserakwekon, nok sasatstenserakwekon,
 nok sanikonhrakwekon; nok oni entsenoron-
 kwake ne satesonkwe tsi nise nisatatenoronkwa.
 Tontahenron ne Iesos: Tkariwaieri tsi nasiere
 tsi tasatati; eh kati natsier, nok ensonnheke
 onwe. Nok tenhnon ne raonha, ne tsi wahrehre
 akatatiatakennha, tontahawenhase ne Iesos, wa-
 henron: Onka naa neh ne sate konkwe? Ton-
 tahatati Iesos, wahrenron: Saiatat ne ronkwe,
 Sirisare tahahtenti, Seriko warete, nok tsini io-
 hahes wathonterane ne ratinenskwes, akwekon
 wahonwanensko, nok oni wahonwakarewatanion,

ok eh ichentakere ashennen nihawenheion, onen sahonteko. Nok kenniawenhon, saiatat ne ratsihenstatsi, eh oni nehne wahawenontohatie; wahotkahto nok wahatohetstakwe. Eh oni niiot tsinahaie saiatat, nene raononkweta ne ratitsihenstatsi, ok etho ireskwe, wahoken, nok wahatohetstakwe oni nehne. Onen nonwa saiatat Samarihronon, ratahine, eh niahare tsi raiationni; nok tsi wahotkahto, wahatenikonhranhetskate tsinahotenre. Akta niahare, wahokentoronnion, wahrenhienarhoseron, oni otsitsia tahohnekonti, nok raonha sahotskwaren akosatensne raotsenen, iahoiatinionte tsi iontaweiatanionkwa, nok akwah wathosniene. Nok tsi wahorhene, tekawistake tahatako, tahaon ne raowenk ne iontaweiatanionkwa, nok wahrenron: Hetsateweienton; nok tsi nikon nisinonwe nensatkaronni, ii enskonhierites tsinatentke. Ka kati onte nikaie nashen nihati, isehre satehronkwe wahonhionni neh ronkwe ratinenskwat ronwakarewatonne? Tahenron ne raianerenseraweihon: Ne ki neh ne roriwaieriton nahotenranion. Tontahawenhase ne Iesos: Was, wahrenron, nok ise oni eh natsierh.

Ashenhaton iawenre Niiohne...

RUK, XVII, 11-19.

Ethone, Sirisare tsi ichawenonhatie ne Iesos, tsi tehontonwentsiakhenhatie ne Samari, nok ne Karire niahare. Tsi iahataweiate kennikanataa eh kanataientakwe, tahonwateratana oieri nihati ne rotitstawis onwe; inon kati ok tontahatitane, nok tahontewennaientonwe, wahoniron: Iesos,

Sherihonniennis, takwenteur. Nonen sasakoken, wasakawenhase, wahrenron: Wasewe, ratitsihenstatsihne iatesewatann. Nok tsiniiore niiahonenonhatie, eh sahatiiewentane. Nok saiatat tsini hati, kawenniio ok wahattoke sahaiewentane, tontahakete, akwa iahatewennakwisron tsi tehononweratonnionne ne Niio. Nok rasitakta ne Iesos sahatiskwentaren, tehononweratons; nok Samarihronon nahaiatoten ne thohiken. Tahatati ethone ne Iesos, wahrenron: Iah ken teshonatonhon noieri nihati? Ka kati niiehonenon ne tiohton sekon nihati? Iah onka taiontatsenrion naontaiakohton ne tontahonwanonweratonne ne Niio, ne ok ne ken hiken noktihate. Nok wahawenhase: Testann, sasahenti; aseken neh we-satsiente tsinatisehtakon.

Kaierihaton iawenre Niiohne...

WATIO, VI, 24-33.

Ethone, wasakawenhase ne Iesos ne raotioh-kwa, wahrenron: Iah taonton sahaiatat ne ronkwe tehnihasa tahonwannhaseke; aseken, tokat saiatat enhoswen, nok enhononwene ne saiatat, tokat oni saiatat enhoteranentakten, enhokenhron ki ne saiatat. Iah kati taonton ne sataietsiwen-niostake ne Niio, nok oni natsokowatsera. Ne se waonni katon tsi kwahroris: Tosa tesewaterientaren tsi tsionnhe, tsi nahoten ensewake, nok oni ne sewaieronke aoriwake, nahoten ensewatseronniate. Iah ken senha tekanoron tsi iakonnhe tsiniot natennatsera, nok oni nieronke tsiniot ne iontseronniatha? Sewatkahto ne kontities

okonha, iah se tekontiienthos, iah oni tekontiientokwas, iah oni tekontiienitha ne kanonsoharakeson; nok sakonontens n'Hetsisewaniha, karonhiake thenteron. Iah onte ken senha ise tesewaiatanorons tsiniiot nononha? Onka oni tsini-tsion, ne tsi tahotanikonhraren, ahakweni iaonsaharake tsini hahnenhies nok oni enskat tsina tetiotenentsaktos niions? Ok ne iontseronniatha aoriwake, ohniiotiieren tsi taesewaterientharake? Tesewaiatoret ne kahentakeson iotsitsionton, tsiniiot tsi kontehiarons, iahte iotiiote, iah oni tekontiseriies. Nok sane kwahroris, iah oni ne Salomon, senha tsi roiatanehrakwatonne, eh tehotiawiton tsiniiot tsi iotiatawiton nenskat notsitsia. Tokat kati ne Niio ethoni sakoiaatawitha nohonte sonha, kahentakeson iotonni, nonwa iohniote, nok neniiorhene otsirake ienwation, to onte sênhah nise entsisewaseronni, sotsi iahtetsisewaniahesas ne Niio? Tosa kati tesewaterientharak nacsewenron: Nahoten eniakwake, ok ne ens nahoten eniakwehnekirha, tokat ken nahoten eniakwatseronniate? Neh wahi ne niahte iakoriwiioston eh nikarihotens tsi iakoteriwisakonhathies; roterientare se n'Hetsisewaniha tsi eh niiot tsi tesewatonwentsioni. Neh kati tasewatierent, sewesak ne Niio raonakeratsera nok raoriwakwarisontsera, nok oriwakwekon neh nahoten en-tsietsiriwaiesten.

Wiskhaton iawenre Niiohne...

RUK, VII, 11-16.

Ethone eh ware ne Iesos tsi tkanataien Naim... sk. 460.

Iaiakhaton iawenre Niiohne...

RUK, XIV, I-II.

Ethone, iawentatokenton siieskaheskwe, iahataweiate ne Iesos, wathatskahonna, tsi rononsote saiatat ne ronwakowanen ne Farisien nahatiiaton; nok ronwanikonhrarakwe nakwa ne tehontontskwe. Nok ken kaien eh renteron, raohenton ne Iesos, saiatat ne ronkwe rotiato. Tahatati ne Iesos, wasakoriwanontonse ne ratiianerense-raweienhon, oni ne Farisien, wahrenron: Aouton ken naonsaiontatetsiente nawentatokentike? Nok iahta tethonatati. Senha kati ok, ne Iesos tahonentsa, sahotsiente, nok sahotori. Nok are ion-sasakowennarane, wahrenron: Onka tsinitision, tsi iohnawerote iakaiatenne ne raotsenen tewahontes. ok ne ens tionnhonskwaron, iah ok sa ok taonsahaiatatako, sahetho sane awentatokentike? Iah othenon tehotikwenion taontahonwawennaweron. Ken kaien oni watesakoriwakentonkwe ne ronwatihonkarawihon, ne tsi wahatkahto tsi akwekon ok ne ronaskennhen tsinonwe tkanaktiio iahontien, wahrenron: Kawenniiio eniesahonkaron tsi iakotenniote, tosa tsi tkanaktiio iasatien; tokat naa saiatat, ne oni ronwahonkarawi, senha raiatanoron tsi nise niiot; nok eh tenhane ne hetsisenihonkarawi, ahienhase: Satse-nakton ne kenh kaien; ethone ensatkonsaneware tsi nensatehen, akwa ohnaken nonkah ierisesatien. Ok eken, kaneka eniesahonkaron, ohnaken niiase, nok etho iasennitskwaren, aontonseke, nonen entre ne hiahonkarawi, ahienhase, ahenron: Tiatenro, ohenton niha iase. Ethone akwekon teniesarensaronnion ne satesewatekwaronnion. Aseken onka ki ok ratatkonniienstia ne raonha, enhonwakenhron; ok ne ratatkenhronnis ne raonha, enhonwakonnienste ki neneh.

Tsiatakhaton iawenre Niihne...

WATIO, XXII, 35-46.

Ethone, iahonwaiatorene ne Iesos otiake ne Farisien nahatiiatoten ; nok saiatat tsinihati raianerenseraweihon wahoriwanontonse, wahrehre tahinikonhrakenni : Sewennii, wahrenron, kani kaen kariwakwenii ne watenienten ne kaianerenserakon ? Tontahenron ne Iesos : Entsenoronkwake ne Nii, Rawennii tsi sonnhe, seriasakwekon, satonnhetserakwekon, nok sanikonhrakwekon. Neneh kariwakwenii, neh oni tiotierenton niwatenienten. Nok ne tekenihatonteskiatieren nenskat : Entsenoronkwake ne satesonkwe, tsi nise nisatatenoronkwa. Neh ne teka wennake ok oriwakwekon keniroroks tsi nahoten waton ne kaianerensera, oni tsini honton ne rotitokensehakwe. Nok ne tsi etho ronatkennisonhonne ne Farisien, wasakoriwanontonse ne Iesos, wahrenron : Nahoten nise isewehre raoriwake ne Kristos ? Onka ronwaienha ? Tahoniron : Taftit. Tontahenron : Oh onte niiot, raonha ne Taftit, sahonikonhrata ne Rotkon Roiatatokenti, ronatonkwa Rakewennii, tsi raton : Rawennii rawenni ne Rakewennii : Satien tsi keweientehtakon, tsiniore sasitokon iakheteron ne iesaswens, tasheiaskwaseren ? Tokat se ne Taftit raton, tsi ronatonkwa, Rakewennii, oh kati naia wenne ne roienha akenhake ? Nok iah onka teikwenieskwe, oni ne tsiowennat, taontahonwawenaweron, iah oni sekon noia tetsiakotenienten aonsahonwariwanontonse, ne karo takahawite.

Sosehne ne 4 Niokwenhraron.

MARK, IX, 16-28.

Ethone, saiatat ne tsi ietaraïen tahatati, iahawenhase ne Iesos: Sewenniio, riiathe tsi tsiteron ne riienha, rotienni notkon iahte watati; ka ki ok nonwe nahoiëna notkon, ehtake enhoiatonti, ens teuhafatstarine, oni tenhennokaraniehon, nok enhotiatathen. Onen khehroni ne sentiohkwa naonsakonwatekwate, nok iahte hotikwenion. Tontahatati Iesos, wasakawenhase ne ietaraïen: O, wahrenron, nisewatanmowentatskor, kenh tisewanakerenion, to nenwe entewakwekonhatie? to nenwe okta tenkwakanerake? Kenh nontatsisewaiatenhaf. Eh nontahonwaiatenhawe. Kawenniio ok ne raksaa wahoken ne Iesos, ok sa ok notkon wahoronhiakente; ehtake wahoiatonti, heren ok ieszotiatontion, tetkafatstinekens tsi rashakaronte. Nok wahoriwanontonse Iesos ne roniha: To nahe eh nihoiatawens? Tahenron: Si haksaa; nok iotkate ienhoiatonti are otsirake, are awenke, nahoriohte. Ne kati nothenon askwenieseke, takeniienawas, takenitenr. Nok tontahawenhase ne Iesos: Naskwenieseke aontasehtakwe, oriwakwekon niieiakotonse ne tiaawentakon. Ok sa ok iahatewennaïentonwe ne raksaa roniha, ok he katsitaratie tsi wahrenron: Tewakehtakon, Sewenniio; takienawas tosa aonsonkwatenmowentatskonhake. Ethone, sahatkahto Iesos, nonkwe okon taietakhenontie, wahahriste notkonseraksen, wahrenhase: Satkon, tesahontekwekon, oni satskwekon, ii wakkonnhane, tontatsiakenn ne kenh raiatakon, tosa oni nonwenton iaonsasataweiat. Ethone notkon watiohenretanion eso oni wahoiatorianeron ne

raksaa, nok tontahaiakenne ne raiatakon; ethone eh nahoatawen ne raksaa tsiniiot niakawenheion; ne se waonni waontonnion: Rawenheion. Nok ne Iesos tahonentsa, sahoketsko, nok tonsahatane. Kawenniio kanonskon ieshotaweiaton ne Iesos, otasetonke wahonwariwanontonse ne raotiohkwa, wahoniron: Nahoten aoriwa iah nii teionkwakwenion aonsaiakwaiatinekenhon ne kenh notkon? Tontahenron: Neh naotkonseroten ne ok kakwenies naonsakonwatekwate, ne tsi ionterennaiens, oni tsi iakawentontietha.

Ronwaiatanentaktonne ne 4 Niokwenhraron.

RUK, VII, 36-50.

Ethone saiatat ne Farisien nahaiatoten... sk. 470^o

Entakta ne 4 Niokwenhraron.

RUK, XIII, 6-17.

Ethone, ken nahaiere ne Iesos tsi watesakoriwakentonkwen, sasakawenhase ne kentiohkowanen: Saiatat ne ronkwe wishon kowa rotkwirotakwe tsi rotenenharhare; eh kati ware, rahisakhe tsi tkerhite, nok iah othenon tehotsenrion. Wahawenhase kati ne raienthos tsi rotenenharhare: Onen neh ashen nioserake tsi tkahisakhes ne ken kerhite, nok iah othenon teketsenries; serontiak kati: nahoten aoriwa sekon tsi iohniote, iawet se iaonwentsiakarias. Tahatati ne

ronnhas, wahrenron: Sewenniiio, iohniotak niha sekon nonwa ioseratatie, niare tenkonwentsiahrite karontaktatie, nok enwakitonti; tokat nonwa enwahianiionten; tokat iah, ethone ki enserontiake. Sakorihonniennihakwe Iesos tsi tionterennaientakwa awentatokentike. Nok ken kaien eh kaiatare skaiatat tsiiothonwisen, onen satekon iawenre nioserake tsi iotienni notkon, ne iotsiiohtonnskwe, teiotsaktonne tsi iwes, iah oni othenon tekakwenieskwe chneken iaontkahto. Sahaken ne Iesos, tahenmonke tsi itrate, nok wahrenhase, wahrenron: Tsisathonwisen, onen sasaton tsi satsiiohtare. Iathanisnonsaherhase; nok iokontatie sontiatakwarisi, nok tehononweratonnionskwe ne Niiio. Ken kaien ne ranonsakweniiio tsi tionterennaientakwa, tsinahonakwen awentatokentike sahatetsiente ne Iesos, wasakawenhase ne ietaraien, wahrenron: Iaiak nonta nioteriwison naiakoioten; etho kati nonwe aontesewe, nok aonsaietsitsiente, tosa tenhnon nawentatokentike. Nok ne Rawenniiio tontahowennaweron, wahrenron: Sewatkonwarorokton, onka naa tsinitson niahte sakonerensions nawentatokentike ne raotsenen okon, ne tehonakares, tokat tewahontes, nasakohnekanontenra? Ken kati kaien n'Abraham raienha, onen satekon iawenre nioserake tsi ioneren notkonseraksen, iah ken teioteriwisonhonne nawentatokentike aonsakonwanerensi? Tsi ne wahrenron ne Iesos, wathontkonsewaron tsinahontehen tsini hati ne ronwariwakwennihakwe; nok nonkwe okon wahontsenonni tsini hatieranionskwe ne ioriwanehrakwatanions.

Satekon iawenre Niiohne...

WATIO, IX, 1-8.

Ethone, sahatita Iesos noniarotakon, tonsahajaiake, nok sarawe tsi thotenata. Nok eh wahonwaiatewe saiatat roiatakenheion kanaktake raiationnitie. Nok tsi wahatkahto ne Iesos tsini thonehtakon, wahawenhase ne roiatakenheion: Takeniahesenhak, kien: onen sonterakewe sariwanerahaksera okon. Nok otiake ne ratiijatons ok sa ok tahoniron ne raotinikonhrakon: Wahatewennaiesate ne ken hiken. Tehakanere ne Iesos tsinahotinikonhrawn, nok wasakawenhase: Ohniiotiieren tsi wennontonniontseraksens sewennontonnions ne sewerientakon? Kani kaien senha watiesen, naiairon: Sonterakewe ne sariwanerahaksera: tokat ken naiairon: Satketsko, nok sahtenti? Ne ki'teihnön aeseewaterientarake tsi rokweniatseraien nonwentsiake n'Onkwe Ronwaienha naonsaharakewe ne iakoriwaneren, ethone wahawenhase ne roiatakenheion: Satketsko, tesek ne sanakta, nok sasahtenti, tsi sanonsote ionsase. Tontahatketsko, nok sahahtenti, tsi thononsote sarete. Tsinahoten waontkahto ne ietaraientakwe wakohteronne, nok wathonwanonweraton ne Niiio, tsi echnikakweniatseroten sakowi nonkwe.

Tiohtonhaton iawenre Niiohne...

WATIO, XXII, 1-14.

Ethone ne Iesos tonsahariwakenwatanion, sakohtaranihatie ne ratitsihenstakweniios oni ne Farisien nahatiiatotens, ratonhakwe: Ne teskia-

tieren ne karonhiake aonakeratsera, tsiniiot ne ronontiio, wahatennioten sahoniake ne roienha. Nok iasakotori ne raonnhatsera, nasakotinonksa ne sakohonkarawihne; iah tenhnon tehonaton-taton taontahonhtenti. Sekon tihatite ionsasakotori, wasakawenhase: Ietsihrori, wahrenron, ne khehonkarawi, ensewenron: Rawenhatie, onen wakatenniotatseronnison; onen konwatirio ne tionnhonskwaron, oni ne kheiaresenstonne naketsenen sonha; akwekon oni kaweienmentaon; karo kasewe, kasewatenniotana. Iah ki othenon ne rononha tahonteriawatsteriste, ok eken akte niiahonne, saiatat raonwentsiake, saiatat tsinon thatenhninontha; nok otiake wasakotiiena ne raonnhatsera, wasakotikenrenseronni, nok wasakotirio. Sahariwahronke ne ronontiio, wahonakwen; nok iasakotori ne raotiohkwa sotar, wasakonawenthon ne sakonäsetha nahatiiatoten, nok wahontenätatsahate tsi thotinataien. Ethone wasakawenhase ne raonkweta okon: Onen wahi kaweienmentaon naontennioten, nok ki tenhnon iahte hotirihöntakwe ne khehonkarawihne. Wasewe kati tsi teiohahokeniseron, nok tsiniakon enietsiiatatsenri, neh ki ietsihonkaron naontaiontekwarana, tsi wakatenniot. Ok tiathonreni kati ne raonnhatsera okon tsi iohatenion, nok wasakotiiatarroke tsiniakon nasakotiiatatsenri, tionkwetaieris nok oni ne ionkwetaksens; nok wakanonsine tsi iakotekwahere. Iahataweiate kati ne ronontiio, nasakotkensera eh iakotekwaronnion; nok saiatat etho wahoken niahte hotseronniaton ne iontenniotakwe. Nok wahawenhase, wahrenron: Tiatenro, oh niit tsi kenh sataweiaton, iah se tesatseronniaton ne iontenniotakwa? Iah othenon tatethotati ne ronkwe. Ethone wasakawenhase ne ronontiio ne kannhatsera.

wahenron: Hetsisewanerenk rasnonsake oni rasitake, nok atste, tsinon tetiokaras, iatsisewaia-tonti; etho nonwe natenionsenthoseron, oni tentionnokaraniehonlieke. Aseken kentiohkowanen ieiontatinonkon, nok ki kenniakonha iontatiatarakwen.

Tewashenhaton Niiohne...

SAN, IV, 46-53.

Ethone saiatat ne rasennowanen Kafarnaom nihanakerekwe, neh kati ne roienha rononwaktanihakwe. Sahariwahronke tsi onen tethohtention ne Iesos ne Sitahne, Karirehne onen isres, wahoiatisakha, nok wahoneken neh iare aonsahotsientana ne roienha, aseken renheionserene. Tahenron ne Iesos: Niahtensewatkahtosere ne watenientenstakonnions, oni nioriwahehrakwatenions, iahtatisewahtakwen. Tontahenron ne rasennowanen: Sewenniio, eh niha iase, iasewe ohenton ahrenheie ne riienha. Wahenron ne Iesos: Sasahtenti, ronhe n'hetsienha. Wahaton-tate ne ronkwe tsi nahoten wahohrori ne Iesos, nok sahahtenti. Nok sekon tsi shohtentionhatie, tonsahonterane ne raonnhatsera, ronwahroriane tsi sronhe ne roienha. Nok wahariwanonton to onte siowistahe nitsioianerenhon. Nok tahoniron: Tetenre, neh nahoten tsiatakhaton siowistahehatie nahentonkwanoste. Wahaienterene kati ne ronihakwa ethone siowistahe thohrori ne Iesos, sahenron: Ronhe n'hetsienha; wathawehtakwe kati ne raonha, oni ne raononsakwekon.

Tewashen enskathaton iawenre Niiohne...

WATJO, XVIII, 23-35.

Ethone, watesakoriwakentonkwen ne Iesos ne raotiohkwa, wahrenron: Neh tiakotendienstonten ne karonhiake aonakeratsera, tsiniiot ne ronontiiio, wahrehre akhekonseratironten nakennhatsera okon. Nonen tahatasawen wahakontseraseronni, eh wathonwataste saiatat neh noieri niwenniwetserashen nikawistake, nene tarent ienatonkwa, rotkarotakwe. Nok tsi iah othenon tehoien nahakariakte, wahatennhanne ne raia-takweniio nahonwatanhninon, oni ne rone, nok ne sakoien okonha, naiontenhninon oni tsinikon roien, nok taontaiehawe nowista. Nok neh ne rannhatsera, iahatiatonti rasitakta ne ronontiiio, ronitentase, raton: Takenaktotas, nok akwekon enkonkariakse. Wahotenre kati ne ronnhas, sahokawe, akwekon oni sahaon ne rokarotanihne. Onwarh sontahaiakenne ne kenh rannhatsera, nok eh wathiaterrane saiatat ne sate honwatinnhas, enskat tewenniawe kwenis rokarotani; iokontatie iahoiena, iathohonriake, ratonne: Skariak onen ne konkarotani: Wathatontsoten ne ronatenro, ronitentase, raton: Takenaktotas, nok akwekon enkonkariakse. Iah tenhnon tehotontaton, ok eken wahahtenti, nok wahatennhane nahonwannhoton, tsiniioire iahakarokten. Tsi wahontkahto ne ronatiake rontenro tsinaawen, akwa wahotinikonhraksen; eh kati sahonnete, nok oriwakwekon sahonwahreri ne sakonnhas tsinaawenne. Ethone ne raia-takweniio ionsahonnonke ne ronkwe, nok wahawenhase: Shennhatseraksenskwa, akwekon nii skonhiawi tsinikon satkarotakwe, aseken waskeneken: iah kati

ken taioteriwisonhone atsitenron oni nise ne tsia-tenro, tsiniot tsi kontenron nii? Wahonakwen ne sakonnhas, nok wasakotsiakwarisien tsi ron-
he ne ratirithon, tsiniore akwekon ienhakarok-
ten. Etho oni neneh nentsisewaierase ne Rake-
niha karonhiake thenteron, niah seweriasakwe-
kon tataonsesewatatenikonhrensere ne sewatate-
ken okonha.

Tewashen tekenihaton iawenre Niiohne...

WATIO, XXII, 15-21.

Ethone, wahontohtarho ne Farisien nahatiiato-
ten, wahatitsienhaien, nahonterientatsenri naon-
tahowennannhike ne Iesos. Nok iasakonatori tsi
thenteron otiake ne ratiohkwa, ratikwekon no-
tiake Herotien nahatiiatoten, wahoniron: Se-
wenniio, ionkwaterientare tsi iahte sanowen, ori-
wiio oni tsi neh sherihonniennihaties ne Niioke
ieiiothahinon, iah onka teiesanikonhrarha; ase-
ken iah ki neh teskahenhions tsini ieiatotens
nonkwe. Takwahrori kati tsi nise sanikonhro-
ten: Aonton ken naiekariake tsini hotenienten
ne Sesar, tokat ken iah? Nok tenhnon ne Iesos
sakoienteristsihon tsini hononkwetaksens, tahe-
ron: Ohniiotiieren tsi isewehre asakwanikonh-
rotako, tesewanikonhranet? Takwanatonhas tsi-
ni kawistoten iekariaktha? Tahonwanatonhase
enskat ne kennikawistaa. Tasakawenhase ne Ie-
sos: Onka kenh raiatare, rasennare oni? Ton-
tahoniron: Sesar wahi. Tontasakawenhase:
Satsitsion ki wahi ne Sesar, neh Sesar raowenk,
nok oni Niio, neh Niio raowenk.

Tewashen ashenhaton iawenre Niiohne...

WATIO, IX, 18-26.

Ethone, tsi sakotatiskwe ne Iesos ne kentioh-kowanen nonkwe, saiatat ne rasennowanen ok he tharawe tsi thenteron, nok wathononweraton, wahanitente, ratonne: Sewenniio, akwa onwarh wakenheie ne keienha; karo ki tenhnon aontasete, aseinnisnonsaherhase, nok entsionnheke. Tontahatane ne Iesos, rononteraties ne ronkwe, oni ne raotiohkwa. Ken oni kaien, skaiatat ne tsiothonwisen, onen tekeni iawenre nioserake tsi iononwaktani, teionekwensonties, ohnakenke non-tawe, nok iakaiena tsi tetkakwathon ne raotiata-wit. Aseken watonhakwe naonikonhrakon: Narahonna ne raotiatawitne iakiena, enskaton se. Nok tontahatkarhateni ne Iesos, nok tsi waha-ken, wahrenon: Tsiaken, kien, ne wesatsiente tsini tisehtakon. Nok ok sa ok sakaiewentane ne ionkwe. Kawenniio tsi iaharawe ne Iesos tsi thononsote ne rasennowanen, nok tsi wasakoken ne ratihonrawathon, nok oni ne iakotsarokwa-thon nonkwe, wahrenon: Sasewaiakenn, iah se teiawenheion ne kaiatase, ne se ok ne iotas. Nok oktahonwaieron. Nonen kati sasakoiatinekenwe nonkwe okon, ethone iahataweiate, nok iahanent-sa. Nok sontketsko ne kaiatase. Nok watonte-riwatani tsinaawenne oktiwakwekon neh nonwe tsi ienakeronnion.

Tewashen kaierihaton iawenre Niiohne...

WATIO, XXIV. 15-35.

Ethone, wasakawenhase ne Iesos ne raotioh-kwa, wahrenron: Nonen ensewatkahto ne kari-waiesatatsera, teiotenonhianiton tsi ionikonhrak-sat enkenhake, neh ohenton thotrori ne rotoken-sehakwe Tanier, neh nonaktatokentike enkari-wataton, ronikonhraitann ne rowemmahnotha, ethone, ne Sitaehne tienakerenion, tsi iononte-nion aiontekohaton: nok oni ne tsi kanonsahere tieteron, tosa taontaiontsnente, taiekwe tsi ok oni nahoten akenhake ne kanonskon, niiaonsaie-hawe; nok oni ne kaehtake iiens, tosa taontaion-kete, ne taontaiekoha nakotiatawit. Iotitentasere ne tsionathonwisen oia nenkontiiatotenhake, oni nenkontstarontake neh nonwe tewenniserate! Sewaterennaien tenhnon, ne tosa koserake, tokat awentatokentike akenhake, nonen ensewateko. Aseken ionikonhraksensersatsanit tsi neniawenne nethone, ne ki enskat narekho nonwenton eh te-tiawenhon, tsinahe tiotonwentsiatasawe tsiniiore nonwa, iah oni nonwenton noia eh tiiaonsaiawen-ne. Nok tokat iahtaontontenniserokeri neh ni-wenniserotens, iah onka taonsaiakotiatatakwen; ne tenhnon ne iontatiatarakwen akoriwake, en-watenniserokeri neh niwenniserotens. Ethone nonka ki ok eniesahrori, eniairon: He, kenh ire ne Kristos, ok ne ens, isi nonkwah thenteron, tosa tisewehtak. Aseken enhotiketote nenhonta-tonni Kristos oni rotitokense, enhotinowen, nok sane ioriwahehrakwatanion, teiotieronhionhaton oni tsinenhatiieranion, etho naontaiakawenon, naontonseke, ne oni ne iontatiatarakwen, asakoti-nikonhrakarhatho. Onen kati nonwa tahonnenne

takwahreri. Tokat kati aietsihrori, aiairon: He.
 karhakon thenteron, tosa iasewahtenti; he, ka-
 nonskon rotaseton, tosa tisewehtak. Aseken tsi-
 niiot natewenninekarawe, tsi tkarakwinekens ta-
 kaientakwe, nok iatewatsothos iakaniharho wao-
 kentane, eh neniawenne nonen tentre n'Onkwe-
 ronwaienha. Ka ok nonwe entkaientake noiata,
 etho nonwe enkontkennisa nakweks. Akwa ne
 ok eniontohetste neh niwenniserotens, ne kani-
 konhraksensera awennisera sonha, enwaterak-
 wahton nentiekenekha, iah oni tataonsakaswa-
 thete nasontenkha, entkaniserenne ne karonhiake
 tiotsistokwaronmion, nok tenwat karenron nao-
 satstensera okon ne tsi karonhiate. Ethone onen
 eniokentane ne karonhiake raoteniententsera
 n'Onkwe ronwaienha; ethone oni nakaonwent-
 siakwekon nonkwe tenionsenthoseron; nok en-
 honwaken n'Onkwe ronwaienha karonhiakeson
 natentre, enthokweniatserowanenhatie, enthoiata-
 neh rakwatonhatie oni. Nok entesakotenniete ne
 raoronhiakehronon okon, iosatste tenhatihonra-
 wate, tsi ensakotiiataroroke ne sakoiiatarakwen,
 akwa onwentsiakwekon tewakwatasehon, tetsia-
 ronkwen tsi ieiotonwentsioktanion, nentesakotii-
 atenha. Iawet aesewarihonnien ne kenh iohniote
 kerhite wishon kowa wahianiiontha, ne entkate-
 nientenste. Kawenniio onen iaonnhataannhetskats,
 nok onen ok ioneratonte, ok naa neh sewaiente-
 restakwa tsi onen toha taiokennhonti; eh kati
 neniawenne, kawenniio ensewatkahtoseron neh
 nikarihotens, sewaterientarak onen ok etho thare
 n'Onkwe ronwaienha, kannhohakta irate. Ori-
 wiio tsi kwahroris, nonwa ken kawatsirote iahte
 watohetstane, ohenton neh naiawenne. Karon-
 hia, onwentsia oni enkiatohetste; ken tenhnon
 kaen nakewenna okon iah nonwenton tiakonto-
 hetste nennee.

IERIWISAKTHA

NE IONTERENNAIENTAKWA SONHA,

NOK ONI

IONTATERIHONNIENNITHA SONHA,

NE KEN KAIATONSERAKE KARONNICH.

IERIWISAKTHA.

	SK.
Tsinaeriwaierite niakoriwiioston ne wenniseratson	se- 3

TIOTIERENTON NATEIOTIAKON NE KAIATONSERA.

ORHONKEHNE IONTERENNAIENTAKWA	5
Iesos roterennaientakserison	9
Raronhiakehronon raowenna	9
Ratikwekonne raotiwenne	10
Tsiontateronkwennitha	10
Oieri nihawennake ne Niio	11
Tsiatak nikawennake ne Kentiohkwatokenti.	12
Iakoriwiiostakon, iakorharekon	13
Ronwanonwestha Niio, tsiontonnhakanon-niatha	14
Iesos raoriwa <i>Takwenteur</i>	17
<i>Etho ionkwatekwashen</i>	21
SATKONWANORONKWANION NAEWISTAHEKE	21
Tsinakarihoten	21
Tsinaerihokten, tsini ioseres	22
Tsinaerihokten, tsinon sahatonnhete	23
TSINATEIONTSKAHONNE nok TSINAEKWENTANE	24
OKARASNEHA IONTERENNAIENTAKWA	25
Wari aoriwa <i>Takwenteur</i>	28

	SK.
OHASERATOKENTI..	33
Ionterennaientakwa sonha tsi iakohasen....	33
— — tsinahasentako kennikahaseresha..	40
— — tsini kahaseres..	43
IONTERENNAIENTAKWA SONHA SEWEN- NISERATSON AOWENK TSINI IOIAIAKSE- RES..	55
<i>Niiohne.</i> —Ashenseratokenti akonwasennaaien.	55
<i>Awententaonke.</i> —Rotkon Roiatatokenti ahon- wasennaaien..	56
<i>Ratironhiakehrononke.</i> — Ronwaronhiakeh- ronon ahonwennitentase..	57
<i>Soselne.</i> —Sose roiatatokenti ahonwenniten- tase..	58
<i>Okaristiahne.</i> —Iesos ahonwasennaaien Oka- ristiakon..	59
<i>Ronwaiatanentaktonne.</i> —Iesos ahonwawen- niioste tekaiasontne.	60
<i>Entakta.</i> —Wari ioiatatokenti akonwenniten- tase..	62
SEWATATERONKWENNI..	63
Iontaterihonniennitha..	63
Ionterennaientakwa ne tsiontateronkwennire.	65
Iontennikonhrisaktha..	67
Tsiontatrewatakwa..	74
<i>Iesos Sewenniio, ii onkwariwa.</i>	76
Ahonwarihoktase..	77
Ionterennaientakwa nonen tsiontateronkwen- ni..	77
Teskariwaserakwen..	78
OKARISTIA..	79

	SK.
Iontaterihonniennitha..	79
Ionterennaientakwa ieiatarasere.	83
— — nonen iakoiataraon..	86
<i>O Iesos saianere onwe</i>	90
Oia ieiatarastha.—Ieiatarasere..	91
— — — Nonen iakoiataraon..	98

TEKENIHATON NATEIOTIAKON NE KAIATONSERA.

	SK.
1. Ronwennitentase Sonkwawenniio Iesos Kristos...	105
1 NE TSI SONKWARONHIAKENSE NOK SONK- WENHIEIASE..	105
Kaiasa aohaha.—Iontaterihonniennitha. . . .	105
Teionnonsatasetha, ne kenniwaa.. . . .	108
Teionnonsatasetha, ne kowanen...	117
Kaiasa sonha, kanoron tsi wateremmaienni, naiontste naieriwaierite ne Kaiasa aoha- ha..	136
Ienontarastha Kanesatake..	138
Ionterennaientakwa ienontarastha.	139
Iesos Raoronhiakensera aoriwa <i>Takwentenr.</i>	150
— — — — aorena..	153
— Raoidasatokenti aorena..	154

Oia sonha ionterennaientakwa ronwasennaientakwa Iesos Sonkwaronhiakense..	156
II. NE TSI ROTATITERON OKARISTIAKON..	157
Iontaterihonniennitha..	157
Ionterennaientakwa ne tsi ronwanatarenawis Iesos Okaristiakon: <i>Iesos takewenniiio</i> ..	158
Shonwanikonhraseronniatha Iesos Okaristiakon: <i>O Iesos! Sewenniiio tsi konnhe</i> ..	161
<i>Akwa tewakennikonhrasahaton</i> ...	166
Ronwasennaientakwa Niiio tsinahatkaristientane..	168
Iesos Okaristiakon rotaseton raoriwa <i>Takwentenr</i> ..	169
Okaristia aoremma sonha..	172
<i>Konsennaiens, Iesos</i> ..	172
<i>Raotinatarok cronhiakehronon</i> ..	173
<i>Actwawennakwekonhak</i> ..	174
<i>Tetewatonts</i> ..	175
<i>Twawenniiost</i> ..	176
III. KONWENNITENSTAKWA IESOS RAWERIASATOKENTI..	177
Iontaterihonniennitha..	177
Tsinahawennentase Iesos nenkonwasennaient Raweriasatokenti..	179
Iesos Raweriasatokenti aoriwa <i>Takwentenr</i> ..	181
Konwawenniiostakwa nakaweriasa Iesos Raweriasatokenti..	184
<i>O Iesos! seskwaskontakwen</i> ..	184
<i>Ise Iesos Raweriasatokenti</i> ..	188
Konwawenniiostakwa Iesos Raweriasatokenti tsi tiakotenataien: <i>Iesos Raweriasatokenti kowa</i> ..	190
Skonwanikonhraseronniatha Iesos Raweriasatokenti: <i>O Iesos takwawenniiio</i> ..	192

Ionterennaientakwa sonha konwennitensta-	
kwa Iesos Raweriasatokenti..	195
<i>O Iesos Raweriasatokenti!</i>	195
Gertrude ioiatatokenti aoterennaientaksera..	196
Iontataterennaientennis ne iehetkentsihon. . . .	197
<i>Sewenniiio Iesos, tiotkon takwentenranions</i> ..	198
Iesos Raweriasatokenti aorensa..	198

2. Ronwennitentase Rotkon Roiatato- kenti.. 203

Iontaterihonniennitha..	203
Rotkon Roiatatokenti ráorensa sonha.. . . .	204
<i>Karo kase, Satkon Niio</i>	204
<i>Karo kase, Satkon onwe</i>	206
Ronwennitentase Rotkon Roiatatokenti.. . .	208
<i>Karo kase, Satkon Saiatatokenti</i>	208
<i>Satkon Saiatatokenti, takwaiatison</i>	209

3. Konwennitentase Ashenseratokenti. 210

Tsi teieiasontha..	210
Eronhiakehronon akorensa..	210
Ashenseratokenti aorensa sonha..	211
<i>Ise Sashenseratokenti, saiatanehrakwat</i>	211
<i>O Sashenseratokenti!</i>	212
Ashenseratokenti konwennitenstakwa. . . .	213
<i>Tekonnonweratons, Sewenniiio, tsi takwari- wiiostontserawi</i>	213

4. Konwennitentase Wari Ioiatato- kenti.. 215

	SK.
Iontaterihonnienuitha..	215
WARI AORENSA..	218
Tsinakarihoten..	218
Tsinaieiere naerensokten..	220
Iontsennonniatakwa naerensokten..	222
OHNATOKENTI..	224
WARI AWERIASATOKENTI..	227
Wakonwawenniioste naweriasatokenti Wari..	227
Wari iakotenrathá: <i>O Wari saiatatokènti!</i>	228
Wari aweriasatokenti konwennitenstakwa...	229
Saksarie raoterennaientaksera, taonreni non- wentsiake ne kariwiioston: <i>Sewenniiio,</i> <i>tiotkon tsi senakere</i>	231
Wari, iontekwashentakwa niakoriwiioston wakonwennitentase..	232
WARI AWENNITA..	234
<i>O Wari saiatanehrakwat!</i>	234
Ase tsionniatha tsi iakotenekwaheston: <i>Se-</i> <i>wenniiio wakiatonti</i>	236
Konwawis nakaweriasa ne Wari..	237
<i>Rosennaiens</i>	239
<i>Tekwanoronkwaniens</i>	241

5. Ronwennitentase Sose Roiatatokenti. 242

Tontaterihonniennitha..	242
Ionterennaientakwa sonha ronwennitentase Sose..	243

<i>Ëtho ionkwatekwashen</i> (Ne roterennaientakserison Reon XIII)	243
<i>Sewenniiio, sattokha kowa nok satanitenras-kon</i>	245
<i>Sose, tekonnoronkwaniions</i>	245
<i>Sasehiarann, Sose</i>	246
<i>Sose saiatatokenti, iesaniha iahte ienakwai-teri</i>	247
Ronwennitentase Sose, 7 nikanikonhraksenserake ronikonhranonwakton, nok 7 niwatonnhatserake rotsennonnihon	247
Ronwennitentase Sose 9 nonta	254
Ionterennaientakwa naiakawenheiontiio	255
Wahonwaneken Sose nasakoterennaientahase naiakawenheiontiio	256
Ronwawis nakonikonhra Sose	257
Sose raorena: <i>Iesanentons Sose</i>	259

6. Ronwennennitentase Raotiwatsiratokenti 260

TSI IEWATSIRAIENTONS AKOTIIONKWA, RONWATIWENNIIOSTHA IESOS, WARI, SOSE RAOTIWATSIRATOKENTI	260
Akoiancrensera	260
Akotsennonniatsera	262
Akoterennaientaksera	267
<i>O Iesos! saiatanonwet kowa, seskwaskontakwen</i>	267
<i>O Iesos! saiatanonwet onwe, ne tsi iahtiaie-hewe</i>	268
OWATSIRATOKENTI, Wari Iotiienha Aotitiohkwa	270

Tsini ieieranions nensakoterennaiahase.. ..	271
Wari lotiienha konterennaientakwa... ..	273
Raotiwatsiratokenti raotirensa.. ..	273
— — — raotiriwa <i>Takwentenr</i>	275

7. Ronwennententase Eronhiakehronon... .. 282

Iontaterihonniennitha.. ..	282
Ronwennententase Wishe raronhiakehronon kowa.. ..	282
Ronwennententase Ronwaronhiakehronon sako- nonnha.. ..	284

8. Ronwennententase Sawatis Roiatatokenti.. .. 285

Sawatis raotiohkwa.. ..	285
Raotiianerensera.. ..	285
Raonaterennaientaksera.. ..	288
Ronwennententase Niio.. ..	288
Shonwanikonhraseronniatha Iesos.. ..	295
Sawatis raorensa.. ..	298

9. Ronwennententase Saksarie Roiatatokenti.. .. 301

Iontatehretsiaronkwa.. ..	301
Saksarie ronwennententase 9 nonta.. ..	302
Saksarie raoriwa <i>Takwentenr</i>	306

10. Rouwennitentase Resis Roiatato- kenti... .. 308

Iontatchretsiaronkwa... .. 308

Resis raoterennaientaksera... .. 310

Resis ronwennitentase 9 nonta... .. 310

TEIONRENIATHA KARIWIIOSTON AOTIOHKWA. 313

11. Aiontataterennaienhase niakowen- taon... .. 315

Iontaterihonniennitha... .. 315

Iakowentaon akawennita... .. 317

5 *Takwaienha*... nok 5 *Wari*..., niakowen-
taon akoriwake... .. 317

Seawenniio, satahonsatat... .. 318

12. Ionterennaientakwa sonha... .. 321

Iontatennitentase ne sate iontatiats akoiata-
tokenti... .. 321

Ontatienha iontataterennaiennis... .. 321

Nakonwasenni notkon... .. 323

Naiakonikonhriiohake... .. 323

Ionterennaientakwa ne ionnontonnion aiako-
niake... .. 324

Ionterennaientakwa naiciena tewateriwase-
rakhatha kowa... .. 325

ASHENHATON NATEIOTIAKON NE KAIATONSERA.

1. Iontatenekwahestha 329

Oh naieiere naiontatenekwaheste neksaa, arens iotteron naiaiheie.. . . .	329
Tsini haierha ne Ratsihenstatsi tsi sakonek- wahestha.. . . .	329
Tsi naieiere niaaonsakahewe tsi iakotenek- waheston.. . . .	340

2. Iontatkentsiokhas 341

Iontaterihonniennitha.. . . .	341
Tsini haierha n'Ariwawakon tsi sakokent- siokhas.. . . .	341
Ionterennaientakwa sonha ne sakokentsiokha- fe, nok nonen iakotkentsiokha... . .	346

3. Okaristia 346

Ne tsi sakorihonniennis eksa okonha ononsa- tokentike.. . . .	346
Ionterennaientakwa tsinaonteriwaienstane. .	347
— — — — — tsinaonteriwaienstako..	348
Tsini kahawis ne tiotierenton aieiatarane...	348
Konwawis nakaweriasa ne Wari.. . . .	349
Tsinaeiatarane ne teiakokonhentons.	349

4. Tewateranekenseratokenti... 353

Iontaterihonniennitha..	353
Tsini ieieranions tsinasakoterennaienhase na- koniake..	354
Ionterennaientakwa sonha tsinasakohasen- hase nakoniake..	357

5. Iontaterihontakwa naiehasen. . . 365

Iontataterennaiennis ne ronaterihonton ka- riwiiostonke..	365
Ronwaterennaiennitha n'Ariwawakon kowa.	365
— — — — — ne Ronwahniha Ari- wawakon..	366
Ronwanaterennaiennis ne Ratitsihenstatsi okonha..	367
Ronwanaterennaiennis n'Etsihenstatsi waton- sere..	369

6. Iontatiatokhas teiakokonhentons... 371

Iontaterihonniennitha..	371
Tsini haierha ne Ratsihenstatsi tsi sakoia- tokhas..	371
Tsinahoten aieriwaierite, nok aiairon ne iaiheionsere..	379
Iaiheionsere teiontateriwakwases..	381
Iontataterennaiennis ne iaiheionsere..	382
Ne iehetkentsihon akowenk <i>Takwentenr</i>	385

7. Tewateriwaserakwatha. 388

Tsini karihoten..	388
Toni iotitiohkwake..	390
Nahoten iontsennonniatakwa..	391
Oh naieiere ne iienhre takatentsa..	392

KAIERIHATON NATEIOTIAKON NE KAIATONSERA.

Neh tsi iawentatokenton okonha tsini ioseres, nok oni tsi iakawentontie- tha sonha, rawennahnotha ne kaiatonseratokenti Iesos Sonkwa- wenniio raoriwake ne rohasen, sontaiaetane..	395
---	-----

IERIWISAKTHA..	556
------------------------	-----

